

ওঁ নমঃ কুলদেবতায়ৈ ।

শ্রীমন্নিত্যানন্দ বংশবল্লী ও  
গঙ্গাদেবীর বংশবল্লী এবং  
বৈষ্ণবদিগের সাধনা ।

পূর্ব ও উত্তর ভাগ ।

বিবিধ প্রামাণিক বৈষ্ণব গ্রন্থ হইতে সংকলিত ।  
গোস্বামী প্রভুদিগের ও ভাবকদিগের বিশেষ প্রয়োজনীয় গ্রন্থ ।

শ্রীক্ষীরোদবিহারী গোস্বামী প্রণীত

ও প্রকাশিত ।  
কলিকাতা ।

১নং কাশীমিত্রের ঘাট স্ট্রীট ৬ গোবিন্দজিউর মন্দির হইতে  
প্রকাশিত ও ৩নং কমলা প্রিন্টিং প্রেস  
শ্রীশচীন্দ্রকুমার দাশ গুপ্ত  
দ্বারা মুদ্রিত ।

সন ১৩২১ শাল ।

শ্রীমতী কামিনীমণি দাসীর দ্বারা বিনামূল্যে সহস্র পুস্তক বিতরিত ।

( মূল্য ১/ মাত্র )

( Copy right reserved )

নয়নং গলদশ্ৰু ধারয়া,  
বচনং গদ গদ রুদ্ধয়া ।  
পুলকৈর্নিচিতং বপুঃকদা,  
তব নাম গ্রহণে ভবিষ্যতি ॥

১৯৮  
Acc ২২৪৪৩  
~~Acc ২~~  
২৪/১২/১৫

## বিজ্ঞাপনং ।

অধুনা পুস্তকপ্রণয়ন বা সংবাদ পত্রের স্তম্ভ পূরণ পাণ্ডিত্যের সহচর হইয়া উঠিয়াছে । কার্যও অতি সহজ বটে ! যে কথা কহিতে জানে, তাহার পুস্তক প্রণয়নে বাধা বিপত্তি ঘটে না । মুখ নিঃসৃত পাণ্ডিত্যইত পুস্তক ? আর ত কিছুই নহে । সে যাহা হউক এ বিষয়ের বিশেষ আলোচনা নিম্প্রয়োজন ও কলহের নিদান । আমি পাণ্ডিত্য হেতু এই পুস্তকের অবতারণা করি নাই । অকারণ অনভিজ্ঞের গালি বর্ষণ পূর্ব পূর্ব মনীষিগণ উপেক্ষা করিয়াছেন । কারণ তাহারা শিষ্টিতা ও সরলতায় অলঙ্কৃত ছিলেন । আমরা ভিন্ন প্রকৃতির লোক । আমরা মূর্খ আবার গর্বিবত, পুনশ্চ নানা গুণের গুণমণি । সুতরাং পূর্বপুরুষদিগের ঔদাসীন্য সহ্য হইল না ; উত্তর গাহিতে আরম্ভ করিয়াছি ।

আমাদিগের বংশ সম্বন্ধে নানা লোকের নানা কথার আলোচনা শুনিতে পাই । তাহার পর বীরভদ্রী থাক, ভঙ্গ ও ছিন্ন কুলীনদিগের পক্ষে হাশ্বোদীপক ব্যাপারে পরিণত হইয়াছে । তাহারা বা তাহাদের পূর্বপুরুষগণ কুলভঙ্গ করিয়া মর্যাদা প্রাপ্ত বিবেচনা করিয়া থাকেন ; এবং “ধরাকে সরে দেখেন ।” যাহারা স্বভাবে অবস্থিত, তাহাদিগকে উপহাস করেন । কেহ বলেন শ্রীনিত্যানন্দের বংশ নাই ; শিষ্য পুত্রেরাই তদ্বংশীয় বলিয়া পরিচিত । কেহ বলেন তিনি শাক্ত ছিলেন, ভেকে লুকনীকে বিবাহ করেন, ও তাহারই গর্ভজাত সন্তান নিত্যানন্দ বংশ । কেহ বলেন, নিত্যানন্দ জাহ্নবীকে বিবাহ করেন বটে, কিন্তু তাহার গর্ভে গঙ্গানাম্নী এক কন্যা মাত্র জন্মিয়াছিল । শ্রীমতী বসুধার পুত্র বীরভদ্র ইহাও কেহ কেহ বলেন । আবার ভঙ্গ কুলীনগণ আপন আপন কূলে জলাঞ্জলী দিয়া, বীরভদ্রীতে বড়ই দুর্গন্ধ অনুভব করেন, এবং উপহাস করিতেও লজ্জা বোধ করেন না । তাহার কারণ উপস্থিত ক্ষেত্রে ইংরাজী শিক্ষিত যুবকবৃন্দ আপন জাতি কুলের কোন খবর রাখেন না । কাজেকাজেই বংশজগণ স্তুবিধা পায় । বহু বিবাহ পুস্তকে, জ্ঞানী ও স্থির বুদ্ধি বিপ্রদাস মুখোপাধ্যায় মহাশয়

লিখিয়াছেন। “কিন্তু যাহাহউক এ সমস্ত কোন কথার উপরই আমাদের আস্থা নাই।” একথা যথার্থ, তিনি ইহার বিশেষ জ্ঞাত না হইয়া একজনকে গালি দিতে কি করিয়া স্বীকার হইবেন; সেইজন্য প্রবাদের উপর নির্ভর করেন নাই। কিন্তু একস্থানে কিঞ্চিৎ ভ্রমে পড়িয়া লিখিয়াছেন। “তবে এই বংশে যিনি বিবাহ করেন, তিনি কুলচ্যুত হইয়া এই দলভুক্ত হন।” কিন্তু ইহা তাঁহার অনুসন্ধান করা উচিত ছিল যে, বীরভদ্রী কুলচ্যুতির কারণ কিনা। এবং শুদ্ধ শ্রোত্রীয়গণ কুলনাশক কিনা। এস্থলে সত্য কথা বলিতে হইলে বীরভদ্রী থাক প্রাপ্ত হয়” বলিলেই চলিত। তাহা চিন্তা না করিয়া কুলচ্যুতি ঘটাইয়াছেন কেন ইহা বুদ্ধির অগোচর।

গ্রন্থকারস্য ।



# পূর্বভাগ ।

## সাধনা ।

তত্ত্বং সংসৃতি বারিধিং ত্রিজগতাং নোঁর্ণাম যস্য প্রভে, যেনেদং  
সকলং বিভাতি সততং জাতং স্থিতং সংসৃতম্ । যশ্চৈতন্যঘনপ্রমাণ  
বিধুরো বেদান্তবেদো বিভুস্তং বন্দে সহজপ্রকাশ মমলং শ্রীকৃষ্ণচন্দ্রং  
পরম্ ।

যেনাম সংসার বারিধি তরণে ত্রিজগতের এক মাত্র নৌকা, যাহার  
দ্বারা এই বিশ্বপ্রপঞ্চ উদ্ভাসিত, জাত এবং যাহাতে স্থিত, যিনি চৈতন্য  
ঘন, অপ্ৰমেয়, বেদান্তবেদ্য ও বিভু । সেই সহজ প্রকাশ পরাৎপর  
বিমল শ্রীকৃষ্ণচন্দ্রকে বন্দনা করিতেছি ।

কোন কার্য্য সুশৃঙ্খলে নির্বাহ করিতে হইলে একটী কর্তার  
প্রয়োজন । কর্তা অনেক হইলে কার্য্য পণ্ড হয় । কি মহৎ কি  
সামান্য একের অধিক কর্তা কার্য্যনাশক । এমন কোন একটী কর্তা  
আছে, যাহা দ্বারা এই বিশ্বব্রহ্মাণ্ড রহিয়াছে । প্রবাহের ন্যায় কার্য্য  
সকল চলিতেছে, কিন্তু ভ্রম প্রমাদ নাই । প্রতি বন্ধক নাই । প্রাণি  
মাত্রেই জন্ম গ্রহণ কালে তাহার অদৃষ্ট সঙ্গ লইয়া জন্মগ্রহণ করে ।  
তাহাও বিচা বা জ্ঞান প্রভাবে আমরা জ্ঞাত হইতে পারি । জন্মলগ্নের  
গ্রহসংস্থান দেখিলেই জ্ঞাত হওয়া যায় । মনুষ্য নিভুল নহে ভ্রম  
প্রমাদ সেই কারণেই কখন কখন হয় । সামুদ্রিক শাস্ত্রের দ্বারাও স্থল  
দশা অবগত হওয়া যায় । কিন্তু ঐসকল অদৃষ্টসুলভ সুখ দুঃখ  
জ্ঞাত হইলেও তাহার প্রতিকার কাহারও সাধ্যায়ত্ত নহে । অদৃষ্ট  
যে পথে লইয়া যাইবে, সেইরূপ সুযোগ ও প্রাপ্ত হইবে সুতরাং সেই  
পথই তোমাকে অবলম্বন করিতে হইবে । অদৃষ্ট কোন বাধা বিপত্তি  
মানিবেনা । কোন জ্ঞানবান্, ধনবান্, বা বুদ্ধিমান্ ব্যক্তি বাধা দিতেও  
সক্ষম হইবে না ।

আমরা দেখি কোন ব্যক্তির উপার্জনের ক্ষমতা নাই, বা সেরূপ  
কোন গুণও তাহার নাই, পিতৃ সম্পত্তিও নাই, কিন্তু রাজতুল্য সুখে

নির্বাহ করিতেছে । ইহা এক প্রকার অহৈতুকীয় ণায় প্রত্যক্ষ হয় । কাহার যথেষ্ট বিদ্যা আছে, উপার্জনের কৌশলও আছে, গুণ আছে, কারণও আছে, উপার্জনের শক্তিও আছে, বুদ্ধি দ্বারা অপরের সম্পত্তি রক্ষা করিতেছে, উপার্জনের দ্বারা বৃদ্ধি করিতেছে, কিন্তু তাহাকে অতিনিঃস্ব অবস্থায় অতিক্রমে নির্বাহ করিতে দেখা যায় । কেহ বা দরিদ্রের উদরে জন্ম গ্রহণ করিল, ২৪ মাস মধ্যে শৈশবে অতুল সম্পত্তি লাভ করিয়া রাজ্য, সম্মান ও সুখের প্রবাহে আজীবন ভাসিল । কেহ ঐরূপ সম্পত্তি লাভ করিয়াও দুঃখের কবল হইতে নিষ্কৃতি পাইলনা মানবলীলা সম্বরণ করিল । কেহ উচ্চকূলে নিন্দিত ও দরিদ্র । কেহ নীচকূলে সম্মানিত ও কুবের তুল্য ধনবান্ ও দেবতুল্য সুখা । ইহা পুরুষকার অর্থাৎ চেষ্টা সাধ্য নহে । তবে কেন ঐরূপ হয় ? জন্মান্তরীণ কর্মফল ব্যতীত ইহার উত্তর নাই ।

---

## যোনিজ অযোনিজ দেহ কর্মের ফল ।

জন্মান্তরীণ কর্মফল মনুষ্যাদি জন্মের প্রধান কারণ । জন্মস্থান বিশেষে উপাদানের ও বিশেষ হয় । সংযোগ ভিন্ন কোন জন্ম পদার্থ উৎপন্ন হয় না । আবার ঐরূপ সংযোগের নাশে জন্ম পদার্থের ও নাশ হয় । শরীর সংযোগে উৎপন্ন । কিন্তু উপাদানাতিরিক্ত ভৌতিক দ্রব্যের ঐরূপ সংযোগ শরীর নহে । পরং যেরূপ সংযোগের দ্বারা কার্য্য নাশ হয়না, সেই সংযোগই উৎপত্তির সহায় । এই দেহে রুদ আছে, তাপ আছে আকাশাদির সম্বন্ধও আছে । এই সমস্ত সত্ত্বও পৃথিবীই ইহার উপাদান ও সমবায়ি কারণ । অন্যান্য ভূত সকল নিমিত্ত কারণ । অনু প্রভৃতির সংযোগ দেহের উৎপাদক, এবং ঐরূপ সংযোগের নাশ দেহের নাশক ।

শরীর দ্বিবিধ যোনিজ এবং অযোনিজ । জরায়ুজ এবং অণুজ যোনিজ দেহ । স্বেদজ ও উদ্ভিজ্জ দেহ আযোনিজ । যোনিজ বা অযোনিজ দেহ পাপ ও পুণ্য উভয় ফলের দ্বারা জন্মে । বরুণ লোকাদিতে যে দেহ ধারণ হয় তাহা পুণ্য ফলে । বায়ুলোকে পুণ্যফলে বায়বীয় দেহ উৎপন্ন হয় । আবার পাপ ফলেও বায়বীয় দেহ ঘটে । সূর্যালোকে তৈজস দেহধারণ পুণ্যের ফল । এই বিশ্বব্রহ্মাণ্ডে অসংখ্য পরমাণুপুঞ্জ ঘুরিতেছে । ধর্মপ্রভাবে দেবশরীর উপযোগী পরমাণু সমষ্টি মিলিত হইয়া অযোনিজ দেহ সৃষ্টি করে । সূক্ষ্ম শরীরের সহিত আত্মাও সেই দেহেই সম্বন্ধ করে । এই পরমাণু পুঞ্জ ভিন্নজাতীয়ে সংলগ্ন হয় না । এইরূপে অযোনিজ দেহ প্রাপ্তি হয় ।

যোনিজ দেহ স্ত্রীপুরুষ সংসর্গের ফল । পূর্ব পাপপুণ্য ভোগের অবসান হইলে ভ্রষ্ট হয় । তখন জন্মান্তরীণ কর্মফলে স্ত্রীর গর্ভ মধ্যে প্রবেশ করিয়া বৃদ্ধি প্রাপ্ত হয় । প্রথম বুদ্ধ হইতে ক্রমে মনুষ্যাকারে পরিণত হয় । সেই সময় হইতে মলমূত্র পরিবেষ্টিত গর্ভ মধ্যে অধোমুখে অবস্থিতি করে । সপ্তম মাসের পর জ্ঞান প্রাপ্ত হইয়া, বিবিধ কষ্ট ভোগ করে । তবে ঐ জ্ঞান জাগতিক জ্ঞান নহে ।:

ভূমিষ্ঠ হইলে জাগতিক, অর্থাৎ মনুষ্য যোগ্য জ্ঞান শিশুকে অধিকার করে। ঐ বিপর্যয় হেতু শৈশবে অজ্ঞান থাকে। যৌবনে বনিতাক্রম থাকে কিছুই বুঝিতে পারে না। পরে কিক্ৰিকাল অবসর প্রাপ্ত হইয়া যদি বুদ্ধি দ্বারা এই জগৎ ও আত্মপরিচয় জ্ঞাত হইতে পারে, তবেই মুক্তিভাগী হয়। নচেৎ প্রলোভনদণ্ডে পরিচালিত হইয়া সংসার চক্রে ভ্রমণ করে। কাল উপস্থিত হইলে বিনানুরোধে লইয়া যায়। মৃত্যুর পূর্বে এক বৎসরের মধ্যে অরিস্ত সকল প্রকাশ পাইতে থাকে।

### মৃত্যু ।

মূর্ছা বিশেষ। সামান্য মূর্ছায় পূর্বাৱস্থা পুনঃ প্রাপ্তি হয়, নচেৎ দেহত্যাগ জন্ম মৃত্যু ঘটে। মৃত্যুমূর্ছার পর সূক্ষ্ম শরীরের আতিবাহিক অবস্থা হয়। ইহা প্রত্যক্ষও হয়। প্রেত ষড়্ বিধ সামান্য পাপী, মধ্য পাপী, স্থূল পাপী, সামান্য ধর্ম্মা মধ্য ধর্ম্মা ও উত্তম ধর্ম্মা। স্থূলপাপী মহাপাতকী। স্বাভাবিক মৃত্যু হইলে ইহাদের মহাপাতক জনিত রোগে মৃত্যু হয়। এইরূপ মৃত্যু অত্যন্ত যন্ত্রণাদায়ক। মৃত্যুর অব্যবহিত পূর্বে দায়াদগণ ও রোগী ভয়ঙ্কর প্রতিমূর্ত্তি সকল দেখেও বিকট শব্দও শুনিতে পায়। মূর্ষ্য বাহ্যজ্ঞান শূন্য হয়, ও স্বপ্নাবেশে পরজন্মের ছায়া দেখিয়া চীৎকার বা ক্রন্দন করিতে করিতে মূর্ছিত হইয়া মৃত্যুমুখে পতিত হয়। ভোগাবসানে পুনশ্চ মনুষ্যদেহ প্রাপ্ত হইলেও ঐ মহাপাতকের চিহ্ন সপ্তজন্ম পর্য্যন্ত থাকে। কোন শিশু, অনাবৃত লিঙ্গ জন্মগ্রহণ করে। ইহা অতি কুৎসিৎ মাতৃগমন জনিত মহাপাতকের চিহ্ন। কেহ নাদিকা বা কর্ণে ছিদ্র লইয়া ভূমিষ্ঠ হয়। ঐ চিহ্ন গুরুদ্রোহ রূপ মহাপাতকজনিত হয়। এই প্রকার নানা পাতকের নানাপ্রকার চিহ্ন নির্দিষ্ট আছে। তাহা অনেকে প্রত্যক্ষ করিয়া থাকিবেন। মধ্য ও সামান্য পাপীর পাতকবিশেষে ফলেরও ন্যূনাধিক্য ঘটিয়া থাকে।

যাহারা উত্তম ধর্ম্মা পুণাশীল, তাহাদের মৃত্যু অত্যন্ত সুখকর বলিয়া হাস্যবদনও কষ্টের কোনরূপ চিহ্ন ও লক্ষিত হয় না। মমতা-শূন্য হইয়া সর্ববাস্তুরূপে সজ্ঞানে সর্ববতোভাবে পরমাত্মায় আত্ম-

সমর্পণ করিয়া উত্তমঅঙ্গের ছিদ্র দিয়া বা ব্রহ্মরন্ধ্র উদ্ঘাটিত করিয়া চলিয়া যায়, অর্থাৎ প্রাণত্যাগ করে । কেবল বস্ত্রত্যাগের ন্যায় এইস্থূল শরীর পরিত্যাগ, ও বস্ত্রাস্তর গ্রহণের ন্যায় কায়াস্তর গ্রহণ মাত্র উপলব্ধি হয় । সূক্ষ্ম বায়ু প্রবাহিত হয় ও সূর্যমণ্ডলের প্রকাশ হয় । তাহাদের রাত্রিকালে বা সন্ধ্যার সময় মৃত্যু হয় না । যাহারা মধ্য ধর্মী তাহারা মৃত্যুমূর্ছার পর, ব্যোমবায়ু পরিচালিত হইয়া ওষধিপ্রধান চৈত্ররথাদি বনে কিন্নরাদি শরীর প্রাপ্ত হয় । তথায় সূক্ষ্ম ভোগাস্তর প্রচ্যুত হইয়া, খাচের সংশ্লেষে ব্রাহ্মণাদি নরগণের হৃদয়ে প্রবেশ করতঃ রতঃ সংক্রমে নারী গর্ভে প্রবেশাস্তর জন্মগ্রহণ করে । মৃত্যু মাত্রেরই ক্রমে বা অক্রমে মৃতিমূর্ছাবসানে বাসনানুরূপ এই নিয়ম অনুভব করে । মূর্ছা ভঙ্গের পর “আমি মরিয়াছি” এইরূপ জ্ঞান হয় । দাহকার্যের পর পিণ্ডাদি প্রাপ্ত হইলে, “আমার শরীর হইয়াছে” এইরূপ জ্ঞান হয় । তাহারপর যম যমদূত, স্বর্গ, যমালয়, “এ আমাকে যমপুরে লইয়া ষাইতেছে” এইরূপ উপলব্ধি হয় । উত্তম পুণ্যশালী প্রেতগণ স্কর্শ্বলক বিমানাদি উপভোগ অনুভব করিতে থাকে । পাপিষ্ঠেরা বোধ করে হিম, কণ্টক, গর্ভ, শস্ত্রসঙ্কুল অরণ্য অপবিত্রস্থান সকল, ~~মৃত্যু~~ মৃত্যু এই সমস্ত অনুভবে দ্বারা ভোগ করে । মরণে প্রত্যেকেরই পারলৌকিক ফল ভোগ হয় । ফলতঃ জীব যদি অধিকাংশ পুণ্য ও স্বল্প পাপ করে, তবে পৃথিব্যাদি সূক্ষ্ম ভূত দ্বারা শরীর লাভ করিয়া পারলৌকিক ভোগ করে । অধর্ম্য বহুল ব্যক্তির সেরূপ না হইয়া, যাতনাময় দেহলাভ করিয়া যন্ত্রণা ভোগ করে । যমযাতনা শেষ হইলে পুনশ্চ ভাগমত ভৌতিক দেহ প্রাপ্ত হইলে পর, পাপ ও পুণ্যফল ভোগ হয় । আতিবাহিক অবস্থায় অনুভবাত্মক ফলভোগ করে । দেহ ভিন্ন দৈহিক ফলভোগ হয় না । চেতনা পুনর্জন্মের বীজী ভূত বাসনা বিশিষ্ট থাকায়, পুনর্ব্বার দেহ প্রাপ্তির জন্য চেষ্টা করে । সেই কারণই পুনর্জন্ম হয় । ইহাই জীবনামে কথিত হয় । উহা গগনেই থাকে, শূন্যই ইহার বাসস্থান । ব্যবহারিকগণ ইহাকেই প্রেত বলে । ভৌতিকাংশের ন্যূনাধিক্য বশতঃ ব্যাধির উৎপত্তি হয় । কিন্তু

ঐরূপ সংযোগীর বিষমাংশে ক্ষয় উপস্থিত হইলে মৃত্যু হয় । ঐরূপ দেহে চেতনা থাকে না । ভৌতিকাংশের সমতা হইলে ব্যাধি মুক্ত হয় নতুবা মৃত্যু ঘটে ।

সাধারণ চক্রে একটী বিশিষ্ট শক্তির আবির্ভাব হয় । ইহা আমরা প্রত্যক্ষ করিয়া থাকি । অন্ততঃ দশজন না হইলে এইরূপ চক্র হয় না । একদিবস এই চক্রে কোন এক মহাপাতকী উপস্থিত হয় । আমরা বুঝিতে পারিয়া তাহাকে পরিচয় জিজ্ঞাসা করিলে, উত্তর পাইলাম,—অহো কি অনন্ত অসীম যন্ত্রণা । আমরা জিজ্ঞাসা করিলাম, কাহার যন্ত্রণা ? ওঃ নাহি জল নাহি স্থল নাহি দিক্ বিদিক্, ঘোরতম চারিধার, অযুত অযুত ফণিফণা ভয়ঙ্কর । তীব্র গরল করিছে উদগার, দহে দেহ, মৃত্যুকষ্ট জ্যেষ্ঠ নহে তুলনায় ইহার । আহা গেলাম গেলাম ? প্রশ্ন—কতকাল এরূপ যন্ত্রণাভোগ করিতেছ ? বহুকাল, কিসে অব্যাহতি, উপায় কি আছে কিছু । প্রশ্ন—কে যাতনা দিতেছে,

তোমার অব্যাহতির উপায় তুমি জান না ? যে চারিজন বিকট ছায়া মূর্তি আমাকে লইয়া আসিয়াছে তাহারাই যন্ত্রণা দিতেছে । প্রশ্ন হইল হরি নাম কর ? আমার অধিকার নাই । কোন দয়াবান্ কৃপা করিলে এযন্ত্রণা শেষ হয় । প্রশ্ন, কিরূপে দয়াবান্ দয়া করিবেন ? আমার হইয়া ক্ষমা প্রার্থনা ও সাধুসেবা করিয়া তাহাদের শুভ কামনা লাভ ; সেইজন্য এইচক্রে আশ্রয়ভিক্ষার্থ আসিয়াছি । স্বীকার করিলে সেই মহাপাতকী চলিয়া গেল । এইরূপে আতি-বাহিক অবস্থায় অনুভব সিদ্ধ যন্ত্রণা ভোগকরে । ইহা দশ ব্যক্তির প্রত্যক্ষ বিষয় । এই অনুভবাত্মক যন্ত্রণা কতকাল ভোগ হইবে তাহা অজ্ঞাত । ভোগ অবসানে ভৌতিক শরীর প্রাপ্ত হইলে, দৈহিকাদি ত্রিবিধ যন্ত্রণাভোগ হইবে । সময় না হইলে পিণ্ডদানেও কোন ফল দর্শনা । এবং গয়া কার্যে সুবিধা বা প্রবৃত্তি ও জন্মে না । কাল পূর্ণ হইলে সকলি সুবিধা জনক হয় । ইহা আমার প্রত্যক্ষ বিষয় ।



## বাসনাহেতু শরীর ।

জন্ম মৃত্যুর কাল নির্দিষ্ট থাকিলেও জীবের অজ্ঞাত বলিয়া দৈবাধীন বলে । মৃত্যুর পরক্ষণ হইতে পুনশ্চ কর্মফল ভোগ আরম্ভ হয় । নিরবকাশহেতু নিত্যবৎ অনুমেয় । জীবন ক্ষণস্থায়ী ও নশ্বর । এই দেহপিণ্ড অনিত্য, চঞ্চল, অনাধার ও রসোদ্ভব । যেমন অন্নসকল প্রাতঃকালে প্রস্তুত হইয়া সায়ং কালেই নষ্ট ও বিনাশ প্রাপ্ত হয় । সেইরূপ অন্নপুষ্ট দেহের নিত্যতা কোথায় ? কেবল অদৃষ্ট সঞ্চয় জন্ম অবসর প্রদান হেতু মনুষ্য জন্ম, সৃষ্টিকর্ত্তা ক্ষণকালের নিমিত্ত বিধান করিয়াছেন । এই সামান্য কালের মধ্যে শুভাদৃষ্ট অর্জন করিতে পারিলে অভ্যুদয় হয় । নচেৎ পুনঃ পুনঃ দুঃখাস্তরে পতিত হইতে হয় । প্রলোভনে প্রতারিত হওয়া পাপ জনক পরিণাম । জন্মে জন্মে ত্রিবিধ পাপ সঞ্চয় হয় । পশুজন্মে শারীরিক দুঃখই ভোগ হয় । মনুষ্য জন্মে ত্রিবিধ দুঃখভোগ হয় । বায়ুর সহিত যেমন গন্ধ থাকে, মৃত্যুর পর আত্মার সহিত বাসনাও সেইরূপে থাকিয়া যায় । বাসনা অর্থে ইচ্ছা । ঐ বাসনা আবার কর্ম্যানুরূপ জন্মে । গর্ভবাস কালেও কর্ম নিয়ত থাকে । জন্মেও সেইরূপ গতি হয় । আধি, ব্যাধি, ক্লেশ, জরা, ও মৃত্যুরূপ বিপর্যয় গর্ভবাসানুসারেই হয় । বাসনা দ্বিবিধ শুদ্ধ ও মলিন । শুদ্ধ বাসনার দ্বারা অদৃষ্টের অভাব হেতু পুনরাবৃত্তির ও অভাব হয় । মলিনবাসনা পুনরাবৃত্তি অর্থাৎ জন্মের কারণ । মলিন বাসনা অজ্ঞানের আকর এবং অহং জ্ঞানের মূলীভূত কারণ । সেইজন্য পণ্ডিতগণ ইহাকে জন্মকারিণী ও শুদ্ধ বাসনাকে জন্মহারিণী বলিয়া নির্দেশ করেন । যেমন ভূষটবীজের দ্বারা অঙ্কুরোদগম হয় না । সেইরূপ অদৃষ্ট অভাব হেতু আর জন্মগ্রহণ করিতে হয় না । মলিনবাসনা পুনঃ পুনঃ সংসারে আনয়ন করে । সংসার প্রলোভন মাত্র ইহাতে সুখের লেশমাত্রও নাই ।

মন শান্ত ও নিরীহ হইলে, স্বকীয় ইন্দ্রিয়ের কার্য উৎপন্ন বা অনুষ্ঠিত হইলেও তাহাতে কোন ফলদর্শে না । অর্থাৎ তাদৃশ জ্ঞান

হইতে সংস্কারের উৎপত্তি হয় না। যেমন, বক্ষ্যার স্বামিসহবাস ব্যর্থ হয়। তদ্রূপ নিরীহ মনের কার্য দ্বারা সংস্কারের উৎপত্তি হয় না। বিষয়ের সহিত জ্ঞানেন্দ্রিয়ের সংযোগ হইলে, বিষয় ভোগের ইচ্ছা প্রবল হয়। বিষয় ভোগও ঘটে। সেই ভোগ জন্মই সংস্কার উৎপন্ন হয়। তাহাই বাসনা। এইরূপ বাসনাই জন্মান্তরের মূল কারণ। মন শাস্ত হইলে কিছুতেই তাদৃশবাসনা দ্বারা সংস্কার জন্মে না। সংস্কার অভাবে জন্মান্তরেরও অভাব হয়। এইরূপ বিষয় ভোগ হওয়া বা না হওয়া উভয়ই সমান। মন প্রত্যক্ষের কিঙ্কর। মন নিরীহ ও শাস্ত হইলে, তোমার কর্মেন্দ্রিয় সকল আর কর্মে প্রবৃত্ত হইবে না। যেমন যন্ত্রী না চালাইলে যন্ত্র চলে না, তদ্রূপ মন না চালাইলে কর্মেন্দ্রিয়ের সংস্কার উৎপাদক কর্মসকল নিবৃত্তি হয়। মন হইতে বিষয়ের আবির্ভাব হয়। সুতরাং বিষয় বাসনা না হইলে মনও সঞ্চালিত হয় না। বায়ুর যেমন সঞ্চালন শক্তি আছে। সেইরূপ বিষয় বাসনার অন্তরেও বাহ্যিক ভোগ ও চিন্তার বিষয়ীভূত জগৎসংস্কাররূপে বিরাজিত রহিয়াছে। এই বাসনাই পুনরাবৃত্তির হেতু। বায়ুর সহিত সূক্ষ্ম ও দুর্গন্ধ উভয়ই থাকে। সূক্ষ্ম শুদ্ধ ও দুর্গন্ধ মলিন।

## শরীর দ্বিবিধ সূক্ষ্ম ও সূক্ষ্ম ।

সূক্ষ্ম পঞ্চভৌতিকদেহ স্ত্রীপুরুষ সংযোগের ফল। ইহা পিতা মাতা দ্বারাই সংসাধিত হয়। এই শরীরের উৎপত্তি ও বিনাশ আছে। এই দেহ অন্ত্যকালে মৃত্তিকা, ভস্ম, অথবা শৃগাল কুকুরাদির বিষ্ঠারূপে পরিণত হইবে। যে যতই চেষ্টা বা যত্ন করুক, এই শরীরকে কেহই অজর অমর করিতে পারিবে না। কেবল মাত্র কিছু সময় জন্ম স্থায়ী হয়। অস্ত্রে গত্যন্তর নাই। প্রাসাদবাসী রাজা ও কুটীরবাসী দরিদ্র সকলেরই সমান গতি। এই অবস্থায় নির্ধন বা ধনবানে কোন প্রভেদ নাই। কোন দার্শনিক ইহাকে দ্বাদশ আয়তন বা ভোগায়তন বলেন। কারণ এই দেহেই ভোগ হয়। আতিবাহ্যিক অবস্থায় দৈহিক ভোগ হয় না।



## সূক্ষ্মশরীর ভৌতিক ।

ভৌতিক পদার্থ মাত্রের সূক্ষ্ম ও স্থূল দুই প্রকার অবস্থা দৃষ্ট হয় । স্থূলের সহিত আমরা কার্য্য করিতে পারি, সূক্ষ্মের সহিত পারি না । সূক্ষ্ম অবস্থার রূপ বা প্রত্যক্ষ নাই, ইহা এক প্রকার নিত্য এবং মহাপ্রলয় পর্য্যন্ত স্থায়ী । যেমন ক্ষিত্তির সূক্ষ্মাবস্থা পরমাণু । জলের সূক্ষ্মাবস্থা বাষ্প । বাষ্প বা পরমাণু আমরা দেখিতে পাই না, কিঞ্চিৎ স্থূল ভাবাপন্ন হইলে বাষ্প ধূমেয় স্থায় ও পরমাণু রেণুর স্থায় দেখি । এইরূপ সমস্ত ভূতেরই সূক্ষ্ম অংশ আছে, ইহার দ্বারা গঠিত শরীরকে সূক্ষ্মশরীর বলে । মন, বুদ্ধি, অহঙ্কার, পঞ্চজ্ঞানেন্দ্রিয়, পঞ্চকর্মেন্দ্রিয়, পঞ্চতনুমাত্র, এই অষ্টাদশ ভূতের সমষ্টি সূক্ষ্মশরীর । মহাপ্রলয় পর্য্যন্ত স্থায়ী এবং অব্যাহতগতি সূক্ষ্মদেহ, শীলা মধ্যেও প্রবেশ করিতে পারে । এবং ইহলোকও পরলোকগামী । সূক্ষ্ম-শরীর, মনুষ্য, পশু, পক্ষী, শিলা ও বৃক্ষাদিরূপ স্থূল শরীর ধারণ করে । কখনও স্বর্গীয় কখনও নারকী অবস্থা প্রাপ্ত হয় । এই শরীরে সুখ দুঃখাদি ভোগ হয় । কিন্তু বিনাশ হয় না । কল্পান্তকালে যত গুলি জন্মিয়াছে তাহারাই প্রলয়কাল পর্য্যন্ত স্থায়ী । কল্পান্তের পর পুনশ্চ প্রয়োজন অনুসারে জন্মিবে ।

## পঞ্চ মহাভূতের সঞ্চয় ।

ভূমি ।

ভূমি হইতে জীবের চর্মমাংসাদি সমন্বিত শরীর সংস্থান সজ্জাটিত হইয়া থাকে । ভূমি, লোক সকলকে ধারণ করিতেছে । পৃথিবী এই জীব জগৎ পালন করিয়া থাকে । এই ভূমিই আবার ধ্বংশের প্রধান কারণ । ইহার অমাত্য নাসিকা । ইহার দ্বারা দেহের পুষ্টি সাধন হয় । ইহার গুণ স্রাণ গ্রহণ । পৃথিবী হইতে ইহা উৎপন্ন । পৃথিব্যাংশপ্রধানমনুষ্য রাজা হয় ।

অপ্ ।

অপ্—জল, শরীরের শুক্র, মজ্জা, মেধ, এবং ত্বক্, সন্ধিস্থিত স্নেহ, ও রুধির প্রবাহ উৎপন্ন করে। অমৃতবৎ পদার্থে শরীর পোষণ করে। জলীয় অংশ অপসৃত হইলে, তৃষ্ণা জন্মে, রক্ত তারল্য অভাবে মৃত্যু ঘটে। এই জন্ম ইহার নাম জীবন। জিহ্বা ইহার অমাত্ম বুদ্ধির প্রেরণায় বাক্য উচ্চারণ করে। আশ্বাদ গ্রহণ ইহার গুণ, ইহার নাম বাগিন্দ্রিয়। অপ্ ইহার জনক। জলীয়াংশপ্রধান মনুষ্য দেহে, লক্ষ্মী, তৃপ্তি, যশ, ও কীর্তি নিয়ত থাকে।

তেজঃ ।

তেজঃ—তেজঃ চৈতন্যসহগামী ও জীবনীশক্তির অনুমাপক। তেজঃ অভাবে মৃত্যু হয়। চক্ষুদ্বয় ইহার অমাত্ম।

চক্ষু দ্বারাই চরাচর জগৎ দেখিতে পাওয়া যায়। রূপ গ্রহণ ইহার গুণ, বুদ্ধি কর্তৃক প্রেরিত হইয়া কার্য করে। তৈজসাংশ প্রধান শরীরে, প্রতাপ, শৌর্য্য, বীর্য্য, উৎসাহ, আত্মনির্ভরতা থাকে।

বায়ু ।

মরুৎ—বায়ু কার্য্য কারণভেদে পঞ্চবিধ। প্রাণ, অপান, ধ্যান, উদান, ও সমান। উর্দ্ধ গমনশীল নাসাগ্রস্থায়ী বায়ুর নাম প্রাণ। অধোগমনশীল পায়ুস্থানীয় বায়ু অপান। সর্ব্বনাড়ী গমনশীল কণ্ঠস্থানীয় উৎক্রমণ বায়ুর নাম উদান। ভুক্ত অন্ন-জলাদিসমীকরণকারী বায়ু সমান। এতদ্ভিন্ন মহর্ষি কপিল বলেন নাগ, কুর্শ্ব, কুকর, দেবদত্ত, ও ধনঞ্জয় নামে বায়ু আছে। ইহাদের কার্য্য উদ্দিগরণ, চক্ষুউন্মীলন, ক্ষুধারউজ্জেক, জৃম্মণ ও পুষ্টি সাধন। এই নাগাদি প্রাণাদি বায়ুর অন্তর্ভুক্ত। তাহা কার্য্যেই স্পর্শ বোধ হয়। গমনাদি ক্রিয়া প্রাণাদি পঞ্চবায়ুর স্বভাব, সেই জন্ম রজঃ-অংশের অনুমান হয়। বায়ু হইতে শুভাশুভ ও জীবন ধারণ হয়। বায়ু সকল শারীর কার্য্যের সমাধান কর্তা। ত্বক্ ইহার অমাত্ম। স্পর্শ ইহার গুণ মহাপ্রভাব বায়ুর প্রভাবে জীবদেহ

সবল ও সুস্থ থাকে । ইহাকে স্পর্শেন্দ্রিয় কহে । বায়বীয়-অংশ-প্রধান মনুষ্য উৎসাহসমম্বিত ও প্রিয়দর্শন হয় । বায়ু জীব-জগতের সৃজন পালন ও নাশের কর্তা ।

ব্যোম—জীবদেহে বাহ্য অভ্যন্তরে অবকাশ প্রদান ইহার কার্য । ইহার বাসস্থানও শূন্য প্রদেশ । শ্রবণযুগল ইহার অমাত্ম । এই ইন্দ্রিয়ের অভাবে মনুষ্য বধির হয় । আকাশের গুণ শব্দ । আকাশাংশ প্রধান মনুষ্য সর্বসম্পত্তির নিদান ।

যে মনুষ্যদেহে মহাভূত সকল সমভাগে বর্তমান থাকে সেই মনুষ্য দুর্ভাগ্য হয় ।

## পঞ্চমহাভূত দ্বিবিধ ও ত্রিগুণাত্মক ।

আমাদিগের প্রত্যক্ষ পঞ্চভূত স্থূল ও বিশেষ এবং গুণত্রয় দ্বারা চালিত । এই গুণত্রয়ের বৈষম্যে মনুষ্য স্বভাবের ও বৈষম্য ঘটে । সত্ত্ব, রজঃ, ও তমঃ ইহাদের গুণ শান্ত, ঘোর, ও মূঢ় । যাহারা সত্ত্ব প্রধান তাহাদের প্রকৃতি শান্ত ; সুখ স্বরূপ, প্রসন্ন, এবং লঘু । যাহার তমোগুণ প্রধান, তাহারা মূঢ়, মোহস্বরূপ, গুরু, ও বিষম । যাহারা রজঃ প্রধান, তাহারা ঘোর, দুঃখাত্মক ও চঞ্চল প্রকৃতি । বুদ্ধি অবধি সকল তত্ত্বই অনিত্য, অব্যাপক, সক্রিয়, অসংখ্য, আশ্রিত, সংযোগী, বিভক্ত, পরতন্ত্র, ও ব্যক্ত পদবাচ্য ।

মন ।

মন সংকল্প বিকল্পাত্মিক। অন্তঃকরণের বৃত্তি মাত্র । মহর্ষি কপিল মনকে একাদশ ইন্দ্রিয় স্বীকার করেন । ইহা ন্যায্য, ইন্দ্রিয়াতিরিক্ত কোন গুণ মনের নাই । মন সেই জন্মই অপ্রত্যক্ষ বিষয় প্রত্যক্ষ করাইতে পারে না । বাহ্য প্রত্যক্ষ বিষয় তাহাই মনে দ্বারা প্রত্যক্ষ হয় । নতুবা নহে মৃত্যুর পরও মন সূক্ষ্ম শরীরে অবস্থান করে । স্থূলশরীরে আত্মার অভাবে মনেরও অভাব হয় । মন অপ্রত্যক্ষ কিন্তু

অনুভব সিদ্ধ অর্থাৎ ইন্দ্রিয় প্রত্যক্ষের কিঙ্কর । স্বপ্নাবস্থায় মন সমস্ত ইন্দ্রিয়ের কার্য্য করে । পক্ষান্তরে জাগ্রৎ অবস্থায় মনঃসংযোগ ভিন্ন কোন ইন্দ্রিয় কার্য্যক্ষম নহে । যে ইন্দ্রিয়ের দ্বারা প্রত্যক্ষ করিবে, সেই ইন্দ্রিয়ের সহিত মনঃসম্বন্ধ আবশ্যিক । মনঃ অণুবিষয়ে নিযুক্ত হইলে বিষয়ান্তরের ইন্দ্রিয় সকল কার্য্য করিতে অক্ষম হয় । এই জন্ম বলিতে হয় মন দেহব্যাপী ও বিভূ নহে । যদি মনের সর্বব্যাপিত্ব থাকিত তাহা হইলে সমস্ত ইন্দ্রিয়ের কার্য্য এককালে ও সম্পন্ন হইতে পারিত । ইন্দ্রিয়ের ভ্রম হইত না । এই জন্মই ইন্দ্রিয় প্রত্যক্ষ সর্বকার্য্যে সকল সময়ে যথার্থ প্রত্যক্ষ নহে । ইহা নিঃসন্দেহ ভ্রমাত্মক ।

প্রত্যেক শরীরে মন এক একটী । ইহার প্রত্যক্ষ প্রমাণ সংস্কার । পূর্বে জন্মের সংস্কার নানা দেহে বিবিধ প্রকারে সতত প্রত্যক্ষ হইতেছে ।

### বুদ্ধি ।

বুদ্ধি নিশ্চয়াজ্জিকা অন্তঃকরণের বৃত্তি মাত্র । কার্য্য হইতেই বুদ্ধি উৎপন্ন হয় । বুদ্ধি দ্বারাই কার্য্য মাত্রের সফল বা নিষ্ফল হয় । মুক্তি বুদ্ধি দ্বারাই লাভ হয় । অহং অর্থাৎ 'আমি' ইত্যাকার জ্ঞানের পরিণামে বুদ্ধির বিকাশ হয় । আবার বুদ্ধি হইতেই মনের উৎপত্তি অনুমান হয় । বুদ্ধি শব্দতনুমানাদিবিশিষ্ট হইয়া মন হয় । অতএব বুদ্ধি দ্বারা শাস্তি ও সন্তোষসাধ্য মনোজয়ের চেষ্টা করা উচিত । ঐ মনকে বুদ্ধি দ্বারা জয় কবিত্তে পারিলেই অনন্ত ব্রহ্মে সমান সংযোগরূপ অবিচ্ছিন্ন পরমানন্দ প্রাপ্ত হওয়া যায় । বুদ্ধিই জ্ঞানপ্রবর্তক । বুদ্ধি বিচার দ্বারা তীক্ষ্ণতা প্রাপ্ত হয় । বিচার এই দীর্ঘ সংসাররূপ রোগের মর্হোষধ । বন্ধুনাশ সঙ্কট প্রভৃতি দুঃখ সর্বত্রই মোহে পরিব্যাপ্ত হইলেও বিচার সাধুগণের একমাত্র গতি । বিচার না করিলে মোহভঙ্গ হইবে না । বিচার ব্যতীত বিপশিচ্ছদ্ গণের অণু কোন উপায় নাই । সাধুগণের বুদ্ধি, বিচার বলেই অশুভ পরিত্যাগ পূর্বক শুভ প্রাপ্ত হইয়া থাকে ।

ধীমান্গণ বিচার বলে, বল, বুদ্ধি, তেজঃ প্রতিপত্তি, ক্রিয়ানুষ্ঠান ও সফলতা প্রাপ্ত হইবেন। বেদ বুদ্ধি পূর্বকই হইয়াছে। বুদ্ধি দ্বারা জ্ঞান জন্মে। ঐ জ্ঞান দৃঢ় হইলেই মুক্তি হয়। আবার ঐ বুদ্ধি বিকৃত হইলেই নরকের দ্বার পরিষ্কৃত হয়। বুদ্ধি অভ্রান্ত নহে। সুখ ও দুঃখ বুদ্ধির ধর্ম। একই বস্তু হইতে কাহারও সুখ কাহারও দুঃখের উৎপত্তি হয়।

সুখ দুঃখ সূত্রাং কোন দ্রব্যবিশেষের ধর্ম নহে, বা কর্তৃক আত্মার নাই। সত্ত্ব রজঃ তমঃ, সুখ দুঃখ ও মোহাত্মক বলিয়া জগৎ ও সুখ দুঃখ ও মোহের স্বরূপ প্রতীয়মান হয়। সুখ বা দুঃখের কোন নির্দিষ্ট বাসস্থান নাই। ইহা বুদ্ধি হইতে জন্মে। অভাব জনিত দুঃখ সুখের বীজ, তবে বোধাত্মিক বস্তুর কার্যকরিতা মনুষ্য দেহে নাই, সেই জন্য দুঃখ বলিয়া অনুমান হয়। দুঃখ দ্বিবিধ স্থূল ও সূক্ষ্ম। মনুষ্য মাত্রেই ঐ স্থূল দুঃখ নিবৃত্তির চেষ্টা বুদ্ধি দ্বারা অভিলাষ করে। বর্তমান অবস্থার দুঃখই স্থূল। এইরূপ দুঃখ কিয়ৎকাল পরে বিনা চেষ্টায় আপনা হইতেই নিবৃত্তি হইবে। কত দুঃখ পূর্বে ও নিবৃত্তি হইয়াছে। এইরূপ দুঃখ নিবৃত্তির জন্য জ্ঞানের আবশ্যক হয় না। অনাগত সূক্ষ্ম দুঃখ নিবৃত্তি, বিশেষ প্রয়োজনীয় হইলেও মনুষ্য মাত্রের সে চেষ্টা বলবতী হয় না। যেহেতু ইহা সকলের বোধগম্য হইয় না, সেই জন্য তাহার সচেষ্টিত নহে। যাহারা আত্মপরিচিত তাহারাই এই বর্তমান দুঃখ তুচ্ছ বোধ করিয়া ঐ চেষ্টা করে। সূক্ষ্ম দুঃখ নিবৃত্তি হেতু জ্ঞানের প্রয়োজন হয়। ইহাই পরম পুরুষার্থ। একমাত্র বুদ্ধিদ্বারা বুঝা যায় যে, এই দুঃখ উপস্থিত হইবে কিনা, এবং ইহার অত্যন্ত নিবৃত্তি প্রয়োজনীয় কিনা। উপস্থিত দুঃখ জ্ঞানীর নিকট আধিপত্য বিস্তার করিতে পারে না। ইহাও বুদ্ধির কার্য। ইহাকালের ও পরকালের অভ্যুদয় বুদ্ধি দ্বারাই লাভ হয়। নচেৎ অন্য উপায় নাই।

সমষ্টি রূপা বুদ্ধিই সৃষ্টির উপাদান কারণ। মহত্ত্ব বুদ্ধির স্বরূপ। বুদ্ধিতত্ত্ব দ্বারাই যাবদ্বিশয়ের ইতিকর্তব্যতা নিশ্চয় হয়। ঐরূপ নিশ্চয়-



কে অধ্যবসায় কহে । অধ্যবসায় বুদ্ধির ধর্ম । বুদ্ধির আরও আটটি ধর্ম আছে । ধর্ম, জ্ঞান, বৈরাগ্য, ঐশ্বর্য্য অধর্ম, অজ্ঞান, অবৈরাগ্যও অনৈশ্বর্য্য ।  
চিত্ত ।

অনুসন্ধানাত্মিকা অস্তুরণের বৃত্তিই চিত্ত । পতঞ্জলি প্রথম সূত্রেই বলিয়াছেন—“যোগশ্চিত্তবৃত্তিনিরোধঃ” । ইহার তাৎপর্য্য এই যে, চিত্তের উৎপাদিকা শক্তি আছে । ইহাতেই ভবিষ্যৎ দুঃখ উপস্থিত হইবে, এইরূপ জ্ঞান জন্মে । যাহাতে আর চিত্তে কোনকালে কিঞ্চিৎ মাত্র ও দুঃখ না জন্মে তাহাই দুঃখ নিবৃত্তিরূপ পরম পুরুষার্থ । সূক্ষ্ম দুঃখের প্রাগ্ভাবই প্রকৃত দুঃখ । বস্তুতঃ অনাগত দুঃখের নিবৃত্তিই বিশেষ প্রয়োজনীয় । চিত্তের একাগ্রতা হইলেই এই উদ্দেশ্য সিদ্ধ হয় । উপাসনা দ্বারাই চিত্তের একাগ্রতা জন্মে । এই কারণেই উপাসনা মুখ্য প্রয়োজন । চিত্তের একাগ্রতা ভিন্ন কোন কার্য্যই সিদ্ধ হয় না । চিত্তশুদ্ধির জন্মই নিত্য, নৈমিত্তিক ও কাম্যকর্ম্ম বেদে পুনঃ পুনঃ উক্ত হইয়াছে । চিত্ত শুদ্ধি হইলে আর কর্ম্মের আবশ্যক হয় না । তখন আপনা হইতেই কর্ম্মত্যাগ ঘটে । প্রসন্নতা, বিপ্লব, বিভ্রম, সমুন্নতি, ভোগ, এই সকল তত্ত্ব চিত্তে প্রতিবিম্বিত হয় । জ্ঞানের অনুসন্ধান চিত্তের কার্য্য । চিত্তই অনুসন্ধিৎসু । সকল কার্য্য-গুণের অনুসন্ধান চিত্তের দ্বারা সংসাধিত হয় । বিক্ষিপ্তাবস্থা, ক্ষিপ্তাবস্থা, মুঢ়াবস্থা, চিত্তে উদ্বেক হইয়া প্রকাশ পায় । গুণত্রয়ের দ্বারা চিত্ত ক্ষোভিত হইলেই যথাক্রমে ঐ সকল অবস্থা ঘটে ।

সত্ত্বগুণের দ্বারা চিত্তের একাগ্রতা নিবন্ধন যে অবস্থা হয়, তাহাকে নিরুদ্ধ অবস্থা বলে । ইহাই যোগের অনুকূল । প্রমাণ, বিপর্য্যয়, বিকল্প, নিদ্রা, ও স্মৃতি এই পাঁচটি চিত্তের বৃত্তি নহে, ইহা চিত্তের ধর্ম । ইহা আত্মধর্ম নহে । যখন রজোগুণের অত্যন্ত আধিক্য হয়, তখন নিদ্রা জন্মে । সুতরাং ইহা চিত্তের পরিণাম ।

যাহার দ্বারা জ্ঞাত হওয়া যায় তাহার নাম চিত্ত । চিত্তবিষয়িণী বুদ্ধিযুক্ত । যথা—সদ্বানামপিলক্ষ্যতে বিকৃতমচ্চিত্তং ভয় ক্রোধয়োঃ ।  
চিত্ত—জ্ঞান, চৈতন্য । ইহা আতিথানিক অর্থ ।

অহঙ্কার ।

অভিমানাত্মিকা অস্তুরণের বৃত্তিই অহংজ্ঞান । 'আমি' বা 'আমার' এইরূপ জ্ঞানই অহঙ্কার । এই জ্ঞান বলে স্বর্গ, মোক্ষ, নরক, সকলই সুলভ হয় । অহংজ্ঞান ভিন্ন কোন কার্যের কর্তাকে নির্ণয় করা যায় না । "আমি ও আমার" এই জ্ঞান না থাকিলে কিছুই অবশিষ্ট থাকে না । প্রকৃতির কার্য্য মহত্ত্ব । মহত্ত্বের কার্য্য অহঙ্কার । অহঙ্কারের দুই কার্য্য, পঞ্চতন্মাত্র ও উভয়বিধ ইন্দ্রিয় । পঞ্চতন্মাত্রের কার্য্য স্কিত্যাদি পঞ্চ সুলভ । ইহার সূক্ষ্ম পঞ্চভূতকে পঞ্চতন্মাত্র বলে । উভয়বিধ ইন্দ্রিয় বাহ্য অভ্যন্তর ভেদে একাদশ প্রকার । পায়ু পাদাদি ভেদে পঞ্চ কর্মেন্দ্রিয় । চক্ষু আদি মন সহ ( সংখ্যাকারের মতে ) ষড়্ভিঙ্গিয় । উভয় একাদশ । ফলতঃ অহঙ্কার সকল জ্ঞানের হেতু ।

চক্ষুরাদি ।

চক্ষুঃ—উদ্ভূতরূপ থাকিলে চক্ষু তাহা গ্রহণ করিতে পারে । রসনা যোগ্যরস গ্রহণ করে । শ্রাণ—তীব্র গন্ধ অনুভব করে । তক্—গুরু স্পর্শ অনুভব করিতে সক্ষম হয় । কর্ণ—কঠোর শব্দ গ্রহণ করে । বাপিন্দ্রিয়—শিক্তানুরূপ বাক্য উচ্চারণ করে । হস্ত—গ্রহণ যোগ্য বস্তু গ্রহণ করে । পাদযুগ্ম—পাদগম্য স্থানে গমন করিয়া থাকে । উপস্থ—নির্দিষ্ট পুত্রোৎপত্তি হেতু প্রলোভন স্বরূপ সুখানুভব করে । পায়ু—সুস্থাবস্থায় মল নিঃসারণ করে । এই সকল গুণ সীমাবদ্ধ । কিপ্রকারে ইন্দ্রিয়জ্ঞান বিশ্বস্ত হইবে । ইহাদের পদস্থলন সর্ববন্ধন দৃষ্ট হয় । কিন্তু কোনরূপ দৈবশক্তি জন্মিলে, ইন্দ্রিয়গ্রাম সূক্ষ্মদর্শী ও অসীমশক্তিশালী হয়, নিপ্রয়োজন হয় না । চক্ষুর অভাবেও ত মনের দ্বারা একেবারেই চাক্ষুষ প্রত্যক্ষ হয় না । স্বপ্নাবস্থায় মনই সমস্ত ইন্দ্রিয়ের কার্য্য সম্পন্ন করে । কিন্তু যাহা ইন্দ্রিয়প্রত্যক্ষ ঘটে নাই সেই বিষয় মনেদ্বারাও প্রত্যক্ষ হয় না । যেমন জন্মান্তরে স্বপ্নে দর্শন অভাব, কিন্তু স্বপ্ন শ্রবণ ঘটে । কারণ তাহার চাক্ষুষ নাই, সেই জন্ম মন ও প্রত্যক্ষ করাইতে অক্ষম ।

কোন কোন দার্শনিক বলেন ইন্দ্রিয় এক : কেবল বিভিন্ন শক্তি দ্বারা পরিচালিত হইয়া কার্য করে বলিয়া তদনুযায়ী নাম করণ হইয়াছে । “শক্তিভেদাদ্বিলক্ষণকার্যকারীতি মতমপাকরোতি” ইহাও ভাবগ্রাহীর পক্ষে অর্ষৌক্তিক নহে । কেবল চক্ষু বাস্তবিক পক্ষে দর্শনক্ষম নহে । উপনিষদ বলেন ।

যচ্চক্ষুষা নপশুতি যেন চক্ষুংষি পশুন্তি ।

তদেব ব্রহ্মত্বং বিদ্ধি নেদং যদিদমুপাসতে ॥

অর্থাৎ চক্ষু দ্বারা দেখা যায় না, চক্ষু যাহার দ্বারা দেখে তিনিই ব্রহ্ম জানিবে । যাহা তোমরা উপাসনা করিতেছ তাহা নহে । ইহা ব্রহ্ম প্রকাশক বাক্য হইলেও দর্শন যোগ্য শক্তি দ্বারাই দর্শন ক্রিয়া হয় । কিন্তু ইন্দ্রিয় সকল ভৌতিক পদার্থ না হইলেও, ভৌতিক উপাদানে গঠিত চক্ষু ভিন্নও ত দর্শন জ্ঞান হয় না ? সুতরাং কেবল দর্শন যোগ্য শক্তিকে ইন্দ্রিয় বলা কতদূর সঙ্গত তাহা বুঝিতে পারি না । পঞ্চবিধ সংযোগই চাক্ষুষ প্রত্যক্ষের কারণ । প্রথম বসামাংসাদি দ্বারা গঠিত চক্ষু । দ্বিতীয় দর্শনযোগ্য শক্তি । তৃতীয় দৃশ্য বস্তু । চতুর্থ আত্মার প্রযত্ন, পঞ্চম মনঃ সন্নির্কর্ষ । যে বস্তু আমরা দর্শন করিব সেই-রূপ বস্তুর প্রতিকৃতি মনের দ্বারা গঠিত হইলেই দর্শন জ্ঞান জন্মে, নচেৎ সমস্তই নিষ্ফল হয় । পক্ষান্তরে ঐরূপ সন্নির্কর্ষে যদি উৎকর্ষ বা অপকর্ষ সঙ্ঘটন হয় তবে, জ্ঞানের ও উৎকর্ষ অপকর্ষ হইয়া থাকে । এই কারণ ইন্দ্রিয় সাধ্য জ্ঞান ভ্রম সঙ্কুল ।

আকাশের কোন বর্ণ না থাকিলেও নীলবর্ণ দর্শন হয় । কোন কোন বৈজ্ঞানিক বলেন, ইহা বায়ুর বর্ণ । বায়ুর মোটা অবস্থায় এই রং দর্শন হয় । কিন্তু যন্ত্রের দ্বারা অনুমানে এইরূপ দর্শনই ঘটে । যন্ত্রের দ্বারা যে দৃষ্টি হয় তাহা বিকৃত দৃষ্টি তাহার সন্দেহ নাই । ইহা স্বাভাবিক দৃষ্টি নহে । স্বভাবসিদ্ধ সূক্ষ্মাবস্থার কেবল চক্ষুর সাহায্যে যে দর্শন জ্ঞান জন্মে, তাহাকেই স্বাভাবিক দৃষ্টি বলে ; ইহা ব্যতিরেকে অস্বাভাবিক দৃষ্টি বলিব । যতদূর পর্যন্ত নয়নে দৃশ্য বস্তুর ছায়া পতিত



হয়, ততদূর পর্য্যন্ত দর্শন জ্ঞান জন্মে। তদতিরিক্ত ব্যবধানে দর্শন না হইয়া ধূম্র বা নীলিমা দর্শন হয়। উহা বায়ুর বর্ণ নহে।

করণ সমষ্টি।

অন্তঃকরণ—মনঃ, বুদ্ধি, অহঙ্কার, ইহার। অন্তরে বিद्यমান থাকে, সেই জন্ত ইহার নাম অন্তঃকরণ। ইহাদের প্রত্যেকের স্বরূপ এবং গুণ পূর্বেই বলা হইয়াছে।

বাহ্যকরণ—নয়নাদি উপস্থ পর্য্যন্ত দশটি ইন্দ্রিয় বহিঃস্থিত বলিয়া বাহ্যেন্দ্রিয় বা বাহ্যকরণ বলে। অন্তঃকরণ তিন ও বাহ্যকরণ দশ, এইরূপে করণ সমুদায়ে ত্রয়োদশটি বলিয়া, করণ ত্রয়োদশ প্রকার কিস্বদন্তি আছে।

প্রমাণ প্রত্যক্ষ।

প্রত্যক্ষ দ্বিবিধ স্বরূপপ্রত্যক্ষ ও ভাবপ্রত্যক্ষ। যে দ্রব্যের স্বকীয়রূপ আছে, তাহাতে যে প্রত্যক্ষ হয় তাহাই রূপপ্রত্যক্ষ। যেমন পৃথিবী, মনুষ্য, ইত্যাদি। যাহার স্বকীয় রূপ নাই; অন্যের রূপ আশ্রয় করিয়া প্রকাশ পায় তাহাকেই ভাবপ্রত্যক্ষ বলা যায়। যেমন ক্রোধাদি ষড়্‌রিপু। মানসিক বিকারে ও ভাবের অভাব হয় না। ইহাদের স্বকীয়রূপ না থাকিলেও জীবগণের শরীরে প্রকাশ পায়, এবং অস্মদাদির প্রত্যক্ষও হয়। এরূপ প্রত্যক্ষ বহুবিধ আছে, পিশাচাদিও এইরূপ প্রত্যক্ষের বিষয়ীভূত। চাক্ষুষাদি পঞ্চবিধ প্রত্যক্ষ পঞ্চজ্ঞানেন্দ্রিয় হইতে উৎপন্ন হয়। প্রত্যক্ষ তিন প্রমাণ নাই। অর্থাৎ অনুমান সংহেতু হইতে উৎপন্ন হইলেও ইহা পূর্বপ্রত্যক্ষজনিত। যাহার প্রত্যক্ষ নাই তাহার অনুমান হয় না। পূর্বপ্রত্যক্ষই অনুমানের হেতু। পর প্রত্যক্ষও অনুমানের হেতু নহে।

প্রত্যক্ষের অনুমান।

দ্বিতীয় প্রমাণ অনুমান—শাস্ত্রকারগণ নির্দেশ করিয়াছেন। ইহা এক প্রকার অমূলক বলিলেও অত্যাক্তি হয় না। প্রত্যক্ষ বিষয়েরই অনুমান হয়।

নতুবা অনুমানের কোন হেতু দেখা যায় না। যে বিষয়ের ইন্দ্রিয়

সম্বন্ধ নাই, সে বস্তু অনুমেয় হইতে পারে না । তাৎকালিক অনুমান কখন কখন কার্য সাধক হয়, ইহা স্বীকার্য হইতে পারে । লিঙ্গজ্ঞান অনুমানের প্রধান হেতু । কিন্তু এই লিঙ্গজ্ঞান প্রত্যক্ষ ব্যতিরেকে উৎপন্ন হয় না । \* লিঙ্গ অর্থে কার্য, কারণ, ভাব, সংযোগী, বিরোধী, এবং সম-বায়ী । যেমন ধূম বহির লিঙ্গ । যেহেতু ধূম বহির কার্য । ধূমের দ্বারা বহির অনুমান পূর্ণত্ব প্রাপ্ত হয় । বহি ব্যতীত অন্য দ্রব্য বা স্থানে ধূম থাকে না, ইহাই অনুমানের প্রথম কারণ । ইহাও পূর্ব প্রত্যক্ষ জনিত । সাধ্য অনুমেয়, হেতু অনুমিতি সাধন, পক্ষ সাধ্য সংশয়ের স্থান বা অনুমিতি ক্ষেত্র । এস্থলে বহি সাধ্য, ধূম হেতু, পর্বত পক্ষ । যে ধূম বহি ভিন্ন উৎপন্ন হয় না, ঐ ধূম পর্বতে দেখা যাই-তেছে অর্থাৎ রহিয়াছে, এইরূপ জ্ঞানই ব্যাপ্তিপক্ষধর্ম্যতাবিশিষ্ট হেতু জ্ঞান । অর্থাৎ লিঙ্গজ্ঞান । ইহাও প্রত্যক্ষানুরূপ জ্ঞান ভিন্ন কিছুই নহে । শ্যামদর্শনকার ইহার কএকটি অবয়ব সৃষ্টি করিয়া বিশদ রূপে বর্ণন করিয়া থাকেন । প্রতিজ্ঞা, হেতু, উদাহরণ, উপনয়, এবং নিগম । পর্বতে বহি আছে ইহাই প্রতিজ্ঞা ।

এই প্রতিজ্ঞা সমর্থন হেতু “ধূমাৎ” ধূম ইহার হেতু, এই বাক্যকে হেতু বলেন । যে স্থানে ধূম থাকে সেই স্থানে বহি থাকে যেমন পাকশালায় দেখা যায়, ইহাকে উদাহরণ বা নিদর্শন বলে । এই পর্বতে বহি আছে ধূম আছে বলিয়া, এই বাক্য উপনয় বা অনু-সন্ধান । বহি ব্যাপ্য ধূম হেতু, বহি এই পর্বতে আছে, ইহাই নিগম । এই সকল প্রমাণ অনুমান বিষয়ে স্বাভাবিক । ইহা বাদী প্রতিবাদীর সভাশূলে ক্রীড়া মাত্র । ইহাতে প্রত্যক্ষ জ্ঞানের অতি-রিক্ত জ্ঞান কিছুই নাই । কোন উদ্দেশ্য সিদ্ধ করিবার জন্য শাস্ত্রকার সেই উদ্দেশ্যের মূল ভিত্তি স্থাপন করিয়াছেন । সেই সকল উদ্দেশ্য ঈশ্বর বাদে প্রস্ফুটিত হইবে ।

\* যস্মিন্ অনুমীয়তে সপক্ষঃ, যৎ অনুমীয়তে তৎ সাধ্যং, যেন চ সাধনেন ( জ্ঞাপকেন ) অনুমীয়তে স হেতু রিত্যচ্যতে । সাধ্যস্ত লিঙ্গ ইতি নামান্তরং ; হেতোশ্চ “সাধনম্” ইতি ‘লিঙ্গম্’ ইতি চ নামান্তরং ॥

সংযোগ, বিয়োগ, চেষ্টা, ও গমনাদি ক্রিয়ার যে অনুমান তাহাই তাৎকালিক অনুমান । ইহার দ্বারা কোন কোন স্থলে উপকার দর্শে । তাহাও প্রত্যক্ষানুরূপ না হইলে কল্পনায় পর্য্যবসিত হয় । দেবতা, গন্ধর্ব্ব, বা কিন্নরাদি মূর্ত্তি গঠন করিতে হইলে আমরা মনুষ্য মূর্ত্তিই গড়িয়া থাকি । অধিকন্তু কাহার ১৪ হাত, কাহার ৪ হাত ৫ মুখ, কাহার ৩ পা ৩ মুখ, এইরূপ সংযোগের দ্বারা ঐ সকল মূর্ত্তি গঠিত হয় । কারণ আমরা কখনও দেবাদি মূর্ত্তি প্রত্যক্ষ করি নাই সুতরং প্রত্যক্ষানুরূপ কল্পনায় পর্য্যবসিত হইয়াছে । পিশাচাদির মূর্ত্তিও ঐরূপ কল্পনা প্রসূত বীভৎস এবং ভয়ানক রসের অবতারণা মাত্র । তাহাও প্রত্যক্ষানুরূপ ।

মুসলমান দেবমূর্ত্তি ভোদ, সোয়া, ইয়াগুস, নাছায় ওজ্জা, লাৎ, হবল, ইত্যাদি সমস্তই মনুষ্যানুরূপ ছিল । মেরি, জিশু, ইহারা মনুষ্যানুরূপ । রোমক ও গ্রীক জাতির দেবতা মনুষ্যানুরূপ । কাহারও মনুষ্যের ন্যায় দেহ পক্ষীর ন্যায় মুণ্ড, ইত্যাদি প্রত্যক্ষানুরূপ কল্পনা প্রসূত । এস্থলে অনুমানের স্থানাভাব, ও প্রত্যক্ষাতিরিক্ত হেতু নিষ্ফল হইয়াছে । অশ্বডিম্ব ও খপুষ্প ইহাও প্রত্যক্ষ বিষয় । অশ্ব ও প্রত্যক্ষ হয় ডিম্বও প্রত্যক্ষ হয় কেবল সম্বন্ধমাত্র অধিক । ফলতঃ প্রত্যক্ষাতিরিক্ত অনুমান হয় না । বস্তু বা মূর্ত্তি নির্মাণ দূরের কথা, একটী অপ্রত্যক্ষ বাক্য ও উচ্চারণে আমাদের শক্তি নাই । ইহা চেষ্টা করিলেই বুঝিতে পারিবেন, বাগিন্দ্রিয় আপনার বশীভূত । শব্দ ও প্রত্যক্ষের মধ্যে ।

ইহার দ্বিতীয় উদাহরণ জন্মান্বকের চাক্ষুষ প্রত্যক্ষ নাই, সেইজন্য স্বপ্নাবস্থাতেও চাক্ষুষ প্রত্যক্ষ হয় না । এস্থানে অনুমানের সমস্ত কারণ আছে । সমস্ত অনুমানের অবয়ব আছে । চক্ষু ভিন্ন অন্য চারিটি জ্ঞানেন্দ্রিয়ের প্রত্যক্ষও আছে, তত্রাচ স্বপ্নেও চাক্ষুষ প্রত্যক্ষ হয় না, জাগ্রতেও অনুমান হয় না । জন্মান্বক হস্তের দ্বারা আপনার শরীর অনুমান করে ও হাচ প্রত্যক্ষের দ্বারা অপরের শরীর ও অনুমান করে । মনুষ্যের বাক্যও শুনিতে পায়, অর্থও গ্রহণ করিতে পারে,

কারণ শ্রাবণ প্রত্যক্ষ আছে । স্বপ্নে স্নীত ও শব্দ শ্রাবণ করে, বায়ু অনুভব করে, সন্দেশ ভক্ষণও করে, কেহ তাহার গাত্র মার্জনা দি করিতেছে এরূপও অনুভব করে, কিন্তু চাক্ষুষ প্রত্যক্ষ কোন বস্তুর বা বিষয়ের হয় না । ইহার কারণ কি ? তাহার অনুমানের অভাব না থাকিলেও 'দর্শন' হয় না । ইহাতে স্পষ্ট প্রতিপন্ন হইতেছে যে, প্রত্যক্ষ ভিন্ন কোন প্রমাণ, প্রত্যয় যোগ্য নহে । এবং কোন প্রকার নিশ্চয় জ্ঞান উৎপন্ন হয় না । তবে তार्কিকগণ অনুমানকে প্রমাণ স্বরূপ গ্রহণ করিবার জন্য ; হেতুভাস, সন্দেহ, সাধ্যের অধিকরণ, ব্যভিচার, ব্যাপ্তি ইত্যাদি পারিভাষিক শব্দের দ্বারা বিষয়ীর চক্ষে ধুলি মুষ্টি নিক্ষেপ করেন । সুতরাং বিষয়ীর বোধগম্য হয় না । যদি কোন ব্যক্তি বলে "আমি অন্ধ বা পীড়িত, আমি যন্ত্রণা ভোগ করিতেছি ।" সেস্থলে তাহার বাক্যে দ্বারা তাহার যন্ত্রণার বিষয় অনুমান করিতে হয় । যেহেতু অন্ধত্বের বা পীড়ার প্রত্যক্ষ বিষয়ক হেতু, উদ্ভূত রূপ নাই । এরূপ স্থলে অনুমান স্বীকার করিতে হয় । তাহা ও নহে । ইহাই পূর্বোক্ত ভাব প্রত্যক্ষ । যন্ত্রণার উদ্ভূত রূপ নাই, সুতরাং ইহা স্বরূপ প্রত্যক্ষের বিষয় নহে । যাহা অন্য শরীরের আশ্রয়ে প্রকাশ হয় তাহাই ভাব প্রত্যক্ষ । রোগী স্বয়ং যন্ত্রণার স্বরূপ দেখিতে পায় না, এবং যন্ত্রণা বিশেষে বাক্যেও প্রকাশ করিতে পারে না, অনুভব করে । সেই অনুভূতিলক্ষণ সকল, রোগীর শরীরে আমরা প্রত্যক্ষ করি । এই লক্ষণ মুখের আকৃতি পরিবর্তন করিয়া যাতনা সূচক ছবি অঙ্কিত করে ।

তাহাতে রূপান্তরের উদ্ভব হয় । তৎকালে উদ্ভূত রূপ আমাদের চাক্ষুষ প্রত্যক্ষের কারণ হয় । নতুবা অনুমানের দ্বারা রোগীর অব্যক্ত যন্ত্রণা নিশ্চয় করিতে পারে না । তবে ঐরূপ যন্ত্রণা যে ব্যক্তি ভোগ করিয়াছে সে ব্যক্তি ভিন্ন অপর কেহ অনুমান করিতে পারে না । রোগী অনুভব করে, কিন্তু প্রত্যক্ষ করিতে পারে না বা অনুমান দ্বারা বাক্যেও প্রকাশ করিতে পারে না । ইহাতে অনুমানের সার্থকতা নাই ।

প্রত্যক্ষই একমাত্র প্রমাণ । প্রত্যক্ষ ত্রিবিধ ভাব প্রত্যক্ষ, স্বরূপ প্রত্যক্ষ ও মানস প্রত্যক্ষ । পঞ্চ জ্ঞানেन्द्रিয়ের সাহায্যে প্রত্যক্ষ হইয়া থাকে । ভাব ও মানস ইহা চাক্ষুষ প্রত্যক্ষ মধ্যে গণ্য ।

## সৃষ্টি ও ব্রহ্মদ্বৈত ।

জীব নানা, কিন্তু ঈশ্বর এক । ঈশ্বরের জ্ঞান অভ্রান্ত ও অবি-  
নশ্বর । জীবের জ্ঞান ভ্রমসঙ্কুল ও ক্ষণস্থায়ী । মনুষ্য জ্ঞানের  
বিকল্প বৃত্তি আছে । ঈশ্বরের জ্ঞান নির্বিকল্প । মনুষ্যের স্মৃতি ক্ষণ  
স্থায়ী । ঈশ্বরের স্মৃতি চিরস্থায়ী । জীবের ভ্রম স্থলভ । ঈশ্বর  
অভ্রান্ত । মনুষ্যের বোধাত্মিক জ্ঞানের বিষয় আছে । ঈশ্বরের  
তাহা নাই, অর্থাৎ সমস্ত জ্ঞান এবং ঐশ্বর্য সম্পূর্ণ রূপে বিকশিত,  
অবশিষ্ট নাই । আমাদের বোধাত্মিক জ্ঞানই অজ্ঞান পদ বাচ্য ।  
আমরা যাহা কখনও প্রত্যক্ষ করি নাই, তাহা অনুমান ও করিতে  
পারি না । পূর্বে প্রত্যক্ষই অনুমানের মূল । কখন কোন পদার্থ  
( চেতন বা অচেতন ) স্বকীয় শক্তি দ্বারা উৎপন্ন হইয়া আপনা হইতে  
প্রকাশ পায়, এরূপ আমরা প্রত্যক্ষ করি নাই, সুতরাং আমাদের  
জ্ঞানগম্য নহে । নির্মাণ কর্তা কোন বস্তু নির্মাণ না করিলে নির্মিত  
হয় না ইহাই আমাদের চাক্ষুষ প্রত্যক্ষানুরূপ জ্ঞান । এই জ্ঞানের  
বশীভূত হইয়াই সৃষ্টিকর্তাকে জানিতে ইচ্ছা করি । যেমন কৰ্ম্মকার  
কুঠার নির্মাণ করিল, সেইরূপ জগৎ নির্মাণ কে করিল ? যেমন  
কুঠার বা কর্তরী গৃহস্থের প্রয়োজনীয় ; সেইরূপ সৃষ্টির প্রয়োজন  
কোথায় ? যেমন কৰ্ম্মকার বা কুস্তকার আমাদের দৃষ্টিগোচর হয়,  
জগৎ স্রষ্টাকে দেখিতে পাই না কেন ? তাহার লুক্কায়িত থাকার  
প্রয়োজন কি ? কৰ্ম্মকার যেমন লৌহ দ্বারা কর্তরী নির্মাণ করে, কুস্ত-  
কার যেমন মৃত্তিকার দ্বারা ঘট নির্মাণ করে, সেইরূপ কি উপাদানে  
জগৎ সৃষ্টি হইল ? যেমন দাতার নিকট দানের দ্রব্য অনায়াসে লাভ  
হয়, তাহার নিকট প্রার্থনা করিলে নিষ্ফল হয় কেন ? এই সকল  
দুরূহ প্রশ্ন জাগতিক জ্ঞানের বশবর্তী হইয়াই আমাদের মনে উদয়



হয় । দর্শনশাস্ত্রের অবতারণা দ্বারা শাস্ত্রকারগণ সৃষ্টির উপকরণ কোশল ও সৃষ্টিকর্তার অস্তিত্ব নিরূপণ করিয়াছেন, তাহা বাক্যাড়ম্বর মাত্র । ইহা আমাদের সন্তোষ জনক হয় না, সৃষ্টি স্থিতি ও নাশ প্রত্যহ আমাদের চক্ষের উপর অবাধে ও প্রকাশ্যরূপে সম্পন্ন হইতেছে ; প্রত্যক্ষ করিয়াও বুঝিতে বা ধারণা করিতে পারি না । আমরা ইচ্ছা করি যুক্তি বিধায়ক বাক্যাড়ম্বর । ঐ বিষয় জ্ঞাত হইবার উপায় বেদে পুনঃ পুনঃ উক্ত হইয়াছে । কর্মনিষ্ঠজ্ঞানী এই বিষয় সহজেই জানিতে পারেন । কিন্তু ইহা শ্রমসাধ্য ও সংসারনাশক । এই সকল চেষ্টা দ্বারা আমাদের সংসার ও ভোগ একেবারে সমূলে নির্মূল হইয়া যায় । ইহাই আমাদের পক্ষে প্রধান প্রতিবন্ধক । সংসার-লোভ ত্যাগ করা আমাদের পক্ষে কঠিন সমস্যা ।

শাস্ত্রকারগণ ও বেদ সৃষ্টিকর্তার যে-রূপ প্রদর্শন করিয়াছেন, তাহা কর্মনিষ্ঠজ্ঞান সাধ্য । ইন্দ্রিয় শক্তির বা সামান্য জ্ঞানের বিষয় নহে । ঈশ্বরের ইচ্ছাই সৃষ্টির কারণ । সেই সৃষ্টি বিধায়িনী ইচ্ছা শক্তিই প্রকৃতিপদবাচ্য । বস্তুতঃ প্রকৃতি ঈশ্বর হইতে অন্য কোন কর্তার প্রমাণ নাই ।

কোরান ও বাইবেল পরমেশ্বরের ইচ্ছাকেই সৃষ্টির কারণ বলেন । ঈশ্বরের ইচ্ছা হইল, আলোক হউক । তৎক্ষণাৎ আলোক সৃষ্টি হইল এই প্রকার ইচ্ছা শক্তি দ্বারা সপ্তাহ পর্য্যন্ত সৃষ্টি শেষ করিয়া অষ্টম দিবসে বিশ্রাম করিলেন । ইসলাম “কুন্” বলেন, কুন্ অর্থে “হউক” অর্থাৎ ইচ্ছানুরূপ আজ্ঞা মাত্র । “রুহোমেন আম্বে রব্বী” ‘রু’ জীব শক্তি, ঈশ্বরের অনুমতি দ্বারা সৃষ্টি হইল । energy কুদরৎ, জড় শক্তি ও জীব শক্তি সমস্তই তাঁহার ইচ্ছায় সৃষ্টি হয় । ‘রহমান’ শব্দ সাধারণতঃ দাতা বলে, কিন্তু আরবী ভাষায় ইহার প্রকৃত অর্থ, প্রলয়ান্তে যে মনুষ্যাতির পুনর্ব্বার সৃষ্টি করে, তিনিই রহমান । কোরান সেরিকের “সূরা রহমান” পাঠ করিলেই সমস্ত অবগত হওয়া যায় ।

বেদে ও ঈশ্বরের ইচ্ছাই সৃষ্টির কারণ বলিয়া উক্ত হয় । এই ইচ্ছাকেই দার্শনিকগণ প্রকৃতি নামে অভিহিত করেন । যেমন দরিদ্র

ব্যক্তি মনে মনে প্রমোদউদ্যান সৃষ্টি করিয়া উপভোগ করে, ও মনোযুতির বস্তু হইলেই কল্পিত উদ্যান মিথ্যা বলিয়া নৈরাশ্যভোগ করে। ঈশ্বরের কল্পনা মিথ্যা না হইয়া সৃষ্টিক্রমে পরিণত হয়। মনুষ্যের ও ঈশ্বরের ইচ্ছা এই মাত্র প্রভেদ। ঈশ্বরের ইচ্ছা শক্তি, সৃষ্টি কার্যে পরিণত হয়। মনুষ্যের ইচ্ছা কল্পনায় পর্য্যবসিত হয়। এই রূপ সৃষ্টি বা নাশ আমরা কখন প্রত্যক্ষ করি নাই, সেই জন্য সহজ বোধ্য নহে। কর্মনিষ্ঠ জ্ঞানে বুঝায়।

এই যে দেবতা দানব গন্ধর্ব ও কিন্নর অধিষ্ঠিত এবং সর্বপ্রকার স্থাবর জঙ্গমাদি পদার্থে পরিপূর্ণ বিশ্ব দেখিতেছ, এই সমস্ত মহাপ্রলয় কালে বিনষ্ট হইবে। রুদ্রাদি দেবগণ ও অদৃশ্য হইবেন। আলোক বা অন্ধকার কিছুই থাকিবে না। কেবল এক অনির্দেশ্য অনাখ্যেয় সৎই অবশিষ্ট মাত্র থাকিবেন। তাহা শূন্য নহে নিরাকারও নহে। দৃশ্য নহে স্মৃতির দর্শনও নহে। ভূত পঞ্চকের অন্যতমও নহে, কোন পদার্থই নহে। পূর্ণ হইতেও পূর্ণ, সৎ নহে, অসৎ ও নহে। ভাব বা অভাব নহে। কেবল চিন্ময় অনন্ত আদি মধ্য শূন্য অজর নিরাময় মঙ্গল স্বরূপ।

তথাচ—

অশব্দমস্পর্শমরূপমব্যয়ং যথারসং নিত্যমগন্ধবচ্চষৎ । অনাম  
গোত্রং মমরূপমীদৃশং ভজস্ব নিত্যং পবনাত্মজার্তিহম্ ॥ ভলবকারে  
আছে—পরমাত্মাকে চক্ষু দেখিতে পায় না। বাক্য বর্ণন করিয়া তাহার  
পরিচয় দিতে পারে না। মন চিন্তা করিয়া তাহার তত্ত্ব নির্ণয় করিতে  
পারে না। আমরা তাহাকে জানি না এবং শিষ্যকে সেই পরমাত্মার  
উপদেশ দিতে জানি না। বেদে উক্ত হয়, আমাদের বিদিত ও অবি  
দিত যে কিছু বিষয় আছে তৎসমুদায় হইতে পৃথক্। যাহারা এইরূপ  
জানিয়াছে যে, চক্ষুরাদি ইন্দ্রিয় দ্বারা ব্রহ্মস্বরূপ জ্ঞাত হওয়া যায় না,  
তাহারাই জানিয়াছেন। নির্বেোধেরা সামান্য জ্ঞান দ্বারা জানা যায় মনে  
করে বা জানিবার চেষ্টা করে।

যে বস্তু জ্ঞান বা কর্মের বিষয় নহে, তাহার উপাসনা সিদ্ধ হয় না।

উপনিষদ বাক্যে জ্ঞাত হওয়া যায়, মন তাহার চিন্তায় অক্ষম অর্থাৎ অচিন্ত্য । বস্তুতঃ প্রত্যক্ষ ভিন্ন মনের বিষয় নাই । এই কারণেই অদ্বৈত বাদের সৃষ্টি । যাহা মনুষ্য বুদ্ধির প্রত্যক্ষের অগোচর তাহাই নিরাকার । যাহা নিরাকার তাহাই নিত্য । পরব্রহ্মের শক্তি নিরূপণে ব্রহ্মবিদগণ বলিয়াছেন ।

যদ্বাচা নাভ্যাদিতং যেন বাগভ্যুত্ততে ।

তদেব ব্রহ্ম ত্বং বিদ্ধি নেদং যদিদমুপাসতে ॥

যন্নানসা ন মনুতে যেনার্হিস্বনোমতং ।

তদেব ব্রহ্ম ত্বং বিদ্ধি নেদং যদিদমুপাসতে ॥

যচ্ছ্রোত্রেণ ন শৃণোতি যেন শ্রোত্র মিদং শ্রুতম্ ।

তদেব ব্রহ্ম ত্বং বিদ্ধি নেদং যদিদমুপাসতে ॥

যৎ প্রাণেন ন প্রাণিতি যেন প্রাণঃ প্রণীয়তে ।

তদেব ব্রহ্ম ত্বং বিদ্ধি নেদং যদিদমুপাসতে ॥

এই সকল বাক্যে প্রতিপন্ন হইতেছে যে পরমাত্মার সম্পূর্ণ বর্ত্ত্ব আছে । তিনি কাহারও সাহায্যে এই জগৎ প্রপঞ্চ সৃষ্টি করেন নাই যেহেতু তাঁহার দ্বিতীয় নাই তিনি অদ্বৈত । ভগবৎস্পন্দশক্তিই মায়া, ঐ মায়াই কাল্যাদি, ঈশ্বর হইতে অভিন্ন । বায়ু ও তাহার স্পন্দ যেমন এক বস্তু, উষ্ণতা ও অনল যেমন এক, ঈশ্বর ও মায়া সর্বদাই এক জানিবে, কদাচ ভিন্ন নহে । স্পন্দন দ্বারা যেমন বায়ুর অনুমান হয় । উষ্ণতা দ্বারা যেমন অনলের অনুমান হয় । সেইরূপ নির্মূল ও শাস্ত্র ঈশ্বর, মায়া দ্বারা লক্ষিত হয়েন, নতুবা নহে । ঐরূপ ঈশ্বরকে জ্ঞানী ও পণ্ডিতগণ “অবাংমনসো গোচরঃ” ব্রহ্ম বলিয়া নির্দেশ করেন । স্পন্দন শক্তি তাঁহার ইচ্ছা । ঐ ইচ্ছারূপিণী শক্তি দৃশ্যপ্রকাশ করেন, সাকার মানবের ইচ্ছা যেমন কল্পনা নগর নিৰ্ম্মাণে সক্ষম হয় । সেইরূপ (আমাদের অজ্ঞাত) নিরাকার ঈশ্বরের অবিরুদ্ধ অনিবার্য্য মঙ্গলপ্রদ ইচ্ছা, এই দৃশ্য জগৎপ্রপঞ্চ নিৰ্ম্মাণ করিয়াছে ও করিতেছেন । ঐ ইচ্ছারূপিণী স্পন্দন শক্তি জীবার্থীদিগের জীবনরূপে পরিণত হওয়ায় জীব, চৈতন্য নামে অভিহিত । ঐ ইচ্ছারূপিণী প্রকৃতি পদবাচ্য



যেহেতু ইহাই সৃষ্টির মূলভূত কারণ । কেহ কেহ পটীয়সী, মোহিনী, হলাদিনী, মায়া, প্রকৃতি, কারণরূপিণী, শক্তি, নিয়তি, অবিচ্ছিন্না, এই সকল নামের ব্যবহার করেন । এই নিমিত্ত সাধকগণ দেবীকে ইচ্ছাময়ী বলিয়া স্তুব করেন ।

### জীবাত্মা বা জীব ।

চৈতন্যপ্রধান অহংকার—কর্তা । ক্রিয়াপ্রধান প্রাণ—কর্ম্ম । যাহা প্রণোদিত তাহাই প্রাণ । সুতরাং কর্তা ও কর্ম্মে প্রভেদ নাই । যাহা কর্ম্ম তাহাই প্রকৃত পক্ষে জীব । • কর্ম্ম, কর্তারই ধর্ম্ম বিশেষ আরত কিছুই নহে ? অতএব যাহা কর্ম্ম তাহাই জীব, অর্থাৎ ক্রিয়া । শক্তি সমাবেশই জীবপদবাচ্য । ক্রিয়া ও চৈতন্য উভয় সম্মিলনে জীব পদার্থ বলিয়া, জীবের দুই অংশের দুই কার্য্য প্রত্যক্ষ হয় । একটি জ্ঞান অপরটি ক্রিয়া । জীব ঈশ্বর বা পরব্রহ্ম নহে, জীবের জ্ঞান বা ঐশ্বরিক জ্ঞান এক নহে । পরমাত্মা বা ঈশ্বর জ্ঞানবান্ অন্য সকল বস্তুই জড় । স্বভাবসিদ্ধ জ্ঞানে পরমাত্মা জ্ঞানবান্ । চেতনা তাঁহার স্বক্ট পদার্থ, ইন্দ্রিয়াদি সংযোগ সমবায়ে চেতনা ক্ষণিক জ্ঞানলাভ করে, তাহাও ব্রহ্মাত্মক । পূর্বের উক্ত হইয়াছে ঈশ্বরে ও জীবে বিশেষ পার্থক্য আছে । জীব ঈশ্বর, ইহা চিন্তা করিলে ও মহাপাতকশ্রু হইতে হয় । কেহ ইহাও বলেন যে, পূর্বোক্ত বুদ্ধি জ্ঞানেন্দ্রিয়ের সহিত মিলিত হইয়াই আমি সুখী আমি দুঃখী এইরূপ জ্ঞানের কারণ হয় । ইহাই পরলোক ইহলোকগামী, ইহাকেই ব্যবহারিকগণ জীববলে । এই জ্ঞানেও জীব, ঈশ্বর সাব্যস্ত হয় না । বৈষ্ণব দার্শনিকগণ জীবকে ঈশ্বর জ্ঞান করেন না । জীবের প্রকাশ কল্পনায় সতের অভাষ মাত্র থাকে । কিন্তু জীব ও ঈশ্বর এক নহে । লিঙ্গদেহ, জ্ঞান ও চিত্তকল্পনাবশতঃ স্থূল শরীরে 'সোহং' ভাবে ভাবিত হয় । বেদান্তিগণ পরব্রহ্মেই জগৎ কল্পনা করেন । জগতে ব্রহ্ম কল্পনা করেন না । যে পদার্থ যাহা হইতে উৎপন্ন, সে পদার্থ কদাচ তাহা হইতে ভিন্ন নহে । সাব্যস্ত পদার্থে আমাদের এই নিয়ম দৃষ্ট হয় । সুতরাং সৎ হইতে অসতের উৎপত্তি ব্যাভিচার

মাত্র । তাই বলিয়া ঘট কুন্তকার নহে । ঘটে কুন্তকারের তদাত্ম-প্রতিযোগিতা আছে । পরমাত্মার কর্তৃত্ব ঔপাধিক, আত্মার কর্তৃত্ব নাই, যদি থাকিত তাহা হইলে ইন্দ্রিয় সকল অনাবশ্যক হইত । পরমাত্মার সহিত প্রকৃতির সংমিশ্রণে কার্য্য হয় সেই কারণে তাহার কর্তৃত্ব ঔপাধিক । আত্মার সহিত ইন্দ্রিয়াদি কোন তত্ত্বই মিশ্রিত হয় না, তবে সংযোগে কার্য্য সকল সম্পন্ন হয় । এই জগৎ প্রপঞ্চ মিথ্যা হইলে, অসুৎ পদার্থই ইহার জনক । পরমাত্মা ইহার কারণ স্বরূপ বিদ্যমান আছেন । কারণে যদি থাকে কার্য্যে তাহাই বর্ত্তে ইহা সত্য, কিন্তু কার্য্যগুণ ও কারণগুণ সমান নহে । যখন মহাপ্রলয়ে ব্রহ্মাদির ও লয় নিশ্চিত, তখন তাহাদিগের সৃষ্টি এই জগতের কথা আর কি বুঝিবা । প্রজাপতি দ্বারা এই জগৎ প্রপঞ্চ সৃষ্টি হইয়াছে ও হইতেছে । সূত্রাং স্রষ্টার ও যে দশা, তৎসৃষ্টিজগৎ ও সেই রূপ জানিবে । পরব্রহ্ম সৎ ও বিকার রহিত, তিনি নিত্য সৰ্ব্বশক্তিমান্ সৰ্ব্বরূপী ও ঈশ্বর । নিত্য বিকাররহিতপদার্থ বিকৃত হইয়া সৃষ্টি বা স্রষ্টা হইতে পারে না । ইহা পরব্রহ্ম স্বরূপে জানা যায় । চেতনা তাহার সৃষ্টি বস্তু, অষ্টাদশ তত্ত্বের সমষ্টিরূপ সূক্ষ্ম শরীর প্রাপ্ত হইয়া, স্থূল শরীরের অনুসন্ধান করে, এবং প্রাপ্ত হইয়া দেহের সহিত সম্বন্ধ করিলেই জীবভাব প্রাপ্তি ঘটে । চেতনার সহিত জীবভাবের আকর্ষণ স্বভাব সিদ্ধ শক্তি । কিন্তু ঐরূপ অষ্টাদশ তত্ত্ব পরমাত্মায় লিপ্ত হইতে পারে না । যে হেতু ইহা আকর্ষণ যোগ্য নহে, বা আকর্ষক নহে । আকর্ষক ইহাকে আকর্ষণ করিতে অক্ষম হয় । যদি পারিত তাহা হইলে আমরা এক একটা জীব এক একটা ঈশ্বর হইতাম । আমাদের ও জ্ঞান ঈশ্বরের ন্যায় অবিদ্বন্দ্ব হইত ।

যেমন একখণ্ড চতুর্ভুজ ও সমতল অঙ্কোদিত কাষ্ঠ ফলক মধ্যে কৃত্রিম পুস্তলিকার অবস্থান থাকে । ঐরূপে বিশ্ব প্রপঞ্চও তাহার অবস্থান আছে মাত্র । কৃত্রিম পুস্তলিকাতে সূত্রধরের কারুকার্য্য যেমন উদ্বোধক । সেই প্রকার ঈশ্বরের কারুকার্য্য জীবে উদ্বোধক রূপে

বর্তমান রহিয়াছে মাত্র । জীব ঈশ্বর বা তদ্বিভাজক অংশ নহে । এই জন্ত পুনঃ পুনঃ বলিতে হয়, “জীব ভূত্য, ঈশ্বর প্রভু ।”

কেহ বলেন, যেমন রোগীর রোগ নিবৃত্তি হইলে শরীর সুস্থ হয় । সেইরূপ দুঃখময় আত্মার দৈতপ্রপঞ্চের উপশম হইলে, দুঃখ নিবৃত্তি হইয়া আত্মা সুস্থ হয় । কেহ বলেন যে ব্রহ্মজ্ঞান হইলেই প্রপঞ্চের নিবৃত্তি হইয়া, একমাত্র ব্রহ্মই সত্য বলিয়া প্রতীতি জন্মে । আমার আপত্তি নাই, আশঙ্কা আছে । বস্তুতঃ অনর্থক প্রলাপ বাক্যের দ্বারা “ইহা নাই এই সকল অলৌক ইত্যাদি বাক্য উচ্চারণ করিলে, বা সাংসারিক মনের দ্বারা চিন্তা করিলে, দৃশ্যবোধরূপ ব্যাধির শান্তি হয় না । অধিকন্তু বুদ্ধি প্রাপ্ত হয় । কেননা ঐ সকল মৌখিক বাক্য মানসিক বিক্ষেপের জনক । তর্কের আতিশয্যে, তীর্থ সেবায়ও নিয়মাদির অনুষ্ঠানে, এই সত্যবৎ প্রতীয়মান জগৎকে তুচ্ছ করা যায় না । যিনি আত্মপরিচিত তিনি জগৎকে উপেক্ষা করিয়া চলিয়া যান । বুদ্ধি পূর্বক মনের একাগ্রতাই নিশ্চয়াত্মক জ্ঞানের কারণ । কাল্পনিক বিষয় যদি বুদ্ধি পূর্বক নিশ্চয়াত্মক জ্ঞানে পরিণত হয়, তবে বুদ্ধির কার্য্যই স্বীকার করিতে হয় । রজ্জুতে সর্প জ্ঞান হঠাৎ মনে দ্বারা হয় । যখন বুদ্ধি পূর্বক আলোচিত হইয়া পুনশ্চ রজ্জুরূপে পর্য্যবসিত হইল ; সে সময় সেসর্প কোথায় গেল ? তাহার কেহ সন্ধান করে না । সেই সর্পের বাসস্থান কোথায় ? সেই স্থলেই জানা উচিত ইহা কাল্পনিক, বুদ্ধি পূর্বক মন পরিচালিত হয় নাই বলিয়া, সর্পের উৎপত্তি হইয়াছিল । এক্ষণে বুদ্ধিপরিচালিত মনের দ্বারা ঐ সর্প জ্ঞান নিবৃত্তি হইয়াছে । সুতরাং মিথ্যা ; কিন্তু ঐ মিথ্যা তাৎকালিক সত্য হইয়া ভীতি উৎপাদন করিয়াছিল । এ স্থলে দেখা যাইতেছে মিথ্যার ক্রিয়া আছে । এবং ঐ ক্রিয়ার ফল আছে । অলৌক বা নিষ্ফল নহে । পর-ব্রহ্মে জীব ও জড়ের কল্পনা তদ্রূপই হয় ।

যে বিষয় সতত বুদ্ধি পূর্বক চিন্তা করা যায় তাহা অনায়াসে দৃষ্ট হয় ইহা সত্যই হউক বা মিথ্যাই হউক । বুদ্ধি নিশ্চয়াত্মিকা হইলেও অস্ত্রান্ত্র নহে । সেই জন্য সত্য ও মিথ্যা সকলের নিকট একরূপ নহে । যে

বিষয় আমার নিকট সত্য, হয়ত তোমার নিকট মিথ্যা, ইহা সর্বদাই হয় । কল্পনা, বুদ্ধিপূর্বক নিশ্চয়ত্বক জ্ঞানে পরিণত হইলেই সত্য হইয়া উঠে । এবং সত্যবৎ প্রতীয়মান হয় । পুনশ্চ সন্দেহ উপস্থিত হয় না এবং বিচারে প্রবৃত্তি জন্মে না । ইহাকেই ব্যক্তিগত সত্য বা মিথ্যা জ্ঞান করি। জীবে ঈশ্বর কল্পনা এইরূপ জ্ঞানের অধীন । সত্য ও মিথ্যা দেশ কাল এবং পাত্রাধীন বলিয়া একমাত্র ঈশ্বরকেই সত্য বলা যায়, অন্য সকল বস্তুই মিথ্যা । বস্তুতঃ প্রত্যক্ষেরই নামাস্তুর সত্য, প্রত্যক্ষের প্রকারভেদে সত্যের ও প্রকার ভেদ অনিবার্ধ্য । শাস্ত্রকার বলিয়াছেন জীবাত্মাকে কেহ কেহ আশ্চর্য্যবৎ দর্শন করেন, কেহ বা আশ্চর্য্যভাবে বর্ণন করেন, কেহবা আশ্চর্য্য হইয়া উহার তত্ত্ব শ্রবণ করেন, আবার অধিকাংশ লোক এইসকল পর্যালোচনা দ্বারা ও কিছুই বুঝিতে পারে না ।

কোন দার্শনিক বলেন—যে যাহার অন্তর্ধামী হয়, সেই তাহার শরীর বলিয়া পরিগণিত হয় । ভৌতিক দেহের অন্তর্ধামী জীব বলিয়া এই দেহ তাহার শরীর । সেইরূপ জীবের অন্তর্ধামী ঈশ্বর সূতরাং জীব ঈশ্বরের শরীর । অন্তর্ধামী অর্থে আন্তরিক ভাববেত্তা । সমষ্টি শক্তি যদি ব্যষ্টিভূত হয়, তাহা হইলেই অন্তর্ধামী হইতে পারে । এই শক্তি সাধনার বলেও জন্মে, তাহার প্রমাণ বেদান্ত এবং পুরাণাদিতে আছে । যে ব্যক্তি এইরূপ সাধনার সিদ্ধিলাভ করিয়াছেন তিনিই কি ঈশ্বর ? মনোগত ভাব অনেক সময় বুদ্ধি দ্বারা স্থূলতঃ অবগত হইতে পারে । অতএব এই যুক্তি গ্রাহ্য হইবে কি প্রকারে । যদি ইহাই বল, সমষ্টির অন্তর্ধামী ঈশ্বর তিন্ন হয়না, ঐ শক্তি কোনও জীবে নাই । ইহা স্বীকার করিলেও জীবের শরীর ঈশ্বর কি প্রকারে হইবেন ।

অন্যপক্ষে অন্তর মধ্যে যে অবস্থিতি করে তাহাকেই বুঝায় দেহের অন্তরে সূক্ষ্ম শরীরাদিষ্ঠিত আত্মাই বাস করে । “অন্তর্ধামীশ্বরঃ সাক্ষাৎ” এরূপ প্রয়োগ কোথাও হয় । সাক্ষাৎ ঈশ্বর অন্তর্ধামী, সে স্থলে কোন সন্দেহ নাই । ঈশ্বরের শরীর জীব ইহা

সঙ্গত. ইহল না, বঃ গৌরব প্রকাশ পায়। যখন ঈশ্বরকে সর্বব  
বোধের কর্তারূপে জানা যায়, তখনই ঈশ্বর আমাদের বিদিত হন।  
ইহার শরীর নাই এবং তিনি কাহারও শরীর নহেন।

বেদ, সকল জ্ঞানের আশ্রয় এবং আপৌরুষেয়। তর্কের দ্বারা বা  
মনুষ্য বুদ্ধির আলোচনায় যে জ্ঞান হয় তাহা বেদ বিহিত জ্ঞান  
নহে। কর্মনিষ্ঠজ্ঞানই বৈদিক। বেদ বলিয়াছেন—“মন্ত্র ব্রাহ্মণয়ো  
বেদ নাম ধ্যেয়ম্” পুরাকালে ব্রহ্ম, জ্ঞান, বিদ্যা, ও বেদ, অভিন্ন-  
ছিল। অনন্তর ব্রাহ্মণকালে ঋগ্, যজুঃ ও সাম অর্থাৎ পঞ্চ গণ্ড ও  
গীতিমন্ত্র সকল বেদ সাব্যস্ত হয়। তৎপরে আপস্তম্বের সময়  
সূত্রকাল। ব্রাহ্মণ সমস্ত সূত্রকালে বেদ বলিয়া স্বীকৃত হইল।  
তাহার পর স্মৃতিকালে, ব্রাহ্মণ ও মন্ত্র, এতদুভয়কে বেদ বলিয়া  
স্থির হইলেও সূত্র গ্রন্থগুলি ও বেদের ন্যায় মহামান্য বলিয়া স্বীকৃত  
হইতে আরম্ভ হয়। সূত্ররাং এখনও ভাগদ্বয়ে বিভক্ত বেদ স্বীকার,  
শাস্ত্র সঙ্গত ন্যায়। সূত্রাদির বচনও শ্রুতি বলিয়া প্রতিপন্ন করা যায়।  
ফলতঃ উপস্থিত সময়ে বেদ বলিলে, মন্ত্রভাগ অর্থাৎ সংহিতাগুলি ও  
ব্রাহ্মণ ভাগ, অর্থাৎ ব্রাহ্মণও অনুব্রাহ্মণ গুলি, এবং সূত্রভাগ বলিলে,  
শ্রোতও গৃহ্য দ্বিবিধ কল্প গ্রন্থ বেদ শব্দে বুঝিতে হইবে। অন্য  
কোন পুস্তকই বেদ নহে। শ্রুতি অর্থে যদি শ্রবণেন্দ্রিয় দ্বারা  
পরম্পরাগত বলিয়া বেদান্ত ও দর্শনকারগণ শ্রুতিশব্দ ব্যবহার  
করিয়া থাকেন, তাহা হইলে আমার বলিবার কিছুই নাই। কিন্তু  
শ্রুতিরই গরীয়সী বলিয়া মীমাংসাও আছে, ইহাতে সন্দেহ দূর  
হইলেও যদি বেদের দোহাই দিবার জন্য শ্রুতি শব্দ ব্যবহার করিয়া  
থাকেন তবে বিতর্ক আছে। যাহাতে গল্পচ্ছলে বা পোষকতা হেতু  
যে কোন বিষয় বর্ণিত হইয়াছে তাহাকে শ্রুতিবলা অর্থাৎ, কারণ  
উহা বেদ নহে, পুরণাদির অঙ্গ বিশেষ। “কর্মচোদনা ব্রাহ্মণানি”  
( শত ১, ১, ২, ২ ) যে সকল বাক্যে অগ্নিষ্টোমাদি কর্মের বিধান  
আছে, সেই সমস্ত বৈদিক বাক্যকে ব্রাহ্মণ বলে। বেদভাগকে  
মন্ত্র বলে, “অতোহন্যে মন্ত্রাঃ” ঋগ্, যজুঃ, অথর্ব সমস্তই মন্ত্রভাগ।



তবে শুক্লযজুঃতে কিছু ব্রাহ্মণ আছে। কৃষ্ণযজুঃর মন্ত্রই অধিক, কিন্তু ব্রাহ্মণও একেবারে কম নহে। তাণ্ড্যমহাব্রাহ্মণের প্রথম দুই অধ্যায়ে বহু মন্ত্র দৃষ্ট হয়। বেদের কোন স্থানে কোন মন্ত্রে জীবকে ঈশ্বর বা ঈশ্বরকে জীব বলিয়া বর্ণিত হয় নাই। কোথা হইতে দার্শনিকগণ এত শ্রুতি সংগ্রহ করিয়াছেন। বিরুদ্ধ মতাবলম্বীর ও শ্রুতি আছে। বেদান্তকারের ত শ্রুতির অভাব হইবেই না। শ্রুতিতে যে, মায়ী, অবিद्या, নিয়তি, মোহিনী, প্রকৃতি, বাসনা, প্রভৃতির উল্লেখ আছে, এই সমুদায় তদশ্য নহে। শ্রীভগবানের ইচ্ছাকেই ঐ 'সকল' নাম দিয়াছেন। প্রপঞ্চ অর্থে পঞ্চ ভৌতিক। পূর্ণপ্রজ্ঞ দর্শন বলেন—জীবেশ্বরভেদ, জড়েশ্বরভেদ, জড়জীবভেদ, জীবগণের পরস্পরভেদ, জড় পদার্থের পরস্পর ভেদ ইহাই প্রপঞ্চ। বোধ হয় ত্রিবৃৎকরণ বা পঞ্চীকরণ প্রপঞ্চেরই অর্থ। সদানন্দযতি বলেন—“ত্রিবৃৎকরণশ্রুতেঃ পঞ্চীকরণশ্রুতাপ্যপ লক্ষণার্থত্বাৎ” অর্থাৎ ত্রিবৃৎ থাকিলেও পঞ্চীকরণ বুঝিতে হইবে। প্রত্যেক ভূতকে দুই খণ্ডে বিভক্ত করিয়া, ইহার এক এক ভাগকে আবার প্রথমোক্ত ঋপর ভূতের প্রত্যেক অর্দ্ধ খণ্ডের সহিত মিশ্রিত করিলেই পঞ্চীকৃত সিদ্ধ হইল। পঞ্চীকৃতঅবস্থা এক একটীর অর্দ্ধাংশ ঋপর চারি ভূতের দুই আনা করিয়া অর্দ্ধাংশ যোগে আকাশাদি এক একটা স্থূল ভূতের উৎপত্তি হয়। এই বিষয় আমাদের সহজ বোধ্য নহে।

নিত্য অনিত্য বস্তুর বিবেকও সাধনা দ্বারা “ব্রহ্মৈব নিত্যং বস্তু ততোহন্যদখিলমনিত্যমিতি বিবেচনং” ব্রহ্মজ্ঞান জন্মিলে ব্রহ্মই সত্য অন্য সমস্তই মিথ্যা। এইরূপ সাধকের প্রত্যয় হইতে পারে। কিন্তু বস্তুতঃ প্রপঞ্চের নিবৃত্তি সম্ভব নহে। বস্তুখাপন হেতু সর্পজ্ঞান হইলেও রজ্জুত্বের হানি হয় না। দ্রষ্টার জ্ঞানানুযায়ী দৃশ্য বস্তু বিপর্যাস্ত হয় না এবং দ্রষ্টা ও দৃশ্যের সহিত এরূপ কোন সম্বন্ধ নাই।

“তস্মত্ত্বং” এই বাক্যে জীব ঈশ্বরের সেবক এই অর্থই বুঝায়। জীব ও ঈশ্বরে অভেদ এরূপ ইহার তাৎপর্য্য নহে। ভূত, ইন্দ্রিয়,

ও দেবতা এই ত্রিবিধ সৃষ্টি নশ্বর। ঈশ্বর ও জীব সেবা সেবক-  
যাহারা জীবও ঈশ্বরের অভেদ চিন্তাকে উপাসনা বলেন এবং ঐরূপ  
উপাসনা করেন, তাহাদের পরকালে কিছুমাত্র ইচ্ছা সিদ্ধির সম্ভাবনা  
থাকে না, প্রত্যুত ঘোর নরকের কারণ হয়। পক্ষান্তরে “আমি  
জানি না” এইরূপ বাক্যে জ্ঞানভাবেরই বোধ হয়। অদ্বৈতবাদীদিগের  
ভাবরূপ অবিদ্যার বোধ হয় না। অবিদ্যা এক প্রকার অলীক  
পদার্থ সন্দেহ নাই।

দেখ শিশু ভূমিষ্ঠ হইলে তাহাকে অজ্ঞানচ্ছন্ন দেখা যায়। যদি  
জীব ঈশ্বর হইত তাহা হইলে কোন অবস্থায় জীব জ্ঞান হারাইত না।  
যেহেতু ঈশ্বর জ্ঞানস্বরূপ, ইহা বেদে উক্ত হইয়াছে। আলোক  
আশ্রয় করিয়া অন্ধকার কখনই থাকিতে পারে না। উৎপত্তিমৎ দ্রব্যের  
গুণও উৎপত্তিমৎ তাহার সংশয় নাই। কিন্তু ঈশ্বরের জ্ঞান উৎ-  
পত্তিমৎ নহে। তাঁহার জ্ঞানের উৎপত্তি অভাব ও নাশ নাই।  
তাঁহার জ্ঞান অবিকৃত, এবং তিনিই জ্ঞান স্বরূপ। অজ্ঞান তাঁহার  
সৃষ্ট গুণময়পদার্থ, কিন্তু অজ্ঞান তাঁহাকে আশ্রয় করে না। এবং  
জীব ঈশ্বর নহে। ঈশ্বর উৎপত্তি ও বিনাশ যুক্ত নহে, তিনি  
সর্বদা সর্বত্র সমভাবে বিদ্যমান। ঈশ্বর যৌগিক জ্ঞানে জ্ঞানবান্  
নহেন। জীব যৌগিক জ্ঞান সম্পন্ন, তাহাও ক্ষণিক ও বিস্মৃত।  
বেদান্তকারের মতে আত্মা এক। কারণ আকাশ এক, যেহেতু  
আকাশের শব্দসমবায়িত্ব কারণ অভিন্ন, সুতরাং সুখ দুঃখাদির  
উৎপাদকত্ব অভিন্ন বলিয়া আত্মা, অভিন্ন ও এক। দ্বিতীয় যুক্তি—যেমন  
নিমিত্ত ও সমবায়ী কারণ ভেদে বিভিন্নস্থানে উৎপন্ন হয়, সুখ দুঃখ  
ও সেইরূপ বিভিন্ন দেহে উৎপন্ন না হইবে কেন। সুতরাং আত্মা  
নিশ্চয় এক।

আমি তাহা বুঝিতে স্বীকার করিতে পারি, কেবল একটু আটকায়।  
আত্মা এক হইলে সুখ দুঃখ জন্মমৃত্যু স্বর্গ নরকাদির ভেদ থাকে না।  
একদেহে সেই সর্বেরধন নীলমণি পাপ করে, আবার অন্য শরীরের  
আশ্রয়ে পুণ্য করে। এক শরীরের ধ্বংস ও অপরা শরীরের উৎপত্তি

হয়। জিজ্ঞাসা করি ? তখন সেই একই আত্মা পরলোকে স্বর্গভোগী না নরক ভোগী, ইহলোকে সে জীবিত না মৃত ? কিছুই মূর্খদের মোটাবুদ্ধি বুঝে না। আত্মা একই হইলে একের মৃত্যুতে জগৎশুদ্ধ মরিত ইহা বরং বুঝায়। যদিবল ভিন্ন ভিন্ন মন বলিয়া এই ভেদ ব্যবস্থা সম্পন্ন হয়। তাহা কেমন কেমন ? কেন না এককর্তা, নানা মনঃসংযোগে নানা উপায়। আমি যখন সুখী অন্ত্রে তখন দুঃখী এ বিপর্যায় যে দেখিতেছি। আমি জীবিত অন্ত্রে মৃত। এই বৈষম্য হেতু আত্মার অনেকত্ব প্রতিপাদিত হইতেছে। আত্মার একত্ব, কল্পনাপ্রসূত ব্যাপার মাত্র। ইহাই সরলব্যাখ্যা। আর্হতগণ জীবের অনেকত্ব স্বীকার করেন। ইহারা বলেন জীব ফল ভোগের নিমিত্ত উপায় অনুষ্ঠান করে। উপায় কর্তা যে আত্মা, সে যদি ফলভোগ কালে না থাকে, তবে একের ফল ভোগের নিমিত্ত অপরের প্রবৃত্তি কিপ্রকারে হইবে। ইত্যাকার বহুযুক্তি ও প্রমাণ দ্বারা প্রতিপন্ন করিয়াছেন। এইমতে জীবের পরিমাণ দেহ সদৃশ। তাহা হইলে গজ পিপীলিকাদি যে যে শরীর প্রাপ্ত হইয়াছে, তাহাকে সেই শরীর পুনঃ পুনঃ মহাপ্রলয় কাল পর্য্যন্ত প্রাপ্ত হইতে হইবে। এই অনুমানে কর্মফল নিরর্থক হইয়া পড়ে। অন্য পক্ষে চেতনার জাতি স্বীকার করিতে হয়। পিপীলিকার আত্মা গজশরীরে বা গজাদির আত্মা পিপীলিকা বা পরাবতাদি ক্ষুদ্র পক্ষিদেহে পর্য্যাপ্ত হয় না। বস্তুতঃ চেতনা কোন জীবের শারীরিক সামর্থ্যের কারণ নহে। চেতনা সকল দেহে সমভাবে অতি সূক্ষ্ম আকারে বর্তমান রহিয়াছে। সামর্থ্য সমাধান, চেতনার গুণ নহে। জীবদেহ সজীব রাখামাত্র চেতনার কার্য বা গুণ। শরীরানুযায়ী খাণ্ডবিশেষের দ্বারা শরীরের পুষ্টি হইলে বলাধান করে। এইজন্য জীববিশেষে খাণ্ডের ও বিশেষ আছে। যে জীবে যেরূপ সামর্থ্যের প্রয়োজন সেইরূপ খাণ্ডই তাহার পক্ষে নির্দিষ্ট করিয়াছেন। এবং ঐ সকল দ্রব্য আহার করিবার উপযোগী দস্তাদিও প্রদত্ত হইয়াছে। চেতনা বলবান্ বা দুর্বল নহে। সেইজন্য চেতনার কর্তৃত্ব স্বীকার করেন না। যাহার সঙ্কোচ বিস্তার



আছে, তাহার বিকারও আছে । বিকারী পদার্থ অনিত্য । সুতরাং জীব অনিত্য হইয়াপড়ে ।

কোন কোন লোক পুত্রকে আত্মা বলে । ইহার শ্রুতি ও যুক্তি দেখান । চার্বাক স্থূল শরীরকেই আত্মা বুলিয়া, শ্রুতি ও যুক্তি দেখান । আবার ইন্দ্রিয়কে আত্মা বলিতেও ছাড়েন নাই । তাহাতেও শ্রুতির অভাব নাই । কেহ প্রাণকে আত্মা বলেন, তাহারও শ্রুতি আছে । যখন প্রাণের অভাবে ইন্দ্রিয়ের অভাব হয় তবে প্রাণ কেননা আত্মা হইবে । বৌদ্ধেরা বুদ্ধিকে আত্মা বলেন : ইহারও শ্রুতি আছে । আবার প্রভাকর-অজ্ঞানকে আত্মা বলেন, শ্রুতি সঙ্গে সঙ্গে প্রস্তুত । সুষুপ্তি কালে অজ্ঞানে বুদ্ধি প্রভৃতির যখন লয় হয় এবং আমি অজ্ঞ আমি জ্ঞানী এইরূপ অনুভবহেতু অজ্ঞান—নিশ্চয় আত্মা হইবে ।

মীমাংসাও ভট্টমতাবলম্বিগণ প্রমাণ করেন যে, অজ্ঞান সমষ্টি দ্বারা উপহিত চৈতন্য, অর্থাৎ ঈশ্বর চৈতন্য, আত্মা । “প্রজ্ঞান ঘন এবানন্দময় আত্মেত্যাদি শ্রুতেঃ” এইরূপ প্রমাণ দেখাইয়া বলেন যে, সুষুপ্তিতে সমস্ত লীন হইলেও অজ্ঞানোপহিত চৈতন্যের স্বপ্রকাশ থাকে । এবং অনুভব করে “আমি আমাকে জানিনা” অজ্ঞানোপহিত চৈতন্যই আত্মা । কোন বৌদ্ধ শূন্যকেও আত্মা বলিতে ছাড়েন নাই । তাহারও শ্রুতি প্রমাণ দেয় “জগৎ পূর্বেও অসৎছিল” । এই যুক্তিদ্বারা বলে, সুষুপ্তিকালে সমস্তের অভাব হয় । এই সুপ্তোপস্থিত ব্যক্তির জ্ঞান হয় যে, সুষুপ্তিকালে আমার অভাব হইয়াছিল । এই অনুভব হেতু আত্মাকে শূন্য বলেন ।

এই প্রকার নানারূপ অনুমানের বশবর্তী হইয়া দার্শনিকগণ নানা অভিমত প্রকাশ করিয়াছেন । অল্পসংখ্যক জীব ও ঈশ্বর এক স্বীকার করিলেও বহুসংখ্যক পণ্ডিত, জীব ও ঈশ্বরের বহু প্রমাণ ও যুক্তি দ্বারা পৃথক স্বাপন করিয়াছেন । মহর্ষি কণাদোক্ত জীব ঈশ্বর ভেদ পাঠ করিলে অন্তঃকরণে শ্রদ্ধা জন্মে এবং সন্দেহ বিদূরিত হয় ।  
ব্রহ্মগৌরব ভয়ে স্থূলতঃ—

মহর্ষির মতে—মন যাহার দ্বারা পরিচালিত হয় তিনিই আত্মা । আত্মা জ্ঞানবান্ অন্তঃসকল বস্তুই জড় । সেই আত্মা° দ্বিবিধ জীব ও ঈশ্বর বা পরমাত্মা ও জীবাত্মা । জীবাত্মা মানা, কিন্তু ঈশ্বর এক । জীবের জ্ঞান উৎপত্তিবিনাশযুক্ত । ঈশ্বরের জ্ঞান অবিনশ্বর । ক্ষতস্থানপূরণকরা আত্মারই কার্য । কেবল জ্ঞানদ্বারা আত্মার অনুমান করা যায় তাহানহে । প্রাণাদি ক্রিয়া ও আত্মার অনুমাপক । প্রাণ বায়ুর কার্য শ্বাস প্রশ্বাস, অপান বায়ুর কার্য মলত্যাগাদি, যাহার প্রযত্নে সম্পন্ন হয় তিনিই আত্মা । বায়ু স্বাভাবিক বক্রগতি কিন্তু প্রাণ বায়ুর ক্রিয়া উর্দ্ধ এবং অধোগতি । বায়ুর এই স্বভাব বিপর্যয় বিনা প্রযত্নে হয় না । ইহা প্রত্যক্ষতঃ না বুঝিতে পারিলেও প্রযত্নে যে আছে ইহা মানস প্রত্যক্ষে নিশ্চয় হয় । নতুবা এরূপ বিপর্যয় ঘটতে পারে না । এই প্রযত্নসম্পন্ন বস্তুই আত্মা । এইরূপ শারীরিক কার্য মাত্রেরই প্রযত্ন দেখা যায় । ক্ষতস্থান পূরণ জীবিতের লক্ষণ । মন যাহার প্রেরণায় বিষয়বিশেষে নিবিষ্ট হয়, তিনিই আত্মা । মনে কর অন্নরস পূর্বে ভোজন করিয়াছিলাম । সময়ান্তরে সেই ফল হস্তে পাইলে জিহ্বা আর্দ্র হয় । ইহা লোভপ্রযুক্ত, লোভ ঐ অন্ন রসের জ্ঞান মূলক । ঐরূপ জ্ঞান অনুমানমূলক । যেহেতু ঐসময় রসের প্রত্যক্ষ নাই । অনুমান করিতে হইলে ব্যাপ্তি জ্ঞানের প্রয়োজন । এই জ্ঞানরূপইচ্ছার অপর একটা স্থির বস্তু আছে, তাহাই আত্মা । সুখ, দুঃখ, ইচ্ছা, ঘেষ এবং অন্যান্য প্রযত্নের যিনি আশ্রয় তিনিই আত্মা । যে বস্তুকে লক্ষ করিয়া “আমি” এই বাক্য প্রয়োগ করে, আমি সুখী আমি দুঃখী এইরূপে যাহার প্রত্যক্ষ সিদ্ধ হয় তিনিই আত্মা । মনে কর কাহারও পুত্র মরিয়াছে, এবং সেই মৃতপুত্রের নামোল্লেখ পূর্বক তাহার শরীর ক্রোড়ে করিয়া ক্রন্দন করিতেছে ওরে অপূর্বক তুই কোথা গেলি ? এই বিলাপের কারণ অপূর্বক কৃষ্ণের দেহ নহে । কারণ দেহ তাহার ক্রোড়ে বিদ্যমান । সুতরাং সম্বন্ধ বিশিষ্ট আত্মাই এরূপস্থলে অপূর্বক কৃষ্ণের অর্থ । ইহাই মুখ্য অর্থ । পক্ষান্তরে অপূর্বকৃষ্ণ গৃহে যাইতেছে, এই প্রয়োগ

গৌণার্থ বাচক । অহং “অর্থাৎ আমি তুমি” এইরূপ ঐত্যয় আত্মা ভিন্ন অণ্ড্র নাই । জন্মান্তের শরীর প্রত্যক্ষ ভিন্ন ও “অহং” এইরূপ জ্ঞান জন্মে । বিশেষতঃ শরীরে ইন্দ্রিয় সংযোগ ভিন্ন “আমিসুখী” এরূপ অনুভব যে হয় না তাহাও নহে । সুতরাং “অহং” শরীর ভিন্ন । প্রমাণ স্থলে সকলেই আপন মতের পোষকতা হেতু শ্রুতির উল্লেখ করেন । যিনি ভ্রান্ত তিনিও শ্রুতির দোহাইদেন, নচেৎ কেহ বিশ্বাস করিবেন না । বেদান্তকার ও আত্মার একত্বপ্রমাণহেতু শ্রুতি আয়োজন করিয়া রাখিরাছেন । কিন্তু প্রকৃত অথবা মুখ্য অর্থে প্রয়োগ করেন নাই ।

বৈশেষিক বলেন, সেই সকল শ্রুতি অণ্ড্রভাবের । পরং যাহা যোগ্য, প্রকৃতপক্ষে যাহার মুখ্যঅর্থ আছে, সেই শ্রুতিতে আত্মার অনেকত্বই বলিরাছেন । যাহা বস্তুতঃ এক, তাহাকে দুই বলা যায় না । পরন্তু যাহা অনেক, তাহাকে এক বলা ব্যবহার আছে । যেস্থলে জাতির একত্ব লইয়া বলাযায়, সেস্থলে “ব্রাহ্মণ এক” এই বাক্যে লক্ষ কোটি অর্থাৎ সমস্ত ব্রাহ্মণকেই বুঝায় । সেইরূপ আত্মার একজাতীয়ত্ব লইয়াই একত্ব উক্ত হইয়াছে । আর যেস্থলে “দ্বৈব্রহ্মণী” “চেতনানাং” শ্রুতিতে সংখ্যার নির্দেশ আছে, তদ্বারা স্পষ্ট আত্মার অনেকত্ব সিদ্ধ হইতেছে ।

## ব্যাপ্তি ।

ব্যাপ্তি শ্রীভগবানের একটি ঐশ্বর্য্য বিশেষ । সর্ববত্রস্থিতিকেই পরিপুষ্ট ব্যাপ্তি বলে । ঈশ্বর ভিন্ন কোন তত্ত্বই পরিপুষ্ট ব্যাপক নহে । এইরূপ ব্যাপ্যব্যাপক সম্বন্ধ উভয় নিষ্ঠ ও নহে । সূক্ষ্ম এবং স্থূল পঞ্চ-মহাভূতের ব্যাপ্তি সীমাবদ্ধ । পরিপুষ্টব্যাপ্তি অসীম । জলচর পক্ষি-সকল যেমন জলে আর্দ্র হয় না, সেইরূপ ঈশ্বরের পরিপুষ্টব্যাপ্তি কোন তত্ত্বে লিপ্ত হয় না । এইরূপ ব্যাপক মুক্ত বা বদ্ধ নহে । আশ্রয়

বা আশ্রিত নহে । কোন গুণ দোষে আকৃষ্টও হন না । যেমন অগ্নি একস্থানে ভীষণ রূপে দৃষ্ট হইলেও, বস্তু মাত্রের অন্তরস্থ অংশবিশেষের হানিজনক হয় না । তদ্রূপ ঈশ্বর সর্বব্যাপক হইলেও তাহার স্বরূপের অভাব হয় না । তবে অগ্নি যেমন শক্তিনিয়োগে সমস্ত বস্তু হইতে প্রকাশ পায়, ইহা সৈরূপান্তরে, বা অতিব্যাপ্তিদোষে দূষিতও নহে । কোন প্রকার জীব ও জড় শক্তি, অর্থাৎ উদ্ভাপ, আলোক, চুম্বক, বা বৈদ্যুতিকাদি দ্বারা, বা তদ্বৎ ইহা প্রকাশ হয় না । তাহার কারণ ঈশ্বরের পরিপুষ্ট ব্যাপ্তি সম ও নির্লিপ্ত । কোন বস্তুতে কোন দ্রব্য বিশেষের তদাত্মভাব না থাকিলে, সেই বস্তু হইতে ঐরূপে ঐ শক্তির বিকাশ হয় না । যেমন দুইটা কাঁচ দণ্ড বা লৌহ দণ্ড ঘর্ষণে বৈদ্যুতিক শক্তি লাভ করা যায় না । কিন্তু দুইটা কাঁচে ঘর্ষণ করিলে অগ্নি উৎপন্ন হয় ॥

তথা চ শ্রুতিঃ—

১ । ১৩৪ ২ । ১ ৩ । ২ । ৩ ৪ ।

॥ স্ত ॥ পূর্ণাৎ পূর্ণমাদায় পূর্ণ মেবাবশিষ্যতে ॥ স্ত ॥

( আর্চিকম্ )

তিনি স্বয়ং আমাদের প্রত্যক্ষের অবিষয় হেতু, ব্যাপকত্ব ও অপ্রত্যক্ষ । এইরূপ ব্যাপ্তি জন্ম জীবের ঈশ্বরত্ব সিদ্ধ হয় না । কিম্বা ঈশ্বরের ও জীবত্ব হয় না । তাহার পরিপুষ্ট ব্যাপ্তি সর্বত্র বিद्यমান রহিয়াছে এই ব্যাপ্তি হেতু জীব সৎপদার্থ । জীবকে অসৎ বলিলেও কাহারও কোন ক্ষতি হয় না । যেহেতু সমস্ত মহাপ্রলয় কাল পর্য্যন্ত স্থায়ী । এই সময়ের মধ্যেই কর্মফল, পরলোক, বিধি নিষেধাদি সমস্তেরই চিন্তা করিতে হয় । জীবের পক্ষে ক্ষণিক দুঃখ ও অসহ । কল্পান্তের কথাই নাই । জীব ঈশ্বর হউন, আর ঈশ্বরই জীব হউন, জীব মিথ্যা বা সত্যই হউন ; প্রলয়কালে সমস্ত তাহাতেই আকৃষ্ট হইয়া লয় হইবে । ইহাতে আর সন্দেহ মাত্র নাই । ইহাকেই মহাপ্রলয় বলে । খণ্ড প্রলয়, সকলের প্রত্যক্ষ বিষয়, ইহার উল্লেখ নিষ্প্রয়োজন ।

অগ্নি ও ছায়া—দর্পণে, উদ্ভূত রূপই প্রতিবিম্বিত হয় । জড় বা শক্তিসম্বন্ধ প্রতিবিম্বিত নাই । যখন প্রতিবিম্বিত হয় তখনও দর্পণের

বা পারদের তদাত্মভারে উহা থাকে না । ইহা জড় শক্তি দ্বারা সম্পন্ন হয়, আলোক শক্তিই ইহার প্রধান কারণ । আলোক বাধা প্রাপ্ত না হইলে প্রকাশ পায় না ; দর্পণ সাহায্যে বাধাপ্রাপ্ত হয়, স্বচ্ছ বস্তুতে বাধা প্রাপ্তির কারণেই প্রতিবিম্ব পড়ে । ঈশ্বর ব্যাপ্তি উপমেয় নহে । উপমার উভয়নিষ্ঠসাদৃশ্যসম্বন্ধ থাকিলে উপমেয় হয়, নতুবা নহে । “উপ” অর্থে এস্থলে, “অনুগতি” বা “পশ্চাদ্ভাব” । তর্ক স্থলে তর্কই হয় বুঝা যায় না । বুঝিবার চেষ্টা ও তর্কে বিস্তর প্রভেদ । তবে এই বিষয় থাক্যে বুঝিলেও বুদ্ধির অবিষয় । কর্মনিষ্ঠ জ্ঞানই বুঝিবার একমাত্র উপায় ।

দেখ—যে দৃষ্ট অর্থ ( সাধর্ম্য দ্বারা ) অনুভূত অর্থের বোধ হয়, সেই বোধোপকাররূপফলের প্রদানকারী বিষয়কে দৃষ্টান্ত বলে । দৃষ্টান্ত ব্যতীত অপূর্ব অর্থের বোধ হয় না । সমুদায় দৃষ্টান্ত, কারণ সম্বলিত । কেবল সেই জ্ঞেয় পরমার্থ সত্য পদার্থ কারণ বিহীন ও নিত্য । কেবল ঈশ্বর ব্যতীত সমস্ত উপমান—উপমেয় পদার্থের কার্যকারণভাব বিচ্যমান আছে । ঈশ্বর তত্ত্ব বুঝাইবার যে সকল দৃষ্টান্ত প্রদত্ত হয়, তাহা এই জগতের অন্তর্ভুক্ত হইয়া পড়ে । সুতরাং তাহার দ্বারা পরিষ্কাররূপ বোধগম্য হয় না । যখন ঈশ্বর নিরাকার, তখন সাকার দৃষ্টান্ত কি রূপে সঙ্গত হইবে ? তবে কর্মনিষ্ঠ জ্ঞান দ্বারা বোধগম্য হয় ।

বস্তুতঃ কার্য কারণ ও সহকারিকারণ তাহাতেই আছে ও থাকিবে । কার্য কারণের অভেদ জ্ঞানই মুক্তি । নচেৎ কিছুতেই জ্ঞানলাভ হয় না ।

## ধর্ম ও কর্মফল ।

ফলশালিত্বঃ কর্মত্বং ।

ঈশ্বরবাণীর উপর সকল সম্প্রদায়ের ধর্মের ভিত্তি স্থাপিত । সকলেই আপন আপন শাস্ত্রকে ঈশ্বর বাক্য বলে । আমাদের বেদ ঈশ্বরের নিশ্বাস হইতে উৎপন্ন । ঈশ্বর বাক্য বলিয়া মনীষিগণ আপন আপন ধর্ম শাস্ত্রানুসারে ঐরূপ আচরণ করিয়া আসিতেছেন । ঐ সকল



ঈশ্বর বাণী হইলেও পরস্পর বিরোধী । কিন্তু ঈশ্বর এক, ইহা সকল সম্প্রদায়ের স্বীকৃত বিষয় । ইহার কারণ কি ?

“সাধক” সাধন কর্তা, যে সাধন করে । “সাধন” যাহা সাধনার সহায়, অর্থাৎ করণ কারক । “সাধ্য” যাহা সাধনীয় । “সাধ্যতা” সাধ্যনিষ্ঠ ধর্ম । এই সমস্তই অবিরোধী । অর্থাৎ সকল সম্প্রদায়ের সমান । তবে পরস্পর আচার ও ব্যবহার এবং সামাজিক নিয়ম সকল বিরোধী । ইহাই প্রকৃত কথা ।

যেমন—কুকি, গারো, হাউলং, বনযোগী, ক্ষমি, মোরং ইত্যাদি অসভ্য জাতির সহিত বিশেষ বিরোধ দৃষ্ট হইলেও, সত্য, দান, ক্ষমা, অতিথি সৎকার, শরণাগত রক্ষা ইত্যাদি গুণে ইহারা অলঙ্কৃত । তবে ইহাদের ঈশ্বর বা শাস্ত্র নাই । জিজ্ঞাসা করিলে কেহ বলে যে, আমরা ঈশ্বর জানি না । তবে পূর্বদিকে একজন কে আছে, সেই নাকি সৃষ্টি করে । আমাদের শাস্ত্র, সে কলাপাতে লিখিয়া ফেলিয়া দিয়াছিল বটে, গাভী তাহা ভক্ষণ করিয়াছিল । সেই জন্য আমরা অত্যাধি আমাদের পর্বদিনে যন্ত্রণা দিয়া বধ করি । কলিতে হিন্দু ব্যতীত সকল জাতিরই গোবধ একটা বিশেষ রোগ ॥

সমাজ ধর্ম—দেশ, কাল, পাত্রের অধীন বলিয়াই পরস্পর বিরোধী । শাস্ত্র দ্বিবিধ—বেদ ও ইসলাম । ইহার মধ্যস্থিত আর এক সম্প্রদায় আছে তাহাকে সাঁই ও দরবেশ বলে । তাহাদের একটা বাক্য আছে ।

কেয়া হিন্দু কেয়া মুসলমান ।

মিল্ জুল্কে কর্ সাইজিকা কাম ॥

বেদের প্রতি মন্বাদি ধর্মশাস্ত্রবেত্তাগণ ষথেষ্ট সম্মান দেখাইয়াছেন, এবং পুনঃ পুনঃ বেদবাক্যের উল্লেখও করিয়াছেন । পূর্বকাল হইতে মহর্ষি ও মনীষিগণ অত্যাধি বৈদিক ধর্ম যাজন করিয়া আসিতেছেন বলিয়া, বেদ প্রমাণ শাস্ত্র ।

দেখ—ব্রাহ্মণ নিকাম, নিরোভ, অবঞ্চক, ধনার্থী নহে । মর্যাদাকে ঘৃণা করে । ব্রাহ্মণ ধর্মার্থী ও মোক্ষার্থী । ইচ্ছা করিলে ব্রাহ্মণ ধন, ঐশ্বর্য, মর্যাদা গ্রহণ করিতে পারিত এখনও পারে । সেই ব্রাহ্মণ

যখন ধন, মান, ঐশ্বর্য্য বিসর্জন দিয়া শরীরকে শরীর জ্ঞান না করিয়া বেদবিহিত কার্যের অনুসরণ করে, তখন বেদের প্রামাণ্য অবশ্য সিদ্ধ হইতেছে। এখনও দেখ বি, এ, এম, এ, পাশ করিয়া স্ত্রীর সুবর্ণালঙ্কার ব্রাহ্মণ গড়াইতে সমর্থ, তত্রাচ তাহারা কতকগুলি শুষ্ক ও জীর্ণ তালপত্র লইয়া আলোড়ন করিয়া অন্নভাবে দ্বারে দ্বারে ফিরিয়াও হিন্দুর সর্বস্ব রক্ষা করিতে পশ্চাৎপদ নহে। প্রলোভন ব্রাহ্মণের নিকট অতি নগণ্য, ব্রাহ্মণ সর্বস্বাস্ত হইয়াও বেদের সম্মান অক্ষুণ্ণ রাখিয়া আসিতেছে, অতএব বেদ প্রমাণ শাস্ত্র। সমস্ত শাস্ত্রে প্রক্ষিপ্ত প্রবেশ করিয়াছে, কিন্তু পুরাকাল হইতে বেদের কোন পরিবর্তন হয় নাই। বেদে উহ নাই, অতএব বেদ প্রমাণ শাস্ত্র এবং নিত্য। আত্মভোগস্থে জলাঞ্জলি দিয়া জগতের কল্যাণ সাধনে রত, সেই মহাপুরুষ ব্রাহ্মণগণ সহস্র সহস্র বৎসর যে বেদ কে মানিয়া আসিতেছে, তাহাকে অপ্রমাণ বিবেচনা করা ঔকত্য মাত্র। যুগযুগান্তর কেন? কল্পান্ত্র সময়ে যখন অজ্ঞানের গাঢ় অন্ধকারে জগৎ আচ্ছন্ন ছিল, সেই সময় হইতে বেদ, জ্ঞানালোকে ব্রাহ্মণ জগৎ আলোকিত করিয়া রাখিয়াছেন। সেই সর্বজ্ঞান জ্যোতির আদিভূতা জননী বেদ সংহিতা যদি প্রামাণিক শাস্ত্র না হয়, তাহা হইলে জগতে কোন শাস্ত্রই প্রামাণ্য হইতে পারে না। যদি ঈশ্বর বাক্য কিছু থাকে, তবে এক বেদই সেই ঈশ্বর বাক্য। ইসলাম পূর্বে ছিলনা সম্প্রতি হজরৎ মহম্মদের দ্বারা প্রকাশিত। ইহারা অদ্বৈতবাদী, মহম্মদ এই অদ্বৈতবাদের প্রতিষ্ঠাতা। বাইবেলাদি ধর্মশাস্ত্র ইসলামের অন্তর্গত। পূর্বে ইহারা পৌত্তলিক ছিল, এবং অত্যন্ত কুসংস্কার বিশিষ্ট ছিল। কন্যা সন্তান জন্মিলে, জীবিত অবস্থায় তাহাকে মাটিতে পুতিয়া মারিত। এইরূপ নানা কুসংস্কার আরবদেশে আচ্ছন্ন ছিল। হজরৎ বহুকর্ষ সহ করিয়া ও বহু লাঞ্ছনা ভোগ করিয়া, অদ্বৈতবাদ স্থাপন করিয়া, আরব জাতিকে রক্ষা করিয়াছেন। জীবের ঈশ্বর জ্ঞান জন্মিলেই সামাজিক ধর্মের ও উন্নতি হয়। নতুবা সমাজ স্বেচ্ছাচারের লীলাক্ষেত্র ও লোক সকল মনুষ্যত্ব বিহীন হয়। রাজ শাসনে ও প্রশমিত হয় না। যদি চৌর্য্য

পরদার ইত্যাদি অধর্ম বলিয়া পাপ জনক, এই জ্ঞান নাথাকিত তাহা হইলে এইসকল বিবিধ মহাপাতক গৌরবে পরিণত হইয়া, প্রকাশেই অনুষ্ঠিত হইত । ধর্মজ্ঞান সমাজের বন্ধন । স্ত্রী স্বামীকে দেবতা জ্ঞানে পূজাকরে ও তাহার সতীত্ব অক্ষুণ্ণ রাখে, ইহাও ধর্মের বন্ধন জানিবে । গঙ্গাস্নানাদি ধর্ম্যানুষ্ঠান না করিলে বিশেষ হানিজনক হয় না বটে, কিন্তু ধর্মজ্ঞান ও ধর্মবিষয়ে দৃঢ় সংস্কার ভিন্ন, মনুষ্যজাতি কখন ইহকালে বা পরকালে স্বর্গ, মোক্ষ, সুখ, শান্তি, সম্ভোগ, স্বাধীনতাদি কিছুই লাভ করিতে পারে না । এবং সে জাতি কখন সংসারে লাভবান হয় না । ধর্মের দৃঢ় বিশ্বাস ভিন্ন কেহ আপনার ধন, মান, প্রাণ পার্থিব সুখের বশবর্তী হইয়া সমর্পণ করিতে পারে না । ধর্মসূত্রের বন্ধনকেই একতা বলে । স্ত্রী, পুত্র, আত্মীয় ও সমাজ সকলই ধর্মসূত্রে আবদ্ধ আছে । ধর্মসূত্র ছিন্ন হইয়াছিল বলিয়া ফরাসি বিপ্লব উপস্থিত হইয়াছিল, এবং সেই বিপ্লবে কতশত পৈশাচিক কাণ্ডই সঙ্ঘটন হইয়াছিল । রাজা রাণী পর্যন্ত বলিদান হইল, দেশ ক্রমশঃ উৎসনের পথে অগ্রসর হইতেছিল । বিপ্লবকারীগণ বিশ্বাসঘাতকতা করিতেছিল, এবং গান করিয়া “সকলেই স্বাধীন এই বিপুল ভবে । সবাই জাগ্রত মনের গৌরবে ।” বেড়াইতেছিল । ছড়া কাটাইতেছিল, “ঈশ্বর নাই, ঈশ্বর কাহাকেও রাজা বলিয়া সৃষ্টি করেন নাই, তাহার বংশ, অবিরোধে রাজ্য ভোগ করিবেন, একরূপ নিয়ম অতি বর্ষবরের, সভ্য জগতের নয় । তর্ক করিত...কি রক্ত পার্থক্য বশতঃ এই কোলিণ্য প্রবর্তিত হইয়াছে । ধর্ম শিথিল হইলে এইরূপ হয় এবং পরমুখাপেক্ষি হইতে হয় ।

ধর্ম বুঝিতে হইলে—“প্রিয়তে তিষ্ঠতি বর্ততে যঃ স ধর্মঃ” কেবল আকাশ ভিন্ন, যেখানে যে থাকে সেই তার ধর্ম । যেমন জাতি গুণ কর্ম দ্রব্যে থাকে বলিয়া ঐসকল দ্রব্যের ধর্ম । পাত্রে জল থাকে, সেইজন্য জল পাত্রের ধর্ম । কেবল আকাশে কিছুই সাক্ষাৎ সম্বন্ধে নাই বলিয়া আকাশ অবৃত্তি পদার্থ মধ্যগণ্য । কর্মই মনুষ্যাদির ধর্ম । যে হেতুক প্রাণ কর্ম, এবং তাহা মনুষ্যাদির সজীব দেহ আশ্রয় করিয়া থাকে, সেইজন্য কর্মই মনুষ্যাদির ধর্ম । অদৃষ্টাদি ভেদে কর্ম দ্বিবিধ

বিহিত ও নিষিদ্ধ । বেদোক্ত বিহিত কর্মে শুভ নিবর্ত কারণের উৎপত্তি । এবং নিষিদ্ধ কার্যে অশুভ নিবর্ত কারণের উৎপত্তি হয় । অদৃষ্ট ও দৃষ্ট উভয় কার্যেই কার্যগুণ ও কারণগুণ উভয় প্রাকার সমাবেশ আছে । কার্য, গুণপদার্থ । কারণ নিগুণ ।

কারণ কার্য প্রবর্তক হেতু, কার্য নিবর্তিত কারণ নিগুণ । কারণের নাশে আবার অনুষ্ঠিত কার্যও নাশ হয় । পুরুষের ইষ্ট সিদ্ধির উপায় দ্বিবিধ, প্রথম—পরকালের, দ্বিতীয় ইহকালের । ব্রাহ্মণ পরকাল বাদী সেইজন্য ইহারা পরকালের উন্নতি, অর্থাৎ সুখ ও মোক্ষাদির চেষ্টা করেন । তদনুরূপ বিদ্যা ও শিক্ষা করেন । ইহকালের সুখ সম্ভোগে একান্ত বিরত থাকেন । অর্থ উপার্জন দূরের চিন্তা, কেহ দান করিলে ইচ্ছা পূর্বক গ্রহণ করেন না । জীবন উপায় পর্যন্ত তাহাদের অর্থের সহিত সম্পর্ক থাকে । কামিনী কাঞ্চনকে তাহারা মোহিনী বলেন । সাধ্য মত মোহিনী সংস্রব রাখেন না । যাহাতে মৃত্যুর পর, এবং পরজন্মে সুখ ও মোক্ষলাভ হয়, সেই বিষয়ের আলোচনা এবং অনুষ্ঠান করেন । আমরা এক্ষণে অধ্যাত্ম বিদ্যা বা ধর্মশাস্ত্রাদি দ্বারা বৃত্তি স্থাপনে সচেষ্ট । সুতরাং এইরূপ বিপরীত চেষ্টা ফলবর্তী হয় না । ঐরূপ শাস্ত্র চিন্তাও নিরর্থক হইয়া, কষ্টের ও নৈরাশ্যের কারণ হইয়া উঠে । যে হেতু ইহাতে বৃত্তি নাই পরমার্থ আছে ।

দ্বিতীয় যাহারা ইহ সুখাভিলাষী, তাহারা ইহকালের সুখ সম্ভোগ হেতু, বিজ্ঞান বা শিল্প শাস্ত্রাদি পাঠ, এবং কৃষি বাণিজ্যাদি দ্বারা ধনোপার্জন করে । ইহকালের উন্নতি অভিলাষ করে । গৃহস্থের ধর্মপালন ও যাজন করে মাত্র । ধর্মভীরুগণ কেহ কেহ অবকাশ পাইলে পুরাণাদি পাঠ শ্রবণ করে । কিন্তু আমাদের অদৃষ্ট দোষে সকলই বিপরীত হইতেছে । কেহ ধর্মশাস্ত্রাদি পাঠ করিয়া অর্থ চিন্তা করিতেছি । কেহ বিজ্ঞান ও শিল্পশাস্ত্রে উত্তীর্ণ হইয়া কৃষি বাণিজ্যাদির কেরাণী হইয়াছি । আবার কিঞ্চিৎ অর্থ সংগ্রহ করিতে পারিলে ব্রাহ্মণ হইবার অভিলাষ ও ত্যাগ করিনাই । এইরূপ বিপরীত

অভিলাষ কিরূপে পূর্ণ হইবে ? আমরা চিন্তা না করিয়া, আপনাকে নিন্দা করিতেছি। এবং আপন অদৃষ্টকে শত ধিক্কারও দিতেছি।

স্ত্রী, পুত্র, ধন, বন্ধুবর্গ, প্রিয় বিদ্যা, রূপ, সুমিষ্টবাক্য, সুন্দর অট্টালিকা, সুস্বাদু ও পুষ্টিজনক খাদ্য, প্রমোদউদ্যান, মূল্যবান ঘান বাহনাদি, নিরোগী শরীর, যৌবন, রূপবতী ও গুণবতী সহধর্মিণী, দীর্ঘায়ু, গুণবান ও একমাত্র পুত্র, এই সমস্তই দৃষ্ট ফল হইলেও, পূর্ব কর্ম জন্ম অদৃষ্ট লক্ষ্য ক্ষণস্থায়ী ও মিথ্যা। ইহা স্থায়ী ও নহে, মৃত্যু কালে সহগামী ও নহে। ইহাই উভয় সম্প্রদায়ের চিন্তার বিষয়। সেইকালে একমাত্র ধর্মাধর্মই বাসনা রূপে সহগামী। মৃত্যু কালে ধর্মই মানব জাতীর একমাত্র প্রবোধের আশ্রয়। বৈদ্য যেমন রোগ মাত্রের আরোগ্য করিতে অক্ষম, তত্রাচ বৈদ্যই রোগীর একমাত্র সহায়। সকলকে সুখ ও মুক্তিদানে অক্ষম হইলেও, ঐরূপ পরকালের একমাত্র গুরুই আশ্রয় ও প্রকৃষ্ট উপায়। পরকালে যাহার বিশ্বাস নাই, তাহার গুরু ও ঈশ্বরে কোন প্রয়োজন নাই সত্য, কিন্তু ধর্মের প্রয়োজন আছে। নচেৎ স্ত্রীপুত্রাদির সহিত সংসারে তাহার স্থান নাই। অবিশ্বাসীর পক্ষে ইহজগৎই সর্বস্ব। তাহার সর্বকালে সর্বকার্যের পথ, সর্বদা উন্মুক্ত রহিয়াছে। তাহার ধর্মের বা মনুষ্যত্বের প্রকৃত পক্ষে অনাবশ্যক। কেবল ইহকালে আপনাকে রক্ষা করিয়া কার্য করিতে পারিলেই পূর্ণত্ব প্রাপ্ত হইল। আত্মরক্ষাই তাহার পরম ধর্ম ও শ্রেয়ঃ। অবিশ্বাসী কাহাকেও বিশ্বাস করিতে পারেনা। এবং তাহাকেও কেহ বিশ্বাস করে না। সর্বদা সর্বত্র সতর্ক হইয়া কার্য করাই কর্তব্য হইয়া পড়ে।

যাহারা পরকাল বিশ্বাসী, তাহাদের পদে পদে ব্যাঘাত। তাহারা আত্মরক্ষায় যত্নবান্ নহেন। স্বার্থ ত্যাগ তাহাদের ধর্ম। পরকালের জন্ম ইহাদের সর্বস্ব প্রস্তুৎ। সত্য, দান, ক্ষমা, শীল, অনুসংশ অহিংসা, করুণা, উদারতা, সরলসাধ্যতা, ইহাদের অলঙ্কার স্বরূপ। যদিচ আধার ভেদে এই সকল গুণের ন্যূনাধিক্য হয়। তাহার কাল, স্বভাব, বিস্মৃতি ও গুণত্রয়ের বৈষম্য মাত্র কারণ। সম্পদ, প্রজ্ঞা সম্পন্ন শৌর্যশালী ও মহাজ্ঞানী কেও বিমোহিত করে।



কামাদি ষড় রিপু এবং ইন্দ্রিয় সকল, মনুষ্যের মহৎকার্য সাধন করে। মানবগণ ইহার অপব্যবহার করিয়া অকারণ নিন্দা ও ঘৃণা করে 'আমি বা আমার' এই বিজ্ঞান অহংকার। বিবেচনা করিয়া দেখিলে বুঝায় যে। এই জ্ঞান বাতিরেকে মনুষ্য উন্মত্ত বলিয়া প্রতিপন্ন হয়। কামকেই অভিলাষ বলে। কাম পরিত্যক্ত মনুষ্যইত পীষান। তাহার আবার স্বর্গ বা মোক্ষ কি প্রকারে হইবে? ক্রোধ যদি ত্যাজ্য হয়, তবে কোন বলে নিরপেক্ষ দৃষ্টি ও শত্রুক্ৰয় করিবে? কি বাহ্য কি অন্তর সমস্ত রিপুই ক্রোধ বিহীন মনুষ্যকে তৃণবৎ তুচ্ছ করে। ইন্দ্রিয় শিথিল হইলে সমস্ত কার্যে মনুষ্য অনধিকারী হয়। ধন এবং ধর্ম ক্রমে ক্রমে ধর্মের দ্বারা সঞ্চয় করিতে হয়। নতুবা শুভফল প্রসব করে না। কেবল ধর্ম সঞ্চয়ী ইহকালে বঞ্চিত হয়। কেবল ধন সঞ্চয়ী ব্যক্তি ইহকালে ও পরকালে মহাপাতকী মধ্যে গণ্য। ঐ মহাপাতীর সহবাসেও পাতকী হইতে হয়, সেই কারণ, দূর হইতে প্রত্যাখ্যান করিবে। ইহাদের অকর্তব্য জগতে কিছুই নাই।

ঐ পাতকীর বিষয়ানুরাগ হইতে বিষয় কামনাই জন্মে। কামনা হইতে ইচ্ছা, ইচ্ছা হইতে তৃষ্ণা পরিবর্তিত হয়। ঐ সর্বপাপময়ী বিষয় তৃষ্ণা প্রতি নিয়ত উদ্বিগ্নকরী ও অধর্ম বহুলা এবং পাপ প্রসবিনী। দুর্ন্যতিগণ দিবারাত্র বিষয়ে উন্মত্ত, এবং ঐসকল জল্পনা কল্পনা দ্বারা জীবন অতিবাহিত করে, কখন শান্তিসুখের মুখাবলোকনে ও সমর্থ হয় না। দুর্ন্যতিগণ ইচ্ছা করিলেও ইহাকে পরিত্যাগ করিতে পারে না। দিবারাত্র প্রজ্জ্বলিত হৃতাসনে দগ্ধ হয়, কিন্তু ইহার আদিও নাই অন্তও নাই। অযোনিজ ঐ তৃষ্ণা অনলের ন্যায় কার্যকরী ও নরকের দ্বার। উভয় কালই ইহার পক্ষে সমান। কাষ্ঠ যেমন স্বউৎখিত অগ্নিদ্বারা ভস্মীভূত হয়, অকৃতাত্মা ব্যক্তি সহজাত লোভ দ্বারাই বিনষ্ট হইয়া থাকে। প্রাণিগণ মৃত্যুকে যেরূপ ভয় করে ঐ সকল ধনী, রাজা, চোর, সলীল, অগ্নি, ও স্বজন হইতে নিরন্তর সেইরূপ ভয় প্রাপ্ত হয়। ঐরূপ ধনী সর্বত্র আক্রান্ত

হয় । ঐ ধন দ্বারা কেহই সুখী হয় না । ঐ অর্থ অনর্থের মূল । উপাৰ্জ্যান, রক্ষণ ও ব্যয়, এই ত্রিবিধ কারণে নিয়ত ক্লেশ পায় । কেবল লোভ, মোহ, কৃপণতা, দর্প, অভিমান, ভয়, ও উদ্বিগ্নের মূলভূত কারণ হইয়া পড়ে । এমন কি, অবশেষে প্রাণে পর্য্যন্ত বিসর্জন করে । তথাহি

তদন্ত দানাচ্চ ভবেদরিত্তো, দরিদ্র ভাবাৎ প্রকরোতি পাপং ।  
পাপ প্রভাবাৎ নরকং প্রাতি, পুনর্দরিত্তো পুনরের পাপী ।

অর্থাৎ যে মূল্যে খরিদ সেই মূল্যেই বিক্রয়, লভ্যের অংশ থাকে না । ষে রূপে অর্জিত সেইরূপে ব্যয়িত হয়, ইহাই ধনাদির স্বভাব । সান্ত্বিক উপায়ে লব্ধ বা সঞ্চিত অর্থ, ঐ ধনী, বা অন্য কোন ব্যক্তি, দেবতা ব্রাহ্মণ বা পরার্থে ব্যয় করিয়া স্বর্গ ও মোক্ষ ভাগী হয় । রাজস্ উপায়ে লব্ধ বা সঞ্চিত অর্থরাশি দ্বারা ইহকালে উপকার দর্শে । তামস উপায়ে লব্ধ বা সঞ্চিত অর্থ রাশি, যাহা অধমার্জিত এবং সকলকে বঞ্চিত করিয়া গৃহীত, উহাই নরকের দ্বার স্বরূপ । দেখ, অন্য কোন ব্যক্তি ঐরূপ ধনে সুখী হয় না । বা ধর্ম্মানুষ্ঠানেও ফলভাগী হয় না । তদন্ত বা পুত্র তাহার মৃত্যুর পর বা তাহাকে হত্যা করিয়া বিবিধ চেষ্টা দ্বারা, ঐরূপ সঞ্চিত অর্থ গ্রহণ করে । গ্রহণ মাত্রে ঐরূপ অর্থের সংশ্রব হেতু নরকাদি ও ভোগ করিতে থাকে । তাহার পর, মমতা শূন্য হইয়া ঐ অর্থ রাশি, রাজদ্বারে বা নরকে নিক্ষেপ করতঃ স্তম্ভ হয় । পশ্চাৎ প্রকৃতিস্থ হইয়া যত্নের সহিত শ্রমার্জিত অর্থের দ্বারা জীবিকা নির্বাহ করে, সঞ্চয় করে, ও সঞ্চয়ার্থ যত্নবান হয় । ইহা সকলেরই প্রত্যক্ষ বিষয় । জিজ্ঞাসা করিতে পারি ; ইহা অর্থের গুণ, বা ব্যক্তি বিশেষের গুণ । যদিবল অর্থের গুণ । যেহেতু অর্থ পিপাসু অর্থ পাইলে তমগুণ দ্বারা মোহিত হয় । তন্ম, তাহা হইলে অর্থ মাত্রেরই এই গুণ থাকিত । কোন মূর্থ, নিগুণ, নীচ, ও অধমার্গ এবং দরিদ্র ব্যক্তি, ধন প্রাপ্ত হইয়া মহতের ন্যায় সঞ্চয়্যহার করিয়া স্বর্গ ও মোক্ষ ভাগী হয় কি প্রকারে ? ইহা কারণ গুণ জানিবে, ষে রূপ উপায়ে ঐ অর্থ সঞ্চয় করে, ইহা তত্তৎ

গুণেরই ফল । ব্যক্তিগত বলিবার উপায় নাই । পূর্বে দেখাইয়াছি, ধন নিঃশেষিত হইলে পুনশ্চ ঐ ব্যক্তি প্রকৃতিস্থ হয় ক্রীতরূপে । তবে চেষ্টা বা পুরুষকার দ্বারা কোনরূপ অর্থই উপার্জন, রক্ষা ও সঞ্চয় করা যায় না । ধন চতুর্বিধ, হঠপ্রাপ্ত, দৃষ্টিলাভ, পৌরুষলব্ধ ও স্বভাবজ, এই চতুর্বিধ ধনই অদৃষ্টিপূর্ব্ব কর্ম্মলাভ, তাহার কিছুমাত্র সন্দেহ নাই ।

আমাদের ইচ্ছাই মুখ্য এবং তাহাই প্রয়োজন । ইচ্ছালাভ হেতু যাহা করিতে হয় তাহাই গৌণ । দৃষ্টি এবং অদৃষ্টি ভেদে প্রয়োজন দ্বিবিধ । সুখ সম্ভোগ দৃষ্টি মুখ্য প্রয়োজন । অর্থ, সুখের হেতু বলিয়া অর্থোপায় জন্ত কৃষি বাণিজ্যাদি গৌণ কার্য্যে প্রবৃত্ত হই, এবং ইহাই দৃষ্টি গৌণ প্রয়োজন । যে হেতু ইহার স্বরূপ ও ফল উভয় আমাদের প্রত্যক্ষ হইতেছে । কারণে যাহা থাকিবে কার্য্যে তাহাই বর্ত্তিবে ।

বৌদ্ধ দার্শনিকগণ বলেন, ধনোপার্জন দ্বারা এই দ্বাদশায়তন শরীরের সম্যক শুশ্রূষা দ্বারা পূজা করাই প্রধান ধর্ম্ম । অস্বাদাদির প্রয়োজন ধনোপার্জন রূপ মুখ্য ফল । সুতরাং দৃষ্টি ঐরূপ মুখ্য ফল, কৃষি বাণিজ্যাদি গৌণ চেষ্টা দ্বারা আকাজক্ষা করি । দেখাযায় একই ব্যক্তি একইরূপ চেষ্টা একইরূপ পরিশ্রমে মুখ্য ফললাভ করিতে সক্ষম হয়, আবার কখন, ঐরূপ শত সহস্র চেষ্টা ও পরিশ্রমে অক্ষম হয় । ইহার কারণ এই যে, যাহা দ্বারা কৃষি বাণিজ্যাদি গৌণ চেষ্টা চালিত, উদ্বুদ্ধ, বা প্রেরিত হয়, ঐরূপ নিবর্ত্ত কারণ গৌণ চেষ্টার মূলে বিद्यমান আছে বলিয়া, ঐ নিবর্ত্ত কারণ সর্ব্বদা আমাদের অপ্রত্যক্ষ বিষয় । অশুভ নিবর্ত্ত কারণে, দৃষ্টি মুখ্য ও গৌণ উভয়ই নিষ্ফল হইয়া দুঃখলাভ হয় । শুভ নিবর্ত্তক বিद्यমান থাকিলে প্রয়োজন সিদ্ধ হয় ।

যাহার দৃষ্টি ফল নাই, ঐরূপ নিবর্ত্ত কারণ আমাদের পরজন্মের অভ্যুদয়ের হেতু জানিবে । স্বর্গ বা চরম দুঃখ নিবৃত্তি যাহার মুখ্য উদ্দেশ্য, তাহা আমাদের অপ্রত্যক্ষ গোচর । কিন্তু ইহার গৌণরূপ যজ্ঞাদি আমাদের প্রত্যক্ষ গোচর । এই সকল অদৃষ্টির, অর্থাৎ

অপ্রত্যক্ষ ধর্মের হেতু । স্মৃতরাং অদৃষ্ট প্রয়োজন । ফলকথা  
অস্মদাদির অপ্রত্যক্ষ হইলেই যে অদৃষ্ট প্রয়োজন সিদ্ধ হইবে তাহা  
নহে । মুখ্য ফল দৃষ্ট হইলেও অদৃষ্টের দ্বারা যদি ঐরূপ ফললাভ  
করিতে হয়, তাহা হইলে ঐ দৃষ্ট ফলসাধক কর্মও অদৃষ্ট প্রয়োজন  
হইবে । জন্মান্তরীণ কর্মফলেই উভয় নিবর্ত কারণ উপস্থিত থাকে ।  
তথাহি—

যস্মিন্ বয়সি যৎকালে যদিবা যচ্চ বা নিশি ।  
যন্মূর্ত্তে ক্ষণে বাপি তত্থা ন তদন্তথা ॥  
বালো যুবাচ বৃদ্ধশ্চ যঃ কৰোতি শুভাশুভং ।  
তশ্চাং তশ্চা মবস্থায়ং ভূক্তে জন্মনি জন্মনি ॥  
অনিচ্ছামানোপি নরো বিদেশস্থোপি মানবঃ ।  
স্বকর্ম পোত বাতেন নীয়তে যত্র তৎ ফলং ॥  
গচ্ছন্তি অন্তরীক্ষে বা প্রবিশন্তি মহীতলে ।  
ধারয়ন্তি দিশঃ সর্বা নাদত্ত মুপলভ্যতে ॥  
পুরাধীতাচ যা বিদ্যা পুরা দত্তঞ্চ যদ্বনং ।  
পুরা কৃতানি কর্ম্মাণি অগ্রে ধাবন্তি ধাবতঃ ॥

এইরূপে নিবর্ত কারণ ইহ জন্মের ও পরজন্মের জন্য উপস্থিত থাকে ।  
কিন্তু পূর্ব জন্মের কার্য্য গুণ, নিবর্ত কারণ রূপে কোথায়, বা  
কিরূপে মৃত্যুর পূর্বক্ষণ পর্য্যন্ত থাকে । কর্ম্মফল সাক্ষাৎ সম্বন্ধে থাকে  
না । অথচ কর্ম্মই স্বর্গাদি রূপ ইচ্ছা সিদ্ধির কারণ । কেহ কেহ  
যাগাদি কার্য্যগুণ, ফলপ্রাপ্তির পূর্বক্ষণ পর্য্যন্ত কোন এক স্থানে  
রাখিতে চাহেন । নতুবা কর্ম্মফল অকারণ হইয়া পড়ে । তাহা  
স্থির করিতে না পারিয়া অনুবাদে লিখিয়াছেন “সেই পরম্পরা সম্বন্ধ  
স্বজন্য ব্যাপার, অর্থাৎ যাগ জন্ম এমন একটা কিছু হয়, যাহা স্বর্গের  
অব্যবহিত পূর্বক্ষণ পর্য্যন্ত থাকে । সেই যে “কিছু” অর্থাৎ বিহিত  
কর্ম্মের সেই যে ব্যাপার তাহাই ধর্ম্ম । ইহাতে আমাদের ‘কিছুর’  
অর্থ বোধগম্য হয় না । সেই যে একটা “কিছু” বুঝিয়া, ধর্ম্ম কার্য্যে  
আজীবন পরিশ্রম এবং প্রচুর অর্থব্যয়ে কাহারও প্রবৃত্তি জন্মিতে পারে  
এরূপ বোধ হয় না । আমাদের ধর্ম্মশাস্ত্র ও বেদে কর্ম্মফল, ও পর

জন্মের ফলপ্রাপ্তির পূর্বক্ষণ পর্যন্ত কার্যশূণ্যের বাসস্থান নির্দিষ্ট আছে। যিনি এই বিষয় অনুবাদ করিয়াছেন তিনি অতিশয় সুপণ্ডিত, এবং সর্বশাস্ত্রে বাৎপন্ন হইলেও বিশ্বাসিতাই ইহার কারণ। নচেৎ তিনি দর্শন শাস্ত্রানুগত জ্ঞান ভিন্ন, শাস্ত্রাস্তর গ্রহণে স্বীকার না করার ফল জানিতে হইবে। বোধহয় বেদাদি প্রামাণিক শাস্ত্র মত গ্রহণে কোন ক্ষতি হইত না, পরং আমরা ও কতক পরিমাণে বুঝিতে সমর্থ হইতাম।

পূর্বেই বলিয়াছি, মনুষ্য যৌগিকজ্ঞান সম্পন্ন, তাহাও ক্রমিক ও বিশ্বৃত, সেই জন্য মনুষ্য জানিয়াও জানেনা, দেখিয়াও দেখেনা, শুনিয়াও শুনেনা, বুঝিয়াও বুঝেনা যে, এই সংসার কর্মের দাস। পণ্ডিত ও মূর্খের সমান আচরণ। বুঝিয়া কেহ কোন কার্য সফল বা নিষ্ফল করিতে পারে না। লোকে বৃথা তর্জ্জন গর্জ্জন করে, তাহার স্মরণ রাখিতে পারেনা যে, বিধাতা কর্মরূপ খরধার অসি দ্বারা তাহাদের গর্ববৃক্ষ ছেদনে বিশেষ নিপুণ। যাহার যে কর্ম, কখনই অন্তথা হয় না। বেদাদি সমুদায় শাস্ত্রই অধ্যয়ন করুক। চিরকাল যত্ন সহকারে শতশত নরপতির পরিচর্য্যাই করুক, অথবা অতি কঠোর তপোনিষ্ঠানই করুক। ভাগ্যহীন ব্যক্তি কখনই লক্ষ্মীলাভে সক্ষম হইবে না। লোকে যে বিষয়ের প্রসঙ্গ মাত্র অভিলাষ করেনা, দুরাচার দক্ষ বিধাতা তাহাকে তাহাই প্রদান করে।

স্বর্গ কেবল সুখের স্থান নহে। সুখ ও দুঃখ সকল সৃষ্টিতেই বিদ্যমান আছে। পৃথিবী কর্মভূমি, স্বর্গ কর্মভূমি নহে। ভোগের স্থান। কি স্বর্গে, কি মর্ত্তে, কি পাতালে, ভোগ মাত্রেই রোগ ভয় আছে। আলোক থাকিলেই অন্ধকার আছে। স্তূপের ক্ষয় আছে। সঞ্চয়ের ব্যয় আছে। প্রণয়ের বিচ্ছেদ আছে। উদয়ের অস্ত আছে। প্রবৃত্তির নিবৃত্তি আছে। উৎকর্ষের অপকর্ষ আছে। জন্মের মৃত্যু আছে। ইহাই সৃষ্টির নিয়ম। স্বর্গেও কর্মক্ষয় হইলে দেবগণের বিবিধ দুঃখ উৎপন্ন হয়। পুণ্যক্ষয়ে বিবিধ জাতির উদ্ভব, এবং বহুবিধ রোগ প্রাদুর্ভূত হয়। দেখ—যজ্ঞের শির ছিলনা। দেববৈদ্য অশ্বিনীদ্বয় তাহার শির সন্ধিস্থ করেন।



সেই জন্ম যজ্ঞ, শিরোরোগে অভিভূত । সূর্যের কুষ্ঠ । বক্রগের  
জলোদর । পৃথার গতি বৈকল্য । ইন্দ্রের ভুজস্তম্ভ । চন্দ্রের  
ক্ষয় রোগ । দক্ষের জ্বর । যেখানে কামাদি অবস্থিত সেই স্থানে  
দুঃখও অবস্থিতি করে । বিষ্ণুর জন্ম মরণ আছে, দোষ গুণও  
আছে । দোষ থাকিলেই গুণ থাকে, গুণ থাকিলেই দোষ আছে ।  
বিষ্ণু মায়াবী, স্ত্রীবধ, কামশক্তি ও পাণ্ডবগণের সারথ্য শুনিত্তে  
পাওয়া যায় । সমুদায় সৃষ্টি সাকল্যে রাগাদি দোষত্রয় যুক্ত, এবং  
দুঃখ বহুল । কেবল মাত্র নারায়ণ সকলের শ্রেষ্ঠ এবং উত্তম ।  
নারায়ণের সেবা দ্বারা জীব মুক্ত হয় । নচেৎ সমুদায় সংসার আতি-  
শয্যে পরস্পর প্রতিষ্ঠিত ও বহুদুঃখে পরিপূর্ণ জানিয়া, সৎকর্মানুষ্ঠান  
পূর্বক নির্বেদ আশ্রয় করিবে । ভোগ হইতে নিবৃত্তি । নির্বেদ  
হইতে বিরাগ । বিরাগ হইতে জ্ঞান । জ্ঞান প্রভাবে স্বস্থান লাভে  
সুখী, সর্বজ্ঞ ও নিরতিশয় পূর্ণ এবং কূট বলিয়া অভিহিত হয় ।

কর্মই একমাত্র ইচ্ছা ও অনিচ্ছের হেতু । কর্মভিন্ন জীব, এক  
মূর্ত্তও তিষ্ঠিতে পারে না । কোন কর্মই এই কর্ম ভূমিতে নিষ্ফল  
হয় না । ইহা প্রত্যক্ষ হইতেছে । কারণগুণে কার্য্য, এবং কার্য্য  
গুণেই ফলপ্রাপ্তি হয় । গুণ, দ্রব্যের ধর্ম্ম । গুণ, গুণে থাকে না ।  
ধর্ম্মশাস্ত্রানুসারে পাপক্ষয়মাত্র সাধন প্রায়শ্চিত্ত বা চান্দ্রায়ণাদি অনুষ্ঠানে  
কর্ত্তার দুর্জিতাভাব হইলেও, চান্দ্রায়ণাদি কর্ম্ম নিষ্ফল না হইয়া  
ঐরূপ কর্ম্মজন্ম কর্ত্তার অদৃষ্ট জন্মে । অশ্বমেধ বা দুর্গোৎসবাদি  
কার্য্যগুণে কর্ত্তাকে স্বর্গাদির উপযুক্ত করে, ঐরূপ গুণের ফল  
স্বর্গপ্রাপ্তি । কার্য্য সমবায়ে গুণ, এবং গুণ সমবায়ে ফল থাকে । কৃষি-  
বাণিজ্যাদির অনুষ্ঠানে অর্থাগম বা অর্থনাশ ঘটে, অর্থনাশে বহুদুঃখ উৎ-  
পন্ন হয়, নিষ্ফল হয় না । কেহ অর্থলোভ প্রযুক্ত যদি মৃত্তিকা খনন করে,  
ঐ খনকের গুপ্ত ধনলাভ না হইলেও শারীরিক ব্যায়াম সিদ্ধ হয়,  
নিষ্ফল হয় না । সামান্য কি বৃহৎ কর্মানুষ্ঠান কখন ব্যর্থ হইবে না ।

ধর্ম্মও কর্ম্ম মূলক । ধর্ম্মের কর্ম্ম হেতু তত্ত্বজ্ঞান দ্বারা মোক্ষ  
হয় তাহাই ধর্ম্ম, বা যাহা সুখ ও মক্ষের সাধন তাহাই ধর্ম্ম । কার্য্য

শুণে ধর্ম উৎপন্ন হয়, ঐ ধর্মের দ্বারা স্বর্গ অপবর্গ ও সুখলাভ হয় । কারণ সমবায়ের কার্য, এবং কার্য সমবায়ের শুণের উৎপত্তি হয় । এবং শুণের সমবায়ের ফলের প্রাপ্তি হয় । এই সংযোগ স্বর্গ অপবর্গ ও সুখের হেতু । অধ্যয়নাদি দ্বারা যে জ্ঞান জন্মে তাহা তত্ত্বজ্ঞান নহে । ঐরূপ জ্ঞান মোক্ষ বা স্বর্গাদির সাধক হয় না । কর্মনিষ্ঠ জ্ঞানই তত্ত্ব জ্ঞানের হেতু । সুতরাং মুমুক্শু ব্যক্তির ঐরূপ জ্ঞান প্রয়োজন ।

ধর্ম ।

ধর্ম দুই প্রকার—অভ্যুদয় হেতু ও নিঃশ্রেয়সহেতু । যজ্ঞ দানাদি জন্ম ঐহিক ও পারলৌকিক সুখ সম্পাদক যে ধর্ম, তাহাই অভ্যুদয় হেতু । যোগাদি অনুষ্ঠান জন্ম মুক্তি সাধক যে ধর্ম, তাহাকেই নিঃশ্রেয়স হেতু বলা যায় । কেহ ধর্মকে বিভিন্ন প্রকারে বিভক্ত করেন । তাহারা বলেন প্রবৃত্তিধর্ম মোক্ষের অনুপযোগী ; নিবৃত্তি ধর্মই মোক্ষের উপযোগী । তাহা সত্য, প্রবৃত্তিধর্ম অভ্যুদয়ের হেতু, এবং নিবৃত্তি ধর্ম নিঃশ্রেয়স হেতু ।

নিঃশ্রেয়স ধর্মের শিক্ষা—

প্রথম সাধনা—বিশ্বাস । দ্বিতীয়—লক্ষ । তৃতীয়—বিচার । চতুর্থ—কার্যকারিতা । পঞ্চম—সৎপথে থাকা । ষষ্ঠ—গ্ৰাহ্যচেষ্টি । সপ্তম—পবিত্রজীবনী । অষ্টম—সমাধি । বহুতঃ এই সংসারে অত্যন্ত বিস্মৃতিই মুক্তি । যোগ সাহায্যে নিগৃহীত চিত্তের যে শান্তি উহা শান্তি নহে । সেই জন্ম বৈষ্ণবগণ ঐরূপ মুক্তিকে ঘৃণা করেন । যেমন এক পিশাচের পর অন্য পিশাচ আসিয়া মূঢ়কে আশ্রয় করে । তদ্রূপ যোগীর সমাধির অবসান হইলে, পুনরায় সংসার আসিয়া উপস্থিত হয় । সুতরাং সমাধি ভগবদ্ভক্তের প্রয়োজনীয় নহে । ঐরূপ মুক্তিতে বোধ শক্তির অভাব হয় ।

\*অভ্যুদয় হেতু ধর্মের শিক্ষা অত্যন্ত বিস্তৃত । ধর্মশাস্ত্রে বলিয়াছেন—

বেদঃ স্মৃতিঃ সদাচারঃ স্বস্ত চ প্রিয়মান্বনঃ ।

এতচ্চতুর্বিধং প্রাহঃ সাক্ষাদধর্মস্য লক্ষণং ॥

অর্থ কামেষুসক্তানাং ধর্মজ্ঞানং বিধীয়তে ।  
 ধর্মং জিজ্ঞাসমানানাং প্রমাণং পরমং শ্রুতিঃ ॥  
 ধর্মাৎ সঞ্জায়তে ভক্তির্ভক্ত্যা সম্প্রাপ্যতেপরম্ ।  
 শ্রুতি স্মৃতিভ্যামুদিতো ধর্ম যজ্ঞাদিকোমতঃ ॥  
 নাশ্রুতো জায়তে ধর্মো বেদোক্তম্মোহি নির্বভৌ ।  
 তস্মান্মুম্ক্ষু ধর্মার্থী মজ্জপং বেদ মাশ্রয়েৎ ॥

( ভগবদ্বাক্যং )

বেদ, স্মৃতি, সদাচার এবং আত্মপ্রিয়তা অর্থাৎ আত্মপ্রসাদ এই চার প্রকার ধর্মের লক্ষণ । যাহারা অর্থ এবং কামনা বিষয়ে একান্ত অনুরক্ত নহে, তাহাদেরই ধর্মজ্ঞান জন্মে । বেদই ইহার প্রকৃষ্ট প্রমাণ । ধর্মের দ্বারাই ভক্তি জন্মে এবং ভক্তি দ্বারাই ঈশ্বরকে জানা যায় । ঐ ধর্ম আবার বেদ ও স্মৃত্যুক্ত কর্ম বিশেষ জানিবে । বেদভিন্ন ধর্ম কিছুতেই উৎপন্ন হয়না, সেই জন্য মুমুক্শুগণের বেদ আশ্রয় করা একান্ত কর্তব্য, নচেৎ অন্য উপায় নাই । বেদোক্ত কর্মই ধর্মের আশ্রয় । এই কর্মের দ্বারা যে জ্ঞান জন্মে তাহাকেই কর্মনিষ্ঠ জ্ঞান বলা যায় । কর্মনিষ্ঠ জ্ঞানই তত্ত্বজ্ঞানের উপায় ।

মোক্ষার্থ, হেতুজ্ঞান যথেষ্ট নহে ।

কর্মনিষ্ঠ বা কার্যনিষ্ঠ এই উভয় প্রকার জ্ঞানেও আত্মার মোক্ষ বিষয়ে আশঙ্কা আছে । আত্মার কর্তৃত্ব নাই, পূর্বেই বলিয়াছি । যাহাতে কর্তৃত্ব নাই, তাহাতে কার্যত্ব কারণত্ব কিছুই নাই । পার্থিব অপার্থিবে মিলিত হয়না । পার্থিব কর্ম পৃথিবীর বিকার । স্মৃতরাং জ্ঞান কর্মাদি শূলের ধর্ম সূক্ষ্মের নহে । বৈদ্যকশাস্ত্রের ও ইহাই অভিপ্রায় । দেখ মস্তিষ্কের দুই অংশের কার্য পৃথক্ । প্রথম সম্মুখ ভাগের কার্য, সর্বপ্রকার চিন্তাশক্তি, স্মরণশক্তি, বিচারশক্তি, ইচ্ছা ও বোধশক্তি ইত্যাদি, মানসিক শক্তির আকর । পশ্চাৎ ভাগের কার্য, স্পন্দন হস্ত পদাদির, অর্থাৎ মাংসপেশীর ক্রিয়ার সামঞ্জস্য । হস্তপদাদি চালনা করিতে হইলে প্রথম ইচ্ছাশক্তি দ্বারা উত্তেজিত হইয়া পশ্চাৎ মাংস পেশীর ক্রিয়া উৎপন্ন হয় । দেখ

মূলশিরা যাহা পৃষ্ঠ বংশের মধ্য দিয়া মস্তিষ্কে নীত হয়। সেই শিরার সম্মুখ অংশ অর্থাৎ যাহাকে “এণ্টেরিয়ার রুট” বলে, ইহা গত্যুৎপাদক। এবং “পোস্টেরিয়ার রুট” অনুভব উৎপাদক। এই সমস্ত বিশদ ব্যাপারে গ্রন্থ বৃদ্ধি হইবে। ফলতঃ আত্মার সম্বন্ধ জীবনী মাত্র। যদি সূক্ষ্ম বহুকাল স্থূলের চিন্তা করে, তবে স্থূল ভাবাপন্ন হয়। সহবাসে স্থূলের পরিবর্তন প্রত্যক্ষই হয়। কোন অস্থি খণ্ড যদি পর্বতে প্রস্তরের সহিত বহুকাল থাকে। তবে প্রস্তরে পরিণত হয়, অধিকাংশের সহবাস হেতু। কিন্তু সূক্ষ্ম দেহ বহুকাল স্থূলের সহবাসে স্থূলভাবাপন্ন হয়না বলিয়াই স্থূলের নাশে, সূক্ষ্মের নাশও হয় না।

দেখ—ভীমরথী প্রাপ্ত মনুষ্যের, আত্মা ও সূক্ষ্ম শরীর বর্তমান থাকে। কিন্তু অভ্যস্তজ্ঞান, স্মৃতি, ধ্যান ধারণা ইত্যাদি সকল তত্ত্বই অস্তহিত হয়। শৈশবে স্থূলের সঙ্গে সঙ্গে ঐ সকল তত্ত্ব প্রকাশ পায়। যেহেতু উৎপত্তিমৎ দ্রব্যের জ্ঞান ও উৎপত্তিমৎ, ইহা স্বীকার করিতে হয়। কিন্তু বৃদ্ধাবস্থায়, সময় বিশেষে উহার নাশ হয়। যখন প্রত্যক্ষ দেখিতেছি জীবিত অবস্থায় সকল তত্ত্বেরই প্রায় লোপ হয়। তখন ইহা স্থূল শরীরের যৌবনাদি অবস্থা বিশেষের ধর্ম স্বীকার করিতে হইবে। শরীর থাকিতেই ইহার কালে বিকাশ হয়, পুনশ্চ শরীর সত্ত্বে কালেই অস্তহিত হয়। তবে, কর্ম বা জ্ঞানের দ্বারা আত্মার সুখ বা মোক্ষ কেমন করিয়া হইবে? ইহজন্মে কর্মের ফল লাভ প্রত্যক্ষ হইতেছে। কিন্তু, যে কার্যকারণের নাশ ইহজন্মেই প্রত্যক্ষ হইল, সেই কার্যকারণের ফল, পরজন্মে সম্ভব কি প্রকারে হইবে?

সুখ দুঃখ আত্মার নাই, ইহা বুদ্ধির ধর্ম। মৃত্যুর পর সূক্ষ্ম শরীর বিশিষ্ট আত্মাই অবশিষ্ট থাকে মাত্র। স্থূল দেহে কাল ধর্ম-বশতই ঐরূপ জ্ঞানাদি তত্ত্বের আবির্ভাব হয়, পুনঃ কাল ধর্মে জীবদ্দশাতেই তিরোভাব স্পর্শ দেখা যায়। গর্ভবাস, জন্ম, বাল্য, কৌমার, পৌগণ্ড, যৌবন, স্থাবির্ঘা, জুরা, প্রাণরোধ, নাশ।

চত্বারিংশৎ সমা যাবৎ ।

তিষ্ঠেৎ বীৰ্য্যাদপূরিতঃ ॥

ততঃ ক্রমেণ ক্ষীণ স্যাৎ ।

যাবৎ ভবতি সপ্ততিঃ ॥

ইহাই কাল ধর্ম বা দশদশা, জুরাবস্থায় সমস্তই নাশ হয় । পক্ষান্তরে সুখ দুঃখ, সূক্ষ্মশরীরে ভোগ হয় । সুতরাং সুখ দুঃখ রূপ কার্যের কারণ ও সূক্ষ্মশরীরে আছে ? ঐ কারণগুণকেই কর্মফল লাভের হেতু বলিব । প্রকৃতিবশতঃ আত্মা স্থূল শরীরের সহিত সম্বন্ধ করে । ঐ প্রকৃতি, অভ্যাস যোগে উৎপন্ন হয় । যে ব্যক্তি যে কার্যের নিত্য অনুষ্ঠান করে, অভ্যাস বশতঃ সেইরূপ প্রকৃতি তাহার জন্মে । ঐ প্রকৃতি হইতে কর্ম দ্বারা সংস্কার উৎপন্ন হয় । ঐ সংস্কার বাসনারূপে পরিণত হইয়াই আত্মার সহগামী হয় । ইহাই পুনর্জন্ম ও কর্ম ফলের কারণ হইয়া থাকে ।

দেখ, জাগ্রৎ প্রপঞ্চ এবং স্বপ্ন প্রপঞ্চ উভয়ই সমান । নিদ্রাবস্থায় স্বপ্ন হয় । স্বপ্নে কার্য্যাকার্য্যের বিচার করা যায় । স্বপ্নে মন্ত্রাদি প্রাপ্ত হওয়া যায় । ধ্যান ধারণা পূজাদিও করা যায় । দেবতা ব্রাহ্মণের নিগ্রহ অনুগ্রহ প্রাপ্ত হওয়া যায় । আহার, মলত্যাগ, স্ত্রীসম্বোগ, এবং নিদ্রাদি ও উপভোগ করা যায় । এবং জাগ্রত অবস্থায় তদনুরূপ ফললাভ ও হয় । সুতরাং স্বপ্নের যে ধর্ম, সংসারের ও সেই ধর্ম । বরলাভ, অভিশাপ, মন্ত্র এবং ঔষধাদি লাভ স্বপ্নের ফল, যখন জাগ্রতে প্রাপ্ত হই, তখন সমস্ত সংসারযাত্রার ও ঐরূপ ভাব রহিয়াছে । সুতরাং জাগ্রৎ স্বপ্ন ঐরূপ ভাব সংসারের দৃষ্টান্ত বুঝিতে হয় । তবে, স্বপ্ন যেমন ইচ্ছানুসারে দেখিবার উপায় নাই । সেইরূপ জাগ্রতে ও ইচ্ছানুরূপ ফললাভ হয় না ।

স্বপ্ন, পূর্বনিবর্তের উদ্বোধক । জাগ্রৎ পূর্বনিবর্তের অনুমাপক । ইন্দ্রিয় নিচয় স্বপ্নাবস্থায় নিরপেক্ষ থাকিলেও, একমাত্র মন সমস্তের কার্য্য করে । মনে কার্য্য ও কারণ উভয় সমাবেশ আছে । জাগ্রৎ চিন্তার অনুমান বা ছায়া স্বপ্ন নহে । যাহা এতদ্ভিন্ন তাহাই স্বপ্ন !



কেহ বলেন স্বপ্ন অদৃষ্টহেতু উৎপন্ন ও দর্শন হয় । কেহ বলেন সংস্কার হেতু দর্শন হয় । এই সকল অনুমান, যোগ্য রটে । আমরা বলি স্বপ্নের ব্যাপার, সংস্কার বশতই হয় । অর্থাৎ যাহা প্রত্যক্ষ হয় নাই, সেইরূপ ব্যাপার স্বপ্নে নাই । কিন্তু বিষয় ; অদৃষ্ট বশতঃ সুখ দুঃখের উদ্বোধক রূপে স্বপ্ন দর্শন ঘটে । স্বপ্নের প্রত্যক্ষ বিষয়, অদৃষ্টমূলক তাহার আর সন্দেহ নাই ।

ওঁকাররূপী ব্রহ্মের তৈজসপুরুষ দ্বিতীয়পাদ । এই তৈজস পুরুষ স্বপ্নস্থানীয় । স্বপ্নাবস্থা ইহার স্থানি । এই তৈজস স্বপ্ন কালেও আপন মহিমা প্রকাশ করে । সুতরাং স্বপ্নে পরমার্থ তত্ত্ব নাই, তাহা নহে । গ্রন্থ গৌরব কষ্টকর ।

কাল ।

যে বস্তু অপ্রত্যক্ষ, অথচ গুণবান্ তাহাই ঈশ্বর নহে, ঈশ্বর নিত্য-শব্দবাচকও নহে । নিত্যশব্দের বহুত্ব আছে । “অহরহঃ ক্রিয়-মানত্বেন বিধিবোধিতং নিত্যং” । যেমন সন্ধ্যাবন্দনাদি । সনাতন, সদাতন, চিরস্থায়ী, সদাকালস্থায়ী, এই সকল বাক্য মাস বৎসর ও যুগসম্বন্ধীয় কালাত্মক বাক্য মাত্র । কালান্ত্রিত কর্ম আমরা প্রত্যক্ষ ও অনুভব করিতে পারি । প্রত্যক্ষব্যতীত আমরা কোন বাক্য উচ্চারণ করিতে অক্ষম, সুতরাং ঈশ্বরেও প্রত্যক্ষানুরূপ উপাধি প্রদান করি । যে হেতু ঈশ্বর নিরূপাধি । অনুমান ও শব্দ ইত্যাদি প্রমাণ, প্রত্যক্ষের কিঙ্কর । কাল অপ্রত্যক্ষ ও গুণবান্ হইলেও ঈশ্বরের সৃষ্ট পদার্থ । কালিক সম্বন্ধ কখন বৃত্তিনিয়ামক, কখন বৃত্ত্য নিয়ামক হয় । “কালে সমস্ত প্রতিষ্ঠিত” এই রূপ বাক্য বৃত্তি নিয়ামক কালিক সম্বন্ধ, মহাকাল নামে কথিত । “কালে সর্ববম্” ইহাও মহাকাল বিষয়িণী প্রতীতি । সূর্য ও চন্দ্রাবচ্ছিন্ন নক্ষত্রাদি বিহিত কালকে খণ্ড কাল বলে, ইহাই কার্যোপযোগী । “ক্রিয়ৈব কালঃ” ইতি গমনস্পন্দ-নাদিরূপ ক্রিয়াবিশেষকে খণ্ডকাল বলে । কাল অচল অটল ও কলান্তস্থায়ী । কর্মের স্রোতঃ আছে কিন্তু কালের স্রোতঃ নাই, কালে চিহ্ন থাকে না । কর্মের দ্বারাই কালে চিহ্নবৎ প্রতীতি হয় । যেমন

ইদানীং তদানীং প্রভৃতি শব্দে তত্তৎ কালান্তিত কর্মের প্রত্যয়ার্থ প্রয়োগ হয়। দ্রব্যোৎপন্ন, স্থিতি ও লয় কালধর্ম্য। কালের নাশ নাই ধ্বংস আছে। যেমন আকাশের শব্দসমবায়িত্ব আছে। কালেও কর্মসমবায়িত্ব আছে। বিহিত কালে কার্য না করিলে, ঐ কার্য শুভ প্রদান করে না। দৃষ্ট ফল, কাল ইহকালেই প্রদান করে। অদৃষ্ট ফল, মৃত্যুর পর প্রদান করে, ইহাও প্রত্যক্ষ হয়। কিন্তু কর্তার প্রত্যক্ষ হয় কি না, আমরা বুঝিতে পারি না। নিবর্তকারণ পরজন্মে তত্তৎ কালের জন্য কাল বহন করে। কালে অনুষ্ঠিত কর্ম, স্বর্গ অপবর্গ ও সুখের হেতু, আবার ঐ কর্ম যদি অকালে অনুষ্ঠিত হয়, তাহা হইলে নরকের হেতু। কালে অনুষ্ঠিত কর্ম ক্ষয়প্রাপ্ত হয় না। কাল সমুদায়কে কর্মোপযোগী করে। ধর্ম্য, বুদ্ধি, জ্ঞান, কর্তব্য, ভোগ, সম্মান, পারদর্শিতা, প্রবৃত্তি, কবিত্ব, ক্ষমতা, আসক্তি, বিচ্ছেদ, দ্বেষ, বিনয়, বিত্ত, বিকার, সরলতা, কুটিলতা, সংযোগ, বিয়োগ, ইত্যাদি কালই নিয়োজিত করে। সমস্ত নিদ্রিত হইলেও কাল সর্বসময় জাগরিত থাকে। কাল অভ্রান্ত, কালকে কেহই অতিক্রম করিতে পারে না। কালের গতি অতীব দুর্লক্ষ্য। কোথাও স্থূল কোথাও সূক্ষ্মরূপে কাল সঞ্চারিত হইতেছে। শাস্ত্র বলেন, “তত্তঃ কাল স্ততঃ কর্ম ততো ধর্ম্যঃ প্রবর্ততে” আমাদের দৃষ্ট-প্রয়োজন মুখ্য ও গৌণ, এবং অদৃষ্টপ্রয়োজন মুখ্যরূপ ফল, এই ত্রিবিধ ফল ধর্মের দ্বারা আকাঙ্ক্ষা করিতে হয়। কতকগুলি কর্মের ফল, যাহা ইহ জন্মে প্রাপ্তব্য, কোন কারণবশতঃ তাহা প্রাপ্তির ব্যাঘাত হইলে ঐরূপ কর্মফল নিবর্তকারণরূপে পর জন্মের জন্য অপেক্ষা করে। যাহা পরজন্মনিমিত্তক সংকলিত অদৃষ্টজনক কর্ম, তাহা সম্যক নিবর্তকারণরূপে, পরজন্মে ফল প্রাপ্তির পূর্ববক্ষণ পর্য্যন্ত কাল বহন করে, এবং ষড়্ ঋতুর গায় ক্রমশঃ প্রেরণ করে। সেইরূপ, কর্মফল ও পরম্পরা রূপে ইহ জন্মে ও পরজন্মে প্রেরণ করে। গ্রহ নক্ষত্রাদি ও কাল ধর্ম্যে নিয়মিত। কাল ত্রিবিধ, মহাকাল, খণ্ডকাল ও দৈব কাল। কর্মফল নিষ্পন্ন ব্যতীত উহার অন্য চেষ্টা বা ক্রিয়া নাই। এই পরিদৃশ্যমান জগৎ ইহার নর্তনাগার। এবং স্বীয় ভার্য্যা রূপ নিয়-

তির প্রতি নিতান্ত অনুরক্ত । শিশু, যেরূপ লগ্নে ভূমিষ্ট হয় সেই অনুযায়ী পূর্ব জন্ম কৃত কর্মের ফল পূর্বেবাক্ত নিয়মানুসারে নিরুদ্ধেগে প্রাপ্ত হইতে থাকে, কোন শক্তি দ্বারা প্রতিনিবৃত্ত হয় না । ঐ শিশুর মৃত্যু পর্যন্ত ফল, জ্যোতিষশাস্ত্রের দ্বারা জ্ঞাত হওয়া যায় ।

॥ ওঁ ॥ বিহিতত্বাচচাশ্রমকর্মাপি ॥ ওঁ ॥

কেবল নিষিদ্ধকর্মবর্জনে শুভাদৃষ্ট অর্থাৎ সুখলাভ হয় না । বিহিত কর্মের অনুষ্ঠানে সুখ ও মোক্ষ ভাগী হইতে পারে । ব্রহ্মহত্যা গুরুদ্রোহাদি নিষিদ্ধ কার্যে দুঃখ লাভ হয় । শুভাদৃষ্টজনক কার্যে সুখ লাভ হয় । উভয় প্রকার বিধিবোধিত কর্ম, বিধি পূর্বক ত্যাগে মোক্ষ লাভ হয় । ইহা ব্যবহারিকের সাধ্যায়ত্ত নহে । ইহাও তত্ত্বজ্ঞানের একতর পন্থা । তত্ত্বজ্ঞানে সংসারের নিবৃত্তি হয় ।

পরমার্থ বোধক জ্ঞান দ্বিবিধ । বেদ বিহিত অদৃষ্টজনক কর্মের দ্বারা যে জ্ঞান হয়, তাহাই কর্মনিষ্ঠ মুক্তি বিধায়ক জ্ঞান । সংশাস্ত্রের অধ্যয়ন আধ্যাপনা দ্বারা যে জ্ঞান, তাহাই কার্যনিষ্ঠ মুক্তিবিধায়ক জ্ঞান । বেদার্থাভিজ্ঞ বুদ্ধিমান্ বিচারিগণ, পরা ও অপরা এই দুই বিদ্যা শিক্ষা করিবে । বেদ চতুষ্টয় এবং শিক্ষা, কল্প, ব্যাকরণ, নিরুক্ত, ছন্দঃ, ও জ্যোতিস্ এই ষড়ঙ্গ অপরা বিদ্যা । যাহার দ্বারা ঈশ্বরবিজ্ঞান লাভ হয়, তাহার নাম পরা বিদ্যা । পরা বিদ্যা কর্ম হইতে উৎপন্ন হয় । যিনি অদৃশ্য, অর্থাৎ মনোনেত্রাদি পঞ্চ জ্ঞানেন্দ্রিয়ের অগম্য । যাহার বাহ্য প্রকৃতি, পঞ্চজ্ঞানেন্দ্রিয়ের দ্বারা জ্ঞাত হওয়া যায় । যিনি সর্বগ ও সর্বজ্ঞ, সর্বব্যাপী, যাহার ব্যয় নাই অপচয় নাই, যিনি সৃষ্টির কারণেরও কারণ । যিনি মনুষ্যবুদ্ধি এবং মনের অগোচর । যিনি দাতা এবং দয়ালু । ব্রহ্মবিদগণ যাহাকে আত্মস্বরূপে দর্শন করেন । যে বিদ্যা দ্বারা তত্ত্ব জ্ঞান লাভ হয় তাহাই পরা বিদ্যা । অধ্যয়নাদি কার্যের দ্বারা অপরা বিদ্যা লাভ হয় । সূত্রাং অপরা দ্বারাই কর্মনিষ্ঠ হইয়া পরাবিদ্যা লাভ করিতে হয় । মনুষ্য কর্মীর নিকট বাসকরিয়া কর্ম দ্বারা কর্ম শিক্ষা করে । পুস্তক পাঠে অর্থাৎ বাক্যে কর্ম সিদ্ধ হয়

না। এই নিয়ম সকল কার্যেই প্রচলিত। এইরূপ কৰ্মনিষ্ঠজ্ঞানেই ঈশ্বরকে জানা যায়। নচেৎ অন্য উপায় নাই।

উভাভ্যামপি পক্ষাভ্যাং যথা খে পক্ষিণাং গতিঃ ।

তথৈব জ্ঞানকর্মাভ্যাং জায়তে পরমং পদং ॥ ইতি

বেদবিহিত কৰ্মে দ্বারাই সফল হইতে পারে, ব্রাহ্মণের কৰ্ম, স্নান, উপবাস, ব্রহ্মচর্যা, গুরুকুলেবাস, বানপ্রস্থশ্রম, যজ্ঞ, দান, প্রোক্ষণ, দিকনিয়ম, কালনিয়ম, নক্ষত্রনিয়ম, দ্রব্যনিয়ম, মন্ত্রনিয়ম, পাত্রনিয়ম। এই সকল কার্যে দ্বারা অদৃষ্ট লাভ করা যায়। অপ্রত্যক্ষ হইলেই যে অদৃষ্ট হেতু হইবে তাহা বলিতেছি না। মুখ্য (পূর্বেবাক্তধনাদিরূপ) ফল যদি অদৃষ্টের দ্বারা লাভ করিতে হইল, তবে দৃষ্ট, অদৃষ্ট, উভয় প্রয়োজনই, অদৃষ্টজনক কার্যের অধীন হইল। যেমন পুত্রোষ্টি যাগে পুত্রলাভ হয়, ইহাও অদৃষ্ট প্রয়োজন বলিব। যেহেতু ইহা ধর্মের দ্বারা সিদ্ধ হইতেছে।

শূদ্রাদির পক্ষে ব্রহ্মচর্যা ও সন্ন্যাস নাই। তবে কলিকালে সকলের পক্ষেই সমান হইয়া উঠিয়াছে। আর বড়একটা ইতরবিশেষ নাই। মোট কথা সকল জাতির পক্ষে এক্ষণে পরাশর উক্ত ধর্মই প্রচলিত দেখা যায়। নাম মাহাত্ম্য ও দান মাহাত্ম্যই কলিতে প্রবল। অপর সকল ধর্ম কার্যে ব্যবহারিক প্রবৃত্তির অল্পতা দেখা যায়। শ্রীচৈতন্যোক্ত ধর্ম অতি সহজবোধ্য, অল্প পরিশ্রমসাধ্য এবং নিশ্চিত।

তথাহি—

তপঃ পরং কৃত যুগে,

ব্রোতায়াম্ জ্ঞান-মুচ্যতে ।

দ্বাপরে যজ্ঞ নিত্যাহঃ,

দানমেকং কলৌ যুগে ॥

( ইতি সর্কশাস্ত্রবিষয়ঃ )

কলিকালে একমাত্র ধর্ম দান, এবং কারিক ও মানসিক নাম। ইহা সর্কজাতীয়সম্প্রদায় সম্মত। ইহাতে ভ্রম, প্রমাদ, ব্যাঘাত, ও সংশয়ের কারণ দেখা যায় না। শাস্ত্র বলেন “কলৌ নামানি সর্কদা” যাহা মানসিক নাম, অর্থাৎ মনে মনে সর্কদা উচ্চারণ করা যায়, তাহার পক্ষে

স্থান বা শুচি অশুচির কোন বিচার করিতে হয় না । নচেৎ শুচি ও অশুচি হইয়া আসন গ্রহণ করিয়া অভ্যাস করা কর্তব্য । এইরূপ নামে গুরু-উপদেশ বিশেষ প্রয়োজন হইবে । যখন শিষ্য এইরূপ নামে উত্তীর্ণ হইবে, তখন গুরু ও অনাবশ্যক, তাহার পর অন্য বিষয়ে মন নিযুক্ত থাকিলেও, নাম, মনে মনে আপনা হইতে উচ্চারিত হইবে, আর বাধা বিপত্তি মানিবে না ।

অশুচির অভাবকেই শুচি বলে । কাল ও সহকারিকারণ হইতে সকল কার্যই অনুষ্ঠিত হয় । যে কারণে কার্যের প্রবৃত্তি জন্মে, সেই কারণই সেই কার্যের প্রযোজক ও প্রবর্তক হয় । এবং সেইরূপ কার্য হইতেই সংস্কার উৎপন্ন হয়, সংস্কার আত্মার সহগামী । দেখ, কোন ব্যক্তি জন্মভূমি ত্যাগ করিয়া যদি পূর্ববঙ্গে বাস করে, তবে তাহাকে আর পশ্চিমবঙ্গের লোক বলিয়া চিনিতে পারা যায় না ।

দান ও বেদ শাসন । বেদ বাক্যই প্রমাজ্ঞান উৎপাদক । অজ্ঞান-বুদ্ধি দ্বারাই বেদ প্রতিষ্ঠিত । প্রমাজ্ঞান বেদই প্রদান করে । ঈশ্বর ভিন্ন সমস্তই জড় । দান বুদ্ধিপূর্বক না হইলে নিষ্ফল হইয়া, দুর্দৃষ্ট জন্মিবে । ধন অতিশয় মমতার বস্তু, ইহা সংসারিমাত্রেরই জ্ঞাত আছেন, সেই ধন যে, অকাতরে প্রদত্ত হয়, ইহাও বেদ শাসনমূলক । দান প্রতি-গ্রহেও পত্রাপত্র নির্ণয়ে, বেদশাসন আমাদের অন্তর্নিহিত ও সম্মানিত । বস্তু বিশেষ দান করিতে আছে, বস্তু বিশেষে নাই । বস্তু বিশেষে প্রতিগ্রহ আছে, আবার বস্তু বিশেষে নাই । এই বিবেচনা করিয়া ধনার্থী যে গ্রহণ করে, তাহাও বেদশাসন মূলক । সামান্য কএক জন লোকে যে কথা বলে, বা যাহাকে সম্মান করে, তাহা রাজদ্বারেও গৃহীত হয় । মহর্ষি ও মহাপুরুষগণের আদি কাল হইতে সেবিত ও সম্মানিত বলিয়া, বেদ প্রমাণশাস্ত্র ।

যদি বল পরদুঃখের অনুভবাত্মকজ্ঞানই দানের কারণ ? পরের দুঃখ হইয়াছে তাহার জন্মই দান করে । এই কথা সম্ভব হয় না, তাহার হেতু এই যে, এক আত্মাতে দুঃখ বা অভাব উৎপন্ন হইলে, পরকীয় প্রবৃত্তির হেতু হয় না । যে দাতা—সেই আত্মায় এমন কোন জ্ঞান



আবশ্যক, যাহা প্রবৃত্তির কারণ হয় । সেই জ্ঞান, দাতার ইচ্ছাসাধন জ্ঞান এবং উভয় নিষ্ঠ । সেই যে ইচ্ছা সাধনতা জ্ঞান, তাহা বেদাদর-মূলক । দান করিলে পরজন্মে পুনঃ প্রাপ্ত বা স্বর্গলাভ হইবে, এইরূপ জ্ঞানই দানপ্রবৃত্তির হেতু । এই যে সংস্কার ইহা বেদমূলক । নতুবা একের দুঃখে অন্যের দান করিতে প্রবৃত্তি জন্মিল, এরূপ হয় না, মুখে যাহাই বল ।

অন্য পক্ষে যদি একের দুঃখে অপরের ভোগ হইত, এবং ঐরূপ দুঃখই যদি দানপ্রবৃত্তির কারণ হইত, তাহা হইলে দুষ্কৃত ব্যক্তিকেও দান বা ভোজন করাইবার প্রবৃত্তি হইত । কোন দস্যু নরহত্যাদি পরিশ্রমে ক্ষুধার্ত হইলে—তাহাকে ভোজন করাইবার প্রবৃত্তি ত হয় না । যাহাকে ভোজন বা দান করিলে অনিষ্ট, অর্থাৎ পাপ হয়, তাহাকে কেহ দান করে না । সুতরাং দানের পাত্রাপাত্র আছে ইহা সহজেই বোধ হইতেছে ।

অভাববশতঃ প্রতিগ্রহপ্রবৃত্তি, হীনের নিকট, সমানের নিকট, এবং উৎকৃষ্টের নিকট, ইহাও বেদশাসনমূলক । যাহার নিকট প্রতিগ্রহে দুর্দৃষ্ট জন্মে, যাহার নিকট আপদে প্রতিগ্রহ কর্তব্য, এবং যাহার নিকট প্রতিগ্রহে শুভাদৃষ্ট জন্মে । ইহাকেই হীন, সমান, এবং উৎকৃষ্ট প্রতিগ্রহ বলে, ইহাও বেদাদর মূলক । দান ত্রিবিধ, সাত্ত্বিক, রাজসিক, ও তামসিক । বাল্যাবস্থায় কোন কার্য-ফল নাই, দাতার বিবেচনা পূর্বক দান করা কর্তব্য । দাতার সাহায্যে যদি কোন দুষ্কৃত প্রতিপালিত হয় তাহার পাপের অংশ দাতাকে গ্রহণ করিতে হইবে । ইহা যুক্তিসিদ্ধ, যদি কোন দুঃখিবালককে কোন দাতা প্রতিপালন বা সাহায্য করেন । ঐ বালক বয়ঃপ্রাপ্ত হইয়া যদি দস্যুবৃত্তি অবলম্বন করে, তবে ঐ পাপের অংশ দাতার প্রাপ্য হইবে না কেন ? সুতরাং পাত্রাপাত্র বিচার দাতার অবশ্য কর্তব্য । ভূরিদান বিষয়ে পাত্রাপাত্র বিচার নিষ্পন্নয়োজন হয় ।

তথাচ—

দানধর্ম্যং নিষেবেত নিত্যমৈষ্টিকপৌত্তিকং ।

পরিতুষ্টেন ভাবেন পাত্র মাসাদ্য শক্তিতঃ ॥

যৎকিঞ্চিদপি দাতব্যং যাচিতে নানস্বয়্যা ।

উৎপৎশ্রতে হি তৎপাত্রং যত্তারয়তি সর্বতঃ ॥

ভূরিদান অর্থে, প্রার্থী উপস্থিত হইলে কোন বিচার না করিয়া যে দান করা যায়, তাহাকে ভূরিদান বলে । এইরূপ দানে দেশ, কাল, পাত্রাপাত্র নিয়মের অপেক্ষা নাই । যদি ঐরূপ সংকল্পে কোন প্রার্থী বৈমুখ হয়, কিম্বা কোন কারণে ব্যাঘাত ঘটে ; তবে দাতা পাপভাগী হইবে । এইরূপ দান করিতে করিতে অদৃষ্ট বশতঃ দানীয় দ্রব্য যদি কোন সৎপাত্রে লুপ্ত হয়, তবে ঐরূপ গৃহীতা—দাতার উক্ত চতুর্দশ পুরুষ পর্য্যন্ত পবিত্র করিবে । ইহাই ভূরি দানের অভিসন্ধি ও আকাঙ্ক্ষা ।

অতপাস্তু নধীয়ানঃ প্রতিগ্রহর্কাচির্বিঃ ।

অন্তশ্শম্পবেনেব সহ তেনৈব মজ্জতি ॥

ভূরিদান ব্যতীত সামান্য দানে পাত্রাপাত্র, দেশ ও কাল অতিশয় প্রয়োজনীয় হইবে । ব্রাহ্মণগৃহীতার পক্ষেও বিচার করিবে, যে ব্রাহ্মণের তপস্যা নাই, অধ্যয়নাদি নাই, অথচ প্রতিগ্রহে যাহার বিলক্ষণ রুচি আছে, এরূপ ব্রাহ্মণকে দান করিলে, পাষণময় ভেলা দ্বারা সন্তরণ করিতে গেলে, যেমন সেই ভেলার সহিত জলমগ্ন হইতে হয় । তদ্রূপ তিনিও সেই দাতার সহিত নরকে নিমগ্ন হইবেন ।

যুগধর্ম্য ভেদে দান চতুর্বিধ ।

অভিগম্যোত্তমং দানং ত্রেতায়ামাহুয় দায়তে ।

দ্বাপরে যাচমানায় সেবয়া দায়তে কলৌ ॥

যুগভেদপ্রযুক্ত মনুষ্যের দানধর্ম্মে সাধারণপ্রবৃত্তি এইরূপ । কলির প্রবৃত্তি আমাদের প্রত্যক্ষবিষয় । পুনশ্চ উত্তম অধম নিরূপণ করিতেছেন ।—

অভিগম্যোত্তমং দান মাছতকৈব মধ্যমম্ ।

অধমং যাচ মানং শ্রাৎ সেবা দানঞ্চনিফলং ॥

গৃহীতার নিকট উপস্থিত হইয়া দাতা যে দান করে, তাহাই উত্তম দান । গৃহীতাকে আহ্বান করিয়া যাহা করেন, তাহাই মধ্যম । গৃহীতার প্রার্থনানুসারে যে দান, তাহাই অধম শ্রেণীর দান, এবং সেবা দান

অর্থাৎ প্রত্যুপকার বা সেবা করিলে দাতা যে দান করেন, তাহা সর্বদাই নিষ্ফল হয় । যাহা দান করা যায় পরজন্মে সেই বস্তুই প্রাপ্ত হওয়া যায় । যদি তাহাই বল, ঐ সকল তবে দান না করিয়া ঐ বস্তু ইহজন্মে ভোগ করাই কর্তব্য, দানের প্রয়োজন কি ? তাহা নহে, দানে দূরিত ক্ষয় হয় । শুভাদৃষ্ট জন্মে । স্বর্গ অপবর্গের অধিকারী হয়, এবং অভিসন্ধি থাকিলে বৃদ্ধি প্রাপ্ত হয় । উত্তম দানে লক্ষ গুণ বৃদ্ধি, মধ্যম দানে ঐ বস্তু সহস্র গুণ বৃদ্ধি, অধম দানে শত গুণ বৃদ্ধি, সেবাদান সর্বদাই নিষ্ফল হয় । ইহজন্মের সঞ্চিত অর্থরাশি সহগামী হয় না, কিন্তু দানীয় প্রদত্ত হইলে উহা জন্মান্তরে সহগামী হয় । নচেৎ এইখানেই থাকে । একমাত্র দানই লইয়া যাইবার উপায় । তবে বিবেচনামত ধনাদি প্রেরণ করিতে না পারিলে, পরজন্মেও কাড়িয়া লয় । ইতি স্পর্ষটম্ ॥

ফলতঃ রাগ, দ্বেষ, তমঃ, ক্রোধ, মদ, মাৎসর্য্য পরিত্যাগ করিতে না পারিলে, তপস্যা ও দানাদি সমস্তই ক্লেশকর ও নিরর্থক হইবে । বরং দুর্দৃষ্ট জন্মিবে, রাগাদির বশীভূত হইয়া যে ধন সঞ্চয় বা উপার্জন করা যায়, তাহা দান করিলে সেই অর্থের পূর্বস্বামী ফল ভাগী হয় । অর্থাৎ রাজস বা তামস উপায়ে উপার্জিত ধনে কার্য্য করিলে ফল দর্শে না । সাত্ত্বিক উপায়ে লব্ধ অর্থই অদৃষ্ট কার্য্যের প্রশস্ত । পুরুষ রাগাদির বশীভূত হইয়া যে কিছু ব্রতাদির অনুষ্ঠান করে, সে সকলই দলুপ্ত হয় । অতএব অতিশয় যত্নসহকারে ধৈর্য্য অবলম্বন পূর্বক সংসার ব্যাধির বিনাশ হেতু সচ্ছাত্রানুশীলন ও সাধুসঙ্গ এই দুই মহৌষধ সংগ্রহ করা উচিত । বিষয় কার্য্য হইতে অবসর লইয়া এই ঔষধদ্বয় সংগ্রহে যত্নবান হইবে । দেখ, দুর্দান্ত মুসলমান নবাব আওরঙ্গজেব, স্বহস্তে একটা উষীষ প্রস্তুত করিয়াছিলেন । এত অধিক সম্পদ ও সাম্রাজ্যের অধিকারী হইয়াও, ঐ উষীষ বিক্রয় করিয়া সেই অর্থগুলি মস্জেদে দিতে তাহার পুত্রাদি দায়াদগণকে অনুরোধ করিয়া মৃত্যুকে আলিঙ্গন করিয়াছিলেন । ধর্ম্ম সকলেরই সমান ।

যদি চ সকলেই তত্ত্বজ্ঞানাদি অন্বেষণ বা উপার্জন করে না, কিন্তু ইহ জন্মের সুখশান্তি সকলেই আকাঙ্ক্ষা করে । সকল অদৃষ্টে

সেইরূপ ঘটে না । সেই জন্যই স্বর্গ অপবর্গ এবং সুখ এত অধিক দুপ্রাপ্য, যে ব্যক্তি ইহ সুখে বঞ্চিত তাহারই ইহসুখে বিশেষ আগ্রহ আসক্তি । যাহা দুপ্রাপ্য, তাহাতেই আদর আকিঞ্চন অধিক, ইহাই মনুষ্যের স্বভাব ও অভ্যাস । যে-মনের ইচ্ছাপূর্ণ করিতে পারে তাহাকেই সাংসারিক লোক সুখী বলে । স্থানীয় সুখ, জ্ঞান ও মুক্তির বিশেষ প্রয়োজনীয় বস্তু । প্রত্যক্ষ না হইলে প্রয়োজন বা প্রলোভন কিছুই হয় না । পরজন্মে কবে কি হইবে না হইবে, সেই আশায় আশস্ত হইয়া থাকা যায় না, ইহা পরম সত্য । বরং ইহাতে বঞ্চিত ও পরজন্মে ভ্রষ্ট হইবার বিশেষ সম্ভাবনা । বস্তুতঃ ভোগেই ভোগপ্রবৃত্তি শাস্ত হয় । নতুবা অশাস্ত হৃদয়ে কোন আশাই ফলবতী হয় না । আমরা মনে করি এই পৃথিবীতে স্বর্গা-পেক্ষা ও সুখের স্থান আছে । এবং মনে, এই নশ্বর হৃদয়ে এত মহার্ঘ সুখের আসন পাতিতে পারে যে, তাহা দেবতার ও দুর্লভ । এই নশ্বর জীবনে নশ্বর জগতের দুঃখময়ক্রোড়ে হীন মানব জন্মে যে, দেবগণ অপেক্ষাও সুখের অধিকারী হয়, তাহাই আমরা জানি । বাস্তবিক তাহা মিথ্যাও নহে । কিন্তু ভোগ না করিলে ইহার অনু-ভব হয় না এবং বিতৃষ্ণা ও হয় না । দীর্ঘকাল ভোগে অতৃপ্ত বাসনা তৃপ্ত হইয়া মন শাস্ত হয়, তবে বুঝিতে পারে যে, দেবদুর্লভ সুখ সত্যই আছে কি না । তখন আর ঐরূপ সুখের লালিত্য থাকে না, স্বাভা-বিক অবস্থার প্রতীতি জন্মে । সুতরাং বিরক্ত জনক হইয়া উঠে । যেমন সুন্দর উদ্যান ও কালক্রমে কণ্টকাকীর্ণ হয়, সেইরূপ সুখের মধ্যেও দুঃখের বীজ থাকে । সেই বীজ উপ্ত হইয়া কালে কণ্টকাকীর্ণ হইয়া পড়ে । আর ভাল লাগে না, আগ্রহও থাকে না । তখন বিরাগ-বশতঃ রাজসবৈরাগ্য বা নিত্যকর্মবৎ সুখাভিলাষে বিতৃষ্ণা জন্মে । এইরূপ বিতৃষ্ণার ফলে সুখ দুঃখ বুঝিতে পারে, এবং স্বর্গাদি বিষয়ের অধিকারী হয় । নতুবা নহে ।

যাহারা ইহসুখভোগে নিমজ্জিত ও পরিতৃপ্ত, যাহারা মনুষ্যপদ-বাচ্য, তাহারা ইহার মধ্যে আর সুখ খুঁজিয়া পায় না । তাহারা

দেখে, তাঁহারই লীলা চাতুর্য্য। তাহারা দেখে, ঐশ্বর্য্যাদিতে সুখশাস্তির লেশমাত্র নাই। তাহারা দেখে সকলই দুঃখময়, মিথ্যাপ্রলোভন। তখন তাহারা বুঝে, সুখী, দুঃখী, রাজা, প্রজা, এক সূত্রে গ্রথিত। ইতরু বিশেষ কিছুই নাই। যে ব্যক্তি পীড়ার অসীমযন্ত্রণায় দিবারাত্র অস্থির, অবকাশ মাত্র নাই। তাহার যান, বাহন, সূক্ষ্মবস্ত্র, সুস্বাদু খাদ্য, দুগ্ধফেনসন্নিভশয্যা, কি সুখ বিধান করিবে? যে স্ত্রীর উপপতি অহরহঃ প্রত্যক্ষ হইতেছে, সেই স্ত্রীর প্রণয়ে কি সুখ হইবে? প্রবৃত্তির অভাবে সকলই দুঃখময় বোধ হয়। ঐরূপ সুখের হস্ত হইতে তখন পরিত্রাণের উপায় অন্বেষণ করে। আর প্রলোভনে মুগ্ধ হয় না। তাহারা তখন সুখের স্ফুট অর্থ বুঝে। নচেৎ শাস্ত্রাদি পাঠ করিয়া বা আকাঙ্ক্ষাদির সহিত যুদ্ধ করিয়া কখনই মুক্তি ভাগী বা সুখী হইতে পারে না। কস্মিনিষ্ঠ-জ্ঞানই এক মাত্র অবলম্বন, অন্য উপায় নাই। যখন ভোগের পর নিবৃত্তির আশ্রয় লাভ করে, তখন তাহারা সুখ চিনিয়া লইতে পারে, এবং সুখের অন্বেষণ করে। তখন জন্মান্তর দেখিতে পায়। ভবিষ্যৎ সুখদুঃখের উপলক্ষির শক্তি জন্মে। তখন জন্মান্তরের চিন্তা আসিয়া হৃদয় অধিকার করে। তাহার প্রত্যক্ষ প্রমাণ রাজা রামকৃষ্ণ মহারাজ অতুলঐশ্বর্য্যের অধিকারী হইয়াও, পরমরূপবতী স্ত্রীলাভ করিয়াও সুখ খুঁজিয়া পান নাই। রঘুনাথ দাস, হিরণ্য গোবর্দ্ধনের একমাত্র উত্তরাধিকারী হইয়া প্রভূত ধনের অধিকারী; এবং সুন্দরী ও পতিপ্রাণা সহধর্ম্মিণীর পতিত্বলাভে সুখী হইয়া ও সুখ খুঁজিয়া পান নাই। তাই ইহারা উভয়েই ইদানীন্তনকালে সুখের জন্য সর্বব্যাগী। কোন কারণ বশতঃ ইহাদের রাজস বৈরাগ্য নহে। বীতৎস দৃশ্যেও ইহারা বিরাগী নহেন। ইহারা শ্মশান, বিপদ ও দৈন্যবশতঃ বিরাগী নহেন। কোন রোগগ্রস্তও হন নাই। তবে সুখের অন্বেষণে প্রবৃত্ত; কারণ ব্যতীতই এই মনোহর বৈরাগ্য উৎপন্ন হইয়াছিল। ইহা সাধুদিগের ও বিস্ময় কর। এই অকৃত্রিম বৈরাগ্য তাহাদের অতিশয় মহত্বের পরিচয়। যে সুখদুঃখ চিনিতে



পারে, তাহার এইরূপ গতি হইয়া থাকে। লালাবাবুর এই জাতীয় বৈরাগ্য নহে, উহা কারণ বশতঃ রাজস বৈরাগ্য মাত্র।

যতই মৃত্যু নিকটস্থ হয়, ততই দৈববিপাকজন্য ভীত হইয়া ঈশ্বর চিন্তায় অধিকার জন্মে। ইহাই অধিকারী শব্দের প্রকৃত অর্থ। ভোগেই ভোগ নিবৃত্তি হয়, আহারে ক্ষুধার তৃপ্তি হয়। দৃষ্টিতে ক্ষুধার শান্তি না হইয়া, দ্বিগুণ জ্বালায় জ্বলিয়া মরে। কখন ও শান্তিসহবাস ঘটে না। তাহার হৃদয়ে শান্তিদেবীর স্থানাভাব।

কেহ বা ইহজন্মের নৈরাশ্যে, পরজন্মে সুখলাভহেতু অদৃষ্ট-জনক কার্যে ব্যাপ্ত হয়। পরজন্মে সংকল্পানুরূপ ইচ্ছাও সিদ্ধি হয়। এবং ভোগের দ্বারা নিবৃত্তির অধিকারী হইয়া মোক্ষ বা সুখ লাভ করে। যখন ঐরূপ কার্যে সক্ষম না হয়, তখন বিরাগ আসিয়া অধিকার করে এবং ঈশ্বরে মতি হয়। কেহ কেহ ধৈর্য্যাবলম্বনে অশক্ত হইয়া শারীরিক বল বা, কৌশলের সাহায্যে সুখী হইবার প্রয়াস পায়। ইহাতেও পাপপ্রবৃত্তি জন্মে। কেহ বা উদরজ্বালায় প্রজ্বলিত হইয়া জ্ঞান হারায়। ইহাও পাপপ্রবৃত্তির কারণ হইয়া জন্মান্তরে পুনশ্চ কষ্ট ভোগ করে। ইচ্ছাময়ের কৌশল দুর্ভেদ্য এবং বুদ্ধির অবিষয়। ইহাকে আমরা সামান্য বুদ্ধিতে কর্ম ফল ভিন্ন কি বলিব? যে কারণে যাহার জন্ম, সে সেই কাজই করে।

একজন বিবেকী বলিয়াছেন :—

নমস্টিমো দেবান্নমু হতবিধেষুপি বশগাঃ ।

বিধিবন্দ্যঃ সোহপি প্রতিনিয়তং কর্মৈক ফলদঃ ॥

ফলং কর্মায়ত্তং কিমমরগণৈঃ কিঞ্চ বিধিনা ।

নমস্তৎকর্মেভ্যো বিধিরপি ন যেভ্যঃ প্রভবতি । ইতি

তপশ্চরণ করিতেছিলাম । এক্ষণে আপনি দয়াপরবশ বরদা হইয়াছেন । সম্প্রতি আমাকে জ্বরা আক্রমণ করিয়াছে । আর আমার পতি লাভের বাসনা নাই । এক্ষণে কিরূপ কৰ্মবিপাকে আমার দুর্দশা ঘটিয়াছিল, অনুগ্রহপূর্বক প্রকাশ করুন ।

দেবী বলিলেন, হে রাজকন্যে ? পূর্বজন্মে তুমি চাণ্ডালী ছিলে, তোমার বহু সম্ভান ছিল । একদিবস জ্যৈষ্ঠ মাসের মধ্যাহ্নকালে, তোমার পুত্রগণসহ তুমি ঐ মরুভূমিতে তৃষণার্ত হইয়া জল অন্বেষণ করিতে ছিলে । দৈবযোগে একটি কূপ তোমার দৃষ্টি গোচর হইলে, তুমি আনন্দের সহিত পুত্রগণসহ কূপের নিকট উপস্থিত হইয়া দেখিলে ; একটি কপিলা তৃষণাতুরা হইয়া জলপানের চেষ্টা করিতেছে । কিন্তু ঐ কূপে এতাদৃশ স্বল্প জল ছিল যে, কপিলাকে পান করিতে দিলে, তোমাদের কুলান হয় না । তখন তোমার শরীরে দয়া উদয় হইল । এবং ঐ জল উত্তোলন করিয়া ঐ কপিলাকে প্রাণ রক্ষা করিয়া ছিলে । আপনার ও পুত্রগণের প্রাণের মমতা কর নাই । পরে স্তম্ভদুগ্ধ দ্বারা পুত্রগণকে রক্ষা করিয়া, আপনি মৃত্যুকে আলিঙ্গন করিয়াছিলে । এই কপিলাভক্তিসহ মৃত্যু হইয়াছিল । এবং এই কৰ্মবিপাক হঠাৎ উপস্থিত হইয়াছিল, সেই জন্ম তুমি রাজকুলে জন্মগ্রহণ করিয়া ও সুখী বা মোক্ষভাগিনী হইতে পার নাই । এক্ষণে আর ক্ষোভের প্রয়োজন নাই । তোমার কৰ্ম, পর্যাপ্ত হইয়াছে । অতঃপর তুমি সুখী ও মোক্ষভাগিনী হইলে । আমি তোমাকে আমার কিঙ্করীরূপে গ্রহণ করিলাম । এই বলিয়া মহাদেবী, শশ্বিষ্ঠাকে যৌবন প্রদান করিয়া রাজকন্যা সহ অস্তহিত হইলেন ।

ঐ চাণ্ডালী দৈবাৎ পূর্বজন্মে তপশ্চাদি কার্য্য বিনা, দয়াপরবশ হইয় কপিলাকে জীবনদানরূপ অদৃষ্টলাভ করিয়া রাজকন্যা হইয়াও সুখ বা মোক্ষভাগিনী হইতে পারেন নাই । যখন বিহিতকৰ্ম্মযোগে সংস্কৃত হইলেন, তখনই তিনি সুখ ও মোক্ষের উপযুক্তা হইলেন । সুতরাং অসম্পূর্ণ কৰ্ম্মে সুখ লাভ হয় না । পূর্বোক্ত ভক্তিদ্বারা যদিচ মুক্তিলাভ হয় বটে, কিন্তু ঐরূপ মুক্তিতে কদাচ সুখলাভ হয় না ।

প্রযত্ন অভাবে কোন কারণবশতঃ যে ভক্তি হয়, তাহা ক্রিয়াত্মিকা বলা যায় না । জ্ঞান যত্নসাধ্য, উহা ক্রিয়ার ধর্ম্যবিশেষ । সামান্যতঃ আপন ইচ্ছায় জ্ঞানাত্মিতা ভক্তি জন্মে না । পুত্রকলত্রাদি বা ঐশ্বর্য্য বিষয়ে অনুরাগ ভক্তি নহে । উহা এক প্রকার লোভ । ভক্তি ইহ বা পূর্বজন্মের ক্রিয়ার ফল । ভক্তির দ্বারা উপকার বা অপকার উভয় সিদ্ধ হয় । যাহা ক্রিয়াশ্রয়ী নহে তাহার ফলও সেইরূপ । স্বভাবভূত-বৃত্তিভেদে ভক্তির ও ভেদ হয়, ইহার সন্দেহ নাই । এই নশ্বর জগতে নশ্বরকর্ম্মহেতু ভক্তি, বা কর্ম্মফল অবিনশ্বর হইবে কেন ? অনুরাগ ভক্তি নহে । দাস্য এই সামান্য ভক্তির উদ্বোধক । ভৌতিক না হইলে ও ভক্তির নাশ আছে । সমস্ত বস্তু, রস, বা ভাব সংযোগাদির ফল । সামান্য জ্ঞানের বিশেষেও এইরূপ ভক্তির বিশেষ হয় । কুশিক্ষা কুদৃষ্টি, কুব্যবহার কুপ্রথা, কুদৃষ্টি, কুদৃশ্য হইতে কালক্রমে কুসংস্কার জন্মে । পুনশ্চ সুসংস্কারে ঐরূপ ভক্তি বিশ্বাসের নাশও হয় । ভক্তির ও অভক্তি আছে । সংস্কার ত্রিবিধ—ভাবনাখ্য, স্থিতি স্থাপনাখ্য, ও বেগাখ্য ।

ক্রিয়াশক্তি অহংকার । অহং ত্রিবিধ, বৈকারিক—মনঃ । তৈজস—ইন্দ্রিয় । তামস—ভূত ॥ ত্রিবিধ ভক্তির লক্ষণ ভাগবতে বা গাতায় দ্রষ্টব্য ॥

রস ও ভাব, ভক্তিপ্রবর্তক । জ্ঞানকর্ম্মে যোগধর্ম্মে নহে কৃষ্ণ বশ । কৃষ্ণবশহেতু এক প্রেমভক্তিরস ॥ যাহাকে আমরা দেখি নাই, চিনি না, জানি না, তাহাতে ভক্তি করিব, ভাল বাসিব কিরূপে ? ইহা কখনও সম্ভব নহে । ঈশ্বরকে আমরা জানি না বা জানিবার উপায় নাই বলিয়া চেষ্টাও করিতে ইচ্ছা হয় না । তবে ভাল বাসিব কি প্রকারে ? জোর করিয়া, ভয় করিয়া, ভালরূপ না জানিয়া, না দেখিয়া, কি ভাল বাসি যায় ?

ভাব প্রত্যয়ে রসাধিক্যবশতঃ না দেখিয়াও ভাল বাসা হয়, ইহা সাধারণ পদার্থে আমরা দেখি । দেখ—কামোদ্ভেকহেতু শৃঙ্গার রসের আধিক্য হয় । এই ইচ্ছা মনেই জন্মগ্রহণ করে, সেই জন্ম কামের

একটি নাম “মনসিজ” রাখিয়াছেন । সমস্তরসেরই অধিক্য মনে । মনই রসের অবলম্বন, তাহার পর ইন্দ্রিয়াদি দ্বারা ভোগ হয় । শৃঙ্গার রসে প্রায় উত্তম নায়ক হয় । এস্থলে পরস্কী বা অনুরাগবিহীনা বেশ্যা পরিবর্জন করিতে হইবে । যেমন সাধনাবিষয়ে ঈশ্বরানুরাগবিহীন সাধক বর্জন করিতে হয়, ইহাও সেইরূপ । যেমন সেব্য সেবক সাধনায় প্রয়োজন । শৃঙ্গার রসে, নায়ক নায়িকা অবলম্বনস্বরূপ হইবে । তবে সাধনায় গুরু, ইহাতে দূত, স্তুতিপাঠক বা সখী কার্যসাধকরূপে প্রয়োজন হইবে ।

সকল রসের উদ্দীপকভাব আছে । শৃঙ্গাররসে—চন্দ্র, চন্দন, ভ্রমরগুঞ্জন, কোকিলকূজন, বসন্তকাল ইত্যাদি উদ্দীপক । সাধনায় আত্মপরিচয় উদ্দীপক হয় । নচেৎ সাধনা নিষ্প্রয়োজন হইবে । যেমন রূপজ মোহ প্রণয়ের নাশক, সেইরূপ আত্ম বিষয়ে অন্ধত্ব, সাধনার নাশক । ক্রভঙ্গী কটাক্ষ প্রভৃতি, শৃঙ্গাররসের অনুভবনীয় ॥ তটস্থ-ভাব সাধনার প্রবৃত্তি ।

বিপ্রলস্ত ও সন্তোগভেদে শৃঙ্গার দুই প্রকার হয় । যে স্থলে নায়ক অথবা নায়িকার রতিভাব সম্পূর্ণ রূপে বর্তমান, কিন্তু কেহ কাহাকেও প্রাপ্ত হইতেছে না, সেই স্থলে বিপ্রলস্ত উৎপন্ন হয় । বিপ্রলস্ত চতুর্বিধ, পূর্বরাগ, মান, প্রবাস ও করুণ । দর্শনে ত হইতেই পারে । দর্শনব্যতীত রূপ অথবা গুণাদি শ্রবণ দ্বারা নায়ক নায়িকার হৃদয়ে অনুরাগ সঞ্চারিত হইয়া উভয়ের অপ্রাপ্তি বশতঃ যে দশা হয় তাহাই পূর্বরাগ । ঈশ্বরবিষয়ে সাধ্যসাধকভাবে ঠিক এই দশাই হয় । কিন্তু ইহা কাল্পনিকরূপে বিবেচিত হইলে, সাধকের বা নায়ক নায়িকার এরূপ দশা উৎপন্ন হয় না, ইহাকেই ভাবের ঘরে চুরি বলে । ঈশ্বরের রূপগুণাদি গুরু মুখে শুনিতে হয় ।

পূর্বরাগে নায়ক নায়িকা, দূত, দূতী স্তুতিপাঠক ও সখীর নিকট রূপগুণাদি শ্রবণ ঘটে । এবং ইন্দ্রজালে, চিত্রে স্বপ্নে, অথবা সাক্ষাৎ রূপে নায়ক নায়িকার দর্শন যথেষ্ট ও সন্তোষজনক হয় । পূর্বরাগে দশদশা উপস্থিত হয় যথা—অভিলাষ, চিন্তা, স্মৃতি, গুণকথন, উদ্বেগ,

প্রলাপ, ব্যাধি, জড়তা, অবশেষে মৃত্যু । ইহাই পরিণাম । পরপর্যায়ের প্রথমে দর্শনেচ্ছা, তাহার পর চিত্তের আসক্তি, তাহার পর সংকল্প অর্থাৎ পাইবার ইচ্ছা এবং উপায়চিন্তা, তৎপরে নিদ্রাত্যাগ ক্ষীণতা, বিষয়ে বিরতি, লজ্জাপরিহার, উন্মত্ততা, মূর্ছা ও মৃত্যু । এই মৃত্যু অত্যন্ত সুখকর, ইহা সকলের অদৃষ্টে ঘটে না । ইহাও পূর্ব জন্মের উচ্চ সাধনার ফল । শ্রীচৈতন্যের এই সকল অবস্থাই ঘটিয়া ছিল । ইহার ভূরি ভূরি প্রমাণ কবিরাজগোস্বামী দেখাইয়াছেন । ইহারই নাম প্রেমভক্তি । কাম হইতেই প্রেমের উৎপত্তি তাহার সন্দেহমাত্র নাই । যেমন পক্ষজে পক্ষগন্ধ থাকে না । সেইরূপ প্রেমে কাম গন্ধ থাকে না । কামে, মন সঙ্কুচিত হয় । কাম সঙ্কোচক । কিন্তু প্রেম মনকে জগদ্ব্যাপী করে । প্রেম ব্যাপক ।

আত্মেন্দ্রিয়প্রীতিইচ্ছা তারে বলি কাম ।

কৃষ্ণেন্দ্রিয়প্রীতিইচ্ছা ধরে প্রেম নাম ॥

( কবিরাজ গোস্বামী )

সঞ্চারভাব কাম এবং স্থায়িত্ব প্রেম ।

নিঃস্বার্থ যে ভাব এবং রস তাহাই প্রেম । দেখ—নদী জল পান করে না । বৃক্ষ ফলাদি উপভোগ করে না । মেঘ নিজের জন্ম বর্ষণ করে না । সাধুদিগের সম্পদ নিজের জন্য নহে । বিনা স্বার্থে ইহারা বিতরণ করিয়া জগৎপালন করে । গোপিকাদিগের কাম নিঃস্বার্থ ভাবাপন্ন হইয়া প্রেমে পর্যাবসিত হইয়াছে । স্বচ্ছ ও ধোঁত বস্ত্রে যেমন দাগ থাকে না, তদ্রূপ প্রেমেও উপাধি নাই । কাম অন্ধতম, গাঢ় অন্ধকার । অন্ধকারে বস্তু থাকিলে যেমন দেখা যায় না, এমন কি নিজেকেও দেখিতে পায় না । কিন্তু সর্প, ব্যাঘ্র, বাহা মনে কর তাহাই যেন সম্মুখে উপস্থিত হয় । সেইরূপ কামী, তদ্ববস্তু দেখিতে পায় না । কেবল পাপই দেখিয়া থাকে । কাষ্ঠের অন্তঃস্থিত অগ্নি কাষ্ঠকে দগ্ধ করিতে পারে না । কিন্তু ঘর্ষণে দাহিকাশক্তি উৎপন্ন হইয়া কাষ্ঠকে ভস্মীভূত করিয়া ফেলে । সেইরূপ কামে, প্রেম বর্তমান থাকিলেও, তদ্বজ্ঞানমিশ্রিত যে কাম, তাহাই প্রেমে পরিণত হইয়া



মুক্তিকেও তুচ্ছ করে । নচেৎ ঐ আন্তরিক কামে বলসঞ্চার হইলে নরকাগ্নি উৎপন্ন হইয়া জীবকে ভস্মীভূত করে । মহাভাবের অধিকারী ব্যক্তি বুঝিতে পারে । “ভাবের পরমকার্তা নাম মহাভাব” ॥

কল্পনাশক্তির বিকাশ বিষয়ে, ইন্দ্রজাল, চিত্র, প্রতিমা, তেজঃ, শূন্য ইত্যাদি প্রধান । ইহাতেই স্রগুণ ব্রহ্মের মানসব্যাপাররূপ সাধনা । মূর্ত্তিকল্পনা ব্যতিরেকে প্রথম প্রবৃত্তির উপায় নাই । পরে মন যখন বুঝিতে সক্ষম হয়, তখন আর এরূপ ক্রীড়নকের আবশ্যিক হয় না ॥ তখন দর্শনেচ্ছা বলবতী হয় । আসলে স্পৃহা হইলে, নকলে ঘৃণা জন্মে ইহাই স্বভাব ।

প্রণয়জনিত ঈর্ষ্যাহেতু যে কোপ তাহাকেই মান বলে । ইহাও সেব্য সেবকের হয় । শ্রীচৈতন্য ইহার প্রদর্শক । পরস্পরের প্রেম গাঢ় হইলেও সেই অবস্থাকে মান বলা যায় । কেবল পুত্রউৎপাদক অবস্থা বা শক্তি প্রেম নহে, ইহা স্মরণ রাখিতে হইবে । নচেৎ এই সকল উক্তি প্রলাপ বোধ হইবে । সেই কারণ অধিকারীর প্রয়োজন । স্বভাবতঃ প্রেমের কুটিলঈক্ষণ বা ভাব হেতু, কারণ ব্যতীতও প্রণয়ে নায়ক নায়িকার মান হয় । পতি অপর প্রিয়ার সহিত মিলিত হইতেছে ইহা শ্রবণে কিম্বা দেখিলে কিম্বা অনুমানেও স্ত্রী ও পুরুষের মান হয় ।

কার্যবশতঃ শাপবশতঃ কিম্বা সন্দ্রমহেতু নায়ক নায়িকার প্রবাস হইয়া থাকে । যদি নায়কের প্রবাস হয়, নায়িকার অঙ্গ মলীন, মস্তকে এক মাত্র বেণী ধারণ করে । দীর্ঘনিশ্বাস সহচররূপে থাকে, ভূমি-শয়ন প্রভৃতি শোকসূচক অবস্থা প্রাপ্ত হয় ।

নায়ক নায়িকার মধ্যে একজন লোকান্তরে গমন করিলে, যদি পুনরায় মিলনের প্রত্যাশা থাকে, সেই নায়ক বা নায়িকার মধ্যে এক জন শোকাকুল হয়, তাহাকেই করুণ বলে, শ্রীচৈতন্যদেবে ইহার পূর্ণ বিকাশ ।

ভক্তের ঈশ্বরদর্শনরূপ মূর্ত্তি, সন্তোগেরপরাকার্তা । নায়ক নায়িকার সন্তোগসুখ ক্ষণিক । পরস্পরের প্রতি আসক্তচিত্তে দর্শন স্পর্শন ইত্যাদি । ঈশ্বরে এইরূপ রতি ও ভালবাসার এক অনির্বচনীয় অবিচ্ছিন্ন

সুখের অধিকারী হওয়া যায়, যে পাইয়াছে সে প্রকাশ করিতে পারে না ।

মধুরে লক্ষ্য পড়িলে জগতের যাবতীয় সুখসন্তোগ তুচ্ছ হইয়া পড়ে । “প্রেম ভক্তি শিখাইতে আপনে অবতরি । রাধাভাব কাস্তি দুই অঙ্গীকার করি” ॥ মধুর সর্ক্বাপেক্ষা শ্রেষ্ঠ রস । শৃঙ্গার ১, বীর ২, করুণ ৩, অদ্ভুত ৪, হাস্য ৫, ভয়ানক ৬, বীভৎস ৭, রৌদ্র ৮, শাস্ত ৯, এই নব রসের মধুরে সমাবেশ আছে । শৃঙ্গার বা মধুর সর্বপ্রধান । সখ্য, দাস্য, শাস্ত, বাৎসল্য, মধুর । এই সকল ভাবে নবরসের সামঞ্জস্য । শৃঙ্গার রসে ত্রয়োদশ রসের সামঞ্জস্য প্রকাশ পায় ।

অবিদগ্ধবিধি ভাল না জানে সৃজন ।

কোটা নেত্র নাহি দিল, সবে দিল দুই ॥

তাহাতে নিমেষ, কৃষ্ণ কি দেখিব মুই ?

( কবিরাজ গোস্বামী )

তথাহি—

মাতা মোরে পুত্র ভাবে করেন বন্ধন ।

অতিহীনজ্ঞানে করে লালন পালন ।

সখা শুদ্ধ সখ্যে করে স্কন্ধে আরোহণ ।

তুমি কোন্ বড় লোক তুমি আমি সম ?

প্রিয়া যদি মান করি করেন ভৎসন ।

বেদ স্তুতি হইতে হরে সেই মোর মন' ।

মোর পুত্র মোর সখা মোর প্রাণপতি ।

এই ভাবে যেই মোরে করে শুদ্ধ ভক্তি ।

আপনারে বড় মানে আমারে সমহীন

সেই ভাবে হই আমি তাহার অধীন ।

দাস্য সখ্য বাৎসল্য আর যে শৃঙ্গার ।

তটস্থ হইয়া হৃদে বিচার যদি করি ।

সব রস হৈতে শৃঙ্গারে অধিক মাধুরী

অতএব মধুর রস কহি তার নাম ।

স্বকীয় পরকীয় ভাবে দ্বিবিধ সংস্থান ।

## শ্রীনিত্যানন্দ বংশবলী ।

রাধা সহ ক্রীড়ারসবৃদ্ধির কারণ ।

স্মার সব গোপীগণ রসোপকরণ ॥

( ইতি কবিরাজ গোস্বামী )

বস্তুতঃ লেখনীসঞ্চালন বা বাক্যবিন্যাস দ্বারা যেরূপ ঈশ্বরের স্বরূপ বুঝাইবার চেষ্টা নিষ্ফল হয় । তদ্রূপ রস বুঝাইবার চেষ্টাও ধূমুস্ততা মাত্র । এই রস বুঝাইতে ইচ্ছা করিয়া অনেকে অনেক কথা বলিয়াছেন । রস বিকল্প বা নির্বিবকল্পজ্ঞানবেদ্য নহে । ইহা জাতি ব্যক্তি স্বরূপও নহে । ইহা বৈশিষ্ট্যশাস্ত্রের ব্রহ্মস্বরূপ নহে, বা তাহা হইতে একান্ত ভিন্ন ও নহে । অথচ কাল্পনিকও নহে ।

কাব্যপ্রকাশক বলিয়াছেন—জাতি পক্ষ আশ্রয় করিলে ব্যক্তিকে, ও ব্যক্তিপক্ষ আশ্রয়ে জাতিকে, এবং সর্বিকল্পজ্ঞানাশ্রয় করিলে নির্বিবকল্পজ্ঞানকে, যে ভাবে বুঝা যায়, রস ও সেইরূপেই বেদ্য । অতিরিক্ত ভাবে বুঝাইবার ক্ষমতা নাই । যেমন যোগী আত্মতত্ত্ব-জ্ঞানে সমর্থ, তদ্রূপ রসিকগণ ও রসতত্ত্বজ্ঞানে সমর্থ হইবেন । অন্যকে পৃথকরূপে বুঝাইতে না পারিলেও, যেমন সকলেই স্বপ্ন আত্মাকে বুঝিতে পারেন, সেইরূপে রসের অনুভবকারীও স্বপ্ন রসের আশ্বা-দন করিতে ও বুঝিতে পারেন ।

ভাব ও রস পৃথক হইলেও, ভাববিহীন রস বা রসবিহীন ভাব হয় না । রস ও ভাব ক্ষণস্থায়ী ও নশ্বর । এক রস অপর রসের নাশক বা প্রকাশক হয় । যেমন হাস্য, ক্রোধাদির ব্যভিচারী । কোন এক-মাত্র নায়ক হইতে, নানাব্যক্তির নানারসের উদ্ভবও হয় । যেমন শ্রীকৃষ্ণের ধনুর্ঘণ্ট প্রবেশ কালে, মল্লগণ শ্রীকৃষ্ণকে বজ্ররূপজ্ঞানে রৌদ্র রসের অনুভব করিয়া ছিল ( ১ ) । প্রজাপুঞ্জ, মানবগণের শ্রেষ্ঠ রূপে দর্শন করিয়া অদ্ভুত রস উপভোগ করিয়াছিল । ২ । রমণীগণ, কন্দর্প স্বরূপে শৃঙ্গার রসে প্লুত হইয়াছিল । ৩ । গোপগণ, স্বজনজ্ঞানে শাস্ত্ররস উপভোগ করিল । ৪ । মহীপালগণ, শাসনকর্তা রূপে, বীর রসের অনুভব করিয়াছিল । ৫ । পিতা মাতা, পুত্রজ্ঞানে করুণরসে আত্ম হইল । ৬ । ভোজপতি, সাক্ষাৎ মৃত্যুরূপে জ্ঞাত হইয়া, ভয়ানক

রসে ভীত হইয়াছিল । ৭ । অঙ্গগণ, জড়রূপে দর্শন করিয়া হাস্যরস উপভোগ করিল । ৮ । যোগীগণ, পরম তত্ত্বরূপে জ্ঞাত হইয়া, শাস্তি-রস আশ্রয় করিল । ৯ । বৃষ্টিগণ, দেবতাজ্ঞানে অদ্ভুতরূপে বিস্মিত হইল । ১০ ॥ কেবল বীভৎস রস কেহই অনুভব করিতে পারেন নাই ॥ যেমন শ্রীকৃষ্ণ হইতে রোদ্র, শাস্ত, ও শৃঙ্গার রসের পরস্পর ব্যভিচারী হইলেও যুগপৎ আবির্ভাবে ব্যাঘাত ছিল না । সেইরূপ, যে বস্তু যাহাতে না থাকে, সেই বস্তু তাহা হইতে কেহই প্রাপ্ত হয় না । রত্যাদি কিছুকাল হৃদয়ে ধারণ করিলে, ঐ রস ক্রমশঃ জ্ঞানে পরি-ণত হয় । ঐরূপ জ্ঞানগোচররস সংস্কারে পর্য্যবসিত হইলে অপূর্বত্ব জন্মে । তখন ভাবনাখ্যসংস্কারের নাশ হয় না । বরং কারণান্তরে ফলদায়ক হয় । সুতরাং রসাদি নশ্বর ও ক্ষণস্থায়ী ॥

কাব্য ও নাট্যাদি, রতি প্রভৃতি ভাবের ও রসের আকর । বিভাব অনুভব, সাত্ত্বিক, সঞ্চারী ও ব্যভিচারী । বিভাব দ্বিবিধ—আলম্বন ও উদ্দীপন । নায়ক ও নায়িকার অবলম্বনকে আলম্বন বলে । ইহার উদ্দীপক, চন্দ্র, কোকিল, বসন্ত, ইত্যাদি । সম্বোগে সাহায্যকারী—ছয়-ঋতু, চন্দ্র, সূর্য্য, উদয়, অস্ত, জলকেলি, বনবিহার, প্রভাত, উষা, মধুপান, যামিনী, স্নগন্ধিবায়ু, অনুলেপন, ভূষণ, প্রমোদ উদ্যান, সুনির্ম্মল হর্ম্মাদি ॥

নিজ নিজ কারণের আলম্বন উদ্দীপন দ্বারা রত্যাদি ভাবের যে বাহ্য প্রকাশ তাহাকে অনুভব বলে । স্ত্রীগণের অঙ্গজ এবং স্বভাবজ অলংকারকে বিভব বলে । অনুভাবস্বরূপ সাত্ত্বিকভাব অলঙ্কারাদি এবং কটাক্ষাদি যে চেষ্টা, তাহাও অনুভব বলা যায় । নিজ আত্মাতে বিশ্রাম-কারী যে রস, তাহার বাহ্য প্রকাশক আন্তরিক ধর্ম্ম-সত্ত্ব । ঐরূপ সত্ত্ব হইতে উৎপন্ন বিকারকে সাত্ত্বিক বিকার বলে । সত্ত্বং প্রকৃতে গুণঃ সুখহেতুঃ প্রকাশকজ্ঞানং । সতোভাবঃ, বা সুখজনকগুণঃ । ধর্ম্মাশ্চ—প্রসাদঃ হর্ষ, প্রীতিঃ, সন্দেহঃ, ধৃতিঃ, স্মৃতিরিত্যাদি । সত্ত্বমাত্রের জনক হেতু অনুভবের বিরোধী, স্তম্ভ, স্বেদ, রোমাঞ্চ, স্বরভঙ্গ, বৈবর্ণ্য অশ্রু, এবং প্রলয় অর্থাৎ সুখ অথবা দুঃখের দ্বারা চেষ্টা এবং জ্ঞানের নিরা-

কৃতি । স্থিররূপেবর্তমান রত্যাতির নিবেদ প্রভৃতির প্রাদুর্ভাব বা তিরো-  
ভাব দ্বারা আভিমুখে চরণ, ব্যভিচার । চরণ, মেলক ।

যাহার দ্বারা যেসের বা ভাবের সঞ্চারণ হয় তাহাকে সেই ভাবের  
সঞ্চারী বলে । ইহা ক্ষণস্থায়ী ॥


চরমে শৃঙ্গারাদি কোন রসের তারতম্য থাকে না, যে যাক্তি কখনও  
ভুক্তভোগীনহে তাহার পক্ষে এইরূপ বাক্য দুর্বোধ্য হইবে । রসের  
সম্পূর্ণ বিকাশ হইলে, অনুভবকারীর একটি অনির্বচনীয় আনন্দ অনুভব  
হয় । যে রসের রসিক হউক, চরমে শাস্ত্র রস আশ্রয় করিবে । ইহা  
রসের স্বাভাবিক । এই আনন্দ পরিবর্তন বহুবিধ । ঐরূপ পরিবর্তিত  
ভাব হইতে ব্রহ্মাস্বাদ ঘটে । যেমন দুগ্ধ, অন্ন বা দধি সংযোগে দধি  
রূপে পরিণত হয়, সেইরূপ বিভবাদি কারণাস্তরের যোগে প্রস্ফুটিত  
হইয়া রসতা প্রাপ্ত হয় । এইরূপ হইলে, তখন আর ঐ রসকে নষ্ট করা  
যায় না । ঐরূপ রসের স্থায়িত্ব হয় । ঐপ্রকার রসের স্থায়িত্ব,  
চিদানন্দচমৎকারত্ব প্রাপ্ত হয় । ঐ চমৎকার, সত্ত্বের উদ্বেকবশতঃ অখণ্ড  
সপ্রকাশ আনন্দচিন্ময়, অন্যান্যজ্ঞেয়পদার্থের সম্পর্কশূন্য ব্রহ্মাস্বাদের  
তুল্য লোকোত্তরচমৎকারজনক । যেমন দেহ ও দেহী আশ্রিতপ্রযুক্ত অভিন্ন  
প্রতিপন্ন হয়, তদ্রূপ রত্যাতির সহিত রসও অভিন্ন রূপে রসিকগণ  
আস্বাদ করে । রজঃ ও তমঃ দ্বারা অস্পৃষ্টাবস্থাকে সাত্ত্বিক বলে ।

ইহা জন্মে আপদ, ঈর্ষা, ও অবমাননা হেতু ( দৈন্য, চিন্তা, অশ্রু,  
নিশ্বাস, বৈবর্ণ্য উচ্ছ্বাসাদি, ) দেহ বিষয়াদিতে যে অনুপাদেয় জ্ঞান,  
তাহাই ভাবাস্তুর তত্ত্বজ্ঞান । অন্ধকারে দীপ যেমন আপনাকে ও বস্তু  
সকলকে প্রকাশ করে, সেইরূপ রস ও আপনাকে ও রসিককে প্রকাশ  
করে । চিৎ বিভবাদি অপর জ্ঞেয় বস্তুর সম্পর্কশূন্য বিষয়াস্তুর দ্বারা  
আনন্দের ছিন্ন প্রবাহ, ব্রহ্ম সাক্ষাৎকার তুল্য । কিন্তু অবিচ্ছিন্নাবস্থা  
ব্রহ্মসাক্ষাৎ লোকোত্তর চমৎকার প্রাণ । ইহাই রস বিষয়ের  
সাত্ত্বিকরসাবিষ্ট ভক্তের প্রধানত্ব ॥

( ইতি সংক্ষেপঃ )



খৃষ্টউপাসকগণ ভালবাসাকে ঈশ্বর বলেন। ইহা শ্রীচৈতন্যের-  
 প্রদর্শিত প্রেমভক্তি নহে। ইহা দয়ার প্রতিকৃতি। যিশু শিষ্যগণকে  
 ভালবাসিতে শিক্ষাদিতেন অর্থাৎ দয়া করিতে শিক্ষাদিতেন। বয়ঃ-  
 প্রাপ্ত হইয়া খৃষ্ট “জন” নামক এক ধার্মিক ব্যক্তির নিকট গমন করি-  
 লেন। সে ব্যক্তি খৃষ্টকে চিনিয়াছিলেন, সেইজন্য শিষ্য করিতে অসম্মত  
 হইলেন। তখন খৃষ্ট তাহাকে বলিয়াছিলেন। “জন” তুমি আমাকে  
 শিষ্যত্বে গ্রহণ কর, তাহাতে পাপ হইবেনা, এই প্রকারে সকলধর্মই  
 সাধন করা উচিত। ‘জন’ তাহাকে অগ্নি ও পবিত্র আত্মা দ্বারা সংস্কৃত  
 করিয়া শিষ্যত্বে গ্রহণ করিলেন। খৃষ্ট ঈশ্বরের আত্মাকে কপোতরূপে  
 আপন মস্তকে নামিয়া আসিতে দেখিলেন। সেই সময় সকলে দৈববানী  
 শুনিল, “ইনি আমার প্রিয় পুত্র, ইহাতেই আমার পরম সন্তোষ”। সেই  
 পর্যন্ত লোক সকল তাহাকে ঈশ্বর বা ঈশ্বরের পুত্র বলিয়া ভক্তি  
 করিতে লাগিল। খৃষ্টও লোক সকলকে পাপ ও তাপ হইতে মুক্ত  
 করিয়া বেড়াইতে লাগিলেন। ইহুদিগণের বিশ্বাস ছিল ও আছে যে,  
 খৃষ্ট পরে আসিবেন। এই খৃষ্ট নামধারী প্রবঞ্চক। এই জ্ঞানে ইহুদি-  
 গণ কাঁটা মারিয়া খৃষ্টকে হত্যা করে। খৃষ্ট জীবকে ভাল বাসিতেন,  
 সেই জন্য নিজ রক্ত, মাংস, অস্থি ও প্রাণের দ্বারা লোক সকলের পাপ  
 পরিশোধ করিলেন। সেই জন্য ভক্তেরা বলেন “Love is God”  
 স্থানাভাবপ্রযুক্ত একনিশ্বাসে রামায়ণ পাহিলাম।



## উপসংহার।

স্থূলতঃ - যৌবনের প্রবল বাতায় বিদ্ধস্ত না হইয়া পুণ্য বলে যদি জীবিত থাকে, তবে তাহাদের পক্ষে পরাৎপর সর্ববরুপী নারায়ণে মনোনিবেশ সুলভ হয়। কিন্তু মনুষ্য মাত্রের এই প্রবৃত্তি নাই, বা হয় না এবং হইবে না। যাহারা পূর্বেপার্জিত কর্মফলে ক্রমশঃ উর্দ্ধগামী, তাহাদের এই প্রবৃত্তি জন্মে। নচেৎ অকস্মাৎ দয়ার উদ্দেক বশতঃ পূর্বকৃত স্বল্প পুণ্য ফলে, হঠ প্রাপ্ত অর্থের দ্বারা মনুষ্যের উর্দ্ধগতি না হইয়া, ক্রমশঃ নরকাদি দ্বারা আবদ্ধ হইতে থাকে। ইহা বুদ্ধি পূর্বক দেখিলে বুঝা যায়।

দেখ—দয়া দাক্ষিণ্যাদি, সত্ব, রজঃ, তমঃ, গুণের দ্বারা কখন কখন আপনা হইতে বিনা কারণেও উৎপন্ন হয়। ইহাকে স্বাভাবিক প্রারদ্ধ বলে। দয়া মনুষ্যের পরম ধর্ম। তপ, জ্ঞান, দান, এবং সত্যেই ধর্ম প্রতিষ্ঠিত। সেই জন্য দান কার্যে সর্বদা ভূতদ্রোহ বর্জন করিবে। মনিষিগণ ভূতদ্রোহকে সহস্র সহস্র পাপের নিদান বলিয়াছেন। শ্রীচৈতন্যের সংক্ষেপ শিক্ষা “নামে রুচি, জীবে দয়া” স্মরণ বরুণ। সুতরাং সর্বপ্রযত্নে সর্বভূতে দয়াবান্ হওয়া ধার্মিকের লক্ষণ। এইরূপ জ্ঞান সত্ত্বেও যদি মনুষ্য মূঢ়ের গায় কার্য্য করে, তবে তাহার মনুষ্যত্বে ফল কি ?

ইংরাজ, গ্রীক, মুসলমান, ও ফরাসী দার্শনিকগণ দয়াকেই এক মাত্র ধর্মের সোপান বলিয়াছেন। কোমতে, লিগলস্, ইহারা একান্ত পক্ষপাতি। পক্ষান্তরে, ভারতবর্ষ কর্মক্ষেত্র, এইক্ষেত্রে জন্মগ্রহণ না করিলে মুক্তিভাগী হয় না। মোক্ষ ও সুখের সাধনা হেতু যে সকল বস্তু প্রয়োজনীয়, তাহা একমাত্র ভারতেই প্রাপ্ত হইবে। অন্যত্র কুত্রাপি নাই।

দেখ—যে স্থানের যে শস্য, সেই ক্ষেত্রেই তাহা জন্মে। কুম্ভুমাди সকল ক্ষেত্রে উৎপন্ন হয় না। ইহা সহজ বোধ্য। এই লোকে মনুষ্যত্ব দুর্লভ। তদুপরি পুরুষ হইয়া জন্ম। তদুপরি ব্রাহ্মণ

কুলে' তদপরি ব্রহ্মণা । তদুপরি কৌলীন্য । তদুপরি সংসজ ততো-  
ধিক দুর্লভ । এই সকল সুযোগ স্বল্প পুণ্যে ঘটে না । এই সকল  
সুযোগ ছাড়িয়া উভয় কালে শৈথিল্য মূঢ়ের কার্য্য ।

হীন প্রাণিবর্গের সহিত মনুষ্যের সামান্য জ্ঞান বিষয়ে কোন  
পার্থক্য নাই । মনুষ্য আহার নিদ্রা মৈথুন ব্যাপারে বিলক্ষণ পটু ।  
গৃহ নির্মাণ, বিদ্যাভ্যাস, যুদ্ধ বিগ্রহাদি করে । পশুও তাহাই করে ।  
সম্বন্ধ বিচার পশুর আছে, মনুষ্যের নাই । পশুদি স্বার্থ বুঝিতে  
পারে, কিন্তু মনুষ্যের ঞায় স্বার্থপরতানিবন্ধন অশাস্তি ভোগ করে না ।  
ইহাই প্রথম পার্থক্য । দ্বিতীয় পার্থক্য—ঈশ্বর জ্ঞান পশুদির নাই  
মনুষ্যের আছে । কিন্তু এইরূপ জ্ঞান কোথা হইতে মনুষ্যের উপন্ন  
হইয়াছিল । দেখা যাইতেছে ইহা পরম্পরাগত । চিন্তা করিলে প্রতীয়মান  
হয় যে, কোন দেবর্ষি বা কোন মহাত্মা প্রথমে যে, প্রত্যক্ষ  
করিয়াছেন, এ বিষয়ে চিন্তাশীল জ্ঞানী কখন অস্বীকার করিতে পারেন  
না । নচেৎ এইরূপ জ্ঞান সর্বসম্প্রদায়ে সংক্রমিত হইতে পারিত না ।  
যে হেতু পূর্ব প্রত্যক্ষ অনুমানের কারণ । প্রত্যক্ষ ব্যতীত অনুমান  
হয় না । পূর্বপ্রত্যক্ষ ভিন্ন ব্যাপ্তি বা লিঙ্গ জ্ঞান হয় না । ( প্রত্যক্ষের  
অনুমান ১৭ পৃষ্ঠা হইতে ২০ পৃষ্ঠা দেখুন ) প্রত্যক্ষ ভিন্ন, বিষয়ের  
কথা দূরে, ইচ্ছা অনুযায়ী একটি বাক্য ও মনুষ্য উচ্চারণ করিতে  
পারে না ॥ যাহারা প্রত্যক্ষ করেন নাই, সে জাতীর মধ্যে ঈশ্বর জ্ঞান  
অভাবধি সংক্রমিত হয় নাই । তবে, ঐ সকল জাতী আমাদের  
নিকট শ্রবন করিয়া বিশ্বাস করিতে না পারিলেও, অভাবধি চেষ্টা  
করিতেছে, এবং উৎসুক আছে । তাহাও আমরা বুঝিতে পারি-  
তেছি ॥ ৩৮ পৃঃ ॥

কি রূপে প্রত্যক্ষ হইয়াছিল, কোন প্রত্যক্ষে তিনি প্রত্যক্ষীভূত  
হইয়া ছিলেন, তাহা আমরা যুক্তি বা বিদ্যাবলে বুঝিতে পারি না ।  
তবে পুরাণাদি বিশ্বাস করিলে বোধগম্য হয় । তিনি সর্বরূপী ও  
সর্বেশ্বর । কখন ব্রহ্মা রূপে জগৎ স্রষ্টা । কখন বিষ্ণুরূপে পাতা ।  
আবার কখন, অস্তকারী রূপে রৌদ্র শরীরে ভ্রমক । অশ্বদাদির

শ্রীনিত্যানন্দ বংশবল্লী ।  
 ঠায় তিনি এক মাত্র স্থূল শরীরে বদ্ধ বা মুক্ত নহেন । তাহার স্বরূপ  
 সত্ত্বেও চাক্ষুষ প্রত্যক্ষের অগোচর । ইহা বেদেও পরিস্ফুট হইয়াছে  
 ( ৩২ পৃষ্ঠা ) তবে কারণান্তরে চাক্ষুষ প্রত্যক্ষের বিষয় হইতে পারে ।  
 এইরূপ প্রত্যক্ষ তপোনিষ্ঠ হেতু নিভুল । চিন্তাধিক্য বশতঃ মস্তিষ্ক  
 বিকৃতির ফল নহে ।

অন্নার্থী যানি দুঃখানি কৰোতি কৃপণোজনঃ ।

তান্যের যদি ধার্মার্থী ন ভুয়ঃ ক্লেশভাজনং ॥

পূর্বেকৃত কতকগুলি তত্ত্বের আলোচনার দ্বারা, ইন্দ্রিয় শক্তির  
 যোগ্যতা, মুখ্য ও গৌণ সম্বন্ধ, স্থূল ও সূক্ষ্মের কার্য্য এবং উপাদান  
 ও অবস্থা অতি সংক্ষেপে বর্ণন করিয়াছি । ইহা পাঠ করিলে বিষয়ী  
 লোকের কতক অংশে কার্য্য কারণ জ্ঞান হইবার অধিক সম্ভাবনা ।  
 এই সকল কার্য্যকারণভাব, জ্ঞানের দৃঢ়তাউৎপাদক । জ্ঞানের  
 পরিপক্ক অবস্থায়, দৃঢ় বিশ্বাস জন্মে । ঐরূপ বিশ্বাস একমাত্র ধর্ম্মের  
 সহায় । দৃঢ় বিশ্বাসের অভাবে শ্রদ্ধা না জন্মিয়া সৈথিল্য হয় ।  
 আশ্রয় বিহীন নিশ্চয়াত্মক বুদ্ধি দ্বারা যে জ্ঞান জন্মে, তাহা ধর্ম্মের  
 অবিরোধী নহে । কেহ কেহ ঐরূপ নিরাশ্রয় জ্ঞানকে অন্ধ বিশ্বাস  
 বলে । ঐরূপ বিশ্বাসের দ্বারা অনেক সময় উপকার হইলেও মনো-  
 মালিন্য সর্বদাই বর্তমান থাকে । তাহাও সকলে বুঝিতে পারে ।  
 কেবল নাচিয়া গাহিয়াও মনুষ্য হওয়া যায় না ( শ্রীচৈতন্য মুখ ছিলেন  
 না ) ঐরূপ মনোমালিন্য কখন কখন বিশ্বাসের ব্যাঘাতক হয় ।  
 জ্ঞান-পিপাসু-বা, ব্যক্তি বিশেষে ঐরূপ অবস্থায় ধর্ম্মে বিতশ্রদ্ধ হইয়া  
 সেচ্ছাচারে প্রবৃত্ত হয় । সাধুসঙ্গবিহীন অপক্ক জ্ঞানীর, সঙ্গদোষের  
 এই পরিণাম । তাহার প্রমান সাধক শ্রেষ্ঠ বিজয়কৃষ্ণ গোস্বামী ।

ইংরাজী শাস্ত্রে ব্যুৎপন্ন ব্যক্তিগণের স্থলে বিশেষ অধিকার জন্মে ।  
 সুতরাং স্থূলবাদী সূক্ষ্ম বিষয়ে বিশ্বাস স্থাপন করিয়া নিশ্চিন্ত থাকিতে  
 পারেন না । ইন্দ্রিয় প্রত্যক্ষ এবং স্বার্থপরতা তাহাদের নিকট আদৃত ।  
 স্বার্থপরতাই অশাস্তি । কিন্তু লোভপরতন্ত্র আমরা হৃদয়ঙ্গম করিতে  
 বা ত্যাগ করিতে অশক্তি । স্বর্গ, অপবর্গ, সুখ, এবং শাস্তি ও স্বার্থ ।

স্বার্থপরতা নহে । অদৃষ্টানুযায়ীক স্বার্থ সিদ্ধি হয় । ইন্দ্রিয়গণ  
কিরূপ বিশ্বাসের পাত্র তাহা পূর্বে দেখিয়াছেন । তত্রাচ স্থূলবাদী  
অদৃষ্টে নির্ভর বা অদৃষ্টজনক কার্যে মনোযোগী নহেন । তাহারা  
পুরুষকার সেবী । যখন কোন ব্যক্তি রাজসিংহাসনে উপবিষ্ট  
হইয়া আধিপত্য বিস্তার করেন, তখন তাহারা পুরুষকারে মুগ্ধ হইয়া  
শতমুখে তাহার প্রশংসা করেন । পুনশ্চ ঐ ব্যক্তিকে যখন বিপন্ন  
দেখেন তখন তাহাকে অকর্মণ্য মনে করেন । বীরকেশরী • নেপো-  
লিয়ানের তুল্য, উদ্যোগী পুরুষ এবং ক্ষমতাশালী পুরুষ ইদানিস্তন  
দৃষ্টিগোচর হয় না । তাহাকেও কর্মবিপাকে কতসময় অদৃষ্টফলে  
অকর্মণ্য হইতে হইয়াছিল । এক সময় কর্মবিপাক বশতঃ আত্মহত্যায়  
প্রস্তুত হইয়া, নদীতীরে স্বেযোগ সন্ধান করিতেছিলেন । জ্ঞান  
তাহাকে, “আত্মহত্যা মহাপাপ এবং কাপুরুষের কার্য,” জ্ঞাত করিয়াও  
বাধা দিতে পারেনাই । হঠাৎ তাহার পূর্বের ডিমেসিস্ নামক এক  
বন্ধু কোথা হইতে উপস্থিত হইয়া, তাহার মনোভাব জ্ঞাত হইয়া  
জিজ্ঞাসা করিলেন । পুরুষশ্রেষ্ঠ আর গোপন করিতে পারিলেন না ।  
মাতার এবং স্বকীয় অর্থ কষ্টের জন্য আত্মনাশে উদ্বৃত্ত হইয়াছেন,  
বন্ধুর নিকট প্রকাশ করিয়া ফেলিলেন । ডিমেসিস্ আত্মোপাস্ত  
শ্রবণ করিয়া ৬০০০ স্বর্ণমুদ্রাপূর্ণ একটা থলি তাহাকে দিয়া প্রশ্রয়  
করিলেন । নেপোলিয়ানের জীবন রক্ষা হইল । কিন্তু অনুতাপানলে  
সত্নাট্ বহুদিবস দগ্ধ হইতে লাগিলেন । পরে বহুসন্মানে তাহার  
সহিত সাক্ষাৎ হইলে, উপকার পরিশোধ করিয়া শান্তিলাভ করেন ।

ডাক্তার অমিয়েরা, সত্নাট্কে জিজ্ঞাসা করেন যে, আপনি কি  
অদৃষ্টবাদী ? সত্নাট্ উত্তর করিলেন হাঁ, তুরস্কবাসীদের শ্রায় ।  
তবে, অলস অদৃষ্টবাদীদিগকে সত্নাট্ ঘৃণা করিতেন । তিনি কর্মফল  
অদৃষ্টে নিক্ষেপ করিয়া কার্য করিতেন । তাই বলিলেন, আমি কার্য  
করি, চেষ্টাকরি, কামানের মুখে আত্মসম্পর্গ করি । ইহা আমি  
উত্তমরূপে জ্ঞাত আছি যে, কোন এক প্রবল শক্তি, নিয়তি আমাকে  
পরিচালন করে । যে দুর্ঘটনা ঘটিবে, তাহা শতসহস্র চেষ্টাতেও কেহ



অতিক্রম করিতে পারেনা । ইহা আমি প্রত্যক্ষ করিয়াছি । সেইজন্য ভীত হইনা । ক্রাপুরুষ সাজিব কেন ? টুলো অবরোধে, ইটালীয় মহাসমরে আমি তাহা বেশ বুঝিয়াছি । আমার পার্শ্বস্থ কত সৈন্যাদ্যক্ষ মরিয়াছে, কিন্তু গোলার মুখে মুখে ফিরিয়া ও নেপোলিয়ান জীবিত । এইরূপ বিশ্বাসযোগ্য প্রমাণ এবং প্রত্যক্ষের অভাব না থাকিলেও, স্থূলবাদীগণ সূক্ষ্ম বিষয়ে বিশ্বাস করিতে পারেন না । ইহাকেই সংস্কার বলে । স্থূল ও সূক্ষ্ম বিষয়ের বিচার পূর্বক যে সকল আচার ও ব্যবহার প্রচলিত আছে, এই বিশদ ব্যাপার, স্থূলদর্শীকে এককথায় বুঝান যায় না । যে বুঝবে তাহার সে শক্তি না থাকিলে বুঝে না । মনুষ্যাদি কিছুই নহে, কেবল কৰ্ম্ম বিপাকের অবলম্বন স্বরূপ ছায়া মূর্তি ।

যদি কোন জন্মান্ধকে ৪০ বৎসর বয়ঃক্রমে চক্ষুস্থান করা যায়, সেই ব্যক্তি জগৎকে কিভাবে দেখে ? কি ভাবে বুঝে ? কিভাবে গ্রহণ করে ? সেই ভাবের অনুমান করিতে পারিলে, এই জগৎ সংসারের প্রকৃত ভাব কতক বুঝা যাইতে পারে । কি নিমিত্ত জগৎ সৃষ্টি করিয়াছেন, তাহা কতক উপলব্ধি হইবার সম্ভব । এইরূপে দেখিতে শিক্ষা করা উচিত । নচেৎ বহুকাল সঙ্গহেতু বিপর্যাস্ত সাংসারিক জ্ঞানে বা পুস্তকাদি পাঠে, আমরা সৃষ্টি, স্থিতি, বা নাশের কারণ বুঝিতে পারিব না । দিবারাত্র ক্রিড়া বা মত্তাদিপানে অনুরক্ত, চিন্তাহীন জীবন যেমন অতিবাহিত করা যায় । স্ত্রী, পুত্রাদি এবং ঐশ্বর্য্যময় জীবন ও ঠিক সেইরূপ । নূতন আহার, নূতন বিহার, নূতন আকাংক্ষা সর্বদাই চিত্তকে অবকাশ বিহীন করিয়া ফেলে । কর্তব্যের বোধ একেবারেই থাকেনা । যখন অন্তক আসিয়া সাক্ষাৎ করে, তখন অনুতাপ আসিয়া হৃদয়ে প্রবেশ করে, তাহাও সকলের নহে ।

অধ্যয়নাদি দ্বারা তত্ত্বজ্ঞান হয় না । তবে সহকারী কারণ বটে । আকবর, শিবজী, রণজিৎ, প্রভৃতি মহাত্মাগণ নিরক্ষর, কিন্তু সূক্ষ্মদর্শী । নেপোলিয়েন, গণিত, ইতিহাস, বিজ্ঞান ও সময়বিত্তা এবং মানচিত্র

বিষয়ে সম্পূর্ণ পারদর্শী; ও ঈশ্বরে অচলা ভক্তি ছিল। কিন্তু সূক্ষ্মদর্শী ছিলেন না। তিনি সর্বদা বলিতেন যে, সম্ভানের চরিত্র, মাতার চরিত্রের উপর নির্ভর করে। সেই জন্ম স্ত্রীশিক্ষার পক্ষপাতী ছিলেন। তিনি ঈশ্বরবিশ্বাসী ও বিদ্বান হইলেও, এক মাতৃগর্ভে জন্মগ্রহণ করিলেও, আর সাতটি ভাই, সাতটি নেপোলিয়েন হইল না কেন? তাহা উপলব্ধি করিতে পারেন নাই। আকবর চিন্তাশীল, সেইজন্ম নিরক্ষর হইয়াও সূক্ষ্মদর্শী।

ফলতঃ স্থূল কর্ম্যানুষ্ঠান দ্বারা সূক্ষ্ম বিষয়ের জ্ঞান হইলে, ঈশ্বরে দৃঢ় বিশ্বাস জন্মে। ক্ষণিক সুখ, সুখ নহে, উহা দুঃখের বীজ। অল্প বাহ্যকে রাজরাজেশ্বর দেখিলাম, আগত কল্যা হয়ত অতি নিকৃষ্টের ও কৃপার ভিখারী। সেইজন্ম ভগবদ্ভক্তই ইহ ও পরজন্মে সর্বকালে সুখী। সূক্ষ্ম বিষয়ের জ্ঞান না হইলে, পরা বিদ্যায় অধিকার হয় না। অনুভবাত্মক জ্ঞানে, ঐরূপ বুদ্ধি জন্মে। আবার ঐরূপ অনুভব কর্ম্মায়ত্ত্ব। পুস্তকাদি অধ্যয়নরূপ কার্যনিষ্ঠজ্ঞানের সহিত কর্ম্ম সংযোগে, কর্ম্মনিষ্ঠজ্ঞান উৎপন্ন হইলে, পরা বিদ্যায় অধিকার হয়। অনুভবাত্মক স্মৃতি ও তত্ত্ব জ্ঞানে সাহায্য করে। যেমন, একজন সূত্রধরের কিছুকাল তামাকু সাজিলে বা সেবা করিলে, কিছুদিন পরেই একজন কারীকর হয়। পুস্তক পাঠের প্রয়োজন হয় না। সেইরূপ, সতত গুরু উপদেশ, গুরু গৃহে বাস, তত্ত্বজ্ঞানের উপায়। সেইজন্ম শিষ্যত্ব গ্রহণ করিতে হয়। নচেৎ কার্যকারী শক্তি জন্মে না। পিতা মাতা তত্ত্বজ্ঞান বা অদৃষ্ট প্রদান করিতে পারে না। পিতা, কাম প্রেরিত হইয়া বালকের জন্মদেন। মাতৃ কুক্ষি হইতে যে জন্মলাভ করা যায়, তাহাকে পশ্বাদির স্তায় সাধারণ জন্ম বলিতে হয়। যিনি বেদপ্রদ পিতা তিনিই সর্বশ্রেষ্ঠ। বিজগণের ব্রহ্মজন্ম ইহ, পর, সর্বত্রই শাস্ত। সামান্ত জ্ঞানের সহিত গুরুর উপদেশ বিশেষ প্রয়োজনীয়।

আমাদের জীবন, দেশ কাল পাত্রাধীন বলিয়া সেই অনুসারে কার্য করিতে হয়। প্রথম জীবনে বিদ্যা অভ্যাস। মধ্যে, উপার্জন

ও ভোগ । শেষ পরম কারুণিক, দাতা, ও সর্বেশ্বরে মনোনিবেশ ।  
 বিষয়ের, প্রথম । বয়সের, মধ্য । এবং ধর্মের শেষভাগ সর্বোৎকৃষ্ট ।  
 কিন্তু যদি যৌবনেই লীলা শেষ হয় । তবে বঞ্চিত হইতে হয় ।  
 সেই জন্মই ধর্ম এবং অর্থ ক্রমশঃ প্রত্যহ সঞ্চয় করিবে । আয়ু,  
 পুণ্যফলে বদ্ধিত ও পার্শ্ব প্রভাবেই ক্ষীণ হয় । লোক সকল কর্ম  
 বিপাক বশতঃ মৃত ও জীবিত হয় । সেইজন্ম কেহ আমগর্ভে পতিত ।  
 কেহ প্ৰকাবস্থায় গত । কেহ জাত মাত্রেই উপরত । কেহ বা  
 যৌবনে মৃত্যুর কবলিত হয় । অদৃষ্ট বশতঃ সুখ, ঐশ্বর্য, অদৃষ্ট  
 ও নিধন হয় । ধনে জীবনোপায় মাত্র হয়, সুখী হইতে পারে না ।  
 ধনীগণ প্রায় ঈশ্বরবিশ্বাসে বঞ্চিত হয় । সাধু অসাধু চিনিতে  
 পারে না । ভক্ত ব্যক্তিতে ঘেণ হয়, বাহিরে প্রীতি দেখান, লঘু গুরু,  
 সকলেই তাহাদের রুচি । জ্বরযুক্ত রোগীর শায় সর্বদাই কষ্টভোগ  
 ও মুখে কটুবাক্য লাগিয়া থাকে । পুত্র, নিঃস্ব পিতকে, ও স্ত্রী, স্বামিকে  
 পরিত্যাগ করে । আবার ধনী হইলে, যে পর্য্যন্ত উভয়ের অর্থ  
 সম্বন্ধ সংঘটিত না হয়, সেই পর্য্যন্ত পুত্র, পিতৃবৎসল ও পিতা, পুত্র  
 বৎসল থাকে । অর্থ সম্বন্ধেই বিবাদ, ও পিতা শত্রুরশায়, পুত্র  
 ঘাতকের শায় হইয়া উঠে ।

পুরুষকার অতি অকিঞ্চিৎকর । যেমন যন্ত্রের সাহায্যে যন্ত্রীকার্য  
 করে, সেইরূপ অদৃষ্ট, পুরুষকারের দ্বারা কার্য করে মাত্র । পুরুষ-  
 কারের কর্তৃত্ব নাই । পরিশ্রমে বা চেষ্টায় কিছুই হয় না । সুযোগ  
 পরিশ্রমে ঘটে না । উদ্বিগ্নে বুদ্ধি বৃদ্ধি স্থির থাকে না । সুতরাং  
 আশা মানবের দুঃখের মূল, নিরাশায় পরম সুখ ।

যদাসৌ দুর্বারঃ প্রসরতি মদশ্চিত্ত করিণঃ ।

তদাতশ্চোদাম প্রসর রস কট্টৈর্কবসিতৈঃ ॥

কতকৈর্য্যালানং কস নিজ কলাচার নিগড়ঃ ।

কসালজ্জারজ্জুঃ ক বিনয়ঃ কঠোরাং কুশমপি ॥

সম্রাট আকবর বলিতেন—“জ্ঞানানুযায়ী যদি কার্য না করি,  
 তবে ঐরূপ জ্ঞানের প্রয়োজন ? সেরূপ জ্ঞান অপেক্ষা মূর্খতা শ্রেষ্ঠ ।

এবং সর্বতো ভাবে নিরাপদ।” মনুষ্য প্রয়োজনীয় বা অভীষ্ট প্রাপ্ত হইলে, যদি সন্তোষের সহিত উচ্চাকাঙ্ক্ষা পরিত্যাগ না করে, তাহা হইলে সে ব্যক্তি কখন সুখী হইয়া শান্তি উপভোগে সক্ষম হইবে না। যতই উন্নতিশীল এবং উদ্যোগী হউক না কেন, যতই উন্নতির শিখরে আরোহণের চেষ্টা করিবে, ততই বারম্বার তাহাকে দুঃখান্তর ভোগ করিতে হইবে, তাহার সংশয় নাই।

প্রয়োজন সিদ্ধ হইলে, উচ্চ আকাঙ্ক্ষা বিসর্জন দিয়া পরম কারুণিক শ্রীহরির চরণযুগলে আশ্রয় গ্রহণ করিলে সুখী হইবে। সকল বিষয়ের সীমা আছে, সীমা অতিক্রমে পতন নিশ্চয়।

নেপোলিয়েন্ একদিন হেলেনায় বলিয়াছিলেন। “যখন আমি রাজনৈতিক চিন্তায় অবসর পাই; এবং কারাধ্যক্ষের অসদ্ব্যবহার উপেক্ষা করি। তখন মনে হয়, ইহা অপেক্ষা আমার ৫০ পাউণ্ড আয় থাকিলে, আমি স্ত্রী, পুত্র, পরিবার লইয়া Agacia নগরের আমার পুরাতন বাটীতে বাস করিয়া সুখী হইতে পারিতাম।”

সেই জন্ম মহাত্মা ইষা বলিয়াছেন—“এই পৃথিবী আমাদের সেতু। ইহাকে পশ্চাতে রাখিয়া অগ্রসর হও। সেতুর উপর অবস্থিতির জন্ম গৃহনির্মাণ করিলে বহুকাল বাস করিতে হইবে। জীবন ক্ষণস্থায়ী, ঈশ্বরানুগ্রহলাভ মনুষ্যের কার্য্য এবং সুখের কারণ। যাহা দান করিবে তাহাই তোমার উত্তম সম্বল।”

প্রাপ্তব্যমর্থং লভতে মনুষ্যো।

দেবোপি তং বারয়িতুং ন শক্তঃ।

অতোনশোচামি ন বিশ্বসোমে,

ললাটলেখা ন পুনঃ প্রয়াতি ॥

অর্থাৎ যেশক্তি বা যে সকল কারণ আমরা দেখিতে পাইনা, বা বুঝিতে পারি না, তাহাকেই দৈব বলিয়া নির্দেশ করি। ইহাই জগৎ কর্তার কর্তৃত্ব বা ইচ্ছা।

তথা—

স্রীণাং লোলুপতা নাম প্রধানং দোষমুচ্যতে।

নির্দোষায়াং যাপ্যমুখ্যাং নচ দৈবাৎ পরং বলং ॥

## ଶ୍ରୀନିତ୍ୟାନନ୍ଦ ବଂଶବଳୀ ।

ଅତଏବ ବଳଂ ନୈବ ଯଦାହ ବଳଂ ଯୁଚ୍ୟତେ ।  
 ଭାଗ୍ୟଂ ବିଭର୍ତ୍ତି କ୍ୱୀଣୋଽପି ନଚ ଦୈବାଂ ପରଂ ବଳଂ ॥  
 ଧନବାନ୍ ବୁଦ୍ଧିମାଂଽଚାପି ଜନଃ ପରବଂଶଃ ସଦା ।  
 ଆତ୍ମାନଂ ଯତ୍ନତେ ଶ୍ରେଷ୍ଠଂ ନଚ ଦୈବାଂ ପରଂବଳଂ ॥  
 କର୍ତ୍ତବ୍ୟେ ନିୟମାଚାରେ ଯତ୍ନବାନ୍ ସତତଂ ଭବେଂ ।  
 ଜାନୀୟାଂ ସତତଂ ଧୀରୋ ନଚ ଦୈବାଂ ପରଂ ବଳଂ ॥  
 ଯଦ୍ଧେ କୃତେଽପି ହୃଦ୍ରେ ଯଦି କାର୍ଯ୍ୟଂ ନସିଦ୍ୟାତି ।  
 ତଦାନାନ୍ତୁଭବେନ୍ନଃଂଂ ନଚ ଦୈବାଂ ପରଂ ବଳଂ ॥  
 ଦୈବଂ ପୁରୁଷ କାରେଂ ଯୋ ନିବର୍ତ୍ତୟିତୁ ମିଚ୍ଛତି ।  
 ନ ସଂ ଜାନାତି ମୂର୍ଖତ୍ୱାନ୍ନ ଚ ଦୈବାଂ ପରଂ ବଳଂ ॥  
 ଦୈବେନ ଲଭତେ ସ୍ୱର୍ଗୋ ଦୈବେନ ମୋକ୍ଷସିଦ୍ୟାତେ ।  
 ତ୍ରେଲୋକ୍ୟଂ ଦୈବ ବଂଶଗଂ ନଚ ଦୈବାଂ ପରଂ ବଳଂ ॥  
 ଦୈବସ୍ତୁ ପ୍ରାକ୍ତନଂ କର୍ମ କିଂ ବେଦ୍ୟଂ ଚେଷ୍ଟିତମ୍ ।  
 ଉଭୟଂ ତୁଳା ମେବୋକ୍ତଂ ନଚ ଦୈବାଂ ପରଂ ବଳଂ ॥  
 ଇତି ନିତ୍ୟାନନ୍ଦ ବଂଶବଳ୍ୟାଂ ପୂର୍ବବିଭାଗେ

ସାଧନା ପ୍ରକରଣ ସମାପ୍ତା ॥

ସନ ୧୭୨୧ ସାଲ ୧ ଆଶ୍ୱିନ ।



ঔনমঃ কুলদেবতায়ৈ ।

# শ্রীশ্রীনিত্যানন্দ-বংশবল্লী ।

## বিদ্যানিধি প্রকরণ প্রথম কাণ্ড ।

শ্রীশ্রীনিত্যানন্দ প্রভুর বংশবল্লী লিখিতে আরম্ভ করিয়া তাঁহার বিবাহ ও শ্রীবীরচন্দ্র প্রভুর জন্ম এবং বিবাহ তথা শ্রীরামচন্দ্র প্রভুর জন্ম ও বিবাহ জাতি এবং কুল মর্যাদা প্রকাশ করা এক প্রকার অনধিকার চর্চা বলিয়া মনে হয় । কারণ বহু প্রামাণিক ও পুরাতন ইতিহাস এবং বৈষ্ণব গ্রন্থে ইহা বারবার বিবৃত হইয়াছে ; এবং সেই সকল গ্রন্থ শিষ্ট সমাজে বহু পূর্ব হইতে আদৃত হইয়া রহিয়াছে । কিন্তু উপস্থিত ক্ষেত্রে পণ্ডিতাভিমानी কতকগুলি অনভিজ্ঞ ব্যক্তিবিশেষের ধৃষ্টতা নিবন্ধন প্রয়োজনীয় হইয়া উঠিয়াছে ।

গ্রন্থ প্রণয়ন হেতু সত্যের অপলাপ স্ববুদ্ধির কার্য্য নহে । ইহাতে আবার ঈর্ষার বশবর্তী হইলে অন্তঃকরণ মলিন হইয়া নীচতা প্রাপ্ত হইবারই সম্ভাবনা । প্রভুতত্ত্বানুসন্ধানে অতীতের একমাত্র সাক্ষী গ্রন্থ নিচয়ের সাহায্য ব্যতিরেকে অন্য উপায় নাই । ইহা অভিজ্ঞ ব্যক্তি মাত্রই জ্ঞাত আছেন যে, কোন ঐতিহাসিক বিষয় লিখিতে হইলে কোন প্রাচীন ও প্রামাণিক গ্রন্থের অনুসরণ করাই যুক্তিসঙ্গত হইলেও পুনশ্চ ২৩ খানি ঐরূপ গ্রন্থের সহিত পরামর্শ একান্ত কর্তব্য, নচেৎ প্রক্ষিপ্তাংশের নির্বাচন দুর্লভ প্রযুক্ত ঐ সকল প্রলাপ উক্তির গায় নিষ্ফল । তবে যে স্থলে কোন প্রকার গ্রন্থের সাহায্য নাই সেই বিষয়ের কিম্বদন্তি-মাত্র সম্বল হইতে পারে । কিন্তু ঐ রূপ-স্থলে নিরস্ত থাকাই বুদ্ধিমান ও বিবেচকের কার্য্য । আমি 'এই নিবন্ধে কোন প্রকার কল্পিত বিষয় বা জনশ্রুতি লিপিবদ্ধ করি নাই ।

পুস্তক সমূহ মধ্যে যে রূপ বিষয় বা ভাব প্রাপ্ত 'ইইয়াছি তাহাই' মাত্র সংগ্রহ করিয়া পাঠক গণকে উপহার দিলাম । ইহাতে আমার উপর কৃষ্টি ইইয়া, দোষারোপ করিবেন না । প্রথমতঃ প্রতিপন্ন হইতেছে যে, ... শ্রীনিত্যানন্দ অদৃষ্ট বশতঃ ত্রিবিধ লোকের দ্বারা লাঞ্চিত ; প্রথমতঃ ষণ্ড, দ্বিতীয় পাষণ্ড, তৃতীয় ভক্ত । ষণ্ড ঈর্ষাপরবশ, পাষণ্ড বিতর্কে, এবং ভক্ত অপরিণাম দর্শী হেতু । অর্থাৎ মহিমাম্বিত করিতে গিয়া ভক্ত অকারণ নিন্দা করিয়া থাকে ; কেবল গল্পচ্ছলে নিরক্ষর ব্যক্তি সমূহের দ্বারাই উহা সংসাধিত হইয়া থাকে । সুতরাং বিবেচক ব্যক্তির ক্ষোভের বিষয় নহে ।

ভক্তিমান বৈষ্ণবকবিগণ ব্রাহ্মণের জাতি বা কুলমর্যাদার বিষয় কোন খবর রাখেন না এবং প্রয়োজন ও হয় না । কিন্তু তাহারা এই বিষয়ে অনভিজ্ঞ হইলেও পুস্তকে ও গ্রন্থাদি মধ্যে লিখিতেও ছাড়েন নাই । ইহাই গোলযোগের মূলীভূত কারণ হইয়া দাঁড়াইয়াছে । ইহারা কখন সুন্দরামল্ল, কখন যাজক ব্রাহ্মণ, কখন বা নিত্যানন্দের তিন পুত্র এমন কি যে যাহা ইচ্ছা করিয়াছেন ; তিনি তাহাই লিখিয়া কৃতকার্য মনে করিয়াছেন । পরং সুন্দরামল্ল ও সিদ্ধ শ্রোত্রিয় যে কত প্রভেদ তাহা তাঁহারা জ্ঞাত হইতে পারেন নাই বা চেষ্টাও করেন নাই । ইহা এক প্রকার তাঁহাদের পক্ষে নিষ্প্রয়োজন বোধে পরিত্যক্ত । নচেৎ গোপীজন বল্লভ ও রামকৃষ্ণকে শ্রীনিত্যানন্দ বংশে প্রবেশাধিকার দিতে কখনই সাহস করিতেন না । কারণ শ্রীরামচন্দ্র গোস্বামীর পুত্রগণ সিদ্ধ শ্রোত্রিয় বটব্যাল, ইহারা কুলপোষক । গোপীজন বল্লভ ও রামকৃষ্ণ সুন্দরামল্ল বাঁকুড়ি, কষ্টি শ্রোত্রিয় কুল নাশক । উভয়ের কুলমর্যাদায় মহদন্তর সূচিত হইয়াছে । ইহারা এক মাতৃগর্ভের তিন সহোদর কি করিয়া স্বীকার করিতে প্রবৃত্তি হয় । কুলশাস্ত্রজ্ঞ ব্যক্তিকে বুঝাইবার প্রয়োজন নাই । কেবল ইহাই নহে, এরূপ ব্যাপার বহুতর আছে । গ্রন্থ গৌরব ভয়ে নিরস্ত রহিলাম । কিন্তু বীরচন্দ্রের বিবাহ ব্যাপারে এক সমুদ্রোখিত কন্যা কল্পনা করিয়াছেন । আবার গ্রন্থকার ইহা প্রকাশ করিতে পাঠককে পুনঃ পুনঃ নিষেধও

করিয়া গিয়াছেন । তাহা পাঠ করিলে ঐ প্রক্ষিপ্তাংশের উল্লেখ করিতেও প্রবৃত্তি হয় না । ঐ সকল প্রবাদ বিশেষ সতর্কতার সহিত প্রমাণ স্থলে নির্দেশ করা কর্তব্য । নচেৎ হাশ্বাস্পদ হইবার সম্ভাবনা । হইতে পারে কোন দুষ্কৃত, বৈষ্ণব ধর্মের অসারতা দেখাইবার ইচ্ছায় প্রকৃত ঘটনা গোপন করিয়া প্রকারান্তরে বর্ণন করিতে গিয়া এই অপবাদ সৃষ্টি করিয়া থাকিবে ; বা অন্য কোন কার্য সিদ্ধ করিবার আশয়ে ইহার অবতারণা করিয়াছে ।

দেবীঘর বিশারদ মেল বন্ধন কালে আত্মশক্তির আরাধনায় সিদ্ধ হইয়া মহামায়ার আদেশানুসারে মেল বন্ধনে কৃতকার্য হন । সূত্রাং ভ্রমের সম্ভাবনা কোথায় । দেবীঘর কর্তৃক জিজ্ঞাসিত হইয়াও শ্রীনিত্যানন্দ আপন প্রকৃত পরিচয় গোপন করেন । কারণ সে সময়ে তাঁহার সংসারে লিপ্ত হইবার বাসনা একেবারেই ছিল না । পরে শ্রীচৈতন্যের বারম্বার অনুরোধে দার পরিগ্রহ করিতে বাধ্য হন । ইহা প্রমাণ সহ দেখাইব । ইহাই সন্দিক্ততার প্রকৃত কারণ । এবং সেই ভ্রম বশতঃ গঙ্গা দেবীর বিবাহে আপন মর্যাদা অক্ষুণ্ণ রাখিতেও সক্ষম হন নাই । অরক্ষণীয়া কন্যা রাখিয়া প্রব্রজ্যা গ্রহণ করিতে পারেন নাই । বীরচন্দ্র তখন অপ্রাপ্ত বয়স্ক । এই নানা কারণে পুত্রের হস্তে রাখিতে সাহসী হন নাই । কাজে কাজেই গোঁরীদাস চট্টের এক পালিত পুত্রের হস্তে কন্যা সমর্পণ করিয়া প্রব্রজ্যা গ্রহণান্তর অপ্রকট হইলেন । যদিও নিত্যানন্দ কুলীন ছিলেন না, তত্রাচ সিদ্ধ শ্রোত্রিয়গণ কুলকার্য না করিলে নিন্দিত হয় । কিন্তু সময় ও কার্য গতিতে তাহাও তাঁহাকে স্বীকার করিয়া কলঙ্ক কালিমায় নিমজ্জিত হইতে হইয়াছিল । এ সংসারে সকলই অদৃষ্টপর । কি ঈশ্বর কি মনুষ্য কি হীন প্রাণীবর্গ এই পাদগম্য স্থানে যে কেহ জন্ম গ্রহণ করিবে, তাহাকেই অদৃষ্ট-সুলভ সুখ দুঃখের বশীভূত হইতে হইবেক । ইহাই কাল ধর্ম বলিয়া পণ্ডিতগণ স্বীকার করিয়া গিয়াছেন ।

তৎপরবর্ত্তি কালে দেবীঘর বিশারদ মেল বন্ধনে কৃতসংকল্প হইয়া কুলীন, গোণকুলীন, ও সৎশ্রোত্রিয় দিগকে আহ্বান করিয়া কুলোচ্চারণ

উপস্থিতে এক সভার অধিবেশন করিলেন। ঐ সভায় আদি বংশজ বা সপ্তশতী এবং অন্ত অন্ত ব্রাহ্মণদিগকে নিমন্ত্রণ করেন নাই। সেই কারণে গোপাজনবল্লভ ও রামকৃষ্ণ সে সভায় উপস্থিত হইতে পারেন নাই। ঐ সভায় দেবীবরের গুরু উচ্চাসনে উপবিষ্ট হেতু সভাসদ সকলে বিরক্ত হইয়াছিলেন। দেবীবর তাহা বুঝিতে পারিয়া ধৃষ্টতা হেতু শোভাকরকে নিষ্কুল করিলেন; এবং ঐ সমস্ত বাদানুবাদে দেবীবরের গুরুদেবের সহিত মনোমালিন্য জন্মিয়াছিল। উক্ত সভায় শ্রীবীরচন্দ্র প্রভুর নিমন্ত্রণ ছিল। ঐ নিমন্ত্রণ রক্ষার্থ রামচন্দ্র প্রভুকে প্রেরণ করেন। রামচন্দ্র সভায় উপস্থিত ছইয়া আপন কুল-মর্যাদা ব্যক্ত করিলে পর, দেবীবর বীরচন্দ্র প্রভুর সন্দিক্ততা মার্জিত করিয়া পুনর্ব্বার সিদ্ধ শ্রোত্রিয় বটব্যাল বলিয়া স্বীকার করিলেন। ইহাতেই পার্ব্বতী নাথের কুল রক্ষা হইল, এবং দেবীবরও বীরচন্দ্র প্রভুর নিকট কৃষ্ণমস্ত্রে দীক্ষিত হইলেন।

তথাহি—বীরভদ্র প্রভুর পুত্র শ্রীল রামচন্দ্র ।

দেবীবরের সভায় বৈসে যেন সাক্ষাৎ ইন্দ্র ॥

তাঁহে হেরি বীরভদ্রে বটব্যাল কয় ।

তে কারণে রামচন্দ্র বটব্যাল হয় ॥

এই আখ্যায়িকার প্রকৃত কারণ স্পষ্ট ও কারিকায় বর্ণিত হইয়াছে। এই সকল প্রমাণ সংযুক্ত গ্রন্থ পাঠ না করিয়া বিদ্যানিধি মহাশয় স্ত্রীলোকের মুখ নিঃসৃত বাক্যের মধুরিমা গ্রহণ করিয়া বিস্তর অবক্তব্য গল্পের অবতারণা দ্বারা আমাদিগকে লাস্তিত করিয়াছেন। ইহাই গ্রন্থ প্রকাশকের পুস্তক কাট্টির উপায়। সত্য কথা বলিতে হইলে একজনকে গালাগালি না দিলে পাঠকবৃন্দ সে পুস্তক খরিদ করেন না। এবং গ্রন্থকারেরও লভ্য হয় না। অধুনা পুস্তক প্রণয়ন অতিশয় সহজ কার্যে পরিণত হইয়াছে। আমি শ্রীগঙ্গাদেবীর বংশ বিস্তার লিখিবার সময় কয়েক খানি আধুনিক কুলগ্রন্থ প্রাপ্ত হইয়াছিলাম। তাঁহীর মধ্যে শ্রীলালমোহন বিদ্যানিধি প্রণীত সম্বন্ধ নির্ণয় নামক একখানি পুস্তক পাঠ করিয়াছিলাম। শ্রীনিত্যানন্দের বংশ মর্যাদা

লিখিতে পণ্ডিত মহাশয় কিরূপ ভ্রমে পতিত হইয়াছেন তাহা পাঠক বৃন্দকে দেখাইবার জন্য এই কাণ্ড চতুর্দশ লিখিলাম । বোধ হয় বিদ্যানিধি মহাশয় লোক মুখে যে রূপ শুনিয়াছেন, তাহাই অকপটে প্রকাশ করিয়াছেন । ইহাতে আবার শাস্ত্রান্তর পরামর্শ বা বিচারের আবশ্যক আছে তাহা বুঝিয়া উঠিতে পারেন নাই । বরং কুলশাস্ত্রে তাহার অভিজ্ঞতা নিতান্ত সীমাবদ্ধ ইহাই পরিচয় দিয়াছেন মাত্র । অনেক স্থলে গল্প অবলম্বনে গুরুতর বিষয়ের মীমাংসা করিতেও পশ্চাৎ পদ নহেন । যাহারা বংশানুক্রমে কুলকার্য্যে ব্রতী তাহাদের কুলমর্য্যাদা লিখিতে এইরূপ ভ্রম সম্ভব নহে ।

পণ্ডিত মহাশয় লিখিয়াছেন নিত্যানন্দ সন্ন্যাস গ্রহণ হেতু প্রথমে উদাসীন ছিলেন । পরে ভেকে নীচ জাতীয়া কন্যা গ্রহণ করেন তাহার গর্ভে গঙ্গাও বীর ভদ্রের জন্ম হয় । তদবধি নিত্যানন্দ বাস্তাশী বলিয়া নিন্দিত হয়েন । পুত্র বীরভদ্র সামাজিক ব্যাপার রক্ষা করেন সেই কারণ তাহার নামে বীরভদ্রী দোষ হয় । ( ইতি সম্বন্ধ নির্ণয় ৪০৪ পৃষ্ঠা ) ইহাতে দেখা যাইতেছে যে প্রথম অভিযোগ এক প্রকার আব্দার বলিলেও মন্দ হয় না । শ্রীনিত্যানন্দ সন্ন্যাসী ছিলেন কি না তাহা দেখিয়া আব্দার করা উচিত ছিল । পণ্ডিত প্রবর তাহা একবারও চিন্তা না করিয়া কি প্রকারে তাহাকে বাস্তাশী করিয়া ফেলিলেন ? এবং নিঃসংশয়ে কি প্রকারে পুস্তকে সন্নিবেশিত করিয়াছেন তাহা পাঠকগণ বিবেচনা করুন । শ্রীনবদ্বীপে নিত্যানন্দের কিরূপ আচার ও ব্যবহার ছিল তাহার পরিচয় স্বরূপ চৈতন্য ভাগবত হইতে কয়েক ছত্র নমুনা দিলাম । শ্রীনিত্যানন্দের আচার ও ভাব দেখিয়া শ্রীচৈতন্যের এক ভক্ত ব্রাহ্মণ তাহাকে জিজ্ঞাসা করেন ; এবং তাহার উত্তরে শ্রীচৈতন্যদেব ব্রাহ্মণকে যাহা উপদেশ দেন তাহাও দেখাইলাম । তথাহি—

হেন মতে মহা প্রভু নিত্যানন্দ চন্দ্র ।

সর্বদাস সঙ্গে করে কীর্তন আনন্দ ॥

বৃন্দাবন মধ্যে যান করিলেন লীলা ।

সেই মত নিত্যানন্দ স্বরূপের খেলা ॥



## শ্রীনিত্যানন্দ-বংশবল্লী ।

অকৈতব রূপে সর্ব জগতের প্রতি ।  
 লগ্নায়নে শ্রীকৃষ্ণ চৈতন্যে রতিমতি ॥  
 সঙ্গে পারিষদ গণ পরম উদাম ।  
 সর্ব নবদ্বীপ ভ্রমে মহাজ্যোতি ধাম ॥  
 অলঙ্কার মালায় পূর্ণিত কলেবর ।  
 কর্পূর তাম্বুল শোভে সুরঙ্গ অধর ॥  
 দেখি নিত্যানন্দ মহাপ্রভুর বিলাস ।  
 কেহ স্থখ পায় কারো না জন্মে বিশ্বাস ॥  
 সেই নবদ্বীপে এক আছেন ব্রাহ্মণ ।  
 চৈতন্যের সঙ্গে তার পূর্ব অধ্যয়ন ॥  
 নিত্যানন্দ স্বরূপের দেখিয়া বিলাস ।  
 চিন্তে কিছু তান্ জন্মিয়াছে অবিশ্বাস ॥  
 চৈতন্য চন্দ্রেতে তান্ বড় দৃঢ় ভক্তি ।  
 নিত্যানন্দ স্বরূপের না জানেন শক্তি ॥  
 দৈবে সেই ব্রাহ্মণ গেলেন নীলা চলে ।  
 তথায় আছেন কতদিন কুতূহলে ॥  
 প্রতিদিন যায় বিপ্র চৈতন্যের স্থানে ।  
 পরম বিশ্বাস তান্ প্রভুর চরণে ॥  
 দৈবে একদিন সেই ব্রাহ্মণ নিভূতে ।  
 চিন্তে ইচ্ছা করিলেন কিছু জিজ্ঞাসিতে ॥  
 বিপ্র বলে প্রভু ? মোর এক নিবেদন ।  
 করিমু তোমার স্থানে, যদি দেহ মন ॥  
 নবদ্বীপে গিয়া নিত্যানন্দ অবধূত ।  
 কিছু ত না বুঝোঁ মুঞি করেন কিরূপ ॥  
 সন্ন্যাস আশ্রম তান্ বোলে সর্বজন ।  
 কর্পূর তাম্বুল সে ভক্ষণ অমুক্ষন ॥  
 ধাতু দ্রব্য পরশিতে নাহি সন্ন্যাসীরে ।  
 সোনারূপা মুক্তা সে সকল কলেবরে ॥  
 কষায় কোপীন ছাড়ি দিব্য পটুবাস ।  
 ধরেন চন্দন মালা সদাই বিলাস ॥

দণ্ড ছাড়ি লৌহ দণ্ড ধরেন বা কেনে ।  
 শূদ্রের আশ্রমে সে থাকেন সৰ্বক্ষণে ॥  
 শাস্ত্র মত মুঞি তান্ না দেখোঁ আচার ।  
 এতেকে মোহোর চিত্তে সন্দেহ অপার ॥  
 বড় লোক বলি তাঁরে বোলে সৰ্বজনে ।  
 তথাপি আশ্রমাচার না করেন কেনে ॥  
 যদি মোরে ভৃত্য হেন জ্ঞান থাকে মনে ।  
 কি মৰ্ম্ম ইহার প্রভু কহ শ্রীবন্ধনে ॥  
 স্মৃতি ব্রাহ্মণ প্রশ্ন কৈল শুভক্ষণে ।  
 অমায়্য প্রভুত্ব কহিলেন তাঁনে ॥

এই প্রশ্নে শ্রীনিত্যানন্দের আশ্রম ও আচার সমস্ত প্রতিফলিত ।  
 ইহাতে পাঠক বৃন্দ বিবেচনা করিবেন যে, সন্ন্যাসীর আচার ব্যবহার  
 শ্রীনিত্যানন্দের ছিল কি না । শ্রীচৈতন্য ব্রাহ্মণকে যে উত্তর দিলেন  
 তাহাতে সম্পূর্ণ পরিচয় প্রকারান্তরে দিলেও ইহা অত্যন্ত সহজে বোধ-  
 গম্য হইবে ।

শুনিয়া বিপ্রের বাক্য গৌরাজ্ঞ সুন্দর ।  
 হাঁসিয়া বিপ্রের প্রতি করিলা উত্তর ॥  
 শুন বিপ্র যদি মহা অধিকারী হয় ।  
 তবে তান্ গুণদোষ কিছু না জন্ময় ॥  
 পদ্য পত্রে কভু যান না লাগয়ে জল ।  
 এই মত নিত্যানন্দ স্বরূপও নিশ্চল ॥  
 পরমার্থে কৃষ্ণচন্দ্র তাহান্ শরীরে ।  
 নিশ্চয় জানিহ বিপ্র সৰ্বদা বিহরে ॥  
 অধিকারী বই করে তাহান্ আচার ।  
 হুঃখ পায় সেই জন পাপ জন্মে তার ॥

যদিচ কার্য্য তাহাকে প্রকারান্তরে বুঝাইয়াছেন । কিন্তু কারণ  
 বুঝাইতে আর গোপন করেন নাই । এই সমস্ত আচারে শ্রীনিত্যা-  
 নন্দের অধিকার আছে এবং ঐ সকল আচার তাহার পক্ষে পাপজনক  
 বা স্বেচ্ছাচার নহে তাহা প্রকাশ করিতে কুণ্ঠিত হন নাই । কারণ

শ্রীচৈতন্য ভবিষ্যৎ জ্ঞাত ছিলেন । ইহা প্রমাণ স্থলে গৃহীত না হইলেও গল্পছলেও কোন কোন স্থানে বিশ্বাস যোগ্য ও প্রমাণের সাহায্য করিয়া থাকে । সন্ন্যাসী দার পরিগ্রহ করিলে তাহাকে বিড়ালত্রতী ও অবকীর্ণী বলে । ফলতঃ ধর্ম শাস্ত্রানুসারে শিষ্ট সমাজ তাহার সংশ্রব পর্য্যন্ত ত্যাগ করেন । সেই ব্যক্তি অপাংক্তেয় হইয়া থাকে, তাহার প্রায়শ্চিত্ত শাস্ত্রকার বিধান করেন নাই । প্রায়শ্চিত্তই ব্যক্তির নিকৃতির উপায় আছে ।

কিন্তু এই সমস্ত প্রায়শ্চিত্ত বিধিহীন পাপে লিপ্ত হইলে, হিন্দু সমাজে তাহার স্থানাভাব । এরূপ পাতক গ্রস্ত হইয়াও শ্রীবীরচন্দ্র কি প্রকারে কুল কার্য্য করিতে সক্ষম হইলেন, ইহা একবারও গ্রন্থকার চিন্তা করেন নাই । অবশ্য বৈষ্ণবগণ “তেজীয়সাং ন দোষায়” বা নিত্যানন্দকে সাক্ষাৎ ঈশ্বর বোধে মার্জ্জনা করিতেও পারেন এবং করিয়াছেন । কিন্তু আচার্য্য বা ব্রাহ্মণ ও কৌলীণ্য সমাজে কি প্রকারে মার্জ্জনা প্রাপ্ত হইলেন । সকলে সে সময় চৈতন্য বা নিত্যানন্দকে ঈশ্বর বা অবতার স্বরূপ জ্ঞান করিতেন না । সেইজন্য বৈষ্ণব গ্রন্থে বহু পাষণ্ডীর উল্লেখও আছে । “কথায় বলে বিজ্ঞ হয় জ্ঞানে” বিজ্ঞানিধি মহাশয় বিবেচনা না করিয়াই মিথ্যা দোষারোপ করিয়াছেন । মোট কথা স্পর্ষই বুঝা যাইতেছে যে, নিত্যানন্দ কখনও বিধি বোধিত সন্ন্যাস গ্রহণ করেন নাই । ইহা গ্রন্থ নিচয়ে পুনঃ পুনঃ উল্লেখ রহিয়াছে । ইহা কেবল শ্রীচৈতন্যেরই ঘটনা ছিল । বরং শ্রীনিত্যানন্দ সন্ন্যাস গ্রহণের বিরোধী ছিলেন । শ্রীনিত্যানন্দ চৈতন্যদেবের সহিত অবধূত সাজিয়া নাম সংকীর্তন করিয়া বেড়াইতেন মাত্র । এই স্থলে বাস্তাশীর কোন লক্ষণই বর্তমান নাই । শ্রীনিত্যানন্দ গর্ভাষ্টমে উপনীত হইয়া ব্রহ্মচার্য্য গ্রহনান্তর দ্বাদশ বর্ষ বয়ঃক্রম কালে তীর্থযাত্রা মানসে গৃহত্যাগ করেন । তীর্থ দর্শন সমাপনান্তে ।

বিরহে কাতর পুত্রে হস্তে সমর্পিলা ।

সেই কাগে নিত্যানন্দ সঙ্গে লঞা গেলা ॥

তাঁরে শিষ্য কৈল দণ্ড না কৈল গ্রহণ ।

অবধূত বেশে সঙ্গে করয়ে ভ্রমণ ॥

( নিত্যানন্দ দাস ) ।

ঈত্রিয়ংশৎ বৎসর বয়ঃক্রম কালে ফিরিয়া আইসেন । তদনন্তর চৈতন্য সাক্ষাৎকার লাভ করিয়া ছিলেন এই মাত্র । তৎপরে শ্রীচৈতন্যের অনুরোধে ৪২ বৎসর বয়ঃক্রমে দার পরিগ্রহ পূর্বক গৃহী হইয়াছিলেন । তাহাতে একমাত্র পুত্র বীর চন্দ্র ও একমাত্র কন্যা গঙ্গাদেবী জন্মে । তিনি গৃহস্থাশ্রমে থাকিয়া তাহার প্রিয়ছাত্র 'মাধব' মৈত্রের সহিত কন্যার বিবাহ দেন । পূর্বে শ্রীনিত্যানন্দ স্বকীয় পরিচয় ব্যক্ত করিতেন না । সেই জন্য ঘটকেরাও তাহাকে সন্দিগ্ন শ্রোত্রিয় স্বীকার করেন । গাঁত্রিও অর্থাৎ বাসস্থান যখন প্রকাশ করিলেন সেই সময় সন্দিগ্নতা মার্জিত হইয়াছিল । এবং তৎকাল হইতে আমরা সিদ্ধ শ্রোত্রিয় বলিয়া সমাজে পরিচিত । কন্যার বিবাহ শেষ করিয়া শ্রীনিত্যানন্দ নীলাচলে অপ্রকট হইলেন । এক্ষণে আমি জিজ্ঞাসা করি, যে এই সকল প্রমাণ সত্ত্বে কি প্রকারে পণ্ডিত মহাশয় তাহাকে বাস্তাশী করিয়া ফেলিলেন । ইহা কি প্রতিহিংসা না অনভিজ্ঞতা ? পাঠক মহোদয় বিচার করিলে বাধিত হইব । পুত্র বীরভদ্র সামাজিক ব্যাপার রক্ষা করেন বলিয়া তাহার নামে বীরভদ্রী দোষ হয় নাই, বাস্তাশীর পুত্র চণ্ডাল হইতেও ঘৃণিত জীব । যদি বীর-চন্দ্র তাহাই হইতেন তাহা হইলে এই সামান্য শ্রোত্রিয় গত দোষ হইত না । এবং তিনিও জগদগুরুপর্যায় প্রাপ্ত হইতেন না । যাহাদের মস্তিষ্ক কেবল অর্থানুসন্ধানে ব্যতিব্যস্ত তাহাদিগকে আর কি বুঝাইব ।

ভেকচ্ছলে অসবর্ণার পানি গ্রহণ ও তাহার গর্ভে সন্তানোৎপাদন ইহাই দ্বিতীয় অভিযোগ । এ বিষয়ের উত্তর, ধর্মশাস্ত্র সাপেক্ষ নহে । নিরক্ষর ব্যক্তির ও ইহাতে অধিকার আছে । যে কোন ব্যক্তি ইউন ব্রাহ্মণও ভেক আশ্রয় করিলে তাহার পূর্ব পূর্ব নাম, গোত্র ও জাতি সমস্ত লোপ হইয়া বৈষ্ণবত্ব প্রাপ্তে তত্তৎ নাম ও গোত্রাদির অধিকার জন্মিয়া থাকে । পুনশ্চ স্ত্রী ও পুরুষ উভয়ে ভেক আশ্রয় না করিলে বিবাহ সিদ্ধ নহে । দ্বিতীয় কথা অসবর্ণার পানি গ্রহণ মন্বাদি সংহিতা-কারগণ লিখিয়াছেন—শূদ্রাংশয়ন মারোপ্য ব্রাহ্মণোযাত্যধোগতিম্ । জনয়িত্বাসুতংতশ্চ ব্রাহ্মণ্যাদেবহীয়তে ॥ অর্থাৎ শূদ্রাগমনে ব্রাহ্মণের অধোগতি হয় । কিন্তু পুত্রোৎপাদনে ব্রাহ্মণ শূদ্রত্ব প্রাপ্ত হইয়া থাকে ।

এরূপ অবস্থায় বাস্তবী হইয়া নিষ্কৃতি লাভ হয় কি প্রকারে ? শ্রীনিত্যানন্দের ব্রহ্মণ্য অক্ষুণ্ণ রহিল কি প্রকারে । পুনশ্চ শ্রোত্রিয় গত দোষ বীরভদ্রীর আধার বীরচন্দ্র কি প্রকারে হইলেন । ইহাও বিবেচনা করিবার বিশেষ কারণ ছিল, তাহাও গ্রন্থকার বিবেচনা করেন নাই । বৈষ্ণব বা শূদ্রের উপর শ্রোত্রিয়গত দোষ সংক্রামিত হইতে পারে না ।

পণ্ডিত মহাশয় লিখিয়াছেন পূর্বের অম্বিকা নিবাসী সূর্য্যদাস পণ্ডিতের কন্যা জাহ্নবীকে বিবাহ করেন ও তাহার বসুধা ও ঠাকুরাণী নাম্নীকন্যা-দ্বয়কে যৌতুক স্বরূপ প্রাপ্ত করেন ।

## যৌতুক রহস্য ।

ইহা এক অদ্ভুত ব্যাপার, সূর্য্যদাস সমাজ ভয়ে ভীত হইয়া শ্রীনিত্যানন্দের পুনঃ সংস্কার আপন বাটতেই সম্পন্ন করিয়াছিলেন । ঐ সময় আচারাৎ তিনচারি দিবস নিত্যানন্দ ঐ বাটতে ছিলেন । একদিবস নিত্যানন্দ আহার করিতে ছিলেন এবং জাহ্নবী পরিবেশন করিতে করিতে তাঁহাকে চতুর্ভুজা মূর্ত্তি দেখাইলে পর, নিত্যানন্দ আদরের সহিত তাহার হস্ত ধারণ পূর্ব্বক আপন দক্ষিণে উপবেশন করান । সেই দিবস পরিহাসচ্ছলে যৌতুকের কথা উত্থাপন করিয়া ছিলেন । সূর্য্যদাস এই সমস্ত ব্যাপার জ্ঞাত হইয়া উভয় কন্যাই শাস্ত্র মত সম্পূর্ণ দান করিয়া ছিলেন । তিনি বুঝিয়াছিলেন, যে এই কন্যা সামান্য লোকের অঙ্ক শায়িনী হইবার উপযুক্তা নহে । আমার বোধ হয় বিদ্যানিধি মহাশয়, পুস্তক লিখিবার সময় কোন ভৌতিক আকর্ষণে অভিভূত ছিলেন নচেৎ স্মৃতি লোপ হইল কেন ? বোধ হয় বৃদ্ধত্ব নিবন্ধন বুদ্ধির ও জড়তা হইয়াছে । তিনি ঠাকুরাণী নাম্নীকন্যা কোথা হইতে সরবরাহ করিয়াছেন, তাহা আমি চিন্তা করিয়া বুঝিতে পারিলাম না । পুনশ্চ শ্রীমতী বসুধা ঠাকুরাণী সূর্য্যদাসের প্রথমাকন্যা । ভিক্ষার্থী বৈষ্ণবগণ ইহা প্রত্যহ দ্বারে দ্বারে প্রচার করিয়া থাকে । তথাচ ভ্রম হইল ইহা বড় লজ্জার কথা । জাহ্নবী কনিষ্ঠা কোন শাস্ত্রমতে অগ্রে জাহ্নবীকে বিবাহ করিয়া



বসুধাকে সেই বিবাহের যৌতুক স্বরূপ প্রাপ্ত হইলেন ? এবং সেই বিবাহের যৌতুক স্বরূপ বসুধাকে কি সঙ্গে দেওয়া হইয়াছিল ? কিম্বা যৌতুকবিবাহের কোনরূপ পদ্ধতি ধর্ম শাস্ত্রে উক্ত হইয়াছে ? সে সময় কি সমাজ বা শাস্ত্র শাসন ছিল না ? দোকানদার পণ্যবিক্রয়ের পর যেমন ফাউদেয় ইহা সেইরূপ বাণিজ্য দেখা যাইতেছে । এই সমস্ত কথা পুস্তকে প্রকাশের উপযোগী নহে । বরং রহস্য করিলে মন্দ হয় না । এইসকল বিষয় পরে দেখাইব । নিত্যানন্দের বিবাহ হইতে বীর চন্দ্রের বিবাহ পর্য্যন্ত যথা স্থানে প্রকাশ করিব । আর দ্বিরুক্তির প্রয়োজন নাই । কিন্তু আশ্চর্যের বিষয় এই যে, এই সমস্ত কারণেও পণ্ডিত মহাশয়ের নিদ্রাভঙ্গ হয় নাই ।

এই কাণ্ডে পণ্ডিত মহাশয় লিখিয়াছেন । হাড়াই পণ্ডিতের পিতার নাম সুন্দরামল্ল বাঁকুড়ি । বীরভদ্রের পুত্রগণ শুদ্ধ শ্রোত্রিয় বটব্যাল বলিয়া পরিচয় দেন । হাড়াই পণ্ডিতের অন্য বংশের পুত্রগণ যাহারা রাঢ়দেশে আছেন, তাহারা সুন্দরামল্ল বাঁকুড়ির সন্তান বলিয়া পরিচয় দেন । সুন্দরামল্ল বাঁকুড়ি সন্দিক্ত শ্রোত্রিয় নিবাস একচাকা গ্রাম । বর্ধমান জেলা । ( ৪৬৯ পৃষ্ঠা সম্বন্ধ নির্ণয় । )

এবার পণ্ডিতের শাস্ত্রীয় অভিযোগ বটে । ইহা স্ত্রীকণ্ঠ নিঃসৃত মধুরিমা নহে । আমি বারম্বার বলি যে, পণ্ডিত মহাশয় এই সকল বিষয়ের কোন অনুসন্ধান না করিয়া আমাদের এত কষ্ট দিলেন কি জন্য ? আমরা জ্ঞাত আছি যে কুলাচার্যগণ সহজে সোজা রাস্তা দেখাইবার পাত্র নহেন । বরং কোঁতুক করিতে ও রঙ্গ দেখিতে ভাল বাসেন । ইহা অভিজ্ঞ ব্যক্তি মত্রেই জ্ঞাত আছেন, সুন্দরামল্ল বাঁকুড়ি কোন ব্যক্তি বিশেষের নাম নহে । বরং উপাধি গত কুলমর্ঘ্যাদা বলিলেও চলিতে পারে । যতদূর কুল শাস্ত্র পাঠে জ্ঞাত হওয়া যায়, ইহা শণ্ডিল্য গোত্রের একটি শাখা মাত্র । অর্থাৎ গাঁত্রিও বিশেষ । নিত্যানন্দের আদিপুরুষ ভট্টনারায়ণের দশম পুত্র মহাত্মা বিকর্তন হইতেই বটব্যালের স্রোত চলিয়া আসিতেছে । ( ব্যূঢ়ো মাসচটকঃ খ্যাতো বটব্যালো বিকর্তনঃ ) ইতি বাচস্পতি মিশ্রঃ ।

মূলঘটনা কনোজাগত পঞ্চ ব্রাহ্মণের ৫৯টি পুত্র জন্মে তাহাদের বাসোপযোগী রাজ প্রদত্ত ৫৯ খানি গ্রাম প্রাপ্ত হইয়াছিলেন । ঐ সকল গ্রামের নামানুরূপ বাচস্পতি মিশ্রের মতে ৫৯ গাঁঞি নির্দিষ্ট হইয়াছিল । কাহার মতে ৫৬ গ্রাম ( রাঢ়ীয়দিগের ভরণ পোষণের জন্ত ) মহারাজ ক্ষিতিশূর প্রদত্ত । কথায় বলে পঞ্চ গোত্র ছাপ্পান গাঁঞি তা ছাড়া বাঁমুন নাই । এক্ষণে সুন্দরা মল্ল গাঁঞি ইহা হইতে পৃথক্ । ইহা ব্যক্তি বিশেষের বা ছাড়াই পণ্ডিতের পিতার নাম নহে । নিম্নলিখিত প্রমাণ দ্বারা পাঠক মহোদয়গণ বুঝিতে পারিবেন ।

তথাহি—ততোহভবৎ ব্যতীতে কালে উনবিংশতি পুত্র পর্যায়ে বং  
ঈশান সূতঃ তারাপতিঃ সিন্দুরা গ্রাম নিবাসত্বাৎ সিন্দুরা বল্লভ গাঁঞি  
শ্রোত্রিয় অভিনিবেশঃ । ( ইতি কুল পঞ্জিকা ) ।

বঙ্গের জাতীয় ইতিহাসে উক্ত হইয়াছে । সিন্দুরা গ্রাম এক্ষণে  
হুগলি জেলার অন্তর্গত বৈঁচি হইতে ১১০ ক্রোশ উত্তর পূর্বে । এবং  
পাণ্ডুয়া হইতে ১১০ ক্রোশ উত্তর পশ্চিমে অবস্থিত । আধুনা মন্দুয়া  
নামে খ্যাত । অসম্বন্ধ প্রলাপউক্তির প্রতিবাদ বিরক্তি জনক  
হইলেও লিখিতে হইল । যাহারা পুরুষানুক্রমে কুল কার্য করিয়া  
আসিতেছে, তাহাদের মর্যাদা লিখিতে এতাদৃশ ভ্রম হইতে পারে না ;  
তবে ক্ষত বা ছিদ্রান্বেষণ স্বতন্ত্র ব্যাপার । তাহার জন্ত বিশেষ চেষ্টারও  
প্রয়োজন নাই । আমাদিগের ন্যায় কুলঙ্গার শ্রী নিত্যানন্দ বংশে বিরল  
নহে । আমরা স্ব স্ব জাতি বা কুল মর্যাদার কিছুই অবগত না হইয়া  
কখন বলিতেছি আমরা সুন্দরামল্ল আবার কখন গৌরব ইচ্ছা করিয়া  
রামায়ণ প্রণেতা কীর্ত্তিবাসকে পূর্বপুরুষ পরিচয় দিয়া গৌরবান্বিত মনে  
করিতেছি । সেই সমস্ত অনভিজ্ঞ কুলঙ্গার গণ আপন আপন ইচ্ছা  
সিদ্ধি করিতে গিয়া শ্রী নিত্যানন্দ বংশ মর্যাদার হানি করিতেছে । আমরা  
কষ্ট শ্রোত্রিয় না হইতে পারিলে পোষ্যগ্রহণে ব্যাঘাত ঘটে ইহাই  
অবাস্তুর বলিয়া বোধ হয় । আর কি আছে তাহা জ্ঞাত নহি । এক্ষণে  
পোষ্যের আধিক্যে প্রায় শ্রী নিত্যানন্দ বংশ অত্যল্পই অবশিষ্ট আছে  
তাহা বংশ লতায় দ্রষ্টব্য । পণ্ডিত মহাশয়কে বীরভদ্রী থাকের লক্ষণ

অঁটিতে বিশেষ কষ্ট পাইতে হয় নাই । পণ্ডিত মহাশয়ের মতে কোন সন্ন্যাসী ভেকে কলুনিকে বিবাহ করিয়া পুত্র উৎপাদন করিলে সেই সন্তান বীরভদ্রী প্রাপ্ত হইয়া থাকে । তবে মৃত ব্যক্তিকে জীবিত করা এবং কলুণীতে লক্ষ্মীর আবেশ তাহার কৃপাকটাক্ষ মাত্র । কারণ বিদ্যানিধি মহাশয় শ্রীনিত্যানন্দ সন্তানকে বড় ভাল বাসেন । ইহাই আমাদের পক্ষে যথেষ্ট । ঐতিহাসিক বিষয় লিখিতে বসিয়া কি প্রকারে এইরূপ প্রলাপ বাক্য প্রকাশ করিতে সাহসী হইয়াছেন আমরা বুঝিয়া উঠিতে পারি নাই । পণ্ডিত মহাশয় কি জ্ঞাত নহেন যে, পূর্বের সমাজ এরূপ হিমাচলের গায় অঙ্গ ঢালিয়া অত্যাচার সহ করিত না । কোলীন্য সমাজ সে সময় যৌবনের ভোগে পূর্ণবলী ছিল বলিয়াই অধুনা বহু বেত্রাঘাত সহ করিয়াও এপর্যন্ত কোলীন্য এক প্রকার অক্ষুণ্ণ রাখিয়াছে । শ্রীনিত্যানন্দের পুত্র এক বীরচন্দ্র ও কন্যা এক গঙ্গাদেবী । বীরচন্দ্রের তিন কন্যা । প্রথম ভুবনমোহিনীকে ফুং মুং পার্বতী নাথকে দান করেন । ইনি মুখেটি বংশের প্রধান ও নির্দোষ কুলীন ছিলেন । তাহাকে অস্বীকার করিতে পারে । বীরচন্দ্রের কন্যা গ্রহণ হেতু পার্বতীর কুলনাশ ঘটে নাই । ইহাকে বীরভদ্রী থাক গত হইতে দেখা যায় মাত্র । ইহাকে দোষ দুষ্ক বলা যায়না । তাহাও বীরচন্দ্রের কন্যার পাণি গ্রহণ জন্ম নহে । পূর্বের পার্বতী নাথ, ঘোষ কানুরায়ের কন্যা বিবাহ করে । তাহার গর্ভে যে কন্যাজন্মে সেই কন্যার বিবাহে বীরভদ্রী থাকের সৃষ্টি হইয়াছিল । আমাদের স্কন্ধে সে দোষ যে কেন সংক্রামিত হইল তাহা শ্রীভগবান চন্দ্রই জানেন । কুলাচার্য্যগণ বোধ হয় অর্থলোভ প্রযুক্ত ইহা করিয়া থাকিবেন । তাহাও পরে দেখাইব ।

শ্রীমতী গঙ্গাদেবীর বিবাহে মাধবকে বীরভদ্রী প্রাপ্ত হইতে দেখা যায় না । প্রাচীন কুলগ্রন্থে ইহার উল্লেখ পর্য্যন্ত নাই । এবং ইহার কোন নির্দিষ্ট কারণও প্রদর্শিত হয় নাই কেন, তাহা সম্বন্ধ নির্ণয়কার কি একবারও চিন্তা করেন নাই ? কেবল মাত্র নিত্যানন্দী বা পার্বতী ঠাকুরী বীরচন্দ্রের উপয় নিক্ষেপ করিয়া পাঠক বৃন্দের চক্ষে ধূলিমুষ্টি নিক্ষেপ করিতে প্রয়াসী । তাহার তাৎপর্য্য এই যে কোথা হইতে ফুলিয়া মেলে

বীরভদ্রী থাকের উৎপত্তি, এবং ইহা কেনবীরচন্দ্রের নাম কলঙ্কিত করিতেছে তাহার বিচারে অক্ষম । লুলা পঞ্চাননের কারিকায় লিখিত আছে “বীরে গেলু পারু”মাধব নহে। যদি চ পণ্ডিতমহাশয় স্থির করিয়া রাখিয়াছেন যে, কলুনির গর্ভজাত সন্তানই বীরভদ্রী হইবে; কিন্তু সে হিসাবে গঙ্গাও কলুনির গর্ভজাত কন্যা । তাহাতে মাধবের কি দুর্দশা হইবে তাহাও তাহার চিন্তার প্রথম ধন্দ ছিল । এই প্রকার চিন্তাশূন্য নির্লিপ্ত গ্রন্থকার কখন দেখা যায় নাই; এবং দেখে নাই । পুনশ্চ পণ্ডিত প্রবর লিখিতেছেন বীরভদ্রের ভগ্নীর নাম গঙ্গা । গঙ্গার সহিত মাধব চট্টোপাধ্যায়ের বিবাহ হয় । ছগলি জেলার অন্তর্গত জিরেটের গোস্বামী-গণ গঙ্গাবংশ বলিয়া বিশেষ পরিচিত । কিন্তু বীরভদ্রী দোষ দুর্ঘট । ৪৭০ পৃষ্ঠা ।

ইহাই শেষ টিপ্পনি বটে, কিন্তু ইহার মূল শূন্য । যদি চ পণ্ডিত প্রবর মাধবকে বঙ্গভূষণ চট্টের বংশ সম্বৃত বর্ণন করিয়াছেন । তত্রাচ ঐ শ্রোত্রিয় গত দোষ মাধবাচার্য্যকে কি প্রকারে স্পর্শিল তাহার কারণ কিছুই নির্দেশ করিতে পারেন নাই । কেবল বীরভদ্রী দোষ দুর্ঘট বলিয়াই ক্লান্ত হইতে হইয়াছে । আর অধিক বিদ্যায় কুলান হয় নাই । ইহা একপ্রকার নূতন সমস্যা বটে ।

বীরভদ্রী,—দোষ, ভাগ, ভাব, বা যুথ বলিয়া কোন কুলাচার্য্যই স্বীকার করেন নাই; ইহাকে থাক্ মাত্র স্বীকার করিয়া গিয়াছেন । তাহা ও ফুলিয়া মেলে ইহার প্রথম উৎপত্তিস্থান । চট্টবংশে বীরভদ্রীর উৎপত্তি নহে । ইহা সর্বজন বিদিত কথা । যখন বিদ্যানিধি মহাশয় মাধবকে বঙ্গভূষণ চট্টের বংশে স্থানদান করিয়াছেন । তখন হিসাবের মুখে বীরভদ্রী দোষ দুর্ঘট না বলিলে ছাড়ান পান কৈ । পণ্ডিতপ্রবর জ্ঞাত নহেন যে পার্বতীকে ধরিয়া এত টানাটানি কেন ? ইহা বুঝাইতে আর বাকি নাই । পণ্ডিতমহাশয় কিঞ্চিৎ ধ্যানস্থ হইলেই সমস্ত বুঝিতে সক্ষম হইবেন । আর আমরাও লক্ষ্মীআবিষ্ক কলুনি হইতে নিষ্কৃতি লাভ করিতে পারিব । তবে পণ্ডিত মহাশয় বড় গল্প প্রিয় ইহাই ভয়ের বিষয় । গল্প এবং ভ্রম সঙ্কুল সম্বন্ধ নির্ণয় দেখিলেই বুঝা যাইতে

পারে। গ্রন্থকারের পুঁজির অভাবে এইরূপ দশাই ঘটয়া থাকে। গ্রন্থে এইরূপ ভ্রম প্রমাদ বিস্তর থাকিলেও ঐ সকল অংশ আমার আলোচ্য নহে। বীরভদ্রী থাক্ নির্ণয় করা আমার সাধ্যাতীত হইলেও কুলাচার্য্যগণ যেরূপে যাহা উল্লেখ করিয়াছেন। নিম্নেও তদনুরূপ প্রদর্শিত হইল।

## ফুলিয়া মেলে বীরভদ্রী থাক ।

ফুলিয়া মেলে পার্বতী নাথ ঠাকুর নিত্যানন্দাভূজ বীরভদ্রের কন্যা শ্রীমতী ভুবনমোহিনীকে বিবাহ করেন, বীরভদ্রের গাণ্ডি ঠিক ছিলনা। পূর্বে নিত্যানন্দ আপন পরিচয় প্রকাশ করেন নাই। সেই জন্য কুলাচার্য্যগণ সন্দিগ্ধ বটব্যাল বলিয়া স্বীকার করেন। অতএব পার্বতীর কুলে দোষ পড়ে। সেই কারণ কুলীন সম্মান তাহার কন্যা গ্রহণ করিতে আর সাহস করেন না। কন্যা উপযুক্ত হইলে বিবাহ অবশ্যস্তাবী। কাজে কাজেই পার্বতীনাথ জোর করিয়া গয়ঘড় বন্দ্যো লক্ষ্মীনাথ স্ত্রুত হরিকে ধরিয়া কন্যাদান করেন, কিন্তু হরি বন্দ্যো বাসিবিবাহ না করিয়াই পলায়ন করিলেন। পরদিন পার্বতীনাথ হরি বন্দ্যোকে না পাইয়া তাহার পুত্র রামদাসকে ধরিয়া “তুমিই পূর্ব রাত্রে আমার কন্যা বিবাহ করিয়াছ” এইরূপ বলিয়া বল পূর্বক তাহার কন্যার উত্তর বিবাহ দিলেন। এ দিকে বরের মা ও কন্যার মা উভয়ে সহোদরা ছিলেন। অর্থাৎ পার্বতী ও হরি উভয়ে ঘোষ কানুরায়ের কন্যা বিবাহ করায়, এবং সেই কন্যার গর্ভজাত কন্যার বিবাহ প্রসঙ্গে; প্রথমে পার্বতীর কন্যা রামদাসের বিমাতা। পরে পত্নী শেষে আবার ভগ্নী প্রকাশ হইল। এই দোষে বীরভদ্রী থাকের উৎপত্তি হইল।

( বঙ্গের জাতীয় ইতিহাস ) ।

এক্ষণে সামান্য বুদ্ধির সাহায্যে দেখা যাইতেছে যে। শ্রীনিত্যানন্দের গাণ্ডি ঠিক ছিল না। ইহাতেই সন্দিগ্ধ বটব্যাল প্রাপ্ত। বিবেচনা করিয়া দেখুন তাহাহইলে হাড়াই পণ্ডিতের অন্যবংশের পুত্রগণ স্ত্রুদরা



মল্ল হইল কি প্রকারে । সম্বন্ধ নির্ণয়কার ইহা চিন্তা করেন নাই । পূর্বে ঘটকরাজ কর্তৃক জিজ্ঞাসিত হইয়াও শ্রীনিত্যানন্দ আপন পরিচয় দেন নাই । কি কারণে পরিচয় গোপনে, রাখিয়া ছিলেন তাহা অজ্ঞাত । বোধ হয় সে সময় তিনি জাতি গত ভাব গ্রহণে অনিচ্ছুক ছিলেন । সম্বন্ধ নির্ণয় ধৃতকুল চন্দ্রিকা ।

চৈতন্য ভাগবতে শ্রীঅনন্তধাম ।  
 বাঢ়ে অবতীর্ণ হইল নিত্যানন্দ রাম ॥  
 অবধোত নাই ছিল জাতির কথাটি ।  
 হরি বোলে দেয় কোল এই পরিপাটি ॥  
 মহাপুরুষের কার্য্য দোষ বলা নয় ।  
 ইহা বলি কুলাচার্য্য কুলে রাখি দেয় ॥

এই কারণে সন্দিগ্ধ বটব্যাল হইলেন । যখন অন্য বংশের গাঁত্রিও ঠিক ছিল । তখন সুন্দরা মল্ল স্বীকার করিলেই সমস্ত গোল মিটিয়া যাইত । তাহা না হইয়া আবার বটব্যাল কোথা হইতে উপস্থিত হইল । সেই জন্য আমি উচ্চকণ্ঠে জিজ্ঞাসা করিতেছি যে, শ্রীনিত্যানন্দ বংশের সহিত তাহাদের কতদূর সম্পর্ক ? যে হেতু হাড়াই পণ্ডিতের সহিত এতাদৃশ জাতিগত পার্থক্য, যাছাতে অন্য বংশের পুত্র গণের গাঁত্রিও নিশ্চয়্যাত্মিকা । এই সকল বিচার করিয়া দেখিলে সহজেই বোধ হয় যে বীরভদ্রীর পরিবর্তে পার্বতী ঠাকুরী হওয়া উচিত ছিল । নিত্যানন্দ কয়েক দিন মাত্র আপন পরিচয় দেন নাই ইহাই তাহার বিশেষ অপরাধ । কিন্তু কুলাচার্য্যগণ উল্লেখ করিয়াছেন, ফুলিয়া মেলে বীরভদ্রী থাক । ঘোষ কানুরায়ের কন্যার গর্ভজাত কন্যার বিবাহে এই ঘটনা । ইহাতে বীরচন্দ্র কিসে অপরাধী হইল ।

বিদ্যানিধি পুনশ্চ লিখিয়াছেন বীরভদ্রের পিতা নিত্যানন্দের সন্ত্যাস গ্রহণ হেতু জাতি ছিল না । সুতরাং নীচ জাতীয়া কন্যা বিবাহ করেন । এবং অনাচরণায় শূদ্রের অন্ন পর্য্যস্ত খাইতেন । উদ্ধারণ দত্ত সুবর্ণ বণিক ইহার প্রিয় শিষ্য ছিল । উদ্ধারণ হইতেই নিত্যানন্দ পরিবার মধ্যে সুবর্ণ বণিক শিষ্য চলিয়া আসিতেছে । গ্রন্থকার কেবল

স্বর্ণবর্ণিক শিষ্য করিবার কারণ দেখাইয়া ক্ষান্ত হইয়াছেন ।  
অপর অপর নীচ জাতি শিষ্যের খবর লইতে পারেন নাই ।  
নিত্যানন্দ উদ্ধারণের বা নীচ জাতির অন্ন খাইতেন ইহা কোথা পাইলেন ।  
তাহার প্রমাণ না দিয়া গোঁজা মিল দিবার চেষ্টা করিয়াছেন । এখানে  
কেবল অন্ন খাইতেন কি না তাহার প্রমাণ দিলাম । প্রমাণিক গ্রন্থের  
প্রমাণে তাহা বুঝিতে পারিবেন ।

স্বর্ণবর্ণিক উদ্ধারণ দত্ত ভক্তোক্তম ।

যাহার পক্ষান্ন নিতাই করেন ভোজন ॥

ইতি প্রেমবিলাস ।

ইহাতে অন্ন ভোজন কি প্রকারে পাঠকগণ বুঝিবেন । পণ্ডিত  
মহাশয়ের ধৃত চরিতামৃত বচনে চেষ্টা করা যাউক যদি বুঝিতে পারি ।

স্বর্ণবর্ণিক ছিল দত্ত উদ্ধারণ ।

সর্বভাবে নিতায়ের সেবিল চরণ ॥

ইহাতে উদ্ধারণের অন্ন ভোক্তা নিত্যানন্দ ছিলেন কি না তাহা পাঠক  
বৃন্দ অবধারণ করুন । তবে যখন কলুনীকে বিবাহ করিয়া ছিলেন  
তখন পণ্ডিতজির মতে সকলি সম্ভব হইয়া রহিয়াছে ।

যাহা হউক আর অধিক কি লিখিব সময় অনুসারে স্মৃষ্টি ছত্র লেখা  
আমার অভ্যাস নাই । তবে এরূপ বিদ্বান্ বুদ্ধিমান ও সন্নিবেচক  
গ্রন্থকারের হস্তে পড়িলে এইরূপ দশাই ঘটয়া থাকে । ফলতঃ এই  
সকল বিষয় বিবেচনা পূর্বক দেখিলে এক প্রকার বিদ্বেষ বুদ্ধির অবাস্তুর  
বলিয়া প্রতীতি জন্মে । নিত্যানন্দ বংশের উপর যে ভক্তিসূচক মর্যাদা  
জনসাধারণ কর্তৃক গৃহ্য হইয়াছে । বোধ হয় এই ভারাক্রান্ত  
সূক্ষ্মাগ্রভাগ শেল অতিশয় নীচ প্রকৃতির কতকগুলি লোকের অস্তঃ-  
করণে বিদ্ধ হইয়াছিল । আমরা ব্রাহ্মণ হইতে আরম্ভ করিয়া অন্ত্যজ  
জাতি পর্য্যন্ত উদ্ধার করিয়াও সমাজে পতিত না হইয়া বরং গৌরবান্বিত ।  
তাহার উপর আবার বহু দিবস হইতে এতৎকাল পর্য্যন্ত গোষ্ঠীপতির  
আসনে সমাসীন । ইহা তাহাদের সামান্য ক্ষোভের বিষয় নহে । ঐ  
দেষ বুদ্ধির বশবর্তী হইয়াই আমাদের উপর ব্রহ্মণ্যদেবের এতাদৃশ

রূপাকটাক্ষ । ইহার পর যদি বীরভদ্রী বলিয়াও নাশিকা কুঞ্চিত করিতে পারে, তাহা হইলে প্রজ্জ্বলিত হতাশন কিঞ্চৎ পরিমাণে নির্বাপিত হয় । নচেৎ ভস্মসাৎ করিয়া ফেলে ।

এতাবত মহতের নিন্দা প্রমুখ স্বকীয় সম্মান বৃদ্ধি করিতে শ্রীনিত্যানন্দের বংশধরগণ অভ্যস্ত নহেন । সম্মান ও মর্যাদা শ্রীনিত্যানন্দ নিষ্ঠীবন্বৎ পরিত্যাগ করিতেন । এই কারণ প্রভু সন্তানগণ ঐ পুস্তক পাঠ করিয়াও “স্ববুদ্ধি উড়ায় হেঁসে” এই মহাবাক্যের অনুসরণ করিয়াই পূর্ব পূর্ব মনীষিগণ উপেক্ষা করিয়া গিয়াছেন । এক্ষণে আমি বংশবল্লী লিখিতে আরম্ভ করিয়া কুল মর্যাদা প্রয়োজন বিধায় কথায় কথায় বহু দূরে উপস্থিত হইয়াছি । ইহাতেও আমি বিশেষ দুঃখিত । কিন্তু কি করিব কোন বিষয় লিখিতে হইলে সম্পূর্ণ করাই লেখকের কর্তব্য । নচেৎ এ পর্য্যন্ত যাহার ধমনীতে সেই রক্তস্রোত প্রবাহিত ঐরূপ প্রভু সন্তানগণেরও সে গুণের অভাব নাই । এক্ষণে এই পর্য্যন্ত বলিয়া ক্ষান্ত হইলাম যে, শ্রীনিত্যানন্দের পবিত্র বংশে বলাৎকারে বিবাহ বা যবনাদি দোষ কিছুই নাই ।

মহৎকে নীচ বলিয়া কীর্তন করিলে মহতের কোন ক্ষতি না হইয়া লভ্য হইয়া থাকে । প্রত্যুত তাহাকেই লোকে উপহাস করে । এবশ্বিধায় শ্রীনিত্যানন্দ জগদ্গুরু তিনি তাহাই ছিলেন, থাকিবেন, ও আছেন । কেহই তাঁহাকে ঘৃণার চক্ষু দেখিতে ইচ্ছা করিবেন না । বরং লোকসমাজে নিন্দাকারীকেই অপদার্থ জ্ঞানে উপহাস করিবেন । কতদূর তিনি জনসাধারণের অন্তরে প্রবিষ্ট হইয়া মানসোপচার গ্রহণ করিয়াছেন ও করিতেছেন । তাহার প্রমাণস্বরূপ এই শ্লোকটি উদ্ধৃত না করিয়া থাকিতে পারিলাম না । তথাহি—

গৃহীয়াৎ যবনী পাণিং ।

বিশেদা শৌণ্ডিকালয়ম্ ॥

তথাপি ব্রহ্মণো বন্দ্যং নিত্যানন্দ পদাশুভম্ ।

যদিচ আমি উল্লিখিত শ্লোক দ্বারা মার্জ্জনাসহ জাতীয়তাব গ্রহণে প্রস্তুত নহি, তত্রাচ শ্রীনিত্যানন্দের স্বরূপ জ্ঞাপনার্থ লিখিলাম ।

অর্থাৎ শ্রীনিত্যানন্দ যদি যবনী গ্রহণ করেন এবং মস্তাও পান করেন, তথাপি তিনি ব্রহ্মারও বন্দ্যনীয় জানিবেন ॥

ন মধ্যেকান্তু ভক্তাণাম্ গুণদোষোদ্ভবা গুণাঃ । সাধুনাং সমচিত্তানাং  
বুদ্ধেঃ পরমুপেযুষাম ॥

তথাচ—তেজীয়াসাং ন দোষায় বহেঃ সর্বেবাভুজো যথা ॥

সাক্ষাৎ ঈশ্বরের আর কি কহিব কথা ।

মায়া মায়িকের সঙ্গে নাহিক সর্বথা ॥

সাক্ষাৎ ঈশ্বর হয় রাম নিত্যানন্দ ।

বিধি নিবেধের তাহে নাহিক সংস্ক ॥

তৎসন্তান ঈশ্বরাংশ জগতের গুরু ।

জগতের রক্ষাকর্তা বাঞ্ছাকল্পতরু ॥

যদ্যপি বাস্তাশী দোষ তাহে নাহি হয় ।

তবু কুলাচার্য্য বৃথা বীরভদ্রী কয় ॥

ইতি বিদ্যানিধি প্রকরণ সমাপ্তা ।

# মুখেটি বংশ ।

## কীর্তিবাস মুখো ।

আমার খুল্লতাত পণ্ডিতপ্রবর যশস্বী ও মাননীয় শ্রীযুক্ত নবদ্বীপচন্দ্র  
প্রভু যিনি আমাকে পুত্র অপেক্ষাও স্নেহ করিতেন ও ভাল বাসিতেন ।  
যাহা আমার দ্বারা পরিশোধের উপায় নাই, এবং শ্রীনিত্যানন্দ বংশ  
যাঁহার আবির্ভাবে প্রদীপ্ত জ্যোতিঃ বিকীরন করিতেছে । সেই  
মহাপুরুষ যাহা লিখিয়াছেন তাহা নিভুল হইলেও আমি জ্ঞানাভাবে  
বুঝিতে নিতান্ত অনুপযুক্ত । তাহা এই—


এবে কহি মো অধমের বংশ পরিচয় ।  
সুন্দরামল্ল বন্দ্য হইতে ক্রমাগত হয় ॥  
নিত্যানন্দ পিতামহ ওঝা মহাশয় ।  
নিত্যানন্দ যাঁর পৌত্র বন্দ্য উপাধ্যায় ॥  
সপ্তকাণ্ড রামায়ণ ভাষা গ্রন্থকর্তা ।  
কীর্তিবাস পণ্ডিত হন বিখ্যাত এ বার্তা ॥  
তাঁর পিতামহ শ্রীমুরারি ওঝা জানি ।  
সুন্দরামল্ল ভ্রাতৃ প্রপৌত্র হন তিনি ॥  
সুন্দরামল্ল হইতে দ্বাদশ গণনায় ।  
নিত্যানন্দ হইতে দশম এ অধম হয় ॥  
আমি অপরাধি, হই নিরবধি,  
প্রকৃতি পরম মন্দ ।  
শুণেতে লঘিষ্ঠ, পাপেতে গরিষ্ঠ,  
নাম নবদ্বীপচন্দ্র ॥

৩গোলকচন্দ্রের পিতা অদ্বৈতচন্দ্রের বাল্যে কি পরিচয় ছিল তাহা  
জ্ঞাত নহি । তবে তিনি মোকাম নোতা গ্রাম হইতে শুভাগমন করিয়া  
শ্রীনিত্যানন্দ বংশে প্রবেশাধিকার লাভ করেন । সে সময় সুন্দরা-  
মল্লই ছিলেন । নিত্যানন্দ সম্ভানগণ এ পরিচয় দেন না । ইহঁারা  
শুদ্ধ শ্রোত্রিয় বটব্যাল বলিয়া পরিচিত । আমরা সুন্দরামল্ল বা  
ভয়দ্বাজ গোত্রীয় মুখেটি বংশ হইতে ক্রমাগত নহি ।



• ৩ কীর্তিবাস মুখোর ধারা।

উর্দ্ধতম এক দেশ মাত্র।



আমাদের ইহার সহিত বংশের কোন প্রকার সম্বন্ধ দৃষ্ট হয় না।

ইহাই আমাদের ক্ষুদ্রবুদ্ধি বিদ্যা-প্রণোদিত।

অরণ্যকাণ্ডে কীর্তিবাস মুখো কি লিখিয়াছেন দেখুন।

স্থানের প্রধান সেই ফুলিয়া নিবাস।

রামায়ণ গান দ্বিজ মনে অভিলাস ॥

তথাহি কিঙ্কিন্যাকাণ্ডে—

কীর্তিবাস পণ্ডিত মুরারি ওঝার নাতি।

যার কণ্ঠে সদা কেলি করেন ভারতী ॥

( ৯ ) ইনি মালাধর খানির প্রকৃত ইহা প্রসিদ্ধ আছে।


\* উক্ত কীর্তিবাস মুখো চিরকীর্তি রাখিয়া গিয়াছেন। ইনিই সাতকাণ্ড রামায়ণ ভাষা গ্রন্থকর্তা।

উক্ত বনমালীর পুত্র প্রসিদ্ধ কীর্তিবাস' সুন্দরামল্ল বা' বন্দ্য  
উপাধ্যায় নহেন । ( ২৬৫ ও ৫৯৭ পৃষ্ঠা দেখুন সম্বন্ধ নির্ণয় ) এই  
কীর্তিবাস রামায়ণ প্রণেতা ; গজপতি বারানসী পর্য্যন্ত খ্যাত ছিলেন ।

( বঙ্গের জাতীয় ইতিহাস ) ।

২৩৭ পৃষ্ঠা ব্রাহ্মণকাণ্ড দেখুন ।

কীর্তিবাসের বংশাবলী ।



শ্রীহর্ষ হইতে মাধবাচার্য্য ১৩ পুরুষ, মাধবের পুত্র উৎসাহ, তাহার পুত্র আহিত, তাহার পুত্র  
উধো, তাহার পুত্র শিয়ো, তৎপুত্র নৃসিংহ ফুলিয়ার আসিয়া বাস করেন । এবং তাহার বংশাবলী  
ফুলের মুকুটি বলিয়া খ্যাত । কীর্তিবাসী রামায়ণের প্রথমে এইরূপ বংশাবলী আছে ।

## সুন্দরামল্ল বা সিন্দুরাবল্লভ।

প্রকরণ।

ঈশান বন্দ্যো

|  
তারাপতি|  
গদ •|  
বলভদ্র|  
মনোহর|  
দামোদর|  
উদয় নারায়ণ ঠাকুর বা সচ্চিতানন্দ|  
গোপীরমণ  
(নিঃসস্তান)|  
গোপীজনবল্লভ  
(সাং নোতা)|  
রামকৃষ্ণ  
(সাং মালদহ)

উপনিবাস—

বনপাষ কামার পাড়া পরে খড়দহ।

আমি বহু চেষ্টা ও অর্থব্যয়ে একখানি বংশলতা গোস্বামী সমাজ হইতে প্রাপ্ত হইয়াছি। ইহা বহু পুরাতন হস্তলিখিত ও কীটদর্শিত। সেই তালিকা দৃষ্টে এই বংশলতা লিখিয়াছি। কুল পঞ্জিকা বা অপরা গ্রন্থ হইতে ইহা সংগ্রহ করা অতি দুর্কর ব্যাপার। যেহেতু কুলাচার্যগণ কুলীনদিগের বংশ এবং আদান প্রদান বিশেষরূপে বর্ণনা করিয়া গিয়াছেন। বংশজ বা কষ্ট শ্রোত্রিয়ের হিসাব এক স্থানে বা বংশবল্লীর রীতি অনুসারে রাখেন নাই। তবে বন্দ্যঘটীয় তারাপতি হইতে

সুন্দরামল্ল গাঁঞি উৎপত্তি বিধায় কিঞ্চিৎ মাত্র দৃষ্টি হইয়া থাকে । এবং তাহা হইতেই কতক ভ্রমপ্রমাদ শোধন করিবার পথ উন্মুক্ত রহিয়াছে । যেহেতু পূর্বে ইহার কুলীন ছিলেন । পরে গাঁঞি পরিবর্তনের সঙ্গে বংশজে কন্যা দান করিয়াই কষ্টশ্রোত্রিয়ত্ব লাভ করিয়াছেন । অনুমানে ইহাই স্পষ্ট বুঝিতে পারা যায় । দনৌজা মাধবের পূর্বে মুসলমান রাজগণের অত্যাচারের ভয়ে ভীত হইয়া কুলীন সন্তানগণ নানা স্থানে বাসস্থান আরম্ভ করিলেন বটে, কিন্তু উপযুক্ত পাত্রাভাবে কন্যার বিবাহ বন্ধ রাখিতে পারিলেন না । অগত্যা কুলপ্রথা পরিত্যাগ করিয়াই আদান প্রদান আরম্ভ করিলেন । বংশাবলী দৃষ্টি বোধ হয় ১৪ পর্যায় হইতেই আদি বংশজের সৃষ্টি । মোট কথা বুঝিতে হইলে রাজা দনৌজা মাধবের সময় হইতেই প্রকৃত বংশজের সৃষ্টি হইয়াছিল । রাজা দনৌজা মাধব যখন দোষ গুণ অনুসারে কুলীনগণকে বিভাগ করিলেন । সেই কালে যাহারা শাস্ত্র মর্যাদা লঙ্ঘন করিয়াছিল, তাহাদিগকেই বংশজ বলিয়া স্বীকার করিলেন । ইহারাই আদি বংশজ । বংশজগণ স্ব স্ব কোলিণ্য হারাইয়া অন্য অন্য কুলীন সন্তানগণকেও অর্থ বা সুন্দরী কন্যা বা বৃত্তির লোভে বশীভূত করিয়া আপন আপন দলভুক্ত করিবার চেষ্টা করিতে লাগিলেন । তখন কুলাচার্যগণও বিশেষ সতর্ক হইয়া কুলরক্ষার চেষ্টা করিতে আরম্ভ করিয়াছিলেন । দেবীবরের মেল বন্ধনের পূর্বে প্রায় শতাধিক সমীকরণ হইয়াছিল । ইহা মহামহোপাধ্যায় কুবানন্দ মিশ্রের তালিকা পাঠে সহজেই জ্ঞাত হইতে পারা যায় । সুন্দরামল্ল বা সিন্দুরা বল্লভ গাঁঞি ইহার সহিত সপ্তশতী সংস্রব নাই ইহা কে বলিবে । কিন্তু হরি মিশ্র বা এড়ু মিশ্রের সময় যে ৫৬ গাঁঞি কুলপঞ্জিকায় লিখিত হইয়াছে । ইহা সপ্তশতী সংস্রব বিহীন বলিয়াই মনে হয়, এবং তাহার প্রমাণও যথেষ্ট আছে । কিন্তু সুন্দরামল্ল গাঁঞি ইহা হইতে পৃথক্ । বাচস্পতি মিশ্র যখন কুলরাম প্রকাশ করেন, তখন বহু সংখ্যক সপ্তশতী ব্রাহ্মণগণ রাঢ়িয়দিগের সহিত মিশ্রিত হইয়া গিয়াছিল । সেই নিমিত্ত এই সকল অভিনব গাঁঞির উৎপত্তি হইয়া-

ছিল। তাহারই অন্যতম সুন্দরামল্ল বা সিন্দুরা বল্লভ গাঁঞি। বন্দ্য-  
 ঘটীয় গাঁঞি হইতে এই অভিনব গাঁঞির উৎপত্তি হইয়াছে। ইহার  
 উৎপত্তির হেতু কুলপঞ্জিকায় লিখিত আছে। ১৯ পুত্র পর্যায়ে ঈশান  
 বন্দের পুত্র তারাপতি সিন্দুরা গ্রাম নিবাস হেতু সিন্দুরা বল্লভ গাঁঞি  
 হইল। এক্ষণে আধুনিক কুলপঞ্জিকায় সুন্দরামল্ল নামে অভিহিত  
 হইয়া থাকে। এক্ষণে দেখা যাইতেছে সুন্দরা মল্লের আদি পুরুষ  
 তারাপতি বন্দ্য। তৎসংশীয় পুত্রগণ ঐ গাঁঞি প্রাপ্ত হইয়াছে  
 বা সংশ্রব দোষেও প্রাপ্ত হইয়া থাকে। মহা বংশাবলীতে ইহা  
 যথেষ্ট আলোচিত হইয়াছে। বল্লালসেনের সময় বা তাহার  
 পরবর্তী কালে গোণ কুলীনগণ বিশেষ সম্মানিত ছিলেন। কেবল  
 আদান প্রদান নহে কুলীনদিগের সহিত পরিবর্ত্ত পর্য্যন্ত  
 চলিয়াছিল। মহেশ্বর বন্দ্য যিনি বল্লালের সভায় মুখ্য কুলীন  
 বলিয়া সম্মানিত। তিনি গোণ কুলীন অতিরূপ পিপ্ললীর সহিত  
 পরিবর্ত্ত সম্বন্ধ করিয়াছিলেন। ইহাতে দেখাইতেছি যে, এক্ষণে  
 সংশ্রবও পূর্বে বিরল ছিলনা। বল্লাল ব্রাহ্মণগণের আচার ব্যবহার  
 লক্ষ রাখিয়া এইরূপ বিধিবদ্ধ করিলেন যে, কুলীন ভিন্নগোত্রীয়  
 কুলীনের কন্যার সহিত আদান প্রদান করিবে নচেৎ কুলভঙ্গ হইবে।  
 কুলীন সিদ্ধ শ্রোত্রিয়ের কন্যা গ্রহণ করিতে পারিবে এবং তাহাতে  
 তাহার কুলমর্যাদা অক্ষুণ্ণ রহিবে। কিন্তু শ্রোত্রিয়ে কন্যা দান করিলে  
 তাহাদের কুলক্ষয় ঘটিবে। ইহাই কুলধর্ম্ম। যিনি ধ্যান ও জ্ঞান  
 পরাঙ্গুখ, ক্রোধাদির সেবক; লোভী; পরশ্রী কাতর এবং মুর্থ তাহার  
 কুল থাকিবে না। অর্থাৎ নিষ্কুল হইবে। বংশ লোপ, রণ ও পিণ্ড  
 ইহাও কুলক্ষয়ের কারণ হইবে। বলাৎকার দূষিত ও আদান প্রদান  
 বিবর্জিত হইলে তাহার কুলক্ষয় হইবে। কুলপ্রথা নির্দিষ্ট করিবার  
 সময় সকল ব্রাহ্মণই আহুত হইয়া রাজার মতাবলম্বী হইলেন।  
 কেবল বিকর্ত্তন ও তাহার সঙ্গে কতিপয় ব্রাহ্মণ অগ্রাহ করিয়া  
 চলিয়া যান। পূর্বে বা তাহার পরবর্তী কালে কুলীন সম্মান যে  
 কোন শ্রোত্রিয়ের কন্যা গ্রহণ করিতে পারিতেন। রাজা দনোঁজামাধব



শ্রোত্রিয়দিগকে চারিভাগে বিভক্ত করিলেন । প্রথম সিদ্ধ, দ্বিতীয় সাধ্য, তৃতীয় সূসিদ্ধ, চতুর্থ অরি । বিকর্তনাদি পূর্বকথিত দ্বাবিংশতি গ্রামীর অন্তর্গত অথচ কুলীন বা গোণ কুলীন বলিয়া যাহারা গণ্য হন নাই তাহারাই সিদ্ধ শ্রোত্রিয় হইলেন । মোটা কথায় তাহাদের সূদ্ধ শ্রোত্রিয় বলে । কুলীনগণ ইহাদের কন্যা গ্রহণ করিলে তাহাদের কুল পবিত্র ও উজ্জ্বল হইবে । যাহারা সাধন চতুষ্টয়ে যত্নবান্ তাহারাই সাধ্যশ্রোত্রিয় পদবাচ্য যেমন হড় গুড় ইত্যাদি । পূর্বকথিত দ্বাবিংশতি গ্রামীন্ ভিন্ন পঞ্চ গোত্র সম্ভূত বিপ্র সকল সূসিদ্ধ নামধেয় । ইহাদের কন্যাও কুলীন সম্ভান গ্রহণ করিতে পারেন । উক্ত দ্বাবিংশতি গ্রামীন্ হউন বা না হউন যাহার কন্যা গ্রহণ মাত্রে কুলনাশ হয় তাহা-দিগকে কুলনাশক বা অরি শ্রোত্রিয় বলিয়া থাকে । যেমন ছান্দড়িয়া চট্টো, গোমাঞি গঙ্গো, বামন বন্দ্যো ইত্যাদি । সুন্দরামল্ল ইহার অন্যতম, ইহার কুলনাশক এবং অরি শ্রোত্রিয় মধ্যে গণ্য ।\* ইহাতেই বাঁড়ুরি, মুখুটি, চাটুতি, এই সকল শব্দের উৎপত্তি হইয়াছে । অর্থাৎ ইহার কুলমর্যাদা বিহীন উপাধি মাত্র অবশিষ্ট ।

“ধান ভান্তে শিবের গীত” আমরা কথায় কথায় বহুদূরগত । প্রকৃত বিষয় বংশলতার কুড়ি পর্যায়ে সচ্চিদানন্দ বন্দ্যো শ্রীনিত্যানন্দের প্রিয় ভক্ত ছিলেন । এক গ্রামে বাস হেতু দাদা বলিতেন, এবং সতত এক স্থানে থাকিতেন । ক্রমশঃ শ্রীনিত্যানন্দের নিকট যুগল মন্ত্রে দীক্ষিত হইলেন ।

যৎকন্যা লাভমাত্রেন স্বকুলস্থো বিনশতি ।

কেচিদ্ভব কুলেজাতাঃ লক্ষ্মীপত্ন্যাদয়ঃ স্মৃতাঃ ॥

কেচিত্তু শ্রোত্রিয়াঃ প্রোক্তাঃ সুন্দরামল্লবাসিনঃ ॥ ( বাচস্পতি মিশ্র ) ।

সিদ্ধশ্রোত্রিয়—পিপ্পলী, দীর্ঘাঙ্গী, দিগ্বী । সাধ্য শ্রোত্রিয়—মাহিস্ত্যা, হড়, গুড়, পারিহাল ।

সূসিদ্ধ—মাসচটক, কুশারি, পাক্‌ডাশী, বটব্যাল, শিমলায়ী, সিমলা, পোষলী, পালধি, কাঞ্জাড়ী পলসায়ী, পূর্বনন্দী, কুম্ভকুলি, কড়িয়াল, অম্বুলি, ভুরি, বাপুলি, সিয়রি, সাহরি, বহুয়ারি; দক্ষবাটী, তৈলবাটী, দীঘল, কোয়ারী, পারি, বালি, শাটেখরী, ভট্ট, কুলকুলি, দায়রি, পুংসি, সিদ্ধল ও নায়রি ।

অরি—উল্লিখিত সপ্তধর ব্যতীত, আকাশ, ঘোষলী, সেউক ও মূলী, এই চারি গাঁত্রি । রবকুলে জাত লক্ষ্মীপতি প্রভৃতি ও সুন্দরামল্লবাসী শ্রোত্রিয়গণ ও জগদানন্দ মাহিস্ত্যা, গজেন্দ্র দক্ষবাটী এবং পরমানন্দ দিগ্বী, ইহার অরি অর্থাৎ কুলনাশক ।

কিছুদিন পরে তাহার জ্যেষ্ঠ পুত্র গোপীরমণ শক্তি মন্ত্রে দীক্ষিত হইয়া কালগ্রাসে পতিত হইলে পর, উদয় নারায়ণ বা সচ্চিদানন্দ শোকসন্তপ্ত হৃদয়ে কুলগুরুর নিকট উপদেশ না লইয়া গোপীজন-বল্লভ ও রামকৃষ্ণকে যুগল মন্ত্রে দীক্ষিত করাইয়া উভয়কে শ্রীনিত্যানন্দের হস্তে অর্পণ করিলেন। জাহ্নবা দেবী বক্ষ্যা ছিলেন। সেই কারণে তিনি প্রযত্ন সহকারে পুত্র নির্বিবশেষে স্নেহ করিতেন। বালকদ্বয়ও মাতৃহীন ছিলেন। তাহারাও জাহ্নবাকে মাতৃস্থানীয় জ্ঞানে তাহার নিকট বাস করিতে লাগিলেন। কিছুদিন পরে যখন শ্রীনিত্যানন্দ নীলাচলে যাইবার ইচ্ছা করিলেন, সেই সময় শ্রীজাহ্নবার মতানুসারে নোতা ও মালদহের গদি উহাদের উভয়ের মধ্যে বণ্টন করিয়া দিলেন। যাহাতে ঐ মঠ দুইটির কার্য সুশৃঙ্খলে চলে, সেই বিষয়ের উপদেশ দিয়া নীলাচলে প্রস্থান করেন। শ্রীনিত্যানন্দ গৃহত্যাগ করিলে পর শ্রীজাহ্নবা প্রায় নোতায় বাস করিতে বীরচন্দ্র দুঃখিত হইয়াছেন জ্ঞাত হইয়া, খড়দহ মোকামে বাস করিতে আরম্ভ করিলেন। বীরচন্দ্র তখন বালক, এই অবস্থায় তাহাকে ছাড়িয়া গঙ্গার বিবাহ দিয়া তিনি নীলাচলে চলিয়া গেলেন। তৎপরে শ্রীজাহ্নবা বীরচন্দ্রের বিবাহ দেন ও রামচন্দ্রকে একমাত্র পুত্র রাখিয়া শ্রীবীরচন্দ্র লীলা সম্বরণ করিলেন। ‘আমার কথাটি ফুরোলো নটে গাছটি মুড়োলো’। অতএব গোপীজনবল্লভ ও রামকৃষ্ণ বীরচন্দ্রের পুত্র নহেন সম্পর্করহিত ভ্রাতা মাত্র।

আর একটি অপ্রাসঙ্গিক কথা এখানে উত্থাপন করিতে সাধ হইল। পাঠক মহোদয় চপলতা মার্জনা করিবেন। আর একটি প্রসঙ্গ ইহার প্রমাণ স্বরূপ উত্থাপন করিব ॥

ইতি সুন্দরামল্ল সমাপ্ত ।

# রামাই ।

শ্রীজাহ্নবা কেবল গোপীজনবল্লভ ও রামকৃষ্ণকে পালন করিয়াই মাতৃস্থানীয় হইয়াছিলেন তাহা নহে ।

তিনি এইরূপ কীর্তি অনেক রাখিয়া গিয়াছেন । তাহার আর এক পুত্র রামাই । ইহারা বংশজ ভাবাপন্ন পাটুলের চাটুতি । এই রামাইয়ের পিতা চৈতন্য দাস অপুত্রক ছিলেন । তাহার সহধর্মিণী শ্রীজাহ্নবার নিকট পুত্র প্রার্থনা করিলে, শ্রীজাহ্নবা তাহাকে বর প্রদান করিয়াছিলেন ।

তথাহি—

তোমার দুই পুত্র হবে বড়ই উত্তম ।

জ্যেষ্ঠ পুত্র যদি মোরে কর সমর্পণ ॥

কালক্রমে দুই পুত্র হইল । জ্যেষ্ঠ রামাই কনিষ্ঠ শচীনন্দন । যখন পুত্রদ্বয় বড় হইল, জাহ্নবা রামাইকে প্রার্থনা করিলেন ।

তাহার পিতা চৈতন্যদাস জাহ্নবার হস্তে রামাইকে সমর্পণ করিলেন ।

তথাহি—

হরিনাম দিলা তারে অতি সযতনে ।

তবে শুনাইলা ইষ্টনাম হৃষ্টমনে ॥

রাধা কৃষ্ণ কাম মন্ত্র সব শুনাইল ।

ঠাকুর রামের করে ধরি সমর্পিলা ॥

চৈতন্য দাসেরে কৃপা করিয়া তখন ।

বিষ্ণুপ্রিয়া নিজালয়ে করিলা গমন ॥

জাহ্নবা কহিল তবে চলহ রামাই ।

এখানে কি কাজ আর নিজ ঘরে যাই ॥

( ইতি মুরলী বিলাস )

রামাইও শ্রীজাহ্নবাকে কর্ণধার এবং মাতৃস্থানীয় জ্ঞানে পুত্র নির্বিবশেষে পালিত হইতে লাগিলেন । তবে দুঃখের বিদয় খড়দহ ভিন্ন

আর নিত্যানন্দের অপর গাদি ছিল না । নচেৎ রামাই এক গাদির অধিকারী হইয়া নিত্যানন্দের ঔরস পুত্র সাব্যস্ত হইতে পারিতেন । কুলশাস্ত্রে অবগত হওয়া যায় যে ইহারা পূর্বের কুলীন ছিলেন ; এবং পাটুলিয়া চাটুতি বলিয়া বিখ্যাত । কিন্তু ইহারা কত পর্যায় হইতে বংশজ ভাবাপন্ন তাহা সহজে জ্ঞাত হইবার উপায় নাই । তবে আদান প্রদানে জ্ঞাত আছি, চৈতন্য দাসের পিতা বংশীবদনানন্দ চট্টো, যথার্থ বৈষ্ণব চূড়ামণি ছিলেন । তিনি দক্ষের অধস্তন বিংশতি পর্যায়ে জন্ম গ্রহণ করিয়াছিলেন । রামাই দ্বাবিংশ । ইহার মধ্যে দেখা যায় রামাইয়ের অধস্তন চতুর্থ পর্যায়ে লক্ষ্মীকান্ত গোস্বামীর কন্যা বিবাহ করিয়া শ্রীধরের বংশে লক্ষ্মীকান্ত মুখোর দ্বিতীয় পুত্র মাণিক চন্দ্র ভঙ্গ হয় । পুনশ্চ রামেশ্বরের বংশ সম্বৃত্ত কালীপ্রসাদের চতুর্থ পুত্র গোপীনাথের সহিত বৈঁচির পাংচং নিত্যানন্দ গোস্বামীর কন্যা বিবাহে ভঙ্গ । পুনশ্চ ঐ কালীপ্রসাদের পঞ্চম পুত্র গঙ্গাপ্রসাদ বাগনাপাড়া নিবাসী বিশ্বস্তর গোস্বামীর কন্যা বিবাহে ভঙ্গ হন । সুতরাং জ্ঞাত হওয়া যায় যে ইহারা পূর্ব হইতেই ভঙ্গ ভাবাপন্ন । কিন্তু এতাবৎ কুলকার্য্য করিয়া সম্মানিত হইয়া রহিয়াছে । এদিকে বীরচন্দ্র জাহ্নবার বিলম্ব দেখিয়া মাতাঠাকুরাণীর নিকট যাইতেছিলেন ; পথে সাক্ষাৎ হইল । মাতাকে লইয়া রামাইসহ খড়দহে ফিরিয়া আসিলেন । পরে জাহ্নবার আজ্ঞানুসারে বৃন্দাবনে রামাই চলিয়া গেলেন । তৎপরে বাগনাপাড়ায় শ্রীমূর্ত্তি ( রামকৃষ্ণ ) স্থাপন করিয়া বাস করিতে লাগিলেন । এক্ষণে রামাইয়ের ভ্রাতা সচ্চিদানন্দের ধারা শ্রীপাঠ বাগনাপাড়ার গোস্বামী খ্যাতি লাভ করিয়া বর্ত্তমান রহিয়াছে । পূর্বের উক্ত রামাই শ্রীশ্রীরাধার শ্যামসুন্দর জীউর সেবা করিতেন এবং খড়দহে বাস করিতেন ।

রামাই যখন দেবালয় স্থাপন করিয়া অতিথি সংকারে নিবিষ্ট ছিলেন, সেই সময় বীরচন্দ্র খড়দহ হইতে বৈষ্ণবগণের মুখে অতিথি সংকারের সুখ্যাতি শুনিয়া জিজ্ঞাসা করিলেন । বৈষ্ণবগণ আনু-পূর্ব্বিক সমস্ত অবগত করায় বীরচন্দ্র আশ্চর্য্য হইয়া বলিয়াছিলেন যে,

আমার অজ্ঞাত এরূপ ভক্ত কে আছে ? তিনি বারশত নেড়াদিগকে রামাইকে নিগ্রহ করিবার উপদেশ দিয়া পাঠাইলেন । নেড়াগণ হুঙ্কারে বাগনাপাড়ার লোক সকলকে সন্ত্রস্ত করিয়া দুই প্রহর নিশীথে রামাইয়ের দ্বারে উপস্থিত হইয়া প্রসাদ প্রার্থনা করিল । রামাই তাহাদিগকে ভক্তি সহকারে আতিথ্য গ্রহণে অনুরোধ করিলেন । কিন্তু নেড়াগণ বলিল, আমরা যদি কাঁচা আত্র সহকারে ইলিস মৎস্যের ঝোল পাই তবে আহার করিব, নচেৎ চলিলাম । কিন্তু রামাই সেই অগ্রহায়ণ মাসে ইলিন মৎস্য কোথায়, আর কাঁচা আত্রই বা কোথায় পাইবেন । এই চিন্তায় অস্থির হইয়া রামাই শ্রীরামকৃষ্ণের নিকট অশ্রুর্ষণ করিতে লাগিলেন । রামাই নিশ্চেষ্ট নির্বাক । কিছুক্ষণ এই অবস্থায় কাটিয়া গেল ; পরে হাত্মমুখে দেবালয় হইতে বহির্গত হইয়া নদীতীরে প্রার্থনামাত্র বিস্তর মৎস্য হস্তগত হইল । আত্রবৃক্ষের নিকট প্রয়োজন মত রসাল প্রাপ্ত হইয়া নৃত্য করিতে করিতে আবাস বাটীতে প্রবেশ করিলেন । পাকাদি কার্য সমাধা করিয়া নেড়াদিগকে পরিভূপ্ত করিলেন । নেড়াগণ যখন আহার করিতে আরম্ভ করে তখন তাহারা বীরবলাই শব্দে হুঙ্কার করিয়াছিল । সেই সন্দেহে রামাই তাহাদের পরিচয় ও আগমনের কারণ জিজ্ঞাসা করিলেন । নেড়া সম্প্রদায় বলিল আমরা প্রভু বীরচন্দ্রের প্রেরিত ও ভৃত্য । আপনাকে পরীক্ষা করিবার জন্ত আমরা আদিষ্ট হইয়াছিলাম । এই কথা শুনিবামাত্র শ্রীজাহ্নবার নাম করিয়া রামাই বালকের ন্যায় ক্রন্দন করিতে লাগিলেন, এবং একখানি পত্র নেড়াদিগের দ্বারা বীরচন্দ্রের নিকট পাঠাইলেন । বীরচন্দ্র নেড়া সম্প্রদায়ের মুখে আনুপূর্বিক শ্রবণ করিয়া চমৎকৃত হইলেন, এবং পত্র পাঠে অবগত হইয়া বাগনা-পাড়ায় ভ্রাতার সহিত সাক্ষাৎ করিয়া উভয়ে মিলিত হইলেন । এক্ষণে শচীনন্দনের বংশই রামাইয়ের ধারা রক্ষা করিতেছে ।

রামাই সমাপ্ত ।



# শ্রীনিত্যানন্দ বংশবল্লী ।

শ্রীমনিত্যানন্দ প্রভু ১৩৯৫ শকে মাঘ মাস শুক্লপক্ষ ত্রয়োদশী দিনে, ভট্ট নারায়ণ চতুর্বেদীর বংশে বটম্যালোপাধিক শ্রীমুকুন্দ ওঝার ঔরসে বিমল শুদ্ধ শ্রোত্রিয় কুলে একাচক্র গ্রামে ( চিদানন্দ ) জন্মগ্রহণানন্তর বঙ্গভূমি পবিত্র করিয়াছিলেন । তৎপরবর্তী ১৪০৭ শকে শ্রীহরি লোক পাবনার্থ শ্রীচৈতন্য রূপে অবতরি । শ্রীচৈতন্য ইচ্ছাশক্তিময় । শ্রীনিত্যানন্দ ক্রিয়াশক্তিপর । যেরূপ শ্রীবৃন্দাবন লীলাক্ষেত্রে শ্রীঅনন্ত বলদেবরূপী, তদ্রূপ শ্রীনবদ্বীপে নিত্যানন্দ রূপে প্রকট হইয়া কার্যসাধক । ঐ সময় যবনাধিকার প্রযুক্ত জনসাধারণ স্বভাব পরিত্যক্ত ও যবনানুকরণে অনুরক্ত এবং হরিনাম ও হরিভক্তি বিলুপ্তপ্রায় দেখিয়া নদীয়া বিহারী হরি নাম বিলাইয়া জীবের মঙ্গল বিধান করিয়াছিলেন ।

তথাহি—

কৃষ্ণ নাম ভক্তি শূন্য সকল সংসার ।  
প্রথম-কলিতে হৈল ভবিষ্য আচার ॥  
ধর্ম-কর্ম লোক সবে এইমাত্র জানে ।  
মঙ্গল চণ্ডীর গীতে করে জাগরণে ॥  
দস্ত করি বিষহরি পূজে কোন জনে ।  
পুতুলি করয়ে কেহ দিয়া বহু ধনে ॥  
ধন নষ্ট করে পুত্র কন্যার বিবাহে ।  
এইমত জগতের ব্যর্থ কাল যায়ে ॥  
যেবা ভট্টাচার্য্য চক্রবর্ত্তি মিশ্র সব ।  
তাহারা-হো না জানয়ে গ্রন্থ অনুভব ।  
শাস্ত্র পড়াইয়া সবে এই কর্ম করে ।  
শ্রোতার সহিত যমপাশে বান্ধি মরে ॥  
না বাথানে যুগ ধর্ম কৃষ্ণের কীর্তন ।  
দোষ বহি গুণ কারো না করে কখন ॥

যেবা সব বিরক্ত তপস্বী অভিমানী।  
 তা সবার মুখে হ নাহিক হরিধ্বনি ।  
 অতি বড় স্কন্ধতি সে স্নানের সময় ।  
 “গোবিন্দ পুণ্ডরীকাক্ষ” নাম উচ্চারয় ॥  
 গীতা ভাগবত যে যে জন পঢ়ায় ।  
 ভক্তের ব্যাখ্যান নাহি তাহার জিহ্বায় ॥  
 এই মত বিষ্ণু-মায়া মোহিত সংসার ।  
 দেখি ভক্ত সব দুঃখ ভাবেন অপার ॥

( ইতি চৈতন্য ভাগবতে )

এই প্রকার ধর্মের গ্লানি উপস্থিত দেখিয়া ভগবান্ ভক্ত মনোরথ পূর্ণ করিবার অভিলাষে ১৪০৭ শকে শ্রীচৈতন্য কলেবরে প্রকট হইলেন । শ্রীচৈতন্যের আবির্ভাবের পূর্বে শ্রীনিত্যানন্দ প্রকট হইয়া দ্বাদশবর্ষ বয়ঃক্রম কালে অবধূত বেশে তীর্থ পর্যটন হেতু গৃহত্যাগ করিলেন । বিংশতি বর্ষ কাল পর্য্যন্ত তীর্থ পর্যটনানন্তর দ্বাত্রিংশদ্বর্ষ বয়ঃক্রমে পুনশ্চ মথুরাধামে প্রত্যাভর্তন করিয়া শ্রীগৌরান্ধ লীলার উপযুক্তকাল পর্য্যন্ত প্রতীক্ষা করিতেছিলেন । তদনন্তর উপযুক্ত সময় বুঝিয়া শ্রীনবদ্বীপে নন্দন আচার্য্যের গৃহে অবস্থিতি করিতে লাগিলেন । এদিকে শ্রীচৈতন্য পরিকর সহ মহাপুরুষ অনুসন্ধানের ভান করিয়া শ্রীনিত্যানন্দ সাক্ষাৎকার লাভ ও স্বকার্য্য উদ্ধারে যত্নবান্ হইলেন । অর্থাৎ এই মিলনের পূর্বে শ্রীমহাপ্রভু অত্যন্ত চাঞ্চল্য দেখাইতেন । শ্রীনিত্যানন্দ সাক্ষাৎ অবধি তাহার কার্য্যকারকভাব পরিস্ফুট হইয়াছিল । অবশেষে আদি লীলা সম্পূর্ণ করিয়া অন্ত্যলীলার শেষ ভাগে সন্ন্যাস গ্রহণানন্তর নীলাচলে অবস্থান কালে শ্রীনিত্যানন্দকে গৃহী হইতে অনুরোধ করিতে লাগিলেন । শ্রীনিত্যানন্দ কখনও বিধিবোধিত সন্ন্যাস গ্রহণ করেন নাই । সুতরাং গৃহস্বাশ্রমে তাঁহার সম্পূর্ণ অধিকার ছিল । কিন্তু বিশিষ্টাধৈত জ্ঞানই কঠোর অন্তরায় । তাঁহার মনে সংসার কখন স্থান পাইত না । প্রেমানন্দে বিহ্বল শ্রীনিত্যানন্দ একমাত্র নাম ব্রহ্মেরই নির্বিকল্প উপদেষ্টা ছিলেন । অর্থাৎ তিনি সূক্ষ্ম ও সম্পূর্ণ ষড়্গুণ বাসুদেব নামক পরব্রহ্মের অধিকারী ।

শ্রীঅদ্বৈতাচার্য্য গোঁড়ে প্রচারক নিযুক্ত হইয়া গৌরাজের অনভি-  
মতে ভক্তির পরিবর্তে মুক্তিবাদ প্রচার করেন । প্রতি বৎসর গোড়ীয়  
বৈষ্ণবগণ রথযাত্রার সময় গৌরাজ দর্শনে যাইতেন । সেই সময়  
গৌরাজ মহাপ্রভু বৈষ্ণবগণের প্রমুখাৎ জ্ঞাত হইলেন যে, অদ্বৈত প্রভু  
ভক্তি ছাড়িয়া পঞ্চবিধা মুক্তি ব্যাখ্যায় লোক সকলকে ভক্তিহীন  
করিয়াছেন । আপনি সত্বর ইহার উপায় না করিলে ভক্তি বিধায়ক  
নাম বিলুপ্ত হইবে । গৌরাজসুন্দর এই কথা শুনিয়া ক্রোধে উন্মত্তপ্রায়  
নিত্যানন্দের জন্ম বিলাপ করিতে লাগিলেন, এবং গৌরাজ  
অপ্রকটে কিরূপে জীব, ভক্তির অধিকারী হইবে তাহার সদুপায়  
চিন্তা করিয়া শ্রীনিবাসকে প্রকাশ করিলেন ; ও শ্রীনিত্যানন্দকে সংসারে  
প্রবেশ করাইতে মনস্থ করিলেন । \* ইহাই শ্রীনিত্যানন্দের বংশ  
বিস্তারের পক্ষে প্রকৃত কারণ হইয়াছিল ।

তথাহি—

গোড়দেশ হইতে যে যে বৈষ্ণব আইসে ।  
জিজ্ঞাসিলা মহাপ্রভু অশেষ বিশেষে ॥  
কেহ কহে গোড়দেশে নাহি হরিনাম ।  
সজ্জন দুর্জন লোকের নাহি পরিভ্রাণ ॥  
কেহ কহে ভক্তি ছাড়ি আচার্য্য গোঁসাই ।  
মুক্তিকে প্রধান করি গুণায়ইলা ঠাঁঞি ঠাঁঞি ॥  
কেহ কহে মুক্তি বিনা বাক্য নাহি আর ।  
মুক্তি কহি কহি গোঁসাঞি ভাসাইল সংসার ॥

\* শ্রীগৌরাজ সন্ন্যাসীর ধর্ম বিশেষ অধগত ছিলেন । তাঁহার নিকট স্ত্রীসম্ভাষণ পর্য্যন্ত মহা-  
পাতক মধ্যে গণ্য হইত । একদিবস ছোট হরিদাস শিখী সাহিত্যের ভগ্নী মাধবীর নিকট ভিক্ষা  
প্রার্থনা করিয়াছিলেন । সেই অপরাধে মহাপ্রভু তাহাকে ত্যাগ করিলেন ।

তথাহি—প্রভু কহে সন্ন্যাসী করে প্রকৃতি সম্ভাষণ ।

দেখিতে না পারি আমি তাহার বদন ॥

শ্রীনিত্যানন্দ সন্ন্যাসী নহেন, তাঁহার গৃহস্থাত্মনে অধিকার ছিল সেই জন্য তাঁহাকে সংসার কবিত্তে  
বারম্বার অনুরোধ করিতে লাগিলেন ।

## শ্রীনিত্যানন্দ বংশবল্লী ।

শুনিতে শুনিতে প্রভুর ক্রোধ উপজিল ।  
 নিত্যানন্দ বিচ্ছেদ দুঃখ অধিক বাড়িল ॥  
 এই কালে প্রভু স্থানে স্বরূপ রাম রায় ।  
 কহিবারে চাহে প্রভু আনন্দ হিয়ায় ॥  
 আইস আইস ভাল হৈল আইলা দুইজন ।  
 ভক্তি শূন্য হইল গোড় শুনহ কারণ ॥  
 অধৈর্য আচার্য্য হৈল ঈশ্বরের মূর্তি ।  
 ভক্তি ছাড়ি বাখানেন পঞ্চবিধামুক্তি ॥  
 বুঝিতে নারিনু আমি অধৈর্যের মন ।  
 কিসে ভক্তি রহে ইহা কহ দুইজন ॥  
 স্বর্ণা নাহি হয় মনে মুক্তি পাঠ করি ।  
 এ লীলার তিঁহ হন মূল অধিকারী ॥

তথাহি—

ভাবিতে ভাবিতে প্রভুর উদ্বেগ বাড়িল ।  
 ভক্তিশূন্য হইল জীব ভয় উপজিল ॥  
 কিরূপেতে ভক্তি রহিবেক পৃথিবীতে ।  
 গোড়ে কিছু প্রেম নাম চাহি পাঠাইতে ॥  
 নিত্যানন্দ সাক্ষাতে ইহা কিমতে হইবে ।  
 অবিদ্যামানে ভক্তি জীবের কেমনে রহিবে ॥  
 ভট্টাচার্য্য কহে প্রভু নিত্যানন্দের সাক্ষাতে ।  
 বিদ্যামানে প্রেম যেন নাহিবেক বাধে ॥  
 অবিদ্যামানের কথা কি কহিব আমি ।  
 যে তোমার মনে হয় তাহা কর তুমি ॥

তত্রৈব—

নামের আভাসে পাপ করিলেক ধ্বংস ।  
 ভক্তিকে স্থাপন কৈল নিত্যানন্দ অংশ ॥  
 হেন নিত্যানন্দে প্রভু গোড়ে পাঠাইয়া ।  
 পশ্চাতে কি লাগি তুমি ভাবিতে লাগিলা ॥  
 সঙ্গ ছাড়া নিত্যানন্দ করিলাম আমি ।  
 কি করিব বেবা হয় যুক্তি দেহ তুমি ॥

পরে যখন নিত্যানন্দের সহিত তাঁহার সাক্ষাৎ হইল, তখন গৌরাজ তাঁহাকে সমস্ত জ্ঞাত করিয়া বিলাপ করিতে করিতে বলিয়াছিলেন—

আমার সঞ্চিত ধন ফুরাইল । ॥ •  
 জীবের উদ্ধার নাহি হ'লো  
 ধানের দায়ে আমি এখন বিকাইয়া যাই ।  
 আমায় ধররে নিতাই ॥ •

শ্রীনিত্যানন্দ প্রথম নাম প্রচারের কারণ নীলাচল হইতে পোড়ে প্রেরিত হইয়াছিলেন । এইবার গৌরাজের পত্র প্রাপ্তে রথযাত্রার সময় উপস্থিত হইয়া প্রভুর সহিত সাক্ষাৎ করিলে, তাঁহার অনুমতি ক্রমে সংসার করিতে দ্বিতীয়বার প্রেরিত হইলেন । তৎপরে তৃতীয় বার গৌরাজ অপ্রকটে নীলাচলে উপস্থিত হইয়া লীলা সম্বরণ করিলেন ।

তথাহি—

পূর্বে নিত্যানন্দ গৌরচন্দ্র বসি একাসনে ।  
 নীলাচলে সেই যুক্তি করিল নির্জনে ॥  
 তুমি যাও গৌড়দেশে করহ সংসার ।  
 তবে এই সব লোকের হইবে নিস্তার ॥  
 পুনহ আসিব আমি তোমার মন্দিরে ।  
 তোমার গৃহেতে হবে আমার অবতারে ;  
 ভক্তি বিলাইয়া পুনঃ তারিব সংসার ।  
 গুপ্ত অবতার শাস্ত্রে নাহি ত প্রচার ॥

তত্রৈব—

বিকর্ম্ম হুকর্ম্ম করাও তোমাতেই সত্তা ।  
 অবধূত সাজাইলা সংসার ভ্রমাইলা ।  
 মোর নেত্রে পট দিয়া লুকাইয়া রহিলা ॥  
 আপনি প্রেমতে বহুত নাচাইলা ।  
 ভক্তি দিয়া ভক্ত করি বৈষ্ণব করিলা ॥



পুনঃ ভূষা পরাইয়া করিলে বিষই ।  
 আপন বুঝিতে নারি কখন কি হই ॥  
 পুনঃ মোরে কহিতেছ করিতে সংসার ।  
 আপনেতে জাতি ধর্ম করিলে স্বীকার ॥

এবং—

এতেক কহিয়া নিত্যানন্দ মৌন হইল ।  
 প্রভু তাঁর হস্তে ধরি কহিতে লাগিল ॥

তথাচ চরিতামৃতে—

একদিন মহাপ্রভু নিত্যানন্দ লঞা ।  
 ছই ভাই যুক্তি কৈল নিভূতে বসিয়া ॥  
 কিবা যুক্তি কৈল দৌহে কেহ নাহি জানে ।  
 ফলে অনুমান পাছে কৈল ভক্তগণে ॥

ইতি ।

একদিন শ্রীগৌরসুন্দর নরহরি ।  
 নিভূতে বসিলা নিত্যানন্দে সঙ্গে করি ॥  
 প্রভু বলে শুন নিত্যানন্দ মহামতি ।  
 সত্বরে চলহ তুমি নবদ্বীপ প্রতি ॥  
 প্রতিজ্ঞা করিয়াছি আমি নিজ মুখে ।  
 মূর্খ নীচ দরিদ্র ভাসাব প্রেম সূখে ॥  
 তুমিহ থাকিলা যদি মুনি ধর্ম করি ।  
 আপন উদ্যম ভাব সব পরিহরি ॥  
 তবে মূর্খ নীচ যত পতিত সংসার ।  
 বল দেখি আর কেবা করিবে উদ্ধার ॥  
 ভক্তি রস দাতা তুমি তুমি সম্বরিলে ।  
 তবে অবতার বা কি নিমিত্তে করিলে ॥  
 এতেক আমার বাক্য যদি সত্য চাও ।  
 তবে অবিলম্বে তুমি গৌড়দেশে যাও ॥

ইতি চৈতন্য ভাগবতে চ ।

এবম্প্রকার পুনঃ পুনঃ অনুরুদ্ধ হইয়া ক্লিষ্ট প্রায় নিত্যানন্দ বিবাহ  
 করিতে সম্মত হইয়া তীর্থযাত্রাচ্ছলে কতিপয় মহাস্তগণ সহ গৌড়ে

যাত্রা করিলেন । পথে আসিবার সময় ডাহার পূর্বঘটনাবলি স্মৃতি-পথে উদয় হইল । একাচক্র গ্রামে শ্রীনিত্যানন্দের পিতা প্রভুর বিবাহ দিবার অভিলাসে কুনকুন ভ্রাক্ষণের কণ্ঠার সহিত সম্বন্ধ স্থির করিয়া, অপ্রত্যাশিত বৈরাগ্য বাতে কম্পিত হইয়াছিলেন । তাহার আঘাতে পিতা মর্মান্বিত হইয়া ইহলোক পরিত্যাগ করিলেন । এক্ষণে পিতৃ-আকাঙ্ক্ষা স্মরণ পূর্বক তাহা পূর্ণ করিতে মনস্থ করিলেন । গোড়ে পৌছিয়া মোকাম পানিহাটা রাঘব পণ্ডিতের ঘরে আতিথ্য স্বীকার করিয়া, দিবারাত্র নাম ও উচ্চসংকীৰ্ত্তন করিতেছিলেন, কিন্তু ক্ষণে ক্ষণে চিন্তার লক্ষণ তাহার মুখচন্দ্রিমায় প্রকাশ পাইতে লাগিল । একদা রাঘব এইরূপ চিন্তার কারণ জিজ্ঞাসা করায় শ্রীনিত্যানন্দ শ্রীচৈতন্য দেবের আদেশ জ্ঞাত করিলেন । কিন্তু রাঘব ঐ সকল বাক্যের প্রত্যুত্তর না করিয়া মহাস্তম্ভ ও ভক্তবৃন্দ সমভিব্যাহারে শ্রীনিত্যানন্দকে লইয়া নবদ্বীপে উপস্থিত হইলেন ; এবং শ্রীবাসের গৃহে দুই চারি দিবস অবস্থানান্তর প্রত্যাগত হইলেন । কিছুদিন গত হইলে পর, একদিন কীর্তনাবসানে শ্রীমদ্বৈতাচার্য্য ও শ্রীনিবাস এই বিবাহের প্রস্তাব জ্ঞাত করিলেন । মোকাম বড়গাছি নিবাসী রাজা হরিহোড়ের পুত্র কুমার কৃষ্ণদাস, কন্যা অনুসন্ধানে প্রবৃত্ত হইয়া গোড়েশ্বরের প্রধান কৰ্মচারী শালিগ্রাম নিবাসী সারখেলোপাধিক শ্রীসূর্য্যদাস পণ্ডিতের কন্যা মনোনীত করিয়া, শ্রীজয়ানন্দ ঘটকাচার্য্যকে তথা প্রেরণ করিলেন । পণ্ডিত মহাশয় শ্রীনিত্যানন্দকে কন্যাঙ্গানের কথা শ্রবণ মাত্রে অগ্নিবৎ প্রজ্জ্বলিত হইয়া উঠিলেন । শ্রীজয়ানন্দ চক্রবর্তী পুনশ্চ কোন কথা উত্থাপন করিতে সাহসী হয়েন নাই । প্রত্যুত্ত কৃষ্ণদাসকে জ্ঞাত করিলেন মাত্র । কুমার পণ্ডিতের অসম্মতি বুঝিয়া অন্য অন্য স্থানে চেষ্টা করিতেছেন জানিতে পারিয়া, শ্রীনিত্যানন্দ স্বয়ং এই শুভকার্য্য সংঘটনে মনস্থ করিলেন । দৈবক্রমে সেই দিবস স্বপ্নাদিষ্ট হইয়া সূর্য্যদাস কহিতে লাগিলেন ।

তথাহি—ওহে বন্ধু কহে এই অপরূপ কথা ।

কেহ বলে স্বপ্নেতে দেখায় বহু বস্থা ॥

## শ্রীনিত্যানন্দ বংশবল্লী ।

নিত্যানন্দ ব্রহ্ম কিন্তু আচরিত এই ।  
 আমার গৃহস্থ কণ্ঠা দিতে পারি কোই ॥  
 সূর্য্যদাস পণ্ডিত অতি হৃদয় সতৃষ্ণ ।  
 অন্তর দুঃখিত হইয়া কহে রক্ষ কৃষ্ণ ॥  
 হেনকালে গৃহ মধ্যে ক্রন্দন উঠিল ।  
 আচম্বিতে বসুধার কি হইল কি হইল ॥  
 ধাইয়া সবে প্রবেশিলা গৃহের ভিতরে ।  
 ধরি শুয়াইল আনি মণ্ডব দুয়ারে ॥  
 আচম্বিতে অঙ্গ কম্প নয়ন উত্তাল ।  
 সর্ব্বাঙ্গ শীতল মুখে অবারণ ঘাম ॥  
 চিকিৎসকগণ দেখি মরণ নির্দ্ধার ।  
 কদাচিৎ প্রাণ রহে ব্যাধি অপস্মার ॥  
 অকস্মাৎ সন্নিপাত করায় ইহাতে ।  
 কহিয়া চিকিৎসা কৈল বহু শাস্ত্র মতে ॥  
 তথাচ নাহিক কিছু ভালোর বিষয় ।  
 ঔষধি আধার বান্ধি চিকিৎসক কয় ॥  
 অতঃপর কর ইহার পরমার্থ চেষ্টা ।  
 গঙ্গাতীর লও তোমার কণ্ঠা কুল জেষ্ঠা ॥  
 এত শুনি সূর্য্যদাস কান্দিতে লাগিল ।  
 তারে আশ্বাসিয়া গৌরী দাস যে বলিল ॥  
 বুঝি সবে ঠেকিলাম অবধূত স্থানে ।  
 ফিরিয়া আনহ তাঁরে ধরিয়া চরণে ॥  
 যার যার জীবাণু ততক্ষণ ব্যবহার ।  
 মরিলে সম্বন্ধ থাকে কার সনে কার ॥  
 বাঁচাইতে পারে যেই কণ্ঠা দিব তারে ।  
 এই প্রতিশ্রুত বাক্য কহিলু সবারে ॥  
 সবে কহে এই কথা সবাকার দৃঢ় ।  
 সবে মিলি চল নিত্যানন্দ পদে পড় ॥

শ্রীনিত্যানন্দ দাস লিখিয়াছেন—

এইরূপ কথনে কথনে দিন গেল ;  
 পরদিন সূর্য্যদাস সারথেল আইল ॥  
 প্রভু কহে ইহো ককুদ্দি রাজা হয় ।  
 তার দুই কণ্ঠা করিব পরিণয় ॥  
 তথি আসি সূর্য্যদাস নিতাই প্রণমিলা ।  
 স্বপন বৃত্তান্ত তবে কহিতে লাগিলা ॥  
 স্বপন দেখিলু বল রাম নিত্যানন্দ ।  
 মোর কণ্ঠাঘর সহ হইল সম্বন্ধ ॥ •  
 দুই কণ্ঠা সম্প্রদান আমি তাঁরে কৈল ।  
 সন্ন্যাসীয়ে বর পাইয়া কণ্ঠা তুষ্ট হইল ॥  
 স্বপ্ন কথা বলি সূর্য্য আনন্দিত হইল ।  
 নিত্যানন্দ রাম নিয়া শালিগ্রামে গেল ॥  
 বাড়ি গিয়া দেখে কণ্ঠা হইয়াছে মৃত ।  
 বিষধর সর্প তাহে করেছে আঘাত ॥  
 মৃত কণ্ঠা দেখি সূর্য্য করয়ে ক্রন্দন ।  
 হাঁসি নিত্যানন্দ তাঁরে দিলা প্রাণদান ॥  
 সেই কণ্ঠার নাম বসুধা হয় ।  
 তাহার কনিষ্ঠারে জাহ্নবা বলি কয় ॥  
 দুই কণ্ঠা নিত্যানন্দে করিল সম্প্রদান ।  
 হীন কুল সূর্য্যদাস পাইল সম্মান ॥

তথাচ অদ্বৈত প্রকাশে—

হেথা প্রভু নিত্যানন্দ গঙ্গাতীরে বসি ।  
 উদ্ধারণ দত্ত কথা কহে হাঁসি হাঁসি ॥  
 হেন কালে বসুধার মৃত দেহ লঞা ।  
 গঙ্গাতটে আইল পণ্ডিত দুঃখিত হঞা ॥  
 সংকার করিতে সব উছোগ করিলা ।  
 তাঁহি প্রভু হাঁসি সূর্য্যদাসেরে কহিলা ।  
 এই কণ্ঠা যদি মুঞি জীয়াইতে পারি ।  
 তবে মোরে কণ্ঠা দিবে কহ সত্য করি ॥

শুনিয়া পণ্ডিত কহে তাঁর বন্ধুগণ ।  
 জীয়াইলে কত্যা দিব করিলাম পণ ॥  
 তাহা শুনি নিত্যানন্দ আনন্দিত মনে ।  
 মৃত সঞ্জীবনী নাম দিল তার কাণে ॥

যে প্রকারেই হউক না কেন, বৃন্দাবন দাস অপস্মার রোগ  
 লিখিয়াছেন । শ্রীনিত্যানন্দ দাস ও অদ্বৈত প্রকাশকার সর্পাঘাত  
 বলিয়া বর্ণন করিয়াছেন এই মাত্র প্রভেদ ।

### অপস্মার নিদানম্ ।

চিন্তাশোকাদিভির্দোষাঃ ক্রদ্ধা হৃৎশ্রোতসি স্থিতাঃ ।  
 কৃত্বা স্মৃতেৰপধ্বংসমপস্মারং প্রকুর্কতে ॥  
 তনঃ প্রবেশ সংরস্তো দোষোদ্রেকহতস্মৃতেঃ ।  
 অপস্মার ইতি জ্ঞেয়ো গদোঘোরশ্চতুর্বিধঃ ॥

অনিলজ, পৈত্তিক, শ্লেষ্মিক, এবং ত্রিদোষজ এই চতুর্বিধ অপস্মার । অতি  
 প্রবৃদ্ধ বাতাদিদোষ সকল স্মৃতিনাশ পূর্বক এই ঘোরতর ব্যাধি উৎপন্ন করে  
 বলিয়া ইহার নাম অপস্মার । অপস্মারকে পণ্ডিতগণ অসাধ্য বলিয়া নির্দেশ  
 করিয়াছেন । বায়ু, পিত্ত ও কফজাত যে অপস্মার জন্মে তাহা সাধ্য । সন্নিপাত  
 দ্বারা যে অপস্মার উৎপন্ন হয় তাহা প্রত্যাখ্যেয় । দোষজ অপস্মার যখন  
 আগন্তুর ( দেব গ্রহাদির ) সংযোগ হয়, তখন ভিষগ্বরেরা সাধারণ কৰ্ম্ম ও  
 মন্ত্রাদির প্রয়োগ করিতে উপদেশ দেন । ৮ অধ্যায় ৮ শ্লোকে এবং ১২ শ্লোকে  
 নিদান স্থানে উক্ত হইয়াছে । অর্থাৎ সর্প দংশনে, বিষ প্রয়োগে যা বিস্মৃতিকা  
 ও অপস্মার রোগে রোগী মৃতবৎ প্রতীয়মান হইলেও জীবনীশক্তি তৎক্ষণাৎ  
 অন্তর্হিত হয় না । কখন কখন এই সকল রোগগ্রস্ত ব্যক্তিকে পুনর্জীবিতের  
 ত্রায় দেখা যায় এবং আরোগ্যলাভ করে । এস্থলে বসুধার অপস্মারই হউক বা  
 সর্পাঘাতই হউক ঘটনাচক্রে সমস্ত একরূপ দৃষ্ট হইতেছে । কিন্তু আমার বিদ্বান্  
 গ্রন্থকার মহাশয় কলুর কথা কোথা পাইলেন । এবং তাত্ত্বিক মতে পুনশ্চ  
 ভেকে বিবাহ এবং সেই জন্ত তাহার পুত্রের বীর উপাধি হইয়াছিল । এই সমস্ত  
 ইতুরে কথা কোথা হইতে পাইলেন । ইহা বোধ হয় তাহার বিচার বহর হইতে  
 অবতারণা করিয়াছেন । যাহা হউক আমরা তাহাতে দুঃখিত নহি । কারণ  
 যদি কোন শিষ্ট বা সুধী ব্যক্তির দ্বারা বর্ণিত হইয়া প্রকাশিত হইত তাহা হইলে



আমাদের ক্ষোভের বিষয় ছিল । এস্থলে “স্ববুদ্ধি উড়ায় হেঁসে” এই মহাবাক্য স্মরণ করাই যুক্তিযুক্ত । বাল্য কালের শ্লোক পাঠক মহাশয় মনে করুন !

হর্জনঃ পরিহর্জব্যো বিদ্যালঙ্কতোহপিসন্ ।

মনিনা ভূষিতঃ সর্পঃ কিমসৌ ন ভয়ঙ্করঃ ॥

এক্ষণে প্রকৃত কথা, সূর্য্যদাসের স্বপ্ন গ্রন্থকারগণ একরূপই বর্ণনা করিয়াছেন । পাঁচ সাত খানিরও অধিক প্রাচীন ও প্রামাণিক গ্রন্থ নিচয়ে যাহা ঐক্যমতে বিশদরূপে বর্ণনা দৃষ্টি গোচর হইতেছে তাহা অবশ্যই বিশ্বাস যোগ্য । কিন্তু ইহতে বিশ্বাস স্থাপন না করিয়া কলকণ্ঠ নিঃসৃত গল্প কেহ বিশ্বাস করিয়া পুস্তকে সন্নিবিষ্ট করে না । কেবল খুড়িমার গল্পই যে গ্রন্থের ভিত্তি তাহার কথা উল্লেখ করিতেও প্রবৃত্তি জন্মে না ।

তথাহি—

প্রভু বসি গঙ্গাতীরে বটবৃক্ষ তলে ।

কৃষ্ণ কৃষ্ণ বলে নেত্রে বারিধারা চলে ॥

স্বগণ সহিতে গৌরীদাস পারে পড়ে ।

প্রভুধরি উঠাইলা মরিয়া চাপড়ে ॥

ভুলিয়া রহিলি সব মূর্থ গোয়ালিয়া ।

কণ্ঠে ধরিল প্রভু এতেক বলিয়া ॥

( ইতি বৃন্দাবন দাস । )

অত্যন্ত কাতর গৌরীদাস প্রভুর স্মরণ গ্রহণ করিলে বসুধাকে আরোগ্য করিলেন । সূর্য্য দাস ও পূর্ব্ব প্রতিজ্ঞানুসারে বিবাহ দিতে স্বীকৃত হইলেন । শ্রীনিত্যানন্দ এক বৃদ্ধ ব্রাহ্মণ সহ উদ্ধারণকে সঙ্গে দিয়া প্রভুর পারিষদগণকে সংবাদ প্রেরণ করিয়া কুমারকে বিবাহের সংবাদ জ্ঞাত করিলেন । কুমার কৃষ্ণদাস প্রভুর বিবাহের সমস্ত ব্যয় ভার বহন করিতে স্বীকার করিয়া, অদ্বৈতাচার্য্য সহ বড়গাছি উপস্থিত হইয়া রাজ বাটীতে নমস্ত বিবাহের দ্রব্যাদি উদ্যোগ করিতে আদেশ দিয়া ; উভয়ে সালীগ্রামে উপস্থিত হইলেন । প্রভুর সহিত সাক্ষাৎ করিয়া উভয়ের পরামর্শ মতে বড় গাছির রাজ বাটী হইতে


বিবাহ স্থির করিলেন । সূর্য্যদাস ও তাহার ভ্রাতা পরামর্শ করিয়া বিনতিসহকারে কুমারকে উভয়ের হিতকর বাক্য সকল কহিতে লাগিলেন । যদি চ আমরা জ্ঞাত হইয়াছি যে নিত্যানন্দ সন্ন্যাস গ্রহণ করেন নাই ; তত্রাচ পণ্ডিত সকল ব্যবস্থা দিয়াছেন যে । শ্রীনিত্যানন্দের অবৈধ সন্ন্যাসীর বেশে আশ্রম বিহীন হইয়া ভ্রমণ, ব্রাহ্মণের পক্ষে অবৈধ অনুষ্ঠান মধ্যে গণ্য । ধর্ম্মশাস্ত্র মতে ব্রাহ্মণ নিরাশ্রমী হইয়া একক্ৰণ ও থাকিবে না । অপি চ দ্বিতীয় আশ্রম সম্পূর্ণ না হইলে তৃতীয় বা চতুর্থে ব্রাহ্মণ অধিকারী নহে । তথাহি ষাঙ্কবক্ষ্যঃ “বাণপ্রস্থশ্রমং বক্ষ্যে তৎশৃণুস্তু মহর্ষয়ঃ । পুত্রেষু ভার্য্যাং নিঃক্ষিপ্য বনং গচ্ছেৎ স হৈববা” । ইতি ॥ নিত্যানন্দ সন্ন্যাসী ছিলেন না, এবং বাণপ্রস্থ ও নহেন । ঐ সকল আশ্রমোচিত অনুষ্ঠানও তাহার ছিল না । সন্ন্যাসী বেশে নাম সংকীর্তন করিয়া বেড়াইতেন এবং সন্ন্যাসীর সহিত থাকিতেন । তাঁহার পথ স্বতন্ত্র এবং বিধি নিষেধ সম্বন্ধে তিনিই কর্তা ও উপদেষ্টা, পূর্ব পূর্ব বিধি নিষেধের বশবর্তী না হইলে ধর্ম্মপ্রচারকগণকে পাপী হইতে হয় না । তাঁহার পস্থা ও শিক্ষা তাহার নিজস্ব হেতু নিত্যানন্দ প্রায়শ্চিত্তাই নহেন । তত্রাচ নিত্যানন্দের সন্ন্যাসীর বেশ ভূষা গ্রহণ হেতু পুনসংস্কার আবশ্যিক । নচেৎ বিবাহ সংস্কারে অধিকার জন্মিবে না । যদি চ আমরা বিবাহ দিতে অঙ্গীকার করিয়াছি । কিন্তু এই সংস্কার আমার বাটীতে সম্পন্ন হইবে । তাহা হইলে সমাজে নিন্দনীয় হইতে হইবে না । এই বাটীতে কার্য্য শেষ করিয়া বড়গাছি রাজবাটীতে বিবাহ অঙ্গভূত মাজলিক কার্য্য সমাধা করিবেন । নচেৎ সমাজে নিন্দনীয় হইতে হইবে । এক্ষণে আপনি সন্তোষের সহিত স্বমত প্রকাশ করিলে আমরা দিন স্থির করিতে পারি ।

এই প্রকার ধর্ম্মসংগত প্রস্তাবে কুমার সম্মত হইলেন । এবং ঐ দিবস কুলাচার্য্য অধ্যাপক ও গ্রামস্থ ব্রাহ্মণ সকলকে আহ্বান করাইয়া কুমার কৃষ্ণদাস নিজব্যয়ে তাহাদিগকে যথোচিত সম্মানিত









শ্রীমতী কামিনী যশি দাসী প্রদত্ত ।





করিয়াছিলেন । ঐ সমস্ত বিধি বোধিত কার্য শেষ করিয়া আচারাৎ  
শ্রীনিত্যানন্দ দিবসত্রয় সূর্য্যদাসালয়ে অবস্থিতি করিয়াছিলেন ।  
একদা নিত্যানন্দ কৃষ্ণপ্রসাদ ভোজন করিতেছিলেন । শ্রীমতী  
জাহ্নবা পরিবেশন করিতে তাঁহার শ্রীমস্তকের বসন শ্লথ হইল । লজ্জা  
বশতঃ শীঘ্র অপর দুই হস্তে সম্বরণ করিলেন দেখিয়া, শ্রীনিত্যানন্দ  
তাঁহার হস্ত ধারণ পূর্ব্বিক স্বকীয় দক্ষিণে উপবেশন করাইয়া সূর্য্যদাসের  
নিকট কোঁতুকে যৌতুক গ্রহণের উল্লেখ করিয়াছিলেন ।

তথাহি—

কৃষ্ণের প্রসাদ অন্ন করেন ভোজন ।  
বারে বারে জাহ্নবা দিছেন ব্যঞ্জন ॥  
সূর্য্যদাসের কন্যা হইলেন বস্তুর কনিষ্ঠা ।  
বাণ্যাবস্থাবধি তাঁর নিত্যানন্দে নিষ্ঠা ॥  
পরশিতে শ্রীমস্তকের বসন খসিল ।  
আর দুই ভূজে বাস সন্ত্রম করিল ॥

( বৃন্দাবন দাস । )

কোঁতুকচ্ছলে জাহ্নবাকে যৌতুক বলিয়া স্বীকার করিয়াছিলেন  
এই মাত্র অপরাধ । তৎপরে কুমার প্রভুকে লইয়া বড়গাছি উপস্থিত  
হইলেন । এবং বিবাহের উদ্যোগ করিতে আরম্ভ করিলেন ।

তথাহি—

সর্বত্র ব্যাপিল শুভ বিবাহের কথা ।  
অপূর্ব্ব সম্বন্ধ সভে কহেন যথাতথা ॥  
বড়গাছি গ্রামের নিকট প্রবেশিতে ।  
গ্রামবাসী লোক আসে আগুসারি নিতে ॥

নির্দৃষ্ট দিবসে কুমার শুভক্ষণে প্রভুর গাত্র হরিদ্রা ও শুভাধিবাস  
শেষ করিলেন ।

তথাচ—

বাঙ্কণ সঙ্কনগণ বৈসে চারি পাশে ।  
মধ্যে নিত্যানন্দ শোভে শুভ অধিবাসে ॥

নেত্র ভরি দেখে নারী পুরুষ সকল ।  
 হৈল মঙ্গল ময় বাদ্য কোলাহল ।  
 অধিবাসে আইলা যত ব্রাহ্মণ সজ্জন ।  
 নিজ গৃহে কৈলা সবে সন্তোষে গমন ॥

এবং—

নিত্যানন্দ চন্দ্রের হৈল অধিবাস ।  
 যানে চড়ি শীঘ্র গৃহে গেল সূর্য্যদাস ॥  
 মনে মহা আনন্দ লইয়া বিপ্রগণে ।  
 করায় কণ্ঠার অধিবাস শুভক্ষণে ॥

“কণ্ঠার” ইত্যুপলক্ষণং—

লোক শাস্ত্রমতে সূর্য্যদাস ভাগ্যবান্ ।  
 নিত্যানন্দচন্দ্রকৈল দুই কণ্ঠাদান ।

( ইতি রত্নাকরে )

পাঠক বৃন্দ দেখুন এখানে ফাউ বা যৌতুক বুঝায় । কিম্বা দুই  
 কণ্ঠাই বিধি পূর্বক দান প্রতিপন্ন হইতেছে ।

তৎপরে কুমার আচার্য্যে দ্রব্যসস্তার শালিগ্রামে প্রারণ করিলেন ।  
 তথাহি—“চারিপাশে বিপ্রগণ ধন্য মানে, চাহি কণ্ঠা-পানে হরষহিয়া ।  
 বেদধ্বনি করি, করে আশীর্ব্বাদ, ধান্য দূর্ব্বা দুহু মস্তকে দিয়া ।” বিবাহ  
 দিবসে গোপুলি সময়ে বড়গাছি হইতে সমারোহে সকলে বরানু-  
 গমন করিয়া ছিলেন । গ্রামের ব্রাহ্মণ ও ভদ্র বিষয়ী লোক সকল  
 এবং তৎপার্শ্ববর্তী পঞ্চগ্রামীন্ ব্রাহ্মণগণ ও সকলেই বরানুগমনে  
 প্রবৃত্ত হইয়া তৎকালের শোভাবর্ণন করিতেছেন । যথা—

কোটা মনমথ গরব ভর হর ।  
 পরম সুন্দর নিতাই হলধর ॥  
 করত গমন চড়ি নব, চৌদোলে ছবি ছলকয়ে ॥  
 বেশ বিরচি বিবাহ মত কত, ভাঁতি ভূষণ অঙ্গে বিলসত ।  
 ললিত লোচন কঞ্জ মুখ মৃদু, হাস মুগ্ধল বলকয়ে ॥

এবং—

বহুবিধ তৈজসাদি বস্ত্র আভরণ ।  
সাক্ষাৎ পণ্ডিত কৈল জামাতাবরণ ॥  
পুনঃ কন্যা আনিয়া করিল সম্প্রদান ।  
পূর্বাপর আছে যান বেদের বিধান ॥

এই স্থানে পুনঃ শব্দে জাহুবাক্কে বুঝাইতেছে ইহা স্পষ্ট ।  
যৌতুক কেবল নহে, বেদ বিধান মতে সম্প্রদান উক্ত হইয়াছে ।  
( ইহাতেও নিদ্রাভঙ্গ হয় নাই আশ্চর্য্যের বিষয় বটে । )

তথাচ—

বরকন্যা লইলেন গৃহের ভিতর ।  
দিব্য শয্যা পুষ্পময় পাতিয়া বাসর ॥  
বিদগ্ধ যুবতী সব প্রবেশিলা ঘরে ।  
রঙ্গ পরিহাসে সবে জাগিল বাসরে ॥

এবং—

এমত আনন্দ রাত্রি প্রভাত হইল ।  
মান করি প্রভু কুশণ্ডিকাতে বসিল ॥  
বিধি শাস্ত্রযজ্ঞাদিক কন্ম সব কৈল ।  
তার পরে শত শত ব্রাহ্মণ ভূঞ্জিল ॥

সমস্ত কার্য্য নির্বিঘ্নে নিৰ্বাহ করিয়া বর ও কন্যাদ্বয় সহ কুমার  
কৃষ্ণদাস বড়গাছি রওনা হইলেন ।

তথাহি রত্নাকরে—

বিবাহ পরদিন হৈল মহানন্দ ।  
সর্ব মনোরথ কৈল সিদ্ধ নিত্যানন্দ ॥  
বিদায় সময় সূর্য্যদাস দৈত্র্য করি ।  
কহিল যতেক তাহা কহিতে না পারি ॥

শ্রীনিত্যানন্দ নববধূদ্বয় সহ বড়গাছি রাজবাটীতে উপস্থিত হইলেন ।  
কৃষ্ণদাসের মাতা এবং শ্রীবাসও অপরাপর প্রভুর অন্তরঙ্গ মিলিত হইয়া  
নব বধূদ্বয় ঘরে তুলিলেন । সেই দিবসের কল্যাণকর কার্য্য সমস্ত  
শেষ করিয়া পূর্ণ মনোরথ হইয়াছিলেন ।

তথাহি—

বসুধা জাহ্নবা সহ প্রভু নিত্যানন্দ ।  
 আইলেন বড়গাছি হৈল মহানন্দ ॥  
 শ্রীবাসের ভার্য্যাদি প্রবীনা সকল ।  
 কৈল যে বিহিত হইয়া আনন্দে বিহ্বল ॥  
 শ্রীবারুণী বেরতী-বংশ সম্ভবে ।  
 তন্তু প্রিয়ে বসুধাচ জাহ্নবী ॥  
 শ্রীসূর্য্য দাসাখ্য মহাত্মনঃ স্মৃতে ।  
 ককুদ্মি রূপশ্চ চ সূর্য্য তেজসঃ ॥  
 কেচিৎ বসুধাদেবীং কালাবানীং বিবৃধতি ।  
 অনঙ্গমঞ্জুরীং কেচি জ্জাহ্নবীঞ্চ প্রচক্ষতে ॥  
 উভয়ঞ্চ সমীচীনং পূর্ব্ণায়াং সতাংমতং ॥

কিছুদিন বড়গাছি গ্রামে বাস করিয়া নদিয়ায় আইর সহিৎ সাক্ষাৎ করিতে আসিলেন। বসু জাহ্নবাকে দেখিয়া আই অত্যন্ত আহ্লাদিত হইলেন, কিছুদিন নবদ্বীপে রাখিয়া পরে শান্তিপুর হইয়া সপ্ত গ্রামে কিছুদিন বাস করিতে লাগিলেন। পরে প্রভুর ভক্ত ও আত্মীয়গণের অনুরোধে শ্রীপাঠ খড়দহে বাসবাটী নির্মাণ করিয়া বসু জাহ্নবাসহ বাস করিতে লাগিলেন। কিছুদিনে শ্রীনিত্যানন্দ প্রভুর সাতপুত্র জন্মে। এই সকল পুত্র শ্রীঅভিরাম গোস্বামীর প্রণামে কালগত হইয়া অবশেষ এক পুত্র বীরচন্দ্র ও গঙ্গাদেবী একমাত্র কন্যা জন্মে। এই পুত্র ও কন্যা জীবিত রহিলেন। এই পুত্র ও কন্যা দেখিয়া অভিরাম কহিয়াছিলেন—

নাচি বোলে অভিরাম ঈশ্বরংশ হয় ।  
 জগৎ উদ্ধার হবে জানিহু নিশ্চয় ॥  
 বীরভদ্র প্রভু হয় ঈশ্বরাবতার ।  
 তাহার রূপায় হইল জগৎ উদ্ধার ॥

( নিত্যানন্দ দাস । )

শ্রীবসুধা গর্ভ সম্ভূত বীরচন্দ্র শ্রীপাঠ খড়দহ গ্রামে জন্ম গ্রহণ করিলেন ।

তথাহি অদ্বৈত প্রকাশে—



মহাপ্রভুর অপ্রকটে শ্রীবসুধা মাতা ।  
 শুভক্ষণে একপুত্র প্রসবিল তথা ॥  
 নিত্যানন্দাশ্রয় তিহ হয় সদানন্দ ।  
 জগতে বিখ্যাত নাম হৈল বীরচন্দ্র ॥

এবং—

শুভদিন শুভলগ্ন শুভক্ষণ পাইয়া ।  
 ঈশ্বর আপন বাক্য সুদৃঢ় জানিয়া ॥  
 শরৎ কৃষ্ণানবমীতে বেঙ্গল দিবসে ।  
 ঈশ্বরবির্ভাবে সবলোক ভাষে ॥  
 তিন লোকে জয় জয় হ'রধ্বনি হৈল ।  
 দেবলোক নরলোক আনন্দে ভাসিল ॥  
 ধন্য ধন্য বসুলক্ষ্মী বলে সব জন ।  
 পুত্র প্রসবিল যেন চন্দ্র বদন ।  
 পঞ্চদশ মাস তেজোরূপিয়ে রহিলা ।  
 মার্গশীর্ষ শুক্লচতুর্থে প্রসবিলা ॥  
 বীরচন্দ্র রূপে পুনঃ গৌর অবতার ।  
 যেনা দেখেচে সে দেখুক এবার ॥

( ইতি বৃন্দাবন দাস । )

প্রতিশ্রুতি পূর্ণ করিবার জন্মই শ্রীগৌরানন্দেব বীরচন্দ্র রূপে  
 জন্মগ্রহণ করিলেন । একদা নিত্যানন্দ বহির্বাটীতে উপবিষ্ট  
 আছেন । এমন সময় দাদা রবে অভিরাম গোস্বামী রূপী শ্রীদাম  
 গৃহে প্রবেশ করিলেন । নিত্যানন্দ তাহার গলদেশ ধরিয়া দাদা  
 বলিয়া দিব্যাসনে বসাইলেন । অভিরাম কহিলেন দাদা তোমার  
 পুত্র জন্মগ্রহণ করিয়াছে দেখিতে আসিয়াছি । আমাকে ছেলে  
 দেখাও । নিত্যানন্দ আনন্দ সহকারে বলিলেন দাদা তোমার তো  
 ছেলেদেখা নয় প্রণাম করা । তা-কে কোথাকার এসেছে তুমিত  
 সকলি জান । ঐ সময় বসুধা ঠাকুরাণী অভিরামের আগমন জ্ঞাত  
 হইয়া অত্যন্ত কাতর এবং কিংকর্তব্য বিমূঢ় হইয়া পুত্রের নিকট

উপবিষ্টা ছিলেন । এমন সময় অভিরাম অন্তঃপুরে প্রবেশ করিয়া সুন্দর খট্টোপরি বীরচন্দ্রকে দেখিয়া সাক্ষাৎ প্রণাম করিলেন । তৎপরে অনিমেষে শিশুকে নিরীক্ষণ করিয়া মহাপুরুষোচিত লক্ষণ দেখিতে পাইলেন । পুনশ্চ প্রভুর চরণতলে দ্বিতীয়বার প্রণাম করিয়া দর্শন করিতে লাগিলেন । কিন্তু কোনপ্রকার ব্যতিক্রম না দেখিয়া তৃতীয় বার সাক্ষাৎ প্রণামাস্তর ক্ষান্ত হইলেন । তখন বীরচন্দ্র হাস্য করিয়া পদচারণে সন্দিগ্ধচিত্ত অভিরামকে কৃতার্থ করিয়াছিলেন । অভিরাম হরিধ্বনি সহকারে গৃহ নিষ্ক্রান্ত হইলেন । বীরচন্দ্রও দিন দিন চন্দ্রকলার গায় বৃদ্ধিপ্রাপ্ত হইতে লাগিলেন ।

---

## বীরচন্দ্রের বিবাহ ।

জহুবাদেবী আখণ্ড বক্সা ছিলেন শ্রীবসুধাগর্ভ সম্ভূত বীরচন্দ্র বাল্যলীলা শেষ করিয়া ক্রমে কৈশোর প্রাপ্ত । যদিচ তিনি বিছা বা তপস্শায় পিতা নিত্যানন্দ অপেক্ষা মৃদু ছিলেন না । তত্রাচ চাঞ্চল্য বশতঃ ঐশ্বৰ্যের প্রলোভনে প্রতারিত হইয়া অমানুষী কার্য সকল প্রদর্শন করিতে আরম্ভ করিলেন । সেই কারণ শ্রীনিত্যানন্দ তাহার উপর বিরক্ত এবং বাজীকর বলিয়া ঘৃণার চক্ষে দেখিতেন । একদা উপদেশচ্ছলে বীরকে কতকগুলি সাধক সুগম ও সুললিত শিক্ষা দিয়াছিলেন । যেসকল কার্য ও বিষয় লইয়া উন্মত্তপ্রায় হইয়াছ, ইহা পরমার্থ বা তত্ত্ব প্রাপ্তির সাধক নহে । বরং ঐ সকল বিষয়ের আলোচনায় সাধনার পথ একেবারে বন্ধ হইয়া যায় । ক্রমে যাদুকর বা বুজুর্কথ খ্যাত হইয়া লোক সমাজে প্রসিদ্ধিলাভ করতঃ ব্যবসার দ্বার উদঘাটিত হয় ও লক্ষ্য ভ্রষ্ট হইয়া পড়ে । তখন ইহাই তাহাদের পরমপুরুষার্থ অনুমীত হয় । যদিচ অনিমাদি অষ্টসিদ্ধি সাধককে আপনা হইতেই পূর্বপর্যায় আশ্রয় করে । ফলতঃ যাহারা অপক যোগী তাহাদিগের উপর সিদ্ধি নিচয় প্রভুত্ব স্থাপন করিয়া শনৈঃ যোগভ্রষ্ট করিয়া অধঃপাতিত করে । কার্যতঃ পরমার্থের আর আকাঙ্ক্ষামাত্র থাকেনা । অতএব তুমি এই সকল প্রলোভন ত্যাগ কর । কিন্তু বীরচন্দ্র পিতার উপদেশ দুর্বোধ্য বিধায় অবহেলা করিয়া গৃহত্যাগে কৃত সংকল্প হইলেন ।

গৃহত্যাগের পর পূর্ববঙ্গে কয়েকদিন ধর্ম প্রচার করিতেছিলেন । দেখিলেন বৌদ্ধগণের প্রবল অত্যাচারে হিন্দু একেবারে অবসন্নপ্রায় । পূর্বের গোঁড়ে নীচ জাতীয় অত্যাচার সামান্য ছিলনা । তাহার পর বৌদ্ধ অভ্যুত্থানে প্রায় সকল জাতিই বৌদ্ধ ধর্মানুরাগী হইয়াছিল । বিশেষতঃ বহু নীচজাতি বৌদ্ধ ধর্ম গ্রহণ করিয়াছিল । ললিতবিস্তারে তাহার আভাষ প্রাপ্ত হওয়া যায় । কিন্তু বীরচন্দ্রের বঙ্গদেশ

আগমনের অব্যবহিত পূর্বে রাজোৎসাহে ও ব্রাহ্মণ গণের চেষ্টায় মনের স্রোতঃফিরাইয়াছিল বটে । কিন্তু নিকৃষ্টের পক্ষে কোন উপায় স্থির হয় নাই । ব্রাহ্মণ বা সংশূদ্র অনেকেই পূর্বভাব স্বীকার করিয়া হিন্দুদিগের মধ্যে মিলিত হইয়া গিয়াছিল । যাহারা অর্থ সামর্থ্য বিহীন বা নীচ বর্ণসঙ্কর তাহাদের উপায় ছিলনা । বরং হিন্দুরাজ গণের শাসনে তাহারা বিধবস্ত হইয়া ইতস্ততঃ বিতাড়িত হইতে ছিল । বিশেষ চেষ্টাতেও হিন্দুগণ তাহাদের স্থান দেন নাই । সে সময় তাহাদের সংখ্যা আনুমানিক ১২০০ ছিল । তাহাদের আকার ও পরিচ্ছদ বিষয়ে যাহা লিখিত আছে তাহা এইরূপ । কেশ বিহীন মস্তকে শিখামাত্র অবশিষ্ট । শুক্লবস্ত্র ( অর্থাৎ গড়া ) পরিধান ও উত্তরীয় তত্রাপ । হস্তেদণ্ড এবং ভিক্ষাপাত্র ( কিস্তি ) বীরচন্দ্র দেখিলেন এই ভিক্ষুর দল জাত কুল হারাইয়া গৃহস্থের উপর যথোচিত অত্যাচার করিতেছে । আপন পর জ্ঞানশূন্য পরম দয়াল বীরচন্দ্র প্রভু তাহাদিগকে ভেকে উদ্ধার করিয়া আপন স্নেহময় ক্রোড়ে তুলিয়া লইলেন । এবং ভিক্ষানের সাহাজ্যে জীবিকা নির্বাহ করিতে আদেশ করিলেন । ইহারাই নেড়া বলিয়া প্রসিদ্ধিলাভ করিল । কিছুদিন পরে নেড়ার দল অত্যন্ত বলবান হইয়া উত্তেজিত হইল । তখন প্রভু নেড়ি সৃষ্টি করিয়া বিবাহের আদেশ করিলেন । অত্যাধি তাহাদের সম্প্রদায় বিচ্যমান আছে । পরবর্ত্তি কালে বীরের বিগ্রহ প্রতিষ্ঠার ইচ্ছা প্রবল হইল । কিন্তু প্রস্তর অভাবে ইচ্ছা মনেই ছিল । বহু অনুসন্ধানে জ্ঞাত হইলেন গোড়েশ্বরের ঘারে একখানি প্রস্তর বিচ্যমান আছে । একদিন প্রাতে বীর নবাবের নিকট উপস্থিত হইলেন । নবাবের পারিষদ বর্গ ফকীর বলিয়া সমাদর করিলে, নবাব সোলেমানের চক্ষু আকৃষ্ট হইলে তাহাকে আহার করাইবার ইচ্ছা প্রকাশ করিলেন । প্রভু হাস্ত মুখে বলিলেন জাঁহাপনা যে খানা প্রত্যহ উপভোগ করেন তাহাই খাইব । খানা উপস্থিত হইলে যেমন মোহর কাটিয়া খানা খোলা হইল

খানার পরিবর্তে নানা প্রকার সুগন্ধি পুষ্প সমূহ দৃষ্টিগোচর হইল। সন্দিহান চিত্তে নবাব তিনবার এই প্রকার দেখিয়া কিছু দাম করিবার ইচ্ছা প্রকাশ করিলেন। বীর কেবল প্রস্তর মাত্র প্রার্থনা করিলে সোলেমানখাঁ স্বীকার করিয়া প্রস্তর খোলাইয়া তাহাকে দিলেন।

তথাহি—

\* পাথসাহ বোলে গোঁসাত্রিঃ ফকির প্রধান।  
ইচ্ছামত ঠাকুর তুমি কিছুলহ দান ॥  
গোঁসাত্রিঃ বোলে বহুমূল্যের তেলুয়া পাথর।  
তোমার দ্বারেতে শোভে করে ঝল মল ॥  
গোঁসাত্রিঃ বোলে ইহাতে আমার আগ্রহ।  
ইহাদিয়া গড়াইব স্তম্ভের বিগ্রহ ॥  
পাথসাহ পাথর খুলি বীরচন্দ্রে দিল।  
পাথর লইয়া বীর খড়দহে গেল ॥  
সেই পাথরে গড়াইল শ্রামস্তম্ভের মূর্তি।  
দেখিয়া সকল লোকের গেল সব আর্ত্তি ॥

( শ্রীনিত্যানন্দ দাস )

তথাহি—

মহা মহোৎসব কৈল বৈষ্ণব নিমন্ত্রণ।  
সকল চৈতন্যগণ কৈল আগমন ॥  
অদ্বৈত পুত্র শ্রীঅচ্যুতানন্দ মহাশয়।  
মূর্তি প্রতিষ্ঠাভিষেক কৈল দয়াময় ॥

( ইতি বীরচন্দ্র চরিত )

\* সোলেমান খাঁ বাহাদুরের নামে যদিচ সিঁকা খোতমা প্রচলিত ছিল। তত্রাচ তিনি গোঁড়ে হজরত আলা উপাধি ধারণ পূর্বক সন্ন্যাসী আকবরের বশুত্ব স্বীকার করেন। ইনি ১৮১১ সালে পরলোক প্রাপ্ত।

ফেরেস্টার মতে রাজত্বকাল ২৫ বৎসর মাত্র।



নানা কার্যে ব্যাপ্ত বীরচন্দ্র ক্রমে কৈশোর উত্তীর্ণ হইয়া যৌবনে পদার্পণ করিলেন। শ্রীনিত্যানন্দ ইতিপূর্বেই অপ্রকট হন। কিন্তু কি প্রকারে এবং কি অবস্থায় ও কোথায় তিনি অপ্রকট হন তাহার সঠিক সংবাদ কোন গ্রন্থে বর্ণিত হয় নাই। এবং অনুমান ও অসম্পূর্ণ হইয়া পড়ে। বরং শ্রীচৈতন্যের অপ্রকট অধিকন্তু অনুমান সিদ্ধ বলা যায় নিত্যানন্দের কোন প্রকারেই কিছুই স্থির হয় না। তবে তাহার কতক অংশ প্রকাশ আছে জয়া নন্দের চৈতন্য মঙ্গলে “আশ্বিন মাসেতে যোগ কৃষ্ণাষ্টমী তিথি। নিত্যানন্দ বৈকুণ্ঠ চলিলা ছাড়ি ক্ষিতি।” শ্রীল বৃন্দাবন ঠাকুর মহাশয় বলেন প্রভু নিত্যানন্দ কৃষ্ণচৈতন্যের বিচ্ছেদে দিবানিশি বিলাপ করিতে লাগিলেন। প্রায়ই সজ্জা হীন থাকিতেন, জ্ঞান হইলে চৈতন্যের আলাপ ও বিলাপ করিতেন। তিনি নিরন্তর খড়দহে বাস করিতেন ও শ্যামসুন্দর মূর্তি দর্শন করিতেন। কিন্তু ইহা কি প্রকারে সম্ভব শ্যামসুন্দর যখন প্রতিষ্ঠা হয় তখন নিত্যানন্দ প্রকট ছিলেন না, তাহার যথেষ্ট প্রমাণ আছে। তাহার পূর্বেই অপ্রকট হইয়াছিলেন প্রতিষ্ঠা কার্যে অচ্যুতানন্দই কর্মকর্তা ছিলেন। তবে হিসাব করিয়া দেখিলে এই শ্লোক প্রক্ষিপ্ত বলিয়াই প্রতিপন্ন হয়। বা লিপিকর প্রমাদ তাহার সন্দেহ মাত্র নাই। শ্রীমন্নিত্যানন্দ এক চাকা গ্রাম হইতে বঙ্কিম দেবকে মোকাম খড়দহে আনিয়া স্থাপনাস্তুর ত্রিপুরা-সুন্দরী ও অনন্তদেব শিলা, এই তিন দেবতার পূজা সেবা করিতেন। তিনি লীলা সম্বরণ করিলে, বীরচন্দ্র যখন শ্যামসুন্দর মূর্তি প্রতিষ্ঠা করিলেন, সে সময় ঐ উভয় বিগ্রহই গুঞ্জাবাটীতে ছিলেন। কিন্তু দুই বিগ্রহ একস্থানে বা একই মন্দিরে স্থাপিত করা শাস্ত্র ও আচার বিরুদ্ধ। সেই কারণ পুনশ্চ মন্দিরের প্রয়োজন বিধায় ঐ নূতন মন্দির ঐতি সামন্তরূপে নির্মিত হইল, এবং শ্যামসুন্দর ত্রিপুরা-সুন্দরী ও শ্রীঅনন্তদেব নূতন মন্দিরে প্রেরিত হইলেন। কিছুদিন রোপ দুই মন্দিরে দুই বিগ্রহের সেবা পূজা দুরূহ প্রযুক্ত বীরচন্দ্রপ্রভু

বঙ্কিম দেবকে গোপীজনবল্লভ ও রামকৃষ্ণের হস্তে অর্পন করিলেন । কিন্তু অনন্তদেব দিলেন না । সেই পর্য্যন্ত বঙ্কিমদেব মোকাম নোতাগ্রামে গমন করিলেন । উত্তরাধিকারী সূত্রে নহে । এবং তদবধি বহু বৎসর পর্য্যন্ত গুঞ্জাবাড়ীর পুরাতন মন্দির শূন্য ছিল । অধুনা অল্পকাল মাত্র আমার মন্ত্র শিষ্য শ্রীযুক্ত বাবু প্রমথনাথ মল্লিক ঐ মন্দির ভগ্ন করিয়া গুঞ্জা বাড়ীর মধ্যস্থলে দুইখানি ঘর নিৰ্ম্মাণ করিয়া দিয়াছেন । শ্রীনিত্যানন্দ প্রভুর জন্মোৎসব সেই স্থানেই প্রতি বৎসর সম্পন্ন হইয়া থাকে ।

নূতন মন্দির প্রথমে অতি সামান্য ব্যয়ে নিৰ্ম্মিত, সেই জন্য অতি অল্প সময় মধ্যে বিধ্বস্ত হইয়া পড়িল । প্রবাদ আছে পটেশ্বরী মাতা গোস্বামিনী ঐ মন্দিরের পুনঃসংস্কার করেন । সেই অবস্থায় অত্যাধি বর্তমান রহিয়াছে । এপর্য্যন্ত সম্পূর্ণভাবে ঐ মন্দিরের সংস্কার হয় নাই । যখন বীরচন্দ্র বঙ্কিম দেবকে দান করেন, সেই পর্য্যন্ত অত্যাধি গোপীজনবল্লভ ও রামকৃষ্ণের বংশ পরম্পরায় সেবাধিকারী হইয়া রহিয়াছেন মাত্র ।

তথাহি—

কে বুঝিতে পারে নিত্যানন্দের প্রভাব ।  
মন্দির প্রবেশ করি কৈলা তিরোভাব ॥  
পুনঃ প্রভু মনে ভাবি প্রবোধ হইল ।  
বনু জাহ্নবাকে লৈয়া গমন করিল ॥  
তথা হইতে একচাকা করিলা গমন ।  
বঙ্কিম দেবেরে গিয়া করে দরশন ॥  
কতদিন বঙ্কিম দেবেরে দেখি তথা ।  
বঙ্কিম দেবে অন্তর্দ্বান হইল সেথা ॥

বীরচন্দ্রের গর্ভধারিণী তৎকালে জীবিতা । কথিত আছে ১৫১০ শকে শ্রীনরোত্তমের খেতুর বা খেতুরী গ্রামের মহামহোৎসবে দেবী জাহ্নবা ও বীরচন্দ্র উভয়ে কর্তৃত্ব করিয়াছিলেন । মহোৎসব শেষ করিয়া আসিবার সময়, পরমেশ্বরী দাস ভড়াঙ্গাটিপুরের সংবাদ

দিলেন । সেই মতে তড়াগাঁটপুরে শ্রীরাধার গোপীনাথের প্রতিষ্ঠা কার্য সমাধা করিয়া প্রত্যাগমন কালে ঝামাটপুর গ্রামে রাধাশ্যাম দাস নামে এক ভৃত্যের বাটিতে অপেক্ষা করিতেছিলেন । এই সময় ঘটনাক্রমে শ্রীনিত্যানন্দ প্রভুর এক প্রিয় ভৃত্য “মীনকেতন” রামদাস সেই স্থানে উপস্থিত হইয়া জাহ্নবার সহিত সাক্ষাৎ করিলেন । জাহ্নবাও তাহাকে আদরের সহিত ২।৪ দিবস তথায় অবস্থিতি করিবার জন্য আদেশ করিলেন । রামদাসের সহিত যদুনন্দন আচার্যের পরিচয় ছিল । এবং তাহার কন্যাদ্বয়কে রামদাস অত্যন্ত স্নেহ করিতেন । যখন যদুনন্দনের বাটিতে যাইতেন ঐ কন্যাদ্বয় রামদাসের স্নান আহারের উৎযোগ করিয়াদিতেন, এবং সর্বক্ষণ তাহার নিকট উপকথা শুনিতেন । একদা রামদাস ঐ কন্যাদ্বয়কে সঙ্গে লইয়া মাতা গোস্বামিনীর চরণ বন্দনা করিলেন । কন্যাদ্বয় অতি সুরূপা ও সুলক্ষণা বলিয়া জাহ্নবার প্রীতি জন্মিল । তখন রামদাসকে তাহাদের পরিচয় জিজ্ঞাসা করিলে ; রামদাস বলিল শ্রীযদুনন্দনাচার্যের এই দুই কন্যা, জ্যেষ্ঠা শ্রীমতী ও কনিষ্ঠা নারায়ণী । ইহাদের গর্ভধারিণী পতিরতা ও সুশীলা শ্রীমতী লক্ষ্মী দেবী । এমন সময়ে শ্রীমতী লক্ষ্মী দেবী তথায় উপস্থিত হইয়া জাহ্নবার চরণে প্রণিপাত পূর্বক উপবিষ্টা হইয়া মাতাগোস্বামিনীর সহিত আলাপ করিতে লাগিলেন ।

তথাহি রত্নাকরে—

ঝামাট পুর বাসী শ্রীযদু নন্দন ।  
 তাঁর দুই কন্যা অতি রূপবতী হন ॥  
 জ্যেষ্ঠা শ্রীমতী কনিষ্ঠা নারায়ণী ।  
 রূপে গুণে শালে ধন্য ভুবন মোহিনী ॥  
 পিপ্পলি বংশাঙ্কুর সেই বিপ্র ভাগ্যবান্ ।  
 প্রভুবীর চক্রে কন্যাদ্বয় কৈল দান ॥

( বীরচন্দ্র চারিত )

লক্ষ্মী দেবীর সম্ভাষণে মাতা গোস্বামিনী সন্তোষ হইয়া ঐ ভৃত্যের দ্বারা যদুনন্দনের নিকট বিবাহের প্রস্তাব উত্থাপন করিলে; তিনি স্বয়ং উপস্থিত হইয়া সম্বন্ধ স্থির করিলেন। কন্যাদয়কে বধুরূপে ক্রোড়ে পাইয়া জাহ্নবা আনন্দ সাগরে নিমগ্না হইলেন। শীঘ্রই বিবাহ কার্য শেষ করিয়া বর ও নববধূদয় সহ খড়দহে উপস্থিত হইলেন। শ্রীবসুধা ও গঙ্গা দেবী বধূদয় ঘরে তুলিলেন। সেই দিবস হইতে খড়দহে মহাসমারোহে ব্রাহ্মণ ও কুলীন সম্ভানগণকে নিমন্ত্রণ করিয়া ভোজন এবং সামাজিক ব্যবহারাদি দান করিয়া তিন দিবস মহামহোৎসব আরম্ভ করিলেন। এই সমস্ত কার্য সপ্তাহ কালে পর্যাপ্ত হইয়াছিল। শ্রীজাহ্নবা উপস্থিতেই বসুধাদেবী সর্গা-রোহণ করিলেন, এবং শ্রীজাহ্নবা শ্রীবন্দাবনে উপস্থিত হইয়া শ্রীগোপীনাথ জিউয়ের বাম ভাগে উপবিষ্টা রহিলেন। শ্রীমতী দক্ষিণে বিরাজ করিতে লাগিলেন। যাহা অত্যাধি সেই ভাবেই বিরাজিত রহিয়াছে।

শ্রীপরমেশ্বরী দাস কহে ধীরি ধীরি ।  
নির্বিঘ্নে গেলাম বন্দাবনে শীঘ্র করি ॥  
সেবাদিকাররে গোপীনাথ আজ্ঞা কৈলা ।  
লৈয়া গেলু যারে তাঁরে বামে বসাইলা ॥  
পূর্বঠাকুরাণী হর্ষে বসিলা দক্ষিণে ।  
হইল অদ্ভুত শোভা দেখিছু নরনে ॥

( ইতি নরহরি চক্রবর্তী )

রসুয়ারঠাকুর ।

শ্রীনিত্যানন্দ্রের বিবাহ ব্যাপার বর্ণন করিতে পুস্তকের কলেবর বৃদ্ধি হইয়াছে। বীরচন্দ্রের বিবাহে সেইজন্য সতর্ক হইতে হইল। পাঠকবৃন্দ রসভঙ্গ বিষয়ে ক্ষমা করিবেন। শ্রীবীরচন্দ্র মুখ ছিলেননা তিনি বহুগ্রন্থের টীকা ও ভাষ্য রচনা করিয়া গিয়াছেন। তিনি স্বধর্ম বিষয়ে একজন বিবেককার ও অতিশয় সংপ্রচারক।

বীরচন্দ্র গৃহস্থাশ্রম কালে সাধন ভজন বিষয়ে অত্যন্ত মনযোগী ছিলেন । গৃহধর্ম পালনে ও পশ্চাৎপদ হয়েন নাই । শ্রীবীরচন্দ্রের দ্বিতীয় পত্নী নারায়ণীর গর্ভে একপুত্র ও তিন কন্যা জন্মে । পুত্র শ্রীরামচন্দ্র গোস্বামী ইনি সাধকোক্তিম হইলেও পিতারন্যায় পণ্ডিত ছিলেন না । তিন কন্যা—প্রথম ভুবন মোহিনী । দ্বিতীয়া কন্যা নবদুর্গা । তৃতীয়া নবগৌরী । ইহারাই বীরচন্দ্র গোস্বামীর ঔরস জাত । আপাততঃ রামচন্দ্র প্রভুর বংশ কিছু কিছু খড়দহে ও কিছু কলিকাতায় বিদ্যমান রহিয়াছে । শ্রীনিত্যানন্দের বাক্যানুসারে নির্বংশ হইবার সময় আগতপ্রায় । এক্ষণে শ্রীনিত্যানন্দ বংশ বহু হইলেও অতি অল্পমাত্র অবশিষ্ট । অধুনা বিভিন্ন শ্রোত হইতে বহু পোষ্য আসিয়া স্থানলাভ করিয়াছে ও করিতেছে । শোষোক্ত বংশ লাভায় তাহা চিহ্নিত করিয়া দিলাম । যাহা জ্ঞাত হইয়াছি তাহা নিভূল বলিয়া মনে হয় । কিন্তু সমস্ত পোষ্যই যে জ্ঞাত হইয়াছি তাহা আমার বিশ্বাস নাই । আর জ্ঞাত হইবার উপায়ও নাই দেখিয়া নিরস্ত রহিলাম ।

---



# শ্রীরামচন্দ্রের বাল্যাবস্থা।

৩

## বিবাহ।

নারায়ণী গর্ভসম্ভূত শ্রীরামচন্দ্র গোস্বামী বাল্য কালে অতি শান্ত ও সরলপ্রকৃতির বালক ছিলেন। অদৃষ্টবশতঃ বিদ্যাভ্যাসে শিথিল প্রযত্ন হেতু পিতার ন্যায় বিদ্যা লাভ করিতে সক্ষম হন নাই। কিন্তু সাধন ভজনে অত্যন্ত পটু ছিলেন। বাল্যাবস্থা হইতে পিতার নিকট ইহাই সম্বন্ধে অভ্যাস করিয়াছিলেন। রামচন্দ্র শ্রীনিত্যানন্দের শিক্ষা গ্রহণ করেন নাই। পিতার পদাঙ্কানুসরণে কার্য্য করিতেন। প্রায় নয়বৎসর বয়ঃক্রমে উপনীত হইলেন। তদবধি মৃত্যুসময় পর্য্যন্ত ব্রাহ্মণোচিত কার্য্য (পঞ্চমহাযজ্ঞাদি) অনুষ্ঠান করিয়াছিলেন, তিনি নক্তাশী ছিলেন নক্ষত্র দর্শনান্তে ফল মূলাদি ও দুগ্ধ পানে জীবন ধারণ করিতেন মাত্র। ধান্য বা গোধূমান্ন গ্রহণ করিতেন না। তবে ভূতযজ্ঞ ও মনুষ্যযজ্ঞের অনুষ্ঠানে তাঁহার সহধর্ম্মিণী কদম্বমালা অন্নাদি পাক করিয়া নিত্য ক্রিয়া সমাধা করিতেন, এবং স্বামীর অনুমতি ক্রমে ঐ অন্ন গ্রহণ করিয়া জীবন ধারণ করিতেন। সপ্তদশবর্ষ বয়ঃক্রমে শ্রীরামচন্দ্র প্রভু, খড়দহের পর পারে মাহেশ গ্রামে ৩ জগদানন্দ পিপ্লাই (১) অধিকারি মহাশয়ের কন্যা কদম্বমালাকে বিবাহ করেন। ইহাদের কুলদেবতা শ্রীশ্রীজগন্নাথদেব। শ্রীজগন্নাথদেব এক সন্ন্যাসীর ঠাকুর। মাহেশ গ্রামের গঙ্গাতীরে স্থাপিত ছিলেন। \* খালিজুড়ির জমিদার শ্রীকমলাকর পিপ্লাই ৮৯৯ সালে বা ১৪১৪ শকে জন্ম গ্রহণ করেন। ১৪৫৪ শকে বা ১৩৯ সালে ঐ সন্ন্যাসীর নিকট শ্রীজগন্নাথদেবকে প্রাপ্ত হইয়া সেবা আরম্ভ করেন। ১৪৮৫ শকে বা ১৭০ সালের চৈত্র শুক্লা ত্রয়োদশীতে মৃত্যু হয়।

\* এক্ষণে সুন্দর বনের সামিল। (১) ইহার মার্জিত শ্রোত্রিয় অর্থাৎ দেবীঘর, রাধারানী ও রমাদেবীর বিবাহে শুদ্ধ শ্রোত্রিয় স্বীকার করেন।

তাহার পুত্র চতুর্ভূজ পিপ্লাই ও কন্যা রাধারাণী । তাহার সহোদরের কন্যা রমা এই দুই কন্যা । হরিওঝার দ্বিতীয় পুত্র যোগেশ্বর পণ্ডিত রাধারাণীর পাণিগ্রহণ করেন, এবং তৃতীয় কামদেব পণ্ডিত রমা দেবীর পাণিগ্রহণ করেন । হারা খড়দহ মেলের প্রসিদ্ধ কুলীন ছিলেন । চতুর্ভূজের পুত্র নারায়ণ পিপ্লাই । তস্যপুত্র ৩জগদানন্দ পিপ্লাই । ( অধিকারী ) ইহার পুত্র রাজীবলোচন ও কন্যা দুই, জ্যেষ্ঠা কদম্বমালা ও কনিষ্ঠা গুঞ্জামালা । শ্রীরামচন্দ্র প্রভু কদম্বমালার পাণিগ্রহণ করিয়াছিলেন । ১৬৭৭ শকে নয়ানচাঁদ মল্লিক নূতন মন্দির প্রস্তুত করিতে আরম্ভ করেন । কিন্তু মন্দিরের কার্য সম্পূর্ণ হইবার পূর্বেই তিনি মানবলীলা সম্বরণ করিলেন । মৃত্যু সময়ে পুত্র নিমাইচরণকে আদেশ করিয়াছিলেন যে, মন্দির সম্পূর্ণ হইলে ঐ মন্দির তাহার নামে প্রতিষ্ঠা-পূর্বক জগন্নাথদেবকে স্থাপিত করিয়া ঐ দেবতার সেবার কারণ ২০০০০ টাকা প্রণামী দিবে । মন্দির সম্পূর্ণ হইলে অধিকারী মহাশয় ৩নয়ানচাঁদ মল্লিকের নামে প্রতিষ্ঠা করিতে সীকার করিলেন না । সুতরাং নিমাইচরণ পিতার আদেশ মত ঐ টাকা প্রণামী না দিয়া ৫০০০ টাকা মাত্র ট্রাষ্টিদিগের নিকট রাখিয়াছেন । অত্যাধি তাহার সুদ শ্রীজগন্নাথ দেবের সেবার পর্যাপ্ত হইতেছে । এবং কিঞ্চিৎ স্বর্ণালঙ্কারও প্রস্তুত করিয়া রাখিয়াছেন । কথিত আছে ঐ টাকার বাকি অংশ গৌরচরণ মল্লিকের নিকটও ছিল । তৎপরে ৩যদুলাল মল্লিকের মাতা শ্রীমতী রঙ্গনমণি দাসী শ্রীজগন্নাথ দেবের গুঞ্জাবাটী নির্মাণ করিয়া দিয়াছেন । সেবার জন্য নবাব খানেআলি সাহ ১১৮৫ বিঘা জমি ( এক্ষণে জগন্নাথপুর নামে খ্যাত ) লিখিত পাট্রাসহ বন্দবস্ত করিয়া দেন । অধুনা সাং পানিহাটীর জমিদার গৌরীশঙ্কর রায় চৌধুরি মহাশয় নিজ ব্যয়ে তাহা নাখরাজভুক্ত করিয়া, দেবতার সম্পত্তির রক্ষার উপায় করিয়া আপন পূণ্য কীর্ত্তি রাখিয়া গিয়াছেন । যদিচ প্রসঙ্গক্রমে বহু অপ্রয়োজনীয় বিষয় এস্থলে লিখিত হইল । ইহা তোষামোদ জনিত কাহারও মনস্তৃষ্টির কারণ নহে । কেবল অধিকারী মহাশয়দিগের আচার ব্যবহার ও কুলমর্যাদার নির্দেশক মাত্র । পাঠকবৃন্দ ক্ষমা

করিবেন, আপনারা বুঝিতে সক্ষম না হইলেও আমাদের ইহাতে প্রচ্ছন্ন ভাবে পুতিগন্ধময় স্বার্থ বিদ্যমান আছে ।

অধুনা অদৃষ্টদুষ্টি অবস্থাস্তুরায়ের ব্যবচ্ছেদে ব্যভিচার দৃষ্ট হইলেও অদ্যাবধি ৩নিমাইচরণ মল্লিকের বংশে ঐরূপ দাতা বিরল নহে । ৩কমলাকর অধিকারীর বংশে শ্রীনিত্যানন্দ বংশের সহিত ব্যবহার ও অনন্যস্পর্ক আছে ও ছিল । কিন্তু ৩বল্লভজীর সেবাধিকারিগণের সহিত ইহা নাই, এবং পূর্বেও ছিল না । ৩নিমাইচরণ বল্লভজীর মন্দির ৩ প্রস্তুত করিয়াছেন, ঐ মন্দির ভগ্নাবস্থায় গঙ্গাতীরে এপর্য্যন্ত বিদ্যমান রহিয়াছে । পরে গৌরচরণ মল্লিক বর্তমান মন্দির নির্মাণ করিয়া ৩বল্লভজীউকে স্থাপন করেন । এবং ৩সেবার জন্ম প্রাত্যহিক ২ হিঃ বৃত্তি ধার্য্য করিয়া দিয়া স্বনামে মন্দির প্রতিষ্ঠা করিয়া দিয়াছেন । পরে ৩নিমাইচরণ মল্লিকের কনিষ্ঠ পুত্র ৩মতিলাল মল্লিক রাসমঞ্চ নির্মাণ করিয়া দিলেন । “রুদ্ররাম পণ্ডিতের প্রতিষ্ঠিত ৩রাধাবল্লভজীউ । পরে তাহার সহোদর পুত্র রতিরাম ঠাকুর সেবাধিকারী নিযুক্ত হইলেন । রতিরামের বংশধরগণ অদ্যাবধি সেবাধিকারী বর্তমান রহিয়াছেন । ইহারা মল্লিক বাবুদের দান গ্রহণে পণ্ডিত হন । এক্ষণে চতুঃসাগরী করিয়া জেতে উঠিয়াছেন ।”

দেবগণের নৃত্তে আগমন ৩৮৭ পৃষ্ঠা ।

এই কারণেই বোধ হয় আমাদের সহিত তাহার ব্যবহার নাই ও ছিল না ।

রামচন্দ্র প্রভুর বিবাহের যোজকতা শ্রীমতীঠাকুরাণীই সংঘটন করিয়াছিলেন । অম্বিকা নাম্নী এক ব্রাহ্মণকন্যা তাহার প্রিয়সখী ছিলেন । তিনি পিপ্লাই মহাশয়দিগের বাটীতে যাতায়াত করিতেন । তিনিই শ্রীমতীঠাকুরাণীর দ্বারা শুভকার্য্য স্থির করিলেন । বিবাহ সময়ে ঘটকাচার্য্য দেবীবর বিশারদ সভায় উপস্থিত ছিলেন । বীরচন্দ্র প্রভু তাহার মন্ত্র দাতা গুরু ছিলেন পূর্বেই তাহার উল্লেখ করিয়াছি । বীরচন্দ্র প্রভু তাহাকে নিমন্ত্রণ করিয়াছিলেন । সেই কারণে দেবীবর এই বিবাহের উল্লেখ করিয়াছেন । বিবাহের অন্তর্ভূত

সম্প্রদান, অধিকারীমহাশয়ের বাটীতে হইয়াছিল। উত্তর বিবাহ খড়দহে সম্পন্ন করিয়া কুলীনসন্তানগণকে দেবীবর উপস্থিতে বিশেষ রূপে সম্মানিত করিয়াছিলেন। বীরচন্দ্র পঞ্চগ্রামী ব্রাহ্মণ হইতে অন্ত্যজ জাতি পর্য্যন্ত তিন দিবসে পর্য্যাপ্ত করিয়া শুভ বিবাহ সমাপনান্তর কিছুদিন পরে লোকান্তরিত হইলেন।

শ্রীরামচন্দ্রের ঔরসে কদম্ব মালার গর্ভে চার পুত্র জন্মে। জ্যেষ্ঠ রামদেব, মধ্যম কৃষ্ণদেব, তৃতীয় বিষ্ণুদেব, চতুর্থ রাধামাধব। এই রামদেব ও রাধামাধবের বংশই এক্ষণে বিদ্যমান রহিয়াছে মাত্র। তাহার মধ্যেও বিস্তর অন্য অন্য বংশের পোষ্য আসিয়া স্থানলাভ করিয়াছে ও করিতেছে। রামচন্দ্র গোস্বামীর কন্যা এক ত্রিপুরা সুন্দরী। এই কন্যা কামদেব পণ্ডিতের বংশে চাঁদের পুত্র রামেশ্বর মুখোপাধ্যায়ের হস্তে সমর্পণ করেন।

---

# গঙ্গাদেবীর বংশবল্লী আরম্ভ ।

বিষ্ণুপাদোদ্ভবা গঙ্গা যাসীৎ সা নিজনামতঃ ।

নিত্যানন্দাশ্রজা জাতা মাধবঃ শান্তনু নৃপঃ ॥

ধনোর চাটুভি মহাদেবের বংশ ।

কনোজাগত

বীতরাগ

দক্ষঃ

শুলোচন

বাহুদেব

মহাদেব

চহল্

লৌকীক

অরবিন্দ = বহুরূপঃ সূচোনাম্না অরবিন্দঃ হলাযুধঃ ।

বাঙ্গালাশ্চ সমাখ্যাতাঃ পঞ্চৈতে চট্টসন্তবাঃ ।

আইত

গাকর

মনো

ভুষো

চাঁদ

তপন

হরিদাস

গৌরীদাস

রামচন্দ্র

কৃষ্ণদেব

মহেশ

শিবরাম

বিশ্বনাথ



পুত্রাঃ বিবিধ গুণযুতাঃ লোক মাত্ৰাঃ স্মশীলাঃ ।

রামচন্দ্রঃ কৃষ্ণদেবঃ মহেশঃ শিবরামকঃ ।

বিশ্বনাথোপিচরমো গৌরীদাস তনুভবাঃ ॥

( ইতি মহাবংশাবলী )

শ্রীমন্নিত্যানন্দ বংশবল্লী যথাসাধ্য প্রকাশ করিয়া অধুনা শ্রীমাধবাচার্য্যের কুল মর্যাদা প্রকাশ করিবার পিপাসা অত্যন্ত বলবতী হইয়া উঠিল । নিত্যানন্দ ও বীরচন্দ্র কিরূপ কুলে এবং কি মর্যাদার কন্যাদান করিয়াছেন তাহা জ্ঞাত হওয়া আমাদের পক্ষে বিশেষ আবশ্যিক । কার্য্যে হস্তক্ষেপ করিয়া বিশেষ অনুসন্ধানেও মাধবের পিতার নাম বা বংশমর্যাদা কিছুই অবগত হইতে পারিলাম না । যতই অগ্রসর হই ততই চিন্তা ও লজ্জা আসিয়া যুগপৎ অধিকার করিতে লাগিল । বিস্তর চেষ্টা করিয়াও এমন কি কিম্বদন্তি পর্য্যন্ত কর্ণগোচর হইলনা । বহু গবেষণার বুঝিলাম যে, মাধবাচার্য্যের বংশাবলী গঙ্গাবংশ বলিয়া সমাজে খ্যাত । তাত্র যেমন স্তবর্ণ সম্পর্কে স্তবর্ণত্ব প্রাপ্ত হইয়া বিক্রয় হয় । সেই প্রকার শ্রীনিত্যানন্দের কন্যা গ্রহণ হেতু মাধবাচার্য্যের পিতৃপরিচয় প্রচ্ছন্ন ভাবাপন্ন । এমন কি তাহার পিতৃপক্ষের উপাধিগত চিহ্ন পর্য্যন্ত মুছিয়া গিয়াছে । যদিচ ইহারা গোস্বামী উপাধি বিশিষ্ট, তত্রাচ কেবল গোস্বামী উপাধির দ্বারা জাতিগত ভাব বা কুল মর্যাদা কিছুই জ্ঞাত হইবার উপায় নাই । গোস্বামী উপাধি ব্রাহ্মণ বৈত্ৰ এমন কি শূদ্রের মধ্যেও বিরল মছে । এতাবতা কিছুই স্থির করিতে না পারিয়া কুলশাস্ত্র আলোড়নে প্রবৃত্ত হইয়া, অপর অপর গোস্বামী গণের কুলমর্যাদা প্রাপ্ত হইলাম । সাং মালপাড়া, বাগ্নাপাড়া, নবগ্রামী, যবগ্রামী, শান্তিপূর, বৈঁচি ও বোড়ে নিবাসী গোস্বামী গণের কন্যার বিবাহ প্রসঙ্গে বংশ ও কুলমর্যাদা, পিতৃ পিতামহাদির নাম, ইত্যাদি জ্ঞাত হইলাম । কিন্তু মাধবাচার্য্যের বংশ বা গঙ্গাবংশীয় প্রভুদিগের আদান প্রদান প্রসঙ্গে কিছুমাত্র লক্ষিত হইল না । এবশ্বিধায় কিছুই স্থির করিতে না পারিয়া লেখনী সঞ্চালনে নিরস্ত হইতে হইল ।

মাধবাচার্য্য শ্রীনিত্যানন্দের জামাতা । তাহার কুলমর্যাদা জ্ঞাত হইতে এত কষ্ট পাইতেছি কেন তাহা তখন বুঝিতে পারি নাই । সুতরাং আধুনিক কুলগ্রন্থ সকল পাঠ করিতে আরম্ভ করিলাম । ক্রমে পুস্তকাস্তুর পাঠ করিতে করিতে সম্বন্ধনির্ণয় নামক পুস্তকে মাধবাচার্য্যের কুলমর্যাদা ও পিতা পিতামূহের নাম ইত্যাদি জ্ঞাতব্য বিষয় পাঠ করিয়া আর আহ্লাদের সীমা রহিল না । দুঃখের বিষয় পুস্তকখানি বাঙ্গালা ভাষায় মুদ্রিত হইলেও প্রমাণাদি বিহীন । সুতরাং পুনর্ব্বার প্রামাণিক গ্রন্থ নিচয়ের আশ্রয় গ্রহণ করিতে বাধ্য হইলাম । সম্বন্ধ নির্ণয়ের ৪০৩ পৃষ্ঠায় যাহা লিখিত আছে তাহা নিভুল না হইলেও ঐ কয়েকছত্র আমার লেখনী সঞ্চালনের হেতুভূত । এই জন্য বিদ্যানিধি মহাশয়ের নিকট আমি কৃতজ্ঞ ।

বিদ্যানিধি দক্ষ হইতে গৌরীদাস পর্য্যন্ত শাস্ত্র মর্যাদা অক্ষুণ্ণ রাখিয়াছেন । কিন্তু হরিদাসজ গৌরীদাসের পুত্রের মধ্যে মাধব কোথা হইতে সংগৃহীত তাহা জ্ঞাত হইবার উপায় নাই । অন্য পক্ষে এই মাধব নিত্যানন্দের জামাতা তাহাই বা সাব্যস্ত করিলেন কি প্রকারে ? এস্থলে বিদ্যানিধি প্রমাণ প্রয়োগ রূপ কোন গুণধের ব্যবস্থা না করিয়া কেবল বঙ্গ ভাষায় নামের তালিকা প্রকাশ করিয়া সম্ভ্রামের সহিত আরোগ্য স্থানের ব্যবস্থা করিয়াছেন । সম্বন্ধ নির্ণয় যে প্রকারে মহাদেবচট্টোঁর বংশে মাধবকে সন্নিবেশিত করিয়াছেন তাহা নিম্নে প্রদর্শিত হইল ।

গৌরীদাস

।

রামচন্দ্র	শ্রীকৃষ্ণ	মহেশ	মাধব*	শিব	বিশ্বেশ্বর
-----------	-----------	------	-------	-----	------------

কুলশাস্ত্রজ্ঞ মহামহোপাধ্যায় কুবানন্দ মিশ্রের পূর্বেবাক্ত বচন প্রমাণ দৃষ্টি ভ্রমদূর হয় বটে । তত্রাচ আমি এই বিষয় কলিকাতা নিবাসী গঙ্গাবংশোদ্ভব গোস্বামী প্রভুদিগের নিকট সামঞ্জস্য সম্ভবপর

\* এই মাধব নিত্যানন্দ প্রভুর জামাতা ইনি বীরভদ্রের সহোদরা গঙ্গাকে বিবাহ করেন ।

বিবেচনায়, আমি ও সাং পাথুরিয়াঘাটা নিবাসী শ্রীনীলমাধব চক্রবর্তী  
আমরা উভয়ে শ্রীযুক্ত কৃষ্ণলাল গোস্বামীর নিকট উপস্থিত হই।  
তিনি স্বকীয় বংশ মর্যাদায় অনভিজ্ঞ প্রযুক্ত শ্রীযত্নন্দন গোস্বামীর  
নিকট আমাদিগকে প্রেরণ করিলেন। যত্নন্দনের এই বিদ্যায়  
কৃষ্ণলাল গোস্বামীর অধিক জ্ঞান না থাকায়, কার্যতঃ তাহার উপযুক্ত  
পুত্র শ্রীকানাইলালকে বরাত দিলেন। কানাইলালকে জিজ্ঞাসা  
করিলে, তিনি বলিলেন আমরা মনুর বংশ। মনুর বংশ মনুষ্য  
মাত্রই। এই বিবেচনায় আমার ক্ষুদ্রবুদ্ধি এই উত্তরের সারবার্তা  
বুঝিতে অক্ষম। পুনর্বার জিজ্ঞাসিত হইলে তিনি বিশেষ আগ্রহ  
সহকারে বলিলেন; আমি পূর্বে অমৃত বাজার পত্রিকায় প্রকাশ  
করিয়াছিলাম, এক্ষণে এককালে বিস্মৃত হইয়াছি। আমরাও ছাড়িবার  
পাত্র নহে, তাহাকে পুনঃ পুনঃ অনুরোধ করায়, একখানি তালিকা  
বাহির করিয়া যাহা লিখাইয়া দিয়াছিলেন, তাহাতে মীমাংসা দূরে প্রত্যুত  
সন্দেহ ঘনীভূত হইল। কানাইলাল প্রভুর মতের সহিত সম্বন্ধ  
নির্ণয়ের এই মাত্র প্রভেদ—দক্ষ হইতে ষষ্ঠস্তন চতুর্থ পুরুষের নাম  
বিশ্বেশ্বর। এবং মহাদেবের পুত্রের নাম ‘শিরো’। তৎপরে অরবিন্দ  
হইতে যাহা লিখাইয়া দিয়াছেন তাহা নিম্নে প্রদর্শিত হইল। পাঠক  
মহোদয় বিবেচনা পূর্বক দেখিলে আর বুঝাইবার আবশ্যক হইবেনা।

#### সমীকরণ সভার কুলীন

অরবিন্দ চট্টো

গাকর

মনু

ভূষো


চাঁদ

তপন

দশরথ ঘটকীর মেলপ্রাপ্ত কুলীন— ভগীরথ আচার্য্য

মাধবাচার্য্য

কাশ্যপ গোত্রে—



বীতরাণের ধারা পর্যায়ক্রমে অনুসন্ধান করিয়া ভগীরথ নাম পাইলাম না, বা মাধবাচার্যের নামও পাইলাম না। ইহাতে সন্দেহ বৃদ্ধি হইল সুতরাং মূল গ্রন্থের নামানুসন্ধানে প্রবৃত্ত হইয়া পুনশ্চ প্রভুর দ্বারস্থ হইতে হইল। আমার দুর্দৃষ্টি বশতঃ প্রভু তখন কি ভাবে ছিলেন জানি না। জিজ্ঞাসা মাত্রে ক্রোধে তাহার চক্ষুঁ দ্বয় রক্তবর্ণ হইয়া উঠিল। প্রত্যুত্তরে (মীমাংসা দূরে থাকুক) “আপনার

\* এই কমলাক্ষই দশরথ ঘটকীর পাল্টা কেহ কেহ কমলাকান্ত বলিয়া ডাকিতেন।

+ ইনিই হরি মজুমদারীর প্রকৃতি!

যাহা ইচ্ছা লিখুন আমি পরে প্রতিবাদ করিব।” এই উত্তর দিয়া তুন্দিল হইয়া বসিলেন । এমন কি আমরা বসিতেও স্থান পাইলাম না । এই প্রকার আচরণে মৰ্ম্মাহত হইয়া প্রত্যাঘাতন করিলাম । কিন্তু যে কার্যে হস্তক্ষেপ করিয়াছি তাহাতে যতই অপমানিত বা লাঞ্চিত হই না কেন ; কোনরূপে সংকল্প ত্যাগ করিতে পারিলাম না । বাধা বিপত্তি অগ্রাহ্য করিয়া বরং বিশেষ উত্তমের সহিত পুস্তক সকল পাঠ করিতে লাগিলাম । চট্ট বংশে তপনের পুত্র ভগীরথ কেহ নাই । তবে কমলাক্ষকে কেহ কেহ কমলাকান্ত বলিয়া ভাবিত, এই ব্যক্তিই দশরথ ঘটকীর পাল্টা ছিলেন । এই মাত্র জ্ঞাত হইলাম । তাহার নিদর্শন উল্লিখিত বংশলতার দ্রষ্টব্য । ইহাতে মহাদেব হইতে ছাকরের উভয় পুত্রের বংশাবলী প্রদত্ত হইতেছে ।

চট্টো মনোমথ বা মনোমুতাঃ—দুযো, গোবিন্দ, জিয়ো, গদো, বুঢ়ো, সুযো, বলো । দুযো সুতাঃ—টাদ, শ্রীকৰ্ণ, নিত্যানন্দ, সোম, শ্রীমান, মাধব—দৈত্যারি, বনমালী, নবাই । টাদ সুতাঃ—তপন, গোপী ও ভাস্কর । তপন সুতাঃ—আচার্য্য-শিরোমণি, কমল নয়ন, ভাগবতাচার্য্য, হরিদাস, রাম, কৃষ্ণাই ও গঙ্গানাস । হরিদাস সুতো—জগন্নাথ ও গৌরীনাথ । জগন্নাথ সুতাঃ—রামনাথ, রূপনারায়ণ, লক্ষ্মীনারায়ণ, কামদেব । গৌরীনাথ সুতাঃ—রামচন্দ্র, শ্রীকৃষ্ণদেব, মহেশ, অন্ত্য মাতৃক—শিবরাম ও বিশ্বনাথ\* ॥ অন্ত্য মাতৃক—শ্রীনাথ, ও শ্রীপতি । এই শ্রীনাথ ঘটকাচার্য্য উপাধি প্রাপ্ত হইলেন । ( উক্ত গৌরীনাথেন স্বহস্তেন ব্রহ্মবধঃ কৃতঃ ) ॥ কুবানন্দ মিশ্র লিখিয়াছেন “বিশ্বনাথোহপি চরমো অর্থাৎ আর পুত্র নাই । উক্ত শ্রীনাথ ও শ্রীপতি-অন্ত্য পত্নীর গর্ভজাত হইলেও মহাবংশাবলী তাহাদিগকে কুলীন মধ্যে গ্রহণ করেন নাই তাহার কারণ আছে । তবে যদি কোন প্রমাণ সহকৃত কেহ দেখাইয়া দিতে পারেন তবে মাধবকে গৌরীদাসের ঔরস পুত্র স্থানে বসাইতে পারি । এতাবত নানা কারণে চট্টবংশে মাধবের

\* ইতি কুলপঞ্জিকা, শ্রীঅন্নদাশ্রমাদ কুলরত্নম্



স্থানাভাব দেখিয়া পরদিবস প্রাতে বৃদ্ধ অন্নদাপ্রসাদ ঘটক কুলরত্নের সহিত পরামর্শ করায় তিনি আমাকে উপহাস করিয়া বলিলেন, আপান উত্তম কুলীনের তত্ত্ব লইতে আসিয়াছেন। উহারা বারেন্দ্র শ্রেণী ও কাপ্ তাহাও কুলীন নহে। আপানি বারেন্দ্র শ্রেণীর ঘটকের নিকট অনুসন্ধান করুন কুলটি পাইবেন। যদি গোঁরীদাসের বংশ দেখিতে চাহেন তবে দেখুন। এই বলিয়া তিনি তাহার অতি পুরাতন কুলপঞ্জিকা উদঘাটিত করিয়া দেখাইলেন। তাহাতে লিখিত আছে—তপন সূত হরিদাস, তৎসূত গোঁরীদাস ( স্বহস্তে ব্রহ্মবধ কৃত ) তৎসূতাঃ রামচন্দ্র কৃষ্ণদেব—মহেশ—শিবরাম ও বিশেষ্বর ॥ ইহার মধ্যে ভগীরথ বা মাধব কেহই নাই দেখিয়া, অন্যান্য পুস্তকে ঐরূপ পাঠই দেখিলাম\*। পুনশ্চ শ্রীযুক্ত প্রিয়নাথ ঘটককে জিজ্ঞাসা করায় তিনিও বারেন্দ্র শ্রেণী বলিলেন। তত্রাচ এই সমস্ত গুরুতর বিষয় বিশেষ প্রমাণ প্রয়োগ ভিন্ন মীমাংসা করা অনুচিত বিবেচনায় পুনশ্চ সাং সিমুলিয়া নিবাসী অতুলকৃষ্ণ গোস্বামীর সহিত পরামর্শ করাতে উক্ত গোস্বামী প্রভু আমাকে বঙ্গের জাতীয় ইতিহাস প্রণেতা শ্রীযুক্ত নগেন্দ্রনাথ বসুর নিকট প্রেরণ করিলেন। নগেন্দ্র বাবুর নিকট আমি প্রায় এক সপ্তাহ-কাল যাতায়াত করিয়া মাধব বা ভগীরথকে চট্ট বংশের মধ্যে খুজিয়া পাইলাম না। নগেন্দ্র বাবু বলিলেন আপনি অকারণ পরিশ্রম করিতে ছেন। ভগীরথ বা মাধব চট্টবংশে নাই। তবে যদি গঙ্গার বিবাহ সম্বন্ধে জ্ঞাতব্য বিষয় জানিতে ইচ্ছা করেন। তবে মৎপ্রণীত বঙ্গের জাতীয় ইতিহাসের ব্রাহ্মণ কাণ্ডের ১০৪ পৃষ্ঠায় যাহা উদ্ধৃত করিয়াছি তাহাই সত্য বলিয়া মনে হয়। আপনি তাহা পাঠ করিলে সমস্ত ভ্রম দূর হইবে।

নিত্যানন্দ প্রভুর কথা হয় গঙ্গানাম।

মাধবাচার্য্যে প্রভু কৈল কথাদান ॥

রাঢ়িতে বারেন্দ্রে বিয়ে না ভাবিও আন।

রাঢ়ি ও বারেন্দ্র হয় একের সন্তান ॥

\* ঐ পুস্তকের নকল পূর্বেই দেখাইয়াছি।

রাঢ়িতে বারেন্দ্রে বিয়ে হইয়াছে অনেক ।

দেশ ভেদে নাম ভেদ এই পরতেক ॥

( বঙ্গের জাতীয় ইতিহাস )

বৈষ্ণব কবি পরম ভাগবত শ্রীলনিত্যানন্দ দাসের এই নিবন্ধ পাঠ করিয়া আমার সন্দেহ ও চিন্তা দূর হইল । তাহার পর অপর অপর গ্রন্থপাঠে প্রকৃত বিষয় অবগত হইলাম । মাধবাচার্য্য যে বারেন্দ্র ব্রাহ্মণ ছিলেন এবং রাঢ়ি ও বারেন্দ্র সংযোগ যে স্পর্কার বিষয় নহে ইহাও পরিস্ফুট হইয়াছে । এবং অদ্যাবধি দেশাচার বিরুদ্ধ হেতু উভয় সমাজ মধ্যে অনাদৃত ও অশ্রদ্ধেয় হইয়া রহিয়াছে । যদিচ পূর্বকালে কখন কখন এইরূপ আদান প্রদান দেখা যায় । ইহা যে অযশস্কর সে পক্ষে আর সন্দেহ নাই । দেখা যায় শাণ্ডিল্য গোত্রে গয়ঘড় অনন্তের বংশজাত রত্নেশ্বরের জ্যেষ্ঠপুত্র ভুবন, মধুসূদন ব্রহ্মচারীর কন্যা বিবাহে নিন্দিত ও নিষ্কুল । কেহ কেহ বলে মধু বারেন্দ্র ও হড় চক্রবর্তীর কন্যা বিবাহ ॥

পুনশ্চ দেখুন সাগরদিয়া রঘুরামের পুত্র ( বিষ্ণুঠাকুরের দৌহিত্র ) গুরুনন্দন চক্রবর্তীর কন্যা বিবাহে নিন্দিত ও নিষ্কুল । এই দুইটি দেখাইলাম রাঢ়ি ও বারেন্দ্র সংযোগের ফল প্রত্যক্ষ করুন । ইহারা উভয়ে শ্রেষ্ঠ কুলীন হইয়াও নিন্দার কবল হইতে নিষ্কৃতি লাভ করিতে পারেন নাই । এরূপ কুলশাস্ত্রের অবৈধ সংযোগ আরও আছে ।

নিত্যানন্দ কুলীন নহেন সিদ্ধ শ্রোত্রিয়ের এরূপ আদান প্রদান অসম্ভব নহে । কথায় বলে “রতনেই রতন চেনে ।” বোধ হয় মাধবকে তিনি সমপন্থী বলিয়া চিনিয়াছিলেন । হইতে পারে তিনি মাধবের অমানুষী শক্তিতে মুগ্ধ হইয়া আপন বুদ্ধিবৃত্তি স্থির রাখিতে পারেন নাই, বা কার্য্য ও সময় গতিতে বাধা হইতে হইয়াছিল । প্রত্যুত মাধবাচার্য্য যে মহাভাবের অধিকারী ছিলেন এবং মাধবের ভক্তিবলে মোহিত হইয়াই তাহাকে জামাতারূপে বরণ করিয়াছিলেন তাহার প্রাসঙ্গিক অভিব্যক্তির ও অভাব নাই—

তথাহি রত্নাকরে—

প্রেমানন্দময় বন্দ্য আচার্য্য মাধব ।

ভক্তিবলে হইলা গঙ্গাদেবীর বল্লভ ॥

মর্যাদা ও লৌকিক আচার এরূপ স্থলে স্থান ভ্রষ্ট হইবার আশ্চর্য্য কি ? ফলতঃ মাধবাচার্য্য সৎকুলোদ্ভব ও সৎকুলে প্রতিপালিত তাহার সন্দেহ নাই । শ্রীনিত্যানন্দ তাহার তপস্যা ও সদৃশ্যে বিমোহিত হইয়া কন্যা সম্প্রদান করিয়াছিলেন । তথাহি প্রেমবিলাসে—

নিত্যানন্দ শিষ্য নিতাই বিনা নাহি জানে ।

সদাই করয়ে তেঁই নিতাই পদধ্যানে ॥

নিত্যানন্দ প্রভুর কন্যা হয় গঙ্গা নাম ।

মাধবাচার্য্যে প্রভু কৈল কন্যা দান ॥

বিবাহ করিল মাধব গুরুর আজ্ঞাতে ।

গুরু আজ্ঞা বলবতী कहয়ে শাস্ত্রেতে ॥

ঈশ্বরের মহিমা কিছু বুঝা নাহি যায় ।

অঘটা ঘটন হয় ঈশ্বর ইচ্ছায় ॥

কিন্তু নিত্যানন্দের বংশধরগণ তদবধি আর সাহসী হয়েন নাই । দেখুন শ্রীবীরচন্দ্রের তিন কন্যা পূর্বেই লিখিয়াছি । প্রথমা ভুবনমোহিনীকে ফুং মূং পার্শ্বতীনাথের হস্তে সমর্পণ করিয়া কৃতার্থমন্ত । ইনি ফুলিয়া মেলের প্রধান কুলীন ছিলেন ।

তথাহি—

পার্বতী রামের সূত রাম সূত কার ।

গঙ্গানন্দ ভট্টাচার্য্য ফুলিয়ার সার ॥ ( কল্পতরু )

তাই কুলাচার্য্যগণ কারিকা লিখিয়াছেন ।—

“রাঘবেন্দ্র কাশী বিষ্ণু কুলে কল্পতরু ।

চরে গেল গোপীনাথ বীরে গেল পারু ॥”

পার্বতীনাথের পুত্র রামদাস মুখোপাধ্যায় । ইনি গোস্বামী উপাধি গ্রহণ করেন নাই । কিন্তু ভুবনমোহিনী প্রভু সন্তান বলিয়া

খ্যাতিলাভ করিতে পারেন নাই। দ্বিতীয়া কন্যা নবদুর্গা ৬শ্রীক্ষেত্র-  
ধামে অর্থাৎ পুরুষোত্তমে রামানন্দ মুখোপাধ্যায়ের হস্তে সমর্পণ  
করিয়া মর্গ্যাদা প্রাপ্ত। ইনি যোগেশ্বরের পুত্র জানকী নাথের  
বংশধর। তৃতীয়া কন্যা নবগৌরীকে ষষ্ঠীদাস মুখোপাধ্যায়কে সম্প্রদান  
করিয়া গৌরবাশ্রিত। ইনি মহাদেবের বংশে হরির পুত্র কামদেবের  
প্রপৌত্র ( খড়দহ মেল ) প্রায় ৪০০ বৎসর গত কিন্তু নিত্যানন্দের  
বংশধরগণ আর কখন গঙ্গাবংশের সহিত বৈবাহিক সূত্রে আবদ্ধ  
নহেন। বরং অবস্থা বিশেষে বংশজ ভাবাপন্ন জামাতা স্বীকার  
করিয়া সম্ভ্রামলাভ করিয়া থাকেন। তত্রাচ জিরাট বা কলিকাতা  
নিবাসী গঙ্গাবংশের সহিত পুনরাবৃত্তি দেখা যায় না। অধুনা তিন  
চারি ঘর গোস্বামী সম্ভ্রাম অর্থাভাবে বা অন্য কোন কারণ বশতঃ  
গঙ্গাবংশে কন্যানান করিয়াছেন মাত্র।

এতাবতা প্রকৃত তথ্য অবগত হইয়াছি; গৌরীদাস চট্টবংশের  
কুলীন ছিলেন তাহা পূর্বেই লিখিয়াছি। গৌরীদাসের নামান্তর  
ভগীরথ আচার্য্য। কাশ্যপ গোত্রে বীতরাগের ধারা প্রদর্শিত  
হইয়াছে। তাহাতে মাধবাচার্য্য জন্মগ্রহণ করেন নাই। ঐ  
গৌরীদাসের এক বন্ধু ছিল, তাহার নাম বিশ্বেশ্বর আচার্য্য।  
তিনি কাশ্যপ গোত্রে মৈত্র গাঁঞি ছিলেন। ঐ বিশ্বেশ্বর পণ্ডিত  
ছিলেন সেইজন্য আচার্য্য উপাধি ধারণ করিতেন। ঐ বিশ্বেশ্বর  
মৈত্রের পত্নীর নাম মহালক্ষ্মী ও গৌরী দাসের পত্নী জয়দুর্গা।  
উভয়ে সখিত্ব হেতু অত্যন্ত প্রণয় ছিল। কালক্রমে মহালক্ষ্মী রুগ্ন  
শয্যায় শয়ন করিলেন। কিছুদিন পরে মৃত্যু নিশ্চয় বুঝিতে পারিয়া  
তাহার একমাত্র পুত্র মাধবকে জয়দুর্গার হস্তে সমর্পণ করিয়া বলিতে  
লাগিলেন, দিদি? এই পুত্রটি তোমার হস্তে সমর্পণ করিয়া চলিলাম।  
ইহাকে তোমার তৃতীয় পুত্র স্থানীয় বিবেচনা করিয়া পুত্র নির্বিবশেষে  
মাধবকে পালন করিও। তুমি স্বীকার করিলে আমি নিশ্চিত  
হইয়া এই ভৌতিক দেহ ত্যাগ করিতে পারিব। বিশ্বেশ্বর অত্যন্ত

দরিদ্র ছিলেন । জয়দুর্গা আপনার প্রিয়সখীকে রোরুদ্যমানা দেখিয়া আশ্বাস বাক্যে ঐ পুত্রটি প্রতিপালনে প্রতিশ্রুত হইলেন । † তৎপরে মহালক্ষ্মী ও কালধর্ম্যে পতিত হইলেন । বিশেষর মৈত্র কাশীধাম যাত্রা করিলেন ।

এদিকে জয়দুর্গা মাধবকে পালন করিতে লাগিলেন । ক্রমে অধীতবিদ্যা মাধব যৌবনে পদার্পণ করিলে পর; নিত্যানন্দের প্রিয়ছাত্র হইয়া উঠিলেন । সেই সময় নিত্যানন্দের কন্যা বয়স্হা থাকায় উপযুক্ত পাত্রাভাবে নিত্যানন্দ মাধবের করে গঙ্গাকে সমর্পণান্তর মহাপ্রস্থানে প্রয়ান করিলেন ।

ফলতঃ মাধবাচার্য্য গৌরীদাসের ঔরস পুত্র নছেন পালক মাত্র । এই নিমিত্ত অপর অপর গোশ্বামিগণের আদান প্রদান দেদীপ্যমান । কিন্তু মাধবাচার্য্যের কোন উল্লেখই দেখিতে পাই নাই । আমি মিথ্যা প্রবাদের অনুসরণ করিয়া এতাদৃশ কষ্টভোগ করিয়াছি ।

কুলশাস্ত্রে অবগত হওয়া যায় গৌরীদাসের তিন বিবাহ ছিল । তাহার মধ্যে জয়দুর্গা তৃতীয়া । তাহার গর্ভে দুই পুত্র জন্মে । প্রথম শ্রীনাথ দ্বিতীয় শ্রীপতি উক্ত শ্রীনাথ ঘটকাচার্য্য উপাধি প্রাপ্ত হইলেন । তাহার মাতা জয়দুর্গা মাধবকে প্রতিপালন করিয়া ছিলেন । চট্টবংশের সহিত মাধবের এই মাত্র সম্পর্ক । এতদিন অনুসন্ধানের ফলে আমি অদ্য আহ্লাদের সহিত মাধবাচার্য্যের বংশবল্লী লিখিতে সক্ষম হইলাম । বিংশবিলাস ২১৩ পৃষ্ঠা ।

তথাচ রত্নাকরে—

বৃন্দাবন হইতে আসিলেন জাহ্নবাজ্জধরী ।

রহিলেন কত দিন আসি শ্রীখেতরী ॥

তাঁর সনে থাকে সদা মাধব আচার্য্য ।

গান বাজে তিঁহ হরে সবাঁকার ধৈর্য্য ॥

† কিন্তু একমাত্র পুত্রহেতু পোষ্যরূপে গ্রহণ করিতে পারিলেন না । কারণ ধর্ম্মশাস্ত্রমতে একমাত্র পুত্র, দান অসিদ্ধ হয় আবার তাহাতে বারেন্দ্র শ্রেণী ।



মাধব আচার্য্য হয় বারেন্দ্র ব্রাহ্মণ ।

নিত্যানন্দ প্রিয় ভক্ত পরম কুলীন ॥

(১৮৫ পৃষ্ঠা)

অপিচ—

দেবীদাস আর মাধবাচার্য্য কীর্তনীয়ার সহিত খোল বাজাইতেন—

দেবী দাস মাধব আচার্য্য মৃদঙ্গ বাজায় ॥

গৌরঙ্গ গোবিন্দ দাস করতাল বায় ॥

(নিত্যান দাস)

কোন কোন গোস্বামী প্রভু অধুনা কুলীন সন্তানকে সমাদর করিতেন না । তাহাদের মনোগতভাব যে, নিত্যানন্দ যে স্থলে কন্যাদান করিয়া গিয়াছেন তাহাদের সহিত আদান প্রদান বিধেয় । বোধ হয় তাহারা জ্ঞাত ছিলেন না যে । কি অবস্থায় তাহাকে বিপদ-গ্রস্ত হইয়া কন্যাদান করিতে হইয়াছিল । যথার্থ কথায় সে সময় কোন কুলীন সন্তান তাঁহার কন্যা গ্রহণে সম্মত ছিলেন না । তখন নিত্যানন্দ সন্ধিগ্ন বটব্যাল বলিয়া সমাজে খ্যাত । এই অবস্থায় তিনি কুলনাশক হইয়া দাঁড়াইয়াছিলেন তাহা পূর্বেই দেখাইয়াছি । তাহার পর পার্বতী নাথকে ধরিয়া কিরূপ টানাটানি তাহাও পাঠকবৃন্দ দেখিয়াছেন । যখন শ্রীরামচন্দ্র সভাস্থ হইয়া দেবীবর হইতে পূর্ব-মর্যাদা পুনঃপ্রাপ্ত হইলেন, তখন পার্বতীর কুলরক্ষা হইল । এবং বীরচন্দ্রের অপর কন্যাদ্বয় কুলীনে দান করিতে সক্ষম হইলেন ।

গোস্বামী প্রভুগণ বিবেচনা করিবেন ; যদি কুলীন সন্তানগণ আমাদের কন্যাগ্রহণ না করিতেন, এবং আমরাও যদি পূর্বমর্যাদা পুনঃপ্রাপ্ত না হইতাম তাহা হইলে আমরা সমাজে বর্ণব্রাহ্মণ হইতেও নীচ ও অধম শ্রেণাভুক্ত হইতাম । এবং যেক্রমে শ্রীনিত্যানন্দ কন্যাদান করিয়া গিয়াছেন আমাদেরকেও তাঁহার প্রদর্শিত পথ অবলম্বন করিতে হইত সন্দেহ নাই ।

প্রভু বলিয়া কেহ গুরুস্থানীয় স্বীকার করিতেন না । যদি শূদ্রের

পর্যন্ত গোস্বামী উপাধি আছে । এবং তাহাদের শিষ্য ও বিস্তর আছে । কিন্তু উচ্চবংশীয় ব্রাহ্মণ সন্তান তাহাদের শিষ্য দেখা যায় না । ইহা কেবল শ্রীনিত্যানন্দ বংশে ছিল ও আছে । কেবল জাতিগত মর্যাদাই ইহার প্রকৃত কারণ মাত্র । সুতরাং আমরা কুলীন সন্তানদিগের সহিত এতাবৎ কাল আদান প্রদানে যশস্বী ॥ তাহার কিছু পরিচয় দিলাম পাঠক সহজেই বুঝিতে পারিবেন ॥

রামচন্দ্র ও রুক্মিণীকান্ত গোস্বামীর সমসাময়িক  
আদান প্রদানের একদেশ ।

( ১ ) ভরদ্বাজ গোত্রে রামেশ্বরের তৃতীয় পুত্র কিংকর । খড়দহ নিবাসী রুক্মিণী কান্ত গোস্বামীর কন্যা গ্রহণ ॥

( ২ ) ঐ গোত্রে—কামদেবের বংশে চাঁদের চতুর্থ পুত্র রামেশ্বর, রামচন্দ্র গোস্বামীর কন্যা বিবাহ ॥

( ৩ ) ঐ গোত্রে মধুসূদনের বংশে দয়ারাম, কলিকাতা নিবাসী লক্ষ্মীকান্ত গোস্বামীর কন্যা বিবাহ ।

( ৪ ) ঐ গোত্রে বলরামের পুত্র ভৃগুরামের বংশে বিশ্বনাথ, কলিকাতা নিবাসী অদ্বৈত চরণ গোস্বামীর কন্যা বিবাহ ।

( ৫ ) ঐ গোত্রে সূসেনের পৌত্র রত্নেশ্বরের বংশে পরমানন্দ, খড়দহে নেত্রচ্ছব গোস্বামীর কন্যা বিবাহ ।

( ৬ ) ঐ গোত্রে সূসেনের পৌত্র রমণের বংশে দেবীচরণের দ্বিতীয় পুত্র জয়কৃষ্ণ, মোং খড়দহ রাধামোহন গোস্বামীর কন্যা বিবাহ ।

( ৭ ) ভরদ্বাজ গোত্রে রামাচার্যের পঞ্চমপুত্র । গঙ্গানন্দ ভট্টাচার্যের পৌত্র । পার্বতী নাথ ঠাকুর, বীরভদ্র গোস্বামীর কন্যা বিবাহ । প্রথম ভুরকুণ্ডা নিবাসী ঘোষ কানুরায়ের কন্যা বিবাহ । রামদাসকে কন্যা প্রদান হেতু অত্র বীরভদ্রী প্রাপ্ত ।

( ৮ ) ঐ গোত্রে বানেশ্বরের জ্যেষ্ঠপুত্র রামানন্দ, শ্রীক্ষেত্রে বীরভদ্র গোস্বামীর ( দ্বিতীয়া ) কন্যা বিবাহ । অত্র বীরভদ্রী । পশ্চাৎ সোণামুখী গ্রামনিবাসী রামগোপাল বন্দোপাধ্যায়ের কন্যা বিবাহে ভঙ্গ ।

( ৯ ) ঐ গোত্রে পুরাইয়ের চতুর্থপুত্র ষষ্ঠীদাস বীরভদ্রের ( তৃতীয়া ) কন্যা বিবাহ । অত্র বীরভদ্রী ১৮৮১-১৯৭১-১৯৮ পৃষ্ঠা দেখুন ।

আর কত দেখাইব এইরূপ আদান প্রদান নিত্যানন্দ বংশে অতি সুলভ । পূর্বের গোস্বামীগণ কুলীন সম্ভানকে কন্যাদান করিয়া জামাতা সহ আপন বাটীতে প্রতিপালন করিতেন । অবশেষে দৌহিত্রাদি হইলে তাহার বাসস্থান নির্দেশ করিয়া দিতেন । আমাদের চারিমেনে আদান প্রদান রহিয়াছে, সেই কারণ আমরা সিদ্ধশ্রোত্রিয় বিধায়ে গোষ্ঠীপতির আসন প্রাপ্ত হইয়াছি । আপাততঃ অর্থাভাব প্রযুক্ত ঐশ্বর্যের লোভে প্রলুব্ধ হইয়া প্রায়শঃ করণীয় ঘর অবলম্বন করিতেছি । কিন্তু যাহাদের সম্মান বোধ আছে তাহারা অত্যাধিক কুলকার্য্য ত্যাগ করেন নাই । ইদানীং পূজ্য পাদ ৩দীননাথ গোস্বামী তাহার ভ্রাতুষ্পুত্রীকে শ্রীযুক্ত তিনকড়ি মুখোপাধ্যায়ের হস্তে সমর্পণ করিয়া গৌরবান্বিত ।

আর একটী আব্দারের কথা মনে পড়িল । আমার পিতামহ ঠাকুর ৩নিত্যগোপাল গোস্বামী, তাহার জ্যেষ্ঠাকন্যা শ্রীমতী কিশোরীর বিবাহ ৩তিলক রাম পাকড়াসীর দৌহিত্র ৩ঈশানচন্দ্র মুখোপাধ্যায়ের সহিত সম্বন্ধ স্থির করেন । সোণার অলঙ্কার ও রূপার দান শয্যা, ও বরাভরণ ছাড়া ৪০০ টাকা পণ ধার্য্য করিয়া ছিলেন । ঈশানচন্দ্র বিষ্ণুঠাকুরের বংশ সম্ভূত এবং স্বভাবে ছিলেন । যখন কন্যা সম্প্রদান হেতু মনোচ্চারণ হইতেছে । এমন সময় ঈশানচন্দ্রের মাতা বাধা দিয়া বলিয়া পাঠাইলেন যে । আমার ঈশানের কল্যাণে ৩কালী ঘাটে সোণার মুগুমালার বিবাহের মানসিক আছে । তাহা আমি পূর্বের বিস্মরণ হইয়াছি । এক্ষণে মুগুমালার না পাইলে আমি কন্যা সম্প্রদান করিতে দিব না ।

পিতামহ ঠাকুর কি করেন । যথোচিত অনুনয় বিনয়ের পর ১২০০ টাকা ঐ মালার মূল্য স্থির করিয়া, টাকা বুঝাইয়া দিয়া, তৎপরে সম্প্রদান করিতে সক্ষম হইয়াছিলেন । উক্ত ঈশানচন্দ্রের এক দৌহিত্র মাত্র অবশিষ্ট । তাহার ঠিকানা ৪ নং হালদারলেন বহুবাজার ।

কথিত আছে একদিবস বৈশাখ মাসের মধ্যাহ্নে আহারাশ্তে পিতামহ নিত্যগোপাল গোস্বামী আরাম করিয়া তামাকু টানিতে ছিলেন । বহুবাজার নিবাসী ধনাঢ্য শ্রীযুক্ত কালিদাস শীলের পিতা ধার্মিক ও গুরুভক্ত ঽকাশীনাথ তাহার পদ সেবায় নিযুক্ত । এমন সময় একব্রাহ্মণ অত্যন্ত তৃষ্ণার্ত ও পরিশ্রান্ত হইয়া জল প্রার্থনা করিলেন । কাশীবাবু ব্যতিব্যস্ত হইয়া একটি ডাবও সন্দেশ আনাইয়া দিলেন । ব্রাহ্মণ জল পান করিয়া আমার পিতামহের সহিত পরস্পর কথা বার্তায় বিগতক্রম হইলে । তাহাকে আহারের নিমিত্ত অনুরোধ করেন । কারণ নিম্নগ্রাম তাহার বাসস্থান বহুদূর ; ব্রাহ্মণ স্বপাকে স্বীকৃত হইয়া গঙ্গাস্নান ও নিত্যক্রিয়া সমাপনাশ্তে চুল্লির উপর অন্ন পাক করিতে আরম্ভ করিলেন । পিতামহ ঠাকুরের এক দৌহিত্র তাহার পদ সেবায় নিযুক্ত হইল । ব্রাহ্মণ তামাকু টানিবার জন্ত উপস্থিত হইলেন । ঐ বালকটির পরিচয় তাহাকে জিজ্ঞাসা করায় । পিতামহ দৌহিত্র বলিয়া জ্ঞাত করিলেন । তখনকার সেকালে বোকা ছেলেরা আর কিছু শিক্ষা করুক বা না করুক আত্মপরিচয় শিক্ষা করিত । বালক বলিল আমরা বিষ্ণুঠাকুরের সন্তান ( স্বভাব ) হরিনাথের বংশধর । ব্রাহ্মণ হুকা রাখিয়া অন্নের স্থালি রাস্তায় নিক্ষেপ করিল, আমার পিতামহ ভীত হইয়া কারণ অনুসন্ধান করিলে, ব্রাহ্মণ আপন দোষ স্বীকার করিয়া বলিলেন, পরিচয় জিজ্ঞাসা না করিয়া, হাঁড়ি চড়ান আমার অন্যায় হইয়াছে । আপনারা কি শুদ্ধ শ্রোত্রিয় ? আর পৃথক পাকের প্রয়োজন নাই, আপনার কন্যাকে কিঞ্চিৎ অন্ন দিতে বলুন । ভাষা হইলেই আমার জাতি রক্ষা হইবে । আমার পিতামহ পরিচয় জিজ্ঞাসা করিলে, ব্রাহ্মণ বলিল, বিষ্ণুরবংশে রামসুন্দরের তিন পুত্র । প্রথম বৃন্দাবন, দ্বিতীয় কাশীনাথ, তৃতীয় হরিনাথ । এই হরিনাথের বংশে আপনার দৌহিত্র জন্ম গ্রহণ করিয়াছে । আমি কাশীনাথের বংশ সম্বৃত । সতরাং উহার খুল্লতাত । ঐ বালক ও স্বভাব আমিও স্বভাব । নিম্ন গ্রামেই আমি বিবাহ করিয়াছি এবং সেই খানেই যাইতেছি । পিতামহ জ্ঞাত হইয়া

প্রকৃতিস্থ হইলেন এবং তাহাকে ভোজন করাইয়া যথাযোগ্য সন্মানের সহিত বিদায় করিলেন । ইহাই গৌরব, শুদ্ধ শ্রেত্রিয় এই জন্ম গৌরবাস্বিত ।


## কাশ্যপ গোত্রে মৈত্র গাত্রিঃ ।

নত্মাপুর নিবাসী

বিশ্বেশ্বর মৈত্র ( বারেন্দ্র শ্রেণী )

মাধবাচার্য্য ( মৈত্র )


গোপাল বল্লভ মৈত্র



\* এই মহাপুরুষ আসিয়া জীয়াট হইতে প্রথম কলিকাতায় বাস করেন । এক্ষণে সাং পাথরিয়া ঘাটা ।



কাশ্যপ গোত্রে মৈত্র গাঞি  
রামকানাই মৈত্র



আমি গঙ্গাবংশের এক দেশ মাত্র দেখাইলাম । অপরাপর অংশ  
মোং জিরাটে অনুসন্ধান না করিলে জ্ঞাত হইতে পারা যায় না ।  
আমি বৃদ্ধাবস্থায় শারীরিক অসুস্থ এবং অক্ষম । অতএব পাঠক  
মহোদয় আমাকে দয়া পরবশ মার্জ্জনা করিবেন । এই পুস্তক সন : ৩১২  
নালের আশ্বিন শুক্লা যষ্ঠীতে আরম্ভ করিয়' ২০ সাল অগ্রহায়ণ  
কৃষ্ণ দশমীতে শেষ করিলাম । পাড়িতাবস্থায় আর অনুসন্ধানের  
ক্ষমতা নাই । কেবল সম্বন্ধ নির্ণয় পুস্তক হইতে এই বংশলতা অঙ্কিত  
করিলাম মাত্র । বোধ হয় ভ্রম প্রমাদ অসম্ভব হইবে না ।

এই মহাভারত শ্রীমদ্ভাগবতে যথার্থ বিদ্যা ছিল । অন্যাবধি আমরা ঐরূপ ভাগবতের পণ্ডিত  
দেখি নাই বলিলেও বলা যায়, অর্থাৎ সুপণ্ডিত ছিলেন ।


# শ্রীনিত্যানন্দ প্রভুর স্থাপিত সেবা বিভাগের বিশেষ বিবরণ ।

শ্রীনিত্যানন্দের উর্দ্ধ ২০ পর্যায়ে চন্দ্রকেতু ঠাকুর জন্মগ্রহণ করেন । তাহার পিতা ঘোরতর তান্ত্রিক থাকিলেও চন্দ্রকেতু পরম নৈষ্ণব ছিলেন । তাহারই প্রতিষ্ঠিত বক্ষিমদেব । যে সময়ে নিত্যানন্দ খড়দহে বাস আরম্ভ করেন, সেই সময় বক্ষিমদেবকে খড়দহে আনয়ন করেন । শ্রীঅনন্তদেব ঐ বিগ্রহের সঙ্গেই ছিলেন । ত্রিপুরা স্তম্ভরীদেবী চন্দ্রকেতুর পিতার প্রতিষ্ঠিত নিত্যানন্দ আনয়ন করেন । স্তম্ভরাং তিনদেবতাই বীরচন্দ্র উত্তরাধিকারী সূত্রে প্রাপ্ত । যে সময় বীরচন্দ্র শ্যামসুন্দর মূর্তি প্রতিষ্ঠা করিলেন ; সে সময় গোপীজন বল্লভ ও রামকৃষ্ণকে বক্ষিমদেব দান করিলেন \* । সেই দান সূত্রে উক্ত গোস্বামিদ্বয় বক্ষিমদেবকে প্রাপ্ত হইলেন ; উত্তরাধিকারী সূত্রে প্রাপ্ত নহেন । ৩ গুরুগোবিন্দ গোস্বামী যে সময় পালা বিভাগ করিয়া দণ্ড পলের হস্ত হইতে মুক্তিলাভ করেন । সে সময় সমস্ত গোস্বামীগণ উপস্থিতে পূর্ব বিভক্ত দণ্ডপল অনুযায়ী পালা বিভাগ করা হইয়াছিল । বংশাবলী অনুযায়ী করা হয় নাই । সে সময়ে বংশাবলী অনুযায়ী নির্ণয় করিতে চেষ্টাও করেন নাই । দুই প্রযুক্ত পরিত্যক্ত হইয়াছিল । সেই কারণ বংশাবলী অনুসারে দেখিলে নিভুল বোধ হয় না । অধুনা তাহা নির্ণয় করা আমার সাধ্যায়ত্ত নহে । বহুতর দৌহিত্রে সেবার অংশ গত হইয়াছে, এবং কেহ কেহ খরিদ বিক্রয়ের দ্বারা দখলিকার আছেন । ইহা নির্ণয় করা সহজ সাধ্য নহে । বোধ হয় বিস্তর পরিশ্রমে হইলেও হইতে পারে । এক্ষণে উক্তরূপ বিভক্ত অংশ ৩ কেশবকৃষ্ণ গোস্বামী ( বিরাট ভোগ উপলক্ষে ) যাহা প্রকাশ করিয়া ছিলেন । তাহাই প্রদর্শিত হইল । ভ্রম প্রমাদ জন্ম আমি দায়ী নহি । তবে এই মাত্র দেখা যায় যাহাদের

\* পূর্বে ৫৩ পৃষ্ঠায় উল্লেখ করিয়াছি ।

অতি সামান্য অংশ তাহাদের অংশের অঙ্ক বসান হয় না। কেবল তারিখ মাত্র নির্দিষ্ট আছে। তাহার মধ্যে ১ তারিখ ও ১৩ তারিখের মধ্যে কাহারও একমাস অন্তর আছে, অংশনামা দেখিলেই বুঝিতে পারিবেন।

সেবা বিভাগ



৩ গুরুগোবিন্দ গোস্বামীর দ্বারা (সন ১২০৫ শালের ৪ঠা কার্তিক) বিভক্ত এবং শ্রীনিত্যানন্দ বংশীয় গোস্বামী দ্বিগের অনুমোদিত।

শ্রীমন্নিত্যানন্দের ত্রিপুরাসুন্দরী যন্ত্র ও শ্রীঅনন্তদেব শীলা এবং বঙ্কিমদেব বিগ্রহ। শ্রীবীর চন্দ্র প্রভুর প্রতিষ্ঠিত শ্রীশ্রী৩রাধার শ্যামসুন্দর যুগল মূর্তি।

সেবাদিকারিগণ	সেবার অংশ	প্রতি মাসিক রোজ
৩রামচন্দ্র প্রভু	১	৩০ রোজ
রামদেব গোস্বামী	১০	৭৥ রোজ
কৃষ্ণদেব গোস্বামী	১০	৭৥ রোজ
বিষ্ণুদেব গোস্বামী	১০	৭৥ রোজ
রাধামাধব গোস্বামী	১০	৭৥ রোজ

সর্ব সাঙ্কিম খড়দহ ।

ললিত মোহন গোস্বামী	১০	প্রতি মাহার ১লা হইতে ৪ঠা রোজ ।
কেশবকৃষ্ণ গোস্বামী	৫	
গোবিন্দচাঁদ গোস্বামী	১০	

সর্ব সাঙ্কিম বটতলা ।

কানাইলাল গোস্বামীর দৌহিত্রদ্বয় দীননাথ ও চন্দ্রনাথ মুখোপাধ্যায় হরলাল গোস্বামীর দৌহিত্র	মোট ১০/৬৥	প্রতিমাহার ৫ই রোজ হইতে ৮ই রোজ ।
---	-----------	------------------------------------

সেবাধিকারিগণ	সেবার অংশ	প্রতি মাসিক রোজ ।
রাজেন্দ্রনাথ মুখোপাধ্যায় অমৃতলাল গোস্বামী রাধানাথ গোস্বামী রাজকৃষ্ণ গোস্বামী ভোলানাথ গোস্বামী শিবচন্দ্র গোস্বামী গোবর্দ্ধন গোস্বামী ভুবনমোহনের দৌহিত্র রাধারমণ চট্টোপাধ্যায়		উক্ত ৮ই রোজ এক মাস কুমারটুলি ও পর মাসে কাঁটা পুষ্কর্ণির গোস্বামীগণ পাইয়া থাকেন । এই মাত্র বিশেষ ।

## সর্ব সাকিম কুমারটুলি ।

ঈশ্বরচাঁদ গোস্বামী নবকৃষ্ণ গোস্বামী দীননাথ গোস্বামী ক্ষেত্র মোহন গোস্বামী বিহারীলাল গোস্বামী কমলকৃষ্ণ গোস্বামী রাখালচাঁদ গোস্বামী রাধাবল্লভ গোস্বামী	১০/৬ =	৫ই হইতে ৮ রোজ
---	--------	---------------

## সর্ব সাকিম কুমারটুলি ।

রাধিকামোহন বলভদ্র গোস্বামী হীরলাল মুখোপাধ্যায় ৩মনমোহিনী দেবীর পুত্র ভূতনাথ চট্টোপাধ্যায়	১০ ১০ ১০/৬	৫ই হইতে ৮ই রোজ মধ্যে ।
---	------------------	---------------------------

## সর্ব সাকিম কাঁটাপুষ্কর্ণি ।

সেবাধিকারিগণ	সেবার অংশ	প্রতি মাসিক রোজ
লক্ষ্মীনারায়ণ গোস্বামী (১)		
বীরচন্দ্র গোস্বামী		
শ্যামলাল গোস্বামী		
রসিকলাল চট্টোপাধ্যায় (২)		
দীননাথ গোস্বামী		
স্বরূপচাঁদ গোস্বামী		
শিবকৃষ্ণ গোস্বামী		
ভরতচন্দ্র গোস্বামী		
শ্রীকৃষ্ণ গোস্বামী		প্রতি মাহায় ৯ই রোজ
প্রসন্ন ময়ী দেবীর পুত্র		
মহাদেব চট্টোপাধ্যায়		
ক্ষীরোদ বিহারী গোস্বামী		
প্রতাপচাঁদ গোস্বামী		
উদয়চাঁদ গোস্বামী		
ক্ষেত্রমোহন গোস্বামী		
বিপিন বিহারী গোস্বামী		
হলধর গোস্বামী		
গোবিন্দচাঁদ গোস্বামী		

(১) সাং টালা (২) সাং খড়দহ (৩) সাং শোভাবাজার, সর্বসাকিম বাগবাজার

সুরেন্দ্র মোহন গোস্বামী		
দীননাথ গোস্বামী		
জগন্নারিণী দেবী	১০	প্রতি মাহার ১০ই রোজ
জ্ঞানেন্দ্রমোহন গোস্বামী	১০	মাত্র।
মহেন্দ্র মোহন গোস্বামী	১০	
গোপীমোহন গোস্বামী	১০	



সেবাধিকারিগণ	সেবার অংশ	প্রতি মাসিক রোজ
উপেন্দ্র মোহন গোস্বামী	১/০	মাহার ১০ই রোজ মধ্যে ।
প্রসন্ন মোহন গোস্বামী	১/০	
মোহিনীমোহন গোস্বামী	১/০	
ক্ষেত্রমোহন গোস্বামী	১/০	

## সর্বসাক্ষিকম খড়দহ

জগদীশ্বর গোস্বামীর পুত্র		প্রতি মাহার ১১ই রোজ মাত্র ।
অটল বিহারী গোস্বামী		
নীলমাধব গোস্বামী		
শ্যামচাঁদ গোস্বামী		
কৃষ্ণলাল গোস্বামী দীং		
কিশোরলাল গোস্বামী		
পূর্ণচন্দ্র গোস্বামী		
নগেন্দ্রনাথ গোস্বামী		
ক্ষেত্রচাঁদ গোস্বামী		
ত্রিপুরাসুন্দরী দেবী *		
বিহারীলাল গোস্বামী		
রাধামাধব গোস্বামী		

## সর্বসাক্ষিকম খড়দহ

রাজকৃষ্ণ গোস্বামী	১/০	প্রতি মাহায় ১২ই রোজ
নবদ্বীপ চন্দ্র গোস্বামী (১)	১/০	
ক্ষেত্রমোহন গঙ্গো (২)	১/০	
৩ গোরচাঁদ গোস্বামীর ওয়ারিসগণ	১/১০	
বিহারীচাঁদ গোস্বামী (৩)	১/১০	

(১) সাং বেনেটোলা, (২) সাং চুচুড়া (৩) সাং শোভাবাজার ।

\* উক্ত ত্রিপুরাসুন্দরী দেবীর দরণ ১১ই ও ১৩ রোজের সেবা পিরালি বংশোদ্ভব শ্রীনিরঞ্জন সুখোপাধ্যায় আদালতের ডিক্রি অনুসারে প্রাপ্ত হইলেও ধর্মশাস্ত্র ও আচার অনুযায়ী তিনি পাইতে পারেন না এবং কখন ইহার দখলও নাই এবং ছিল না ।

সেবাধিকারিগণ।	সেবার অংশ	প্রতিমাসিক রোজ
জগদীশ্বর গোস্বামীর পুত্র অটলবিহারী গোস্বামী নীলমাধব গোস্বামী শ্যামচাঁদ গোস্বামী কৃষ্ণলাল গোস্বামী কিশোরলাল গোস্বামী পূর্ণচন্দ্র গোস্বামী নগেন্দ্রনাথ গোস্বামী ক্ষেত্রচাঁদ গোস্বামী ক্ষেত্রমোহন মুখোপাধ্যায় ত্রিপুরাসুন্দরী দেবী	১০	১৩ই রোজ মাত্র।

সর্বসাকিম খড়দহ

নীলমাধব গোস্বামী	১০	১৩ই রোজ
গোরাচাঁদ গোস্বামীর ওয়ারিস্গণ(১)	১০	
৩জগন্নাথ গোস্বামীর ওয়ারিসের নিকট খরিদা সেবা		
সুরেন্দ্রমোহন গোস্বামী		
দীননাথ গোস্বামীও জগন্নারিণী দেবী		
শিবেন্দ্রমোহন গোস্বামী		
ভবেন্দ্রমোহন গোস্বামী	১০	
রাখালরাজ গঙ্গো (১)	১০	
স্বরূপচাঁদ গোস্বামীর ৫পুত্র (৩)	৩০	

( ১ ) সাং ঢুলিপাড়া ( ২ ) সাং বেনেটোলা ( ৩ ) সাং পাথুরিয়াঘাট।  
এবং খড়দহ।

সেবাধিকারিগণ	সেবারঅংশ	প্রতি মাসিক রোজ
নিতাইকিশোর গোস্বামী কুঞ্জকিশোর গোস্বামী রাজকিশোর গোস্বামী বিনোদকিশোর গোস্বামী যুগলকিশোর গোস্বামী (১) মহেন্দ্রলাল গোস্বামী মাণিকচাঁদ গোস্বামী বলাইচাঁদ গোস্বামী নিতাইচাঁদ গোস্বামী (২)	মোট ৭রোজ	১৪ই হইতে প্রতিমাহার ২০শে রোজ

( ১ ) সর্বসাকিম খড়দহ ।

( ২ ) সর্বসাকিম সিমুলিয়া ।

৩পঞ্চানন গোস্বামী		প্রতি মাহার ২১ শে
শ্যামলাল গোস্বামী দীং	১৥০	রোজহইতে ২৩ রোজ
হলধর গোস্বামী	৫০	
চন্দ্রমোহন গোস্বামী	৫০	

সর্বসাকিম আহিরী টোলা ।

প্রাণবল্লভ গোস্বামী	৥০	প্রতি মাহার ২৪শে
দ্বারকানাথ গোস্বামী		রোজ মোট ১রোজ
ক্ষেত্রমোহন গোস্বামী		
অমৃতলাল গোস্বামী	৥০	

সর্বসাকিম আহিরী টোলা ।

রাধিকামোহন গোস্বামী	৥০	প্রতিমাহার ২৫শে
বলভদ্র গোস্বামী	৥০	রোজ ।

সর্বসাকিম কাঁটাপুকুরিণী ।

সেবাধিকারিগণ	সেবারঅংশ	প্রতি মাসিক রোজ
সুরেন্দ্রমোহন গোস্বামী রাজেন্দ্রমোহন গোস্বামীর অংশ খরিদ করেন । দীননাথ গোস্বামী শিবেন্দ্র ও ভবেন্দ্রমোহনের অংশ খরিদ করেন । দীননাথ গোস্বামী ৩যোগেন্দ্র গোস্বামীর কন্যা শ্রীমতী জগৎতারিণী দেবী	১ ১ ১ ১	প্রতি মাহার ২৬ হইতে সংক্রান্তি বুতুনির সেবা সহিত—

সর্বসাকিম খড়দহ ।

নিত্যানন্দ ও কনক মোহন গোস্বামী দিগর		প্রতিমাহার কমি বেসি হইলে ইহারা প্রাপ্ত হইয়া থাকেন ।
--	--	--

সাকিম বুতুনী জেলা ঢাকা ।

রাধাকান্ত গোস্বামীর পুত্র ব্রজমোহন তৎপুত্র গোষ্ঠবিহারী ।  
রাধারমণ নিঃসন্তান হেতু ঐ অংশ ব্রজমোহন প্রাপ্ত হইলেন । রাধা  
নন্দন গোস্বামী, রাধানাথ গোস্বামীর দৌহিত্র নসীরাম মুখোপাধ্যায়  
মহেন্দ্রমোহন গোস্বামীকে বিক্রয় করেন । রাধাগোবিন্দ গোস্বামীর  
অংশ প্রাপ্ত হয় মহেন্দ্র মুখোপাধ্যায় মোট ১ রোজ—

## লোহার সিন্দুকের মকদ্দমা ।

৩যদুলাল মল্লিকের পরামর্শে ও উদ্যোগে এবং সাহায্যে শ্রীশ্রী ৩ শ্যামসুন্দরজীউর লোহার সিন্দুকের মকদ্দমা রুজু হইয়াছিল। তাহার আমূল বৃত্তান্ত এই—পূর্বে ছোটতরফ ৩মদনমোহন গোস্বামী ও তাহার বংশধরগণ ৩শ্যামসুন্দর জীউর সর্ব শরিখের সেবা পূজা পর্ব সকল নির্বাহ করিতেন, এবং ঐ ঠাকুরের উপসম্বৎসর সমস্ত গ্রহণ করিতেন। অপরাপর শরিখগণ কলিকাতাবাসী হেতু এই বিপর্যয় উপস্থিত হইয়াছিল। এইরূপে শরিখগণ প্রায় ৯০ বৎসরকাল বেদখল ছিলেন; কিন্তু রাসপর্বের সময় শরিখদিগের নিকট অনুমতি গ্রহণ করিতেন। ইদানী তাহাও করিতেন না। এই প্রকারে শরিখ সকল যাত্রীদলভুক্ত হইয়া পড়িয়াছিলেন। উক্ত গোস্বামীর বংশধরগণ একাধিপত্য স্থাপন করিয়া সেবা পূজা চালাইতেছিলেন। একদিবস আমার ৩পিতামহ ঠাকুরের মহোৎসব উপলক্ষে কথাস্মরণ হয়, সেইজন্য আমার পিতা ৩গুরুগোবিন্দ গোস্বামী ইহার প্রতিকার হেতু ৩যদুলাল মল্লিকের সহিত পরামর্শ করিলেও, সে সময় তাহার কোনরূপ প্রতিকার হয় নাই। পরে ইহার প্রতিকার হেতু মল্লিক বাবু বন্ধপরিকর হইলেন। তাহাতে প্রথমে ৩যদুলাল মল্লিক উকিল সহ ও আমরা লোহার সিন্দুকের চাবি প্রার্থনা করিলে, রাজেন্দ্র ও ভূপেন্দ্র মোহন গোস্বামী চাবি দেখাইয়া বলেন, “আমি চাবি দিব না বাহার ক্ষমতা থাকে তিনি লউন।” সেক্ষেত্রে আমরা ফৌজদারী কার্যবিধির অনুগত না হইয়া সিন্দুকের মোকদ্দমা রুজু করিলাম। এবং তাহার বিচারে মান্যবর প্রিন্সেসফ ও ওকিনালি সাহেবের নিকট ১৮৮২ সালের ৫ই মে তারিখের ফয়সালার দ্বারা নিষ্পত্তির বলে এই ক্ষতিপূরণের জন্য ৩রাজেন্দ্রমোহন গোস্বামীর বিরুদ্ধে ৪৭১০ টাকার ডিক্রী প্রাপ্ত হই। ঐ বিগ্রহের অলঙ্কারাদির নিতাইকিশোর ঘেরূপ তালিকা দাখিল



করিয়াছিল তাহা হাইকোর্ট (কৃত্রিম হওয়ায়) বিশ্বাস করেন না । নিম্ন আদালতের অনুমতিক্রমে সিন্দুক ভাঙ্গিয়া রূপার ঝড়াই দুইটি ও আর্সলার নাদি কিছু প্রাপ্ত হওয়া যায়, সেই ক্ষতিপূরণার্থ নিতাই কিশোরের তালিকা সত্য হউক বা মিথ্যা হউক, রাজেন্দ্র স্বয়ং অলঙ্কারাদির মূল্য যাহা স্বীকার করিয়াছিল তাহার বিরুদ্ধে ঐ ডিক্রী হইল । বাদিগণ খরচা পাইবেন এবং বিনোদ ও যুগলকিশোর নাবালকহেতু রেস্পাণ্ডেন্টের খরচা আপিলেন্ট দিবেন ।

উক্ত বিগ্রহের সেবাইৎ সম্বন্ধে সর্ভর্ডিনেট জজের রায়—প্রতি-বাদিগণ ৫নং হইতে ১১ নম্বর পর্য্যন্ত ও নিতাইকিশোর ইহার বিগ্রহের রিসিভার হইয়া সেবা চালাইবেন ; এবং আপন আপন স্থলাভিষিক্ত ব্যক্তি নিযুক্ত করিবেন । কিন্তু রাজেন্দ্র ইহার মধ্যে থাকিবেন না । হাইকোর্ট তাহা গ্ৰায়সঙ্গত বিবেচনা করিলেন না । হাইকোর্টের হুকুম-মতে নিতাই এই কার্যের অনুপযুক্ত । অতএব নিতাই ব্যতীত অগ্ৰাণ্য রিসিভার অদ্য হইতে তিন মাস কালের জন্য বিগ্রহের ভার লইবেন । পরে অধিকাংশের মতানুসারে একজন লোক নিযুক্ত হইবে ।

## রাসযাত্রার মকদ্দমা ।

হাইকোর্টের মান্যবর জজ আর, এম, কানিংহেম ও মান্যবর এ, টি, মেকলীন সাহেবের ১৮৮৩ সালের ১৮ই জানুয়ারি তারিখের ফয়সালা ১৮৮১ সালের ১১৫৪নং মকদ্দমা ।

রাজেন্দ্র ও শিবেন্দ্র মোহন গোস্বামী দীং রেস্পাণ্ডেন্ট ।

এই মোকদ্দমার বাদিগণ দুই জনের নামে নালিস করে তাহাদের একজন বর্তমান আপিলেন্ট, সে বাদিগণের সহিত এজমালীতে পর্ব্বাদি ব্যাপারে স্বার্থপ্রাপ্ত হইত । এই ব্যাপারে এই মোকদ্দমার মূল কারণ

উপস্থিত করিয়াছে যে—বাদিগণ কৃষ্ণমোহন গোস্বামীর উত্তরাধিকারী, তাহারাই তাহাদের কুলদেবতার কোন কোন পর্বদি নিৰ্বাহ করে । ঐ ব্যাপারে যাহা কিছু প্রাপ্য তাহাতেই তাহাদিগের নিগূঢ় মত । সেই সঙ্গে প্রতিবাদিগণ বে-আইনিরূপে হস্তক্ষেপ করিয়া বিগ্রহ দখল করিয়াছে ; এবং বাদিদিগের সস্থানুসারে বাদিগণকে কার্য্য করিতে বিবাদীরা বাধা দিতেছে । এই কারণ ইন্জংসান প্রার্থনা করিয়া ঐ ঋবদে ১১০০ টাকা ক্ষতিপূরণ জন্য দাবী দিয়াছিল ।

হাইকোর্ট নিম্ন আদালতের হুকুম রদ করিয়া বিবেচনা করেন যে, বাদিগণ যে মকদ্দমাতে আদালত অবলম্বন করিয়াছিল, সে মকদ্দমা তাহারা সাব্যস্ত করিতে পারেন নাই । অতএব হাইকোর্টের বিচারে নিম্ন উভয় আদালতের ডিক্রী রদ হইয়াছে । এবং রেম্পণ্ডেণ্টগণ তিন আদালতের খরচার দায়িক হইয়াছে ।


## ৩শ্যামসুন্দর জিউ জেলে ।

পর বৎসর অর্থাৎ ৩শ্যামসুন্দরের মকদ্দমা রুজুর পরে সন ১২৮৮ সালের ৯ অগ্রহায়ণ ৩রাসঘাত্রার দিবস প্রাতঃকালে মঙ্গল আরতির পর মন্দির বন্ধ হইল, তৎক্ষণাৎ একটা দশ মের আন্দাজ ওজনের তালাদারা ৩রাজেন্দ্রমোহন গোস্বামীও বন্ধ করিলেন । অন্য অন্য অংশী-দারগণ কি করেন জেলাকোর্টের হুকুমে তাল খোলাইবার দরখাস্ত করিলেন । সেই হুকুম বারাসাতে বেলা ৫।। টা আন্দাজের সময় উপস্থিত হয়, সে সময় হাকিম এজলাস্ বরখাস্ত করিয়া চেম্বারে ছিলেন । তিনি উপযুক্ত সময় না থাকায় বেলা ৬ টার সময় রাজেন্দ্র মোহনকে চাবি খুলিয়া সেবা করিতে দিবার জন্য অনুরোধ করেন । তাহাতে রাজেন্দ্র স্বীকার না করায় পুলিশের সাহায্যে সন্ধ্যার সময় তাল ভাঙ্গিবার হুকুম দেন । ৩শ্যামসুন্দরেরও জেল মুক্ত হইল এবং সেবা পূজার ব্যবস্থা হইল । ইহাই ভক্তবৃন্দের অচলা ভক্তির পরিচয় ।

শাণ্ডিল্যগোত্রে ক্ষিতীশ

কনোজাগত

- ভট্টনারায়ণ চতুর্বেদী—১  
 আদি বরাহ ২  
 বৈনতেয় ৩  
 সুবুদ্ধি ৪  
 বিবুধেশ ৫  
 গুহ ৬  
 গঙ্গাধর ৭  
 সুহাস ৮  
 শকুনি (গয়ঘড়) ৯  
 মহেশ্বর বন্দ্যো (কুলীন) ১০  
 মহাদেব ১১  
 তিকু ১২  
 নেঙ্গুড়ি ১৩



(চিদানন্দ বা) নিত্যানন্দ কৃষ্ণানন্দ সর্কামন্দ ব্রহ্মানন্দ পূর্ণানন্দ প্রেমানন্দ যিশুকানন্দ



## শ্রীনিত্যানন্দ বংশাবলী ।


( ১ম পর্যায় )

বন্দেহনস্তাদুতৈশ্বৰ্য্যঃ শ্রীনিত্যানন্দমীশ্বরম্ ।  
যশ্চেচ্ছয়া তৎস্বরূপমজ্ঞেনাপি নিরূপ্যতে ॥

শ্রীনিত্যানন্দ প্রভু ।

শ্রীবীরচন্দ্র গোস্বামী ।

শ্রীরামচন্দ্র গোস্বামী ।








শ্রীনিত্যানন্দ বংশাবলী ।

সংকর্ষণস্ত যো বাহুঃ পয়োধিশায়ী নামকঃ ।  
স এব বীরচক্রোভূৎ চৈতত্তা ভিন্ন বিগ্রহঃ ॥  
( ৬ষ্ঠ পর্য্যায় )

রঘুনন্দন গোস্বামী

( ৬ পঃ )






নিত্যানন্দাধৈতমেক তত্ত্বং নিত্যালংকৃত ব্রহ্মসূত্রং ।

নিত্যৈর্ভক্তৈঃ নিত্যমা ভক্তি দেব্যা ভক্তং নিত্যো ধাম্নি নিত্যং ভজাম ॥

( ৭ম পর্যায় )

রাধাকিশোর গোস্বামী








অদ্বৈতাজি যুগংবন্দে মূর্তিমান্ যঃ কৃপাশ্রয়ম্ ।  
যৎ প্রসাদাৎ পামরোহপি হরেকৃষ্ণেতি গায়তি ॥

( ৪র্থ পর্যায় )



সাং উদ্ধারণপুর

( ৪র্থ পর্যায়ঃ )


বিষ্ণুদেব গোস্বামী ( নিঃসঃ )



সংকর্ষণঃ কারণ তৌয়শায়ী গর্ভোদশায়ীচ পয়োদ্ধিশায়ী ।

শেষশ্চ যস্তাং সকলাঃ স নিত্যানন্দাখ্যরামং শরণং মমাস্ত ॥

( ৪র্থ পর্যায় )



( সাং শান্তাবাজার )


( সাং বাগবাজার )



মায়াতীতে ব্যাপী বৈকুণ্ঠলোকে পূর্ণেশ্বৰ্যে শ্রীচতুৰ্ব্যহ মধো ।  
রূপং যন্তোদ্ভাতি সংকৰ্ষণাখ্যং তং শ্রীনিত্যানন্দরামং প্রপদ্যে ।

( ৮ম পর্যায় )

গিরিধারীলাল গোস্বামী



সাং বাগবাজার






মায়াভর্তাজাণ্ড সজ্ঞাশ্রয়াজ্ঞ শেতে সাক্ষাৎ কারণান্তোধি মধো  
যশৈকাংশঃ শ্রীপুমানাদি দেবস্তং শ্রীনিত্যানন্দরামং প্রপদ্যে ॥

( ৮ম পর্যায় )

রাসবিহারী গোস্বামী



সাং

সাং

সাং

সাং

সাক্ষরলতা যশৈকাংশঃ

চাঁদ

বাগবাজার ও খড়দহ



( ৮ম পর্যায় )

যশাংশাংশঃ শ্রীলগর্ভোশায়ী যশাভ্যজ্ঞঃ লোকসংঘাতমালং ।


লোকশ্রষ্টঃ স্মৃতিকামধাতুস্তং শ্রীনিত্যানন্দরামং প্রপদ্যে ॥

বৃন্দাবনচন্দ্র গোস্বামী

পোষ্যলতা হইতে

বিখ্যস্তর

চন্দ্রমোহন




সাং বাগবাজার ।



ষষ্ঠাংশাংশাংশঃ পরাত্মাখিলানাং পোষ্টা বিষ্ণুভাতি ত্বন্ধাক্ষিণায়ী ।  
কৌণীভর্ত্তা যৎকলা সৌহৃদ্যানন্তুস্তং শ্রীনিত্যানন্দরামং প্রপদ্যে ॥

( ৮ম পর্যায় )

রাধাশ্রাম গোস্বামী








বন্দে শ্রীকৃষ্ণচৈতন্যনিত্যানন্দৌ সহোদিতৌ ।  
গৌড়োদয়ে পুষ্পবন্তৌ চিত্রৌ শন্দৌ তমোহুদৌ ।

( ৭ম পর্যায় )

মদনমোহন গো স্বামী



সাং খড়নহ ।




অবতীর্ণো স্বকারণ্যো পরিচ্ছিন্নো সদীধরো ।

শ্রীকৃষ্ণচৈত্যানিত্যানন্দো দ্বৌ ভ্রাতরৌ ভজে ॥

( ৮ম পর্যায়ঃ )

ভুবনমোহন গোস্বামী



সাং খড়দহ ।




নিত্যানন্দপ্রিয়াং পেমভক্তিরত্নপ্রদায়িনীং ।

শ্রীজাহ্নবেশ্বরীং বন্দে তাপজয়নিবারিণীম্ ॥

( ৮ম পর্ষায় )

গৌরমোহন গোস্বামী



সাং খড়দহ ।






অয়েভ্রাতনৃগাং কলিকলুষ্টিগাং কিং নু ভবিতা  
 তথা প্রায়শ্চিত্তং রচয় যদনায়াসত ইমে ।  
 ব্রজস্তি ত্বামিথং সহ ভগবতা মন্ত্রযতি যো  
 ভজে নিত্যানন্দং ভজনতরুকন্দং নিরবধি ।

( ৮ম পর্ষায় )

মথুরামোহন গোস্বামী




সাং খড়দহ ।



সক্কৌ কৃষ্ণেণ বিভূঃ পশ্চাৎ দেবক্যাং বসুদেবতঃ ।  
কলৌ পুরন্দরাৎ শচ্যাং গৌররূপে বিভূঃ স্মৃতঃ ॥

( ৬ষ্ঠ পর্যায় )

নন্দরাম গোস্বামী



সাং বেণেচৌলা, সাং বালাখানা, সাং তুলিপাড়া ।




বন্দে শৈবরাঙ্কুতং পূর্ণ-চৈতন্যং যৎপ্রসাদতঃ ।

যবনাঃ স্তমনার্ষস্তে কৃষ্ণনামপ্রজন্মকাঃ ॥

( ১২শ পর্যায় )

স্বরূপমোহন গোষ্ঠামী



সাং পাথ রিয়াঘাটা ।





শ্রীচৈতন্যমুখোদগীর্ণা হরেকৃষ্ণোতি বর্ণকঃ ।

মজ্জয়ন্তো জগৎ প্রেমি বিজয়স্তাং তদাহ্বয়া ॥

( ৬ষ্ঠ পর্যায়ঃ )

অভিরাম গোস্বামী


ষড়নন্দন গোস্বামী

গোকুলচাঁদ গোস্বামী

পোদ্দলতা হইতে \*  
মোহনচাঁদ গোস্বামী

উৎসবানন্দ গোস্বামী

নবীনচাঁদ গোস্বামী



(ইহার পোষ্য এক, ঔরস পাঁচ ।)

সাং খড়দহ ।




অপ্রকৈকগতির্নিত্যানন্দচক্রময়ী প্রভুঃ ।  
ষদিচ্ছয়া পামরোহপি উত্তমশ্লোকমীয়তে

( ৯ম পর্যায় )

( প্রথম ঔরসপুত্র )

বীরচন্দ্র গোস্বামী




সাং খড়দহ ।



সহস্রনাম্নাং পুণ্যানাং ত্রিরাবৃত্ত্যা তু যৎ ফলং ।  
একাবৃত্ত্যা তু কৃষ্ণশ্চ নামৈকং তৎ প্রযচ্ছতি ॥

( ৯ম পর্যায় )

( দ্বিতীয় ঔরসপুত্র )  
রামচন্দ্র গোস্বামী



সাং খড়দহ ।






ভৃগাদপি সুনীচেন তরোরপি সহিষ্ণুনা ।  
অমানিনা মানদেন কীর্তনীয়ঃ সদা হরিঃ ॥

( ৯ম পর্যায় )

চতুর্থ ঔরস পুত্র  
নিতাইচাঁদ গোস্বামী.



সাং খড়দহ ।


তৃতীয় ঔরস পুত্র  
কানাইচাঁদ গোস্বামী  
( নিঃ সঃ )



উদ্বংশধাকরনিভং পরিস্কৃতকেশং কোপীনপকটপটা ধৃতমধ্যভাগং ।  
নৃত্যস্তমুদ্যতকরাভিনয়েন নিত্যানন্দং ভজে সততসধয়গানমন্তং ॥

( ৯ম পর্যায় )

পঞ্চম ঔরস পুত্র  
চৈতন্যচাঁদ গোস্বামী



সাং খড়দহ ।



পদ্ম্যাং ভূমেদিশো দৃগ্ভ্যাং দোভ্যাঞ্চামঙ্গলং দিবঃ ।  
বহুধোৎসার্ঘ্যতে রাজনু কৃষ্ণভক্তস্য নৃত্যতঃ ॥

( ৫ম পর্যায় )

রাঘবেন্দ্র গোস্বামী

গোপালবল্লভ


পোষ্যলতা

হরিরাম গোস্বামী

পোষ্যলতা

লালবিহারি গোস্বামী

পোষ্য মোং দর্জীপাড়া রামকিশোর গোস্বামীর পুত্র  
\* কৃষ্ণচন্দ্র গোস্বামী








( ১০ম পর্যায় )

প্রাতঃসোমকরারুণৈর্বন্দীকৃতমুবিগ্রহং ।  
 প্রেমভক্ত্যাথ্যভূস্থাপ্য সুধারিতজগল্লয়ং ॥

নবমৈতত্ত্ব গৌস্বামী




সাং খড়দহ ।



১০ম পর্যায় ।

সএব কৃষ্ণো ভগবান্ দ্বিতীয়দেহমাপ্ন রাৎ ।  
মহাসংকর্ষণাম সর্বশক্তিসমৃদ্ধিমান্ ॥

রামকিশোর গোস্বামী



(শ্রীমতী বামাসুন্দরী দেবীর  
গৃহীত পোষ্য \*  
দারিকানাথের পুত্র)  
নিতাইচাঁদ

( সাং কাটমার বাগান, বালাখানা । )

## ৩রামকিশোর ।


রাম কিশোর গোস্বামী মহাশয়ের কিঞ্চিৎ পরিচয় না দিলে তাঁহার বংশাবলী অসম্পূর্ণ থাকিয়া যায় । সুতরাং পাঠকবৃন্দ বুঝিতে পারিবেন না । সেই জন্য কিঞ্চিৎ মাত্র আভাস প্রদত্ত হইল । রামকিশোরের পিতা পিতামহাদির নাম ধাম ও কুলমর্যাদা এপর্যন্ত বিশেষ চেষ্টা করিয়াও জ্ঞাত হইতে পারিলাম না । একদা আমি ও শ্রীযুক্ত অখিলেন্দ্র মোহন গোস্বামী আমরা উভয়ে পূজ্যপাদ শ্রীযুক্ত রাজকিশোর গোস্বামীর নিকট জিজ্ঞাসা করিলাম । উক্ত প্রভুপাদ প্রমুখাৎ জ্ঞাত হইলাম যে । ৩লালবিহারী গোস্বামী রামকিশোরের কনিষ্ঠ পুত্র কৃষ্ণচন্দ্রকে পোষ্যরূপে গ্রহণ করিয়াছিলেন । ঐ কৃষ্ণচন্দ্রের প্রথম পক্ষে হলধর ও নবচৈতন্য এই দুইপুত্র জন্মে । কিছুদিন পরে উক্ত রামকিশোরের প্রথম পুত্র নিঃসন্তান অবস্থায় অকালে কাল কবলিত হওয়ায়, রামকিশোর নির্বংশ হইলেন । এই দুর্ঘটনার পর রামকিশোর কৃষ্ণচন্দ্রের কনিষ্ঠ পুত্র নবচৈতন্যকে প্রার্থনা করিলে, কৃষ্ণচন্দ্র পোষ্য দিতে স্বীকার করিলেন । কিন্তু মাতা গোস্বামিনী কিছুতেই স্বীকার করিলেন না । কৃষ্ণচন্দ্র পিতার বংশরক্ষা হেতু দ্বিতীয়বার দার পরিগ্রহ করিলেন । তাহাতে তিন পুত্র জন্মে । প্রথম গোলকচন্দ্র দ্বিতীয় অদ্বৈতচাঁদ তৃতীয় পিতাম্বর । উক্ত গোলকচন্দ্রকে পিতার বংশরক্ষা হেতু পোষ্য দিলেন । অপর দুইপুত্র সিমুলিয়া মোকামে স্থাপন করিলেন । দ্বিতীয় পক্ষে বিবাহ করিয়া স্ত্রীকে খড়দহে রাখিতে পারেন নাই । ঐ সিমুলিয়া মোকামেই রাখিয়াছিলেন । সুতরাং ঐ মোকামেই স্থাপন করিয়াছিলেন । এই সমস্ত ঘটনা অবগত হইয়াছি । কিন্তু ৩রাজকিশোর গোস্বামী প্রভু রামকিশোরের পিতা পিতামহাদির নাম বাসস্থান বা কুলমর্যাদা কিছুই অবগত ছিলেন না, সুতরাং জ্ঞাত হইবার উপায় নাই । রামকিশোরের বংশানুক্রমে ৩শ্যামসুন্দরের সেবার অংশ পর্য্যন্ত নাই । যদি কেহ ইহার প্রকৃত তথ্য অবগত হইয়া থাকেন, আমাকে জ্ঞাত করিলে দ্বিতীয় সংস্করণে প্রকাশ করিবার ইচ্ছা রাখিল । পুনশ্চ শ্রীযুক্ত যাদব কিশোর গোস্বামীর নিকট কএক দিবস যাতায়াত করি । যদি কোন লিখিত কাগজ পত্র তাহার নিকট প্রাপ্ত হই, তাহা হইলে প্রকাশ করিতে পারিব । কিন্তু দুঃখের বিষয় আশ্বস্ত হইয়াও আশা ফলবতী হয় নাই ।

ইতি গ্রন্থকারস্ত ।

নিত্যানন্দমহং বন্দে প্রেমানন্দস্বরূপকম্ ।  
চৈতন্যগ্রন্থরূপেণ পবিত্রীকৃতভূতলম্ ॥

( ১০ম পর্যায় )

দ্বিতীয় পক্ষের  
দ্বিতীয়  
অদ্বৈতচাঁদ গোস্বামী



( + উক্ত পোষ্য মাণিকচাঁদ শ্রীমহেন্দ্রনাথের ঔরস পুত্র । )

সাং সিমুলিয়া ।



শ্রীচৈতন্যপ্রভুং বন্দে প্রেমামৃতরসপ্রদম্ ।

শ্রীবীরচন্দ্ররূপেণ প্রকটীভূত ভূতগম্ ॥


( ১০ম পর্যায় )

দ্বিতীয় পক্ষের

তৃতীয়

পিতাম্বর গোস্বামী

নরোত্তম গোস্বামী



সাং সিমুলিয়া ।





নিত্যানন্দ বংশবল্লী ।

গৃহীয়াৎ যবনীপাণীং বিশেষা শৌণ্ডিকালয়ম ।  
তথাপি ব্রহ্মণো বন্দ্যঃ নিত্যানন্দপদাম্বুজম্ ॥


( ৫ম পর্যায়ঃ )

যাদবেন্দ্র গোস্বামী

নন্দকিশোরঃ

প্রথমপক্ষ

দ্বিতীয়পক্ষ




সাং আহীরিটোলা ।



অনন্তশাস্ত্রং বহুবেদিতব্যং, স্বল্পশচ কালো বহুবশচ বিদ্যাঃ ।  
 যৎসারভূতং তদুপাসিতব্যং, হংসো যথা ক্ষীরমিবাস্তমিশ্রম্ ॥

( ৫ম পর্যায় )

রাজেন্দ্র গোস্বামী



+ এই প্রভু প্রথম বুতুনি বাস করেন ।


সাং বুতুনি, জেলা ঢাকা, মহকুমা মাণিকগঞ্জ ।



পুরাণং ভারতং বেদাঃ শাস্ত্রাণি বিবিধানি চ ।  
পুত্রদারাদিসংসারে যোগাত্যাসশ্চ বিল্লকুৎ ॥

( ৫ম পর্যায় )

বলরাম গোস্বামী



সাং ঢাকা নবাবপুর ।






স এব কৃষ্ণো ভগবান্ দ্বিতীয়দেহমাপ্নুয়াৎ ।  
মহাসংকর্ষণনাম সর্বশক্তিসমৃদ্ধিমান্ ॥

( ৬ষ্ঠ পর্যায় )

ঘনশ্যাম গোস্বামী



সাং কাটাপুকুর ।

সাং টালা ।

শ্রীশ্রীনিত্যানন্দ প্রভুর

বংশবল্লী

সমাপ্তা ।



## মালীপাড় গোস্বামী সমাজ ।

ইহাও জাহ্নবার কীর্তি । চট্টবংশের কুলীন অরবিন্দ চট্টো ।  
তাহার জ্যেষ্ঠ পুত্র মনোহর, তৎপুত্র কন্দর্প, তস্য কনিষ্ঠ পুত্র ষষ্ঠীবর  
শতানন্দ খ্যাত । এই ষষ্ঠীবর তাহার পিতার নিকট “বুড়োমা” দক্ষিণা  
কালীর যন্ত্র প্রাপ্ত হইলেন । যাহা অদ্যাবধি ৩মদন গোপাল জিউর  
মন্দিরে প্রতিষ্ঠিত রহিয়াছেন । তস্য মধ্যম পুত্র খঞ্জ ভগবান্ আচার্য্য ।  
তস্য পুত্র রঘুনাথ আচার্য্য ।

তথাহি ।

পণ্ডিতো জগদীশশচ যজ্ঞপত্নী মম প্রিয়া ।  
আচার্য্যো ভগবান্ খঞ্জ মমভক্তো মমাংশ ভাক্ ॥  
( অনন্ত সংহিতায় )

পুরুষোত্তমে প্রভূপাশে ভগবান্ আচার্য্য !  
পরম বৈষ্ণব তিঁহ সুপণ্ডিত আর্ঘ্য ॥  
সখ্যভাবাক্রান্ত চিত্ত গোপ অবতার ।  
স্বরূপ গোঁসাই সহ সখ্য ব্যবহার ॥  
একান্তভাবে আশ্রিয়াছে চৈতন্য চরণ ।  
মধ্যে মধ্যে প্রভুর তিঁহ করেন নিমন্ত্রণ ॥  
তার পিতা বিষয়ী বড় শতানন্দ খান ।  
বিষয় বিমুখ আর্ঘ্য বৈরাগ্য প্রধান ॥  
গোপাল ভট্টাচার্য্য নাম তার ছোট ভাই  
কাশীতে বেদান্ত পড়ি গেল তার ঠাই ॥

অপিচ

বঙ্গদেশে এক বিপ্র প্রভুর চরিতে ।  
নাটক করি লঞা আইল শুনাইতে ॥  
ভগবান্ আচার্য্যসনে তার পরিচয় ।  
তারে মিলি তার ঘরে করিল আলয় ॥

উক্ত ভগবান্ আচার্য্য বিকলাঙ্গ ছিলেন, সুতরাং কুলশাস্ত্রানুসারে  
তাহার কুলমর্যাদা ছিলনা । গোস্বামী মালীপাড়ায় ৩মধুসূদন ঘটকের  
কন্যার পাণিগ্রহণ করিয়া মালীপাড়ায় বসবাস আরম্ভ করিলেন ।

উক্ত শতানন্দের পুত্র খঞ্জ ভগবান্ ও গোপাল কাশীধামে বেদান্ত অধ্যয়ন করিয়া নীলাচলে শ্রীগোরাঙ্গের শরণ লয়েন । খঞ্জভগবানের পুত্র রঘুনথ আচার্য্য মোং খেতরীর মহোৎসবে শ্রীজাহ্নবা মাতা গোস্বামিনীর কৃপায় মহাস্তু পরিগণিত হইয়া, মহাস্তু পর্য্যায়ের আসন প্রাপ্ত হইয়াছিলেন । এই কারণ বশতঃ ইহারা গুরুস্থানীয় হইয়া বহুনীচজাতি পর্য্যন্ত শিষ্য করিতে আরম্ভ করিলেন । শ্রীগোরাঙ্গ মহাপ্রভুর শিষ্য অতি বিরল, শ্রীনিত্যানন্দ বা অদ্বৈতের নীচ জাতি শিষ্য ছিল না । ইহারা উভয়ে কখন নীচ জাতীয় শিষ্য করেন নাই । তাহারা জাতিভেদ তুচ্ছ করিয়া শ্রীগোরাঙ্গের উপদেশ অনুসারে অকাতরে হরিনাম ও হরিভক্তি প্রদান করিতেন ; কিন্তু মন্ত্র দিতেন না । এক্ষণে আমাদের ঐরূপ আচার বা শিক্ষা নাই । উদরজালা ও প্রলোভনের বশবর্তী হইয়া ঐসকল আচার পরিত্যাগ পূর্বক সকল কার্য্যেই তৎপর হইতে হইয়াছে । শ্রীনিত্যানন্দ বংশে চাকুরী বা কৃষি বাণিজ্য ফলপ্রদ হয় না । কাজে কাজেই এই সকল হীন বৃত্তি অবলম্বন করিতে বাধ্য হইয়াছি । নচেৎ ক্ষুণ্ণবৃত্তির উপায়ান্তর নাই । এই বিষয় সম্বন্ধে আলোচনা প্রয়োজনীয় না হইলেও একটা পুরাতন ইতিহাস স্মরণ হইল, পাঠকবৃন্দ আমাদের পূর্ব পূর্ব আচার ব্যবহারের কিছু নমুনা পাইবেন ।

পূর্বকালে শ্রীঅদ্বৈত প্রভুর অধস্তন পঞ্চম পর্য্যায়ের শ্রীল সন্তোঃ গোস্বামী মহাশয় জন্মগ্রহণ করেন । তাহার একমাত্র পুত্র শ্রীল কেবল কৃষ্ণ গোস্বামী প্রভু । একদিবস উষাকালে কেবল কৃষ্ণ প্রাতঃকৃত্যাদি সমাপন করিতেছিলেন । এমন সময় ধনমদে গর্বিত এক তন্তুবায় দীক্ষা গ্রহণ হেতু কেবলকৃষ্ণকে অনুরোধ করিতে সেই স্থানেই উপস্থিত হইল । মধ্য মধ্যে এরূপ অনুরোধ করিতেন, কেবলকৃষ্ণ প্রভু মূর্ত্তিকা-শোচ করিতেছেন, সেই জন্ত বিরক্ত হইয়া ঐ তন্তুবায়কে বলিলেন, “হরেকৃষ্ণ” তুই আবার এমন সময় কোথা হইতে আসিয়া আমাকে বিরক্ত করিতে আরম্ভ করিলি ? আমি শূদ্রকে শিষ্যত্বে গ্রহণ করি না, ও করিব না, কেন আমাকে সকল সময় বিরক্ত কর ? এইরূপ বলিয়া তাহাকে প্রত্যাখান করিলে, তন্তুবায় সহাস্য বদনে সাক্ষাৎ











